

რა შეიძლება იყოს დროზე მარტივი

კლიფორდ დ. საიმაკი



„გამომცემლობა ალიანსი“

თბილისი

2009

Copyright TIME IS THE SIMPLEST THING © 1961 by Clifford D. Simak
All rights reserved


„გამომცემლობა ალიანსი“
ბარნოვის 73/9, თბილისი, საქართველო

ინგლისურიდან თარგმნა მარია აბრამიშვილმა
რედაქტორი მანანა სანადირაძე
დააკაბადონა ირინა მაისურაძემ

ISSN 1987-6963

ISBN 978-9941-9054-2-1

წიგნი აწყობილია და დაბეჭდილია საქართველოში



დადგა დრო, როდესაც ადამიანმა, ბოლოს და ბოლოს აღიარა, რომ კოსმოსზე ხელი აღარ მიუწვდებოდა. პირველად ამის შესახებ მაშინ იეჭვა, როცა ვან ალენმა დედამიწას გარსშემოკრული რადიაციის სარტყელები აღმოაჩინა და როცა მინესოტაში აეროსტატებით ცდილობდნენ მზის პროტონების დაჭერას. მაგრამ კაცობრიობა უკვე იმდენ ხანს ოცნებობდა კოსმოსზე, რომ გადანყვიტა, ამ ყველაფრისთვის თვალი გაესწორებინა და ბედი კიდევ ერთხელ ეცადა.


ასტრონავტების დალუპვის მიუხედავად, ადამიანი მაინც არ ნებდებოდა და წინსვლას აგრძელებდა, მაგრამ კოსმოსისთვის ის სუსტი არსება იყო და ადვილად იღუპებოდა. თუ მზის რადიაციის ნაკადს გადაურჩებოდა, მისივე ხომალდის მეტალის მეორად გამოსხივებას ვერსად გაექცეოდა.

როგორც იქნა, ადამიანი მიხვდა, რომ ოცნებამ ფუჭად ჩაიარა და ვარსკვლავების თვალიერება უკვე სიმწარესა და იმედგაცრუებას გვრიდა. ახლა ისინი ისე შორს იყვნენ, როგორც არასდროს.

მრავალი წლის ბრძოლისა და მილიონობით გულისტკივილის შემდეგ, ადამიანმა, როგორც იქნა, ფარხმალი დაყარა.

სხვა არც არაფერი დარჩენოდა.

არსებობდა უკეთესი გზა.



შეპარდ ბლეინი გრძნობდა, რომ ერთგვარ სახლში იმყოფებოდა, უფრო სწორად, რალაცის საცხოვრებელ ადგილას. აქ წარმოუდგენელი სიზუსტე, პროპორცია და ფორმა შეიგრძნობოდა, რაც ასე უცხოა ბუნებისთვის, თუნდაც დედამიწისგან შორს, უცნობი ვარსკვლავის ირგვლივ მბრუნავი პლანეტისთვის.

ქვიშის დიუნებისგან განსხვავებით, სადაც ბლეინი აქამდე მოძრაობდა, აქ, ამ უცნაურ საცხოვრებელში, თუკი შეიძლებოდა ამ ადგილისთვის ასე გვეწოდებინა, მისი ნაბიჯები კვალს არ ტოვებდა. აქაური ქარი მხოლოდ ზმნიშვნელო შრიალი იყო უდაბნოს ქარიშხლის ღრიალთან შედარებით, ქარიშხლისა, რომელიც მას გამოეწვო.

მაგარი და გლუვი ნივთიერებისგან გაკეთებულ კაშკაშა ლურჯი ფერის იატაკზე გადაადგილება ძალიან ადვილი იყო. ირგვლივ მიმოფანტული სხვადასხვა ფორმისა თუ ფერის ნივთები ავეჯს ან გარკვეული ესთეტიკური დანიშნულების მონყობილობებს წარმოადგენდა. მათი ზედაპირი ქარის, მზისა თუ ავდრისგან გამოჭრილ უხემ და შემთხვევით ფორმებს კი არ ჰგავდა, არამედ ფუნქციონალური აპარატის მიერ საგულდაგულოდ, სათუთად და ზედმინევენით ზუსტად გამოკვეთილი კონტურების შთაბეჭდილებას ტოვებდა.

ცაზე ვარსკვლავები ანათებდნენ და შორეული მზეც მკრთალ შუქს ჰფენდა არემარეს. იმ ადგილს, რომელსაც ის გადაანყდა, არ ჰქონდა კედლები.

ბლენი ნელა მიინევდა წინ, აპარატის ყველა სენსორი მაქსიმალურად მობილიზებული იყო, არც სახლის შეგრძნება ტოვებდა, რაც ცოტა ხანში სიცოცხლის შეგრძნებაში გადაიზარდა.

ბლენი აღიქვამდა, როგორ მატულობდა მასში სიცოცხლის პოვნით გამოწვეული მღელვარება. ნებისმიერი სახის სიცოცხლის, განსაკუთრებით კი გონიერი სიცოცხლის აღმოჩენა უკიდურესად იშვიათი და დაუვინყარი მოვლენა გახლდათ. აქ კი, კაშკაშა ლურჯი იატაკის გლუვი ზედაპირიდან, ირგვლივ მიმოფანტული არტეფაქტებიდან, აშკარად იგრძნობოდა ინტელექტის არსებობა.

ნაბიჯი შეანელა, თითქმის უხმაუროდ გადაადგილდებოდა გლუვ იატაკზე, აპარატის ყველა სენსორი იძაბებოდა, ხოლო ფირი, რომელიც საგნებს, ბგერებს, გამოსახულებებს, სუნსა და ფორმას შთანთქავდა, ტემპერატურას, დროს, მაგნიტურ ზემოქმედებასა და ამ პლანეტაზე არსებულ ყველა სხვა ფენომენს აღრიცხავდა.

ცოცხალი არსება, რომელიც ბლენმა შენიშნა, მისგან შორს, იატაკზე განრთხმულიყო ზანტი კაცივით, რომელიც არაფერს აკეთებს, არაფერს ელოდება და, უბრალოდ, გაუნძრევლად წევს.

ბლენი ნელ-ნელა მოძრაობდა ამ არსებისკენ, მისი სენსორები გრძნობდნენ იატაკზე გაშლილ ცოცხალ სხეულს, აანალიზებდნენ მას და მიღებულ ინფორმაციას სათუთად ინახავდნენ.

არსება ვარდისფერი იყო, მაგრამ ისეთი საზიზლარი კი არა, როგორც ჩვეულებრივ არის ხოლმე ვარდისფერი, არა გახუნებული და ფერგადასული ვარდისფერი, არამედ ხალისიანი და ლამაზი, როგორც პატარა გოგოს კაბა, დაბადების დღეზე რომ აცვია ხოლმე.

არსება მას უყურებდა, თუმცა ვერ იტყოდით, რომ თვალებით, მაგრამ მაინც უყურებდა. ის გრძნობდა ბლეინის არსებობას და არ ეშინოდა მისი.

ბლეინი ხუთი ფუტით მიუახლოვდა, გაჩერდა და გაინაბა.

საკმაოდ მასიური არსება, დაახლოებით თორმეტი ფუტი სიმაღლისა, ოც ფუტზე ოდნავ მეტ დიამეტრზე გაშლილიყო. ბლეინი მასთან შედარებით პატარა და უსუსურ მანქანას ჰგავდა, ის კი კოშკივით მოჩანდა. მის საქციელში არც მუქარა იგრძნობოდა, არც კეთილგანწყობა, არ იგრძნობოდა არანაირი ემოცია, ის მხოლოდ და მხოლოდ ვეებერთელა ცოცხალ მასას წარმოადგენდა.

ბლეინი მიხვდა, რომ ყველაზე რთული, შეიძლება ითქვას, გადამწყვეტი მომენტი დადგა, როცა უნდა გადაეჭრა — უკან დაეხია თუ გზა გაეგრძელებინა. ახლა გადადგმული ნაბიჯი განსაზღვრავდა ბლეინის მომავალ დამოკიდებულებას ამ არსების მიმართ.

გაუხიბრებლად იდგა ერთ ადგილას და არაფერს მოიმოქმედებდა, სენსორები მოდუნებოდა და ფირიც თითქმის არ მოძრაობდა...

ძალიან ძნელი იყო ლოდინი, რადგანაც დრო იწურებოდა.

უცხად იმ მექანიზმის მგრძობიარე შინაგანმა ელემენტებმა, რომელიც ამჟამად მას სხეულის მაგივრობას უწევდა, რალაც მთრთოლვარე ბგერები დააფიქსირა. ამ ხმას იატაკზე ვარდისფრად გაშლილი მასა გამოსცემდა და რალაც ნახევრად ჩამოყალიბებულ აზრსა და საუბრის დაწყებას მოასწავებდა. ყინული ლლობას იწყებდა.

ბლეინი დაძაბული ცდილობდა მოზღვავებული ემოციების მოთოკვას, სულელი იქნებოდა, ასე ადრე რომ მისცემოდა აღტაცებას. თუმცა ეს მთრთოლვარე ხმა ტელეპათიური ძალის გარკვეულ ელემენტებს, რალაც იდუმალ აზრს შეიცავდა, მაგრამ დანამდვილებით მაინც ვერ ადასტურებდა მის არსებობას.

განაგრძე გზა, — შეუძახა ბლეინმა საკუთარ თავს, — განაგრძე!

მოეჭიდე დროს!

ოცდაათი წამილაა დარჩენილი!

მთრთოლვარე ხმა ისევ გაისმა, ახლა უფრო ძლიერად და გარკვევით, თითქოს მის წინ გაშლილმა უცხო მუხამუროდ ჩაახველა, სანამ საუბარს გააბამდა.

ტელეპათიურ არსებებთან კავშირის დამყარება იშვიათი მოვლენა იყო. ადამიანის სხვა შესაძლებლობები, თვისებები და მახასიათებლები ტელეპათიას უინტერესო და მდორე მოვლენად აქცევდნენ, მაგრამ ეს შესაძლებლობები ეფექტურობით ძველ და მარტივ ტელეპათიურ ხელოვნებას ვერც კი შეედრებოდნენ.


მოულოდნელად არსებამ ხმა ამოიღო.

გამარჯობა, მეგობარო, — წარმოთქვა მან, — მე შენ ჩემს გონებას გაგიცვლი.

ბლეინის ტვინს მოულოდნელობისგან უხმო, პანიკური კივილი აღმოხდა, რადგანაც უცხად, ყოველგვარი გაფრთხილების გარეშე, ის ორმაგ არსებად იქცა, თავს ერთდროულად საკუთარ თავად და ვარდისფერ არსებად გრძნობდა. რაღაც ქაოტურ მომენტში ბლეინი მთლიანად იმ არსების თვალთ იხედებოდა, გრძნობდა იგივეს, რასაც ის გრძნობდა, იცოდა ის, რაც მან იცოდა და ამავდროულად ის შეპარდ ბლეინი იყო, ფიშპუკის მზვერავი, საკუთარი სახლიდან ძალიან შორს მყოფი დედამიწის მკვიდრი.

და სწორედ ამ მომენტში გაისმა წკაპუნის ხმა და მისი დრო ამოიწურა.

შემდეგ იყო მძაფრი შეგრძნება, თითქოს მთელმა სამყარომ ჩაიქროლა წარმოუდგენელი სისწრაფით და შეპარდ ბლეინი, წინააღმდეგობის მიუხედავად, ხუთი ათასი სინათლის წლის გავლით ჩრდილოეთ მექსიკის ერთ-ერთ ნაწილში გადაისროლა.



ბლენი ცოცვით მიიკვლევდა გზას ბნელ უფსკრულში, რომელშიც ასე მოულოდნელად აღმოჩნდა და ბრმა, ინსტინქტური თავგანწირვით ცდილობდა ამ სიბნელისგან თავის დაღწევას. იცოდა, სადაც იმყოფებოდა, დარწმუნებული იყო, რომ იცოდა, მაგრამ ვერ გაერკვია, საიდან. ბლენი ამ ბნელ ორმოში ადრეც ჩავარდნილა, თანაც ბევრჯერ. თითქოს ცნობდა კიდეც ამ ადგილს, მაგრამ ახლა მას რაღაც უცხო თვისება შეეძინა, რაც აქამდე არ ჰქონია.

ბლენმა იცოდა, რომ ამ უცხო შეგრძნების მიზეზი საკუთარ თავში უნდა ეძებნა. ხვდებოდა, რომ სულ სხვა არსება იყო — ერთი ნახევარი მას ჰგავდა, მეორე კი გამოუცნობ ქმნილებას დაეკავებინა, რომელიც დაუძლეველი შიშისგან კედლებს აწყდებოდა და აუტანელი მარტოობისგან გმინავდა.

ბლენი უფსკრულის კედლებს ეჭიდებოდა და ზემოთ ამოსვლას ცდილობდა. მისი გონება გააფთრებული ებრძოდა მასში დაბუდებულ უცხოობის მძაფრ შეგრძნებას, თუმცა იცოდა, რომ ბრძოლას შედეგი არ მოჰყვებოდა, რადგან ამ არსებას მასში სამუდამოდ დაესადგურებინა და ბლენის განუყოფელ ნაწილად ქცეულიყო.

ცოტა ხნით შეისვენა და საკუთარ თავში გარკვევას

შეეცადა, მაგრამ მისი არსება იმდენ ნაწილად დაყოფილიყო, იმდენ ადგილას მიმოფანტულიყო, რომ სულ აერია გონება. ადამიანიც გახლდათ (რასაც არ უნდა ნიშნავდეს ეს), მქროლავი მექანიზმიც, პრიალა ლურჯ იატაკზე გაშლილი უცხო სივარდისფრეც და შეშლილი არსებაც, რომელმაც მოგუგუნე დროის უსასრულო ნაკადი გამოიარა, რაც, საბოლოო ჯამში, მათემატიკურად მხოლოდ ნამის გარკვეულ ნაწილამდე დაიყვანებოდა.

ის უფსკრულიდან ამოცოცდა და უცბად სიბნელე მკრთალმა შუქმა შეცვალა. ბლენი ზურგზე იწვა და დღის შუქით ტკებოდა. როგორც იქნა, სახლში დაბრუნდა — ძველსა და ნაცნობ მადლიერების გრძნობას მოეცვა, რომ მან კიდევ ერთხელ შეძლო ამის გაკეთება.

ბოლოს და ბოლოს გაიხსენა, ვინც იყო — შეპარდ ბლენი, ფიშპუკის მაძიებელი, რომელიც შორეულ კოსმოსში მოგზაურობდა უცნობი ვარსკვლავების დასაზვერად. დედამიწიდან მრავალი სინათლის წლის მიღმა არსებული პლანეტები მოენახულებინა, ზოგჯერ გარკვეული ღირებულების საგნებს აღმოაჩინდა, ზოგჯერ მისი მგზავრობა უშედეგოდაც მთავრდებოდა, მაგრამ ამჯერად იპოვა რაღაც, რომლის ნაწილიც თან ჩამოჰყვა დედამიწაზე.

ბლენმა ის რაღაცა საკუთარი გონების კუნჭულში აღმოაჩინა და შიშისგან დაძაბული ქმნილების დამშვიდებას შეეცადა, მიუხედავად იმისა, რომ თვითონაც ეშინოდა. მშვენივრად იცოდა, რა ძნელი იყო ამ არსებისთვის საკუთარი თავის უცხო გონების მოულოდნელ ტყვეობაში აღმოჩენა, თუმცა, მეორე მხრივ, ბლენისთვისაც ძნელი იყო საკუთარ ტვინში ჩასახლებული ტყვის ატანა.

რთული მდგომარეობაა, ვერაფერს იტყვი, — უთხრა მან საკუთარ თავსა და იმ მეორე არსებას, რომელიც მის ნაწილად ქცეულიყო.

ბლენი გაუნძრევლად იწვა და ცდილობდა, მწყობრში მოეყვანა თავი. ოცდაათი საათის წინ დატოვა დედამიწა,

თუმცა მისი სხეული ადგილიდან არ დაძრულა, გამოუცნობი მზის გარშემო მბრუნავ უცხო პლანეტაზე მხოლოდ მისმა გონებამ და მასთან ერთად პატარა მქროლავმა მანქანამ იმოგზაურეს.

ეს პლანეტა სხვებისგან არაფრით განსხვავდებოდა. მოზუზუნე უდაბნო — სწორედ ასეთი სურათი წარმოგიდგებოდა თვალწინ, როცა რომელიმეზე ფეხს შეადგამდი. თუმცა ამჯერად ეს მოზუზუნე ქვიშის უდაბნო, სრულიად შესაძლებელია, უსიერი ტყე, ყინულოვანი საფარი ან პირველყოფილი კლდეებით დაფარული ცარიელი და უნაყოფო ადგილი აღმოჩენილიყო.

დაახლოებით ოცდაათი საათის განმავლობაში უდაბნოს ქვიშებში დაეხეტებოდა, შემდეგ უეცრად უზარმაზარ ლურჯ ოთახს გადააწყდა, სადაც ვარდისფერი არსება ბინადრობდა და როცა შინ დაბრუნდა, ეს ვარდისფერი ქმნილება, უფრო სწორად მისი აჩრდილი, თან ჩამოჰყვა.

არსება გამოძვრა სამალავიდან და ბლენმა კიდევ ერთხელ შეიგრძნო მისი შეხება, მთელი გონებით გაისიგრძევანა მისი არსებობის სინამდვილე, ჩაიხედა მის გონებაში. უცხო არსების სისხლი გაყინული ნაკადით მოაწვა ბლენის სისხლძარღვებს, უცხოს ობმოდებულ სურნელსა და მის ლორწოვან შეხებას გაექვავებინა, უნდოდა, გამოუთქმელი შიშისგან ეყვირა, მაგრამ არ უყვირია, გაუნძრევლად იწვა, ხოლო ვარდისფერი არსება ისევ თავისი სამალავისკენ გაეშურა და მრგვლად მოიკალათა.

ბლენმა თვალები გაახილა და დაინახა, რომ იმ ადგილის ხუფი, სადაც იმყოფებოდა, უკან გადახრილიყო და საჩრდილობლიანი ნათურის სიკაშკაშემ თვალი მოსჭრა.

საკუთარი სხეული მოსინჯა, ყველაფერი ადგილზე ჰქონდა, ასეც უნდა ყოფილიყო, რადგან ოცდაათი საათის განმავლობაში მშვიდად იწვა და არც განძრეულა.

ბლენმა სხეული აამოძრავა და წამოჯდა. ნათურის შუქზე უამრავი სახე ცურავდა.

“ძნელი იყო?” — იკითხა ერთ-ერთმა.

“როგორც ყოველთვის”, — უპასუხა ბლენმა.

ბლენი კუბოს ფორმის აპარატიდან გადმოვიდა და უცბად სიცივისგან ააკანკალა.

“აი, თქვენი ქურთუკი, სერ”, — მიუგო თეთრ ხალათზე აღმართულმა სახემ და ქურთუკის ჩაცმაში მიეხმარა.

შემდეგ ჭიქა გაუნოდა, ბლენმა მოსვა და მიხვდა, რომ რძე იყო. უნდა სცოდნოდა, რომ რძე იქნებოდა. დაბრუნებულებს ყოველთვის ასმევდნენ ხოლმე. შიგნით ალბათ რაღაცას ურევდნენ. არასდროს დაინტერესებულა, რომ ეკითხა. მისთვის და ალბათ ბევრი სხვა მისნაირი მზვერავისთვის ეს ერთ-ერთი გახლდათ იმ უამრავ წვრილმანთაგან, რომლებიც ფიშპუკთან ასოცირდებოდა. საუკუნის მანძილზე ფიშპუკში ბევრი ხავსმოდებული ტრადიცია დამკვიდრდა, ყველა მათგანი — თავისებურად მოძველებული და კონსერვატიული.

სანამ ბლენი რძეს სვამდა, მისმა გონებამ ნელ-ნელა აღიდგინა ეს ოთახი — საოპერაციო, ვარსკვლავური მანქანების მოელვარე რიგით. ზოგი დახურული იყო, ზოგიც — ღია. დახურულ მანქანებში მისნაირები იწვნენ. მათ გონებას სხეული დაეტოვებინა და შორეულ კოსმოსში მოგზაურობდა.

“რომელი საათია?” — იკითხა ბლენმა.

“სალამოს ცხრა”, — უპასუხა კაცმა, რომელსაც სარეგისტრაციო ჟურნალი ეჭირა ხელში.

უცხოობის გრძნობა კვლავ მიიკვლევდა გზას ბლენის გონებისკენ და კიდევ ერთხელ ჩაესმა სიტყვები: “გამარჯობა, მეგობარო, მე შენ ჩემს გონებას გაგიცვლი”.

ადამიანური გონების თვალთახედვიდან ეს ყოვლად უაზრო და უცნაურ მომენტს წარმოადგენდა. გარკვეულ წილად მისალმებას ჰგავდა, ერთგვარ ხელის ჩამორთმევას, გონების, აზროვნების გაცვლას. თუ დაუკვირდებოდი, მასში უფრო მეტ აზრს აღმოაჩენდი, ვიდრე უბრალო ხელის ჩამორთმევაში.

გოგომ მხარზე დაადო ხელი. "დალიეთ რძე", — მიმართა მან ბლენს.

თუ ეს გონების გაცვლა იყო, მაშინ ის არ დამთავრებულა, რადგანაც გონება ჯერ კიდევ დაძაბული ჰქონდა. ბლენი ისევ გრძნობდა უცხო ჭუჭყის არსებობას სადღაც, ცნობიერების მიღმა.

"აპარატმა ხომ კარგად იმუშავა?" — იკითხა ბლენმა.

კაცმა, რომელსაც სარეგისტრაციო უურნალი ეჭირა, თავი დაუკრა: — "ყველაფერმა კარგად ჩაირა, ჩანაწერები უკვე გავუშვით ქვემოთ".

ნახევარი საათი, — ისე მშვიდად გაიფიქრა ბლენმა, რომ საკუთარმა სიმშვიდემ გააოცა. მხოლოდ ნახევარი საათი ჰქონდა, რადგან ინფორმაციის დამუშავებას სწორედ ეს დრო სჭირდებოდა. ბლენმა იცოდა, რომ კოსმოსიდან ჩამოტანილ ჩანაწერებს მზვერავის დაბრუნებისთანავე განიხილავდნენ.

ყველაფერი ჩანერილი იქნებოდა, ყველა ინფორმაცია, რომელიც, საბოლოო ჯამში, სრულ სურათს წარმოადგენდა და არავის შეეპარებოდა ეჭვი იქ მომხდარში, ამიტომ მანამ უნდა მოშორებოდა აქაურობას, სანამ ისინი ჩანაწერებს წაიკითხავდნენ.

ბლენმა ოთახში მიმოიხედა და კიდევ ერთხელ აივსო კმაყოფილების, მღელვარებისა და სიამაყის გრძნობით, როგორც მაშინ, წლების წინ, როცა პირველად შემოიყვანეს ამ ოთახში. აქ თვით ფიშპუკის გული ძგერდა, აქ შეგეძლო შორეული ადგილებისკენ ხელი გაგეწვდინა, მის მორევში ჩაძირულიყავი.

ბლენმა იცოდა, რომ ძნელი იქნებოდა აქედან წასვლა, ამ ყველაფრისთვის ზურგის შექცევა, აქ ხომ საკუთარი არსების ნაწილს ტოვებდა.

მაგრამ მტკიცედ გადაეწყვიტა — უნდა წასულიყო.

რძე დალია, ჭიქა გოგოს მიანოდა და კარისკენ შებრუნდა.

"მოიცადეთ, სერ, — დაუძახა კაცმა, რომელსაც საქალაქდღე ეჭირა, — ხელის მონერა დაგავინყდათ, სერ".

ბლენმა უკმაყოფილოდ გამოიღო ფანქარი საქალაქიდან და ხელი მოაწერა. სისულელე იყო ეს ყველაფერი, მაგრამ ამ პროცედურების გავლა სავალდებულო გახლდათ. შესვლისას და გასვლისას ხელი უნდა მოგეწერა და ენისთვის კბილი დაგეჭირა. ყველა ისე იქცეოდა, თითქოს მთელი ფიშპუკი დაიქცეოდა, თუკი რომელიმე პროცედურას გამოტოვებდი.

მან დაფა დაუბრუნა კაცს.

“უკაცრავად, მისტერ ბლენ, დაგავინწყდათ, დაგეწერათ, როდის დაბრუნდებით შედეგებისთვის”.

“ხვალ დილის ცხრა საათისთვის”... — მოკლედ მოუჭრა ბლენმა.

რაც უნდოდათ, ის ჩაენერათ, ბლენი აღარ დაბრუნდებოდა. ოცდაათი წუთიღა დარჩენოდა — ახლა უკვე ოცდაათ წუთზე ნაკლები — არც ერთი წამი არ უნდა დაეკარგა.

სამი წლის წინანდელი ღამის მოგონება ყოველ წამს სულ უფრო მკაფიო ფორმებს იღებდა. ბლენს არა მარტო სიტყვები, არამედ ლაპარაკის ტონიც ახსოვდა. იმ ღამეს გოდფრი სთოუნმა დაურეკა შიშნარევი და აღელვებული ხმით, მძიმედ სუნთქავდა, თითქოს მორბოდა.

“ღამე მშვიდობისა ყველას”, — დაემშვიდობა იქ მყოფთ.

ბლენი დერეფანში გავიდა და კარი გაიხურა. ოთახი დაცარიელდა. ჩამწკრივებული კარები დახურული იყო, მაგრამ ზოგიერთის ჭუჭრუტანებში შუქი ატანდა. დერეფანში არავინ იყო, სრული სიჩუმე სუფევდა, მაგრამ ამ სიჩუმისა და სიცარიელის მიუხედავად, ისეთი შეგრძნება ჰქონდა, თითქოს მთელი ფიშპუკი მას ყარაულობდა, თითქოს ფიშპუკის მთელ კომპლექსს, ლაბორატორიებსა და ექსპერიმენტულ სადგურებს, ქარხნებსა და უნივერსიტეტებს, საპროექტო საბჭოს, უზარმაზარ ბიბლიოთეკებსა და საცავებს არც არასდროს მოეხუჭათ თვალი.

ბლენი წუთით შეჩერდა და ჩაფიქრდა. საქმე მარტივად

უნდა გადაეწყვიტა. მას შეეძლო აქედან გაეღწია, სადგომიდან გამოეყვანა მანქანა, რომელიც ხუთიოდე კვარტალში იდგა, ჩრდილოეთით წასულიყო, საზღვრისკენ, და ვერც ვერაფერი შეაჩერებდა. მაგრამ ეს ზედმეტად მარტივ, პირდაპირ და აშკარა ქმედებად მოეჩვენა. ფიშპუკიც ალბათ სწორედ ასეთ საქციელს ელოდა მისგან.

და კიდევ ერთი ფიქრი ღრღნიდა და მოსვენებას არ აძლევდა: საერთოდ რა აზრი ჰქონდა გაქცევას?

გოდფრი სთოუნის შემდეგ სამი წლის განმავლობაში ხუთი ადამიანი გაიქცა — განა ეს საკმარისი სამხილი არ იყო?

ბლენი დერეფანს ჩაუყვავა, მისი გონება ცდილობდა ეჭვებში გარკვევას, მიუხედავად იმისა, რომ იცოდა, მართალი იყო და ეჭვიც არ ეპარებოდა საკუთარ სიმართლეში, მაგრამ მისი სიმართლე ინტელექტუალურ ხასიათს ატარებდა, ხოლო ეჭვი — გულიდან მოდიოდა.

ყველაფერი, საბოლოო ჯამში, ერთ ფაქტორამდე დავიდა — ბლენს მოსწონდა აქაურობა, მოსწონდა თავისი საქმე და არ უნდოდა ფიშპუკიდან გაქცევა.

მაგრამ მან დიდი ხნის წინ, საკუთარ თავთან ბრძოლის ფასად მიიღო გადაწყვეტილება, წასულიყო, როცა დრო დადგებოდა. დარჩენის მძაფრი სურვილის მიუხედავად, ყველაფერი უნდა მიეტოვებინა და გაქცეულიყო.

გოდფრი სთოუნმა ეს კარგად იცოდა, მაგრამ მაშინ, როცა ის თავქუდმოგლეჯილი გარბოდა, დრო იხელთა და ერთი წინდაუხედავი ნაბიჯი გადადგა, ბლენს დაურეკა, არა დახმარებისთვის, არამედ გასაფრთხილებლად.

"შეპ, — თქვა გოდფრიმ ქოშინით, თითქოს მორბოდა, — შეპ, მომისმინე და არ შემანყვეტინო. თუ როდისმე სხვა პლანეტაზე უცხო, გონიერ არსებას შეხვდები და ამის შემდეგ რალაც შეიცვლება შენში, გაიქეცი, ერთი წუთითაც არ დააყოვნო, გაიქეცი."

შემდეგ ყურმილის ჩამოვარდნის ხმა გაისმა.

ბლენს ახსოვდა, როგორ იდგა გაუნძრევლად ყურმილით ხელში.

“ჰო, გოდფრი, — უპასუხა მან ტელეფონის მეორე მხარეს გამეფებულ სიჩუმეს, — ჰო, გოდფრი, მემახსოვრება. გმადლობ, ნარმატებას გისურვებ.”

ამის შემდეგ გოდფრი სთოუნისგან არაფერი სმენია.

თუკი როდისმე უცხოდ იქცევი, — გოდფრი სთოუნმა უთხრა, და ახლა უკვე ბლენინი უცხო იყო, გრძნობდა, როგორ დაისადგურა მალულად უცხო არსებამ მის გონებაში და მის მეორე მხედ იქცა. აი, თურმე როგორ იქცევა ადამიანი უცხოდ. სხვებზე რა შეიძლება ითქვას? ყველა ხომ ვერ გადაეყრებოდა ამ უცნაურ ვარდისფერს ხუთი ათასი სინათლის წლის მიღმა. კიდევ რამდენი გზა შეიძლება არსებობდეს ადამიანის უცხოდ გადასაქცევად?

როგორც კი ჩანანერებს ნაიკითხავდნენ, ფიშპუკში ყველაფერს გაიგებდნენ, ამას წინ ვერაფერი აღუდგებოდა. შემდეგ გამოიძახებდნენ და მოყურიადეს მიუჩინდნენ — ზდამიანს, რომლის მოვალეობაც სხვისი აზრების ჩიჩქნა იყო, რადგან დისკი კი დააფიქსირებდა უცხო ელემენტს, მაგრამ დანამდვილებით ვერ აჩვენებდა, თუ რაში გამოიხატებოდა მისი უცხოობა. მოყურიადე მეგობრულად და თანაგრძნობით დაელაპარაკებოდა და ეცდებოდა, დაედგინდა და, რა თქმა უნდა, ადრე თუ გვიან დაადგენდა კიდევ, თუ ვინ იყო მისი გონების შორეულ კუნჭულში ჩასახლებული არსება.

ბლენინი ლიფტთან მივიდა და თითო ღილაკზე დააჭირა თუ არა, ერთ-ერთი კაბინეტის კარი გაიღო.

“ოჰ, შეპ, შენ ხარ? — თქვა კარში მდგომმა კაცმა, — გავიგონე, როგორ ჩაიარა ვილაცამ ჰოლში, მაინტერესებდა, ვინ იყო.”

ბლენინი შემობრუნდა მისკენ: “ეს ნუთია, დავბრუნდი.”

“ცოტა ხნით ხომ არ შემოივლი? — შეიპატიჟა კერბი რენდიმ, — თითო წიქა ჩავურტყათ.”

ფიქრის დრო არ იყო, ან უნდა შესულიყო და დაეღია რამდენიმე წიქა, ან მკვახე უარი ეთქვა. უარს თუ ეტყოდა, რენდი ეჭვს შეიტანდა. ეჭვის შეტანა რენდის უშუალო საქმეს

წარმოადგენდა, ის ფიშპუკის ერთ-ერთი სექციის უშიშროების უფროსი გახლდათ.

“გმადლობ, — უთხრა ბლეინმა მშვიდად, როგორც შეეძლო, — ცოტა ხნით შეიძლება, გოგო მელოდება, არ მინდა დიდხანს ვაცდევინო.”

ეს საბაბი, ბლეინის აზრით, თავიდან ააცილებდა ნებისმიერ გულითად მიპატიყებას სადილზე ან რომელიმე შოუზე.

ბლეინმა ლიფტის ხმა გაიგონა, მაგრამ მოსცილდა მას, რაღა დარჩენოდა. არ გაუშართლა, რა გაეწყობოდა.

კარში რომ შედიოდნენ, რენდიმ მეგობრულად დაჰკრა მხარზე ხელი.

“როგორ იმგზავრე?” — ჰკითხა მან.

“მშვენივრად.”

“რა მანძილზე?”

“დაახლოებით ხუთი ათასზე.”

რენდიმ თავი გააქნია. “უაზრო კითხვა დავსვი, — გამოტყდა, — ახლა ყველა რეისი შორეულია. ჩვენ ხომ აღარ გვაქვს ახლო რეისები, ახლომახლო უკვე ყველაფერს თვალი შევავლეთ. ერთ ას წელიწადში ალბათ ათი ათასამდე ავალთ.”

“რა მნიშვნელობა აქვს, — უთხრა ბლეინმა, — მანძილი აღარ წარმოადგენს გადამწყვეტ ფაქტორს, გაემგზავრები თუ არა, ეგრევე ადგილზე ხარ. უფრო შორ მანძილებზე თუ გავფრინდებით, მაგალითად, გალაქტიკის შუამდე, შეიძლება გარკვეულ დაბრკოლებას გადავანყდეთ, თუმცა მაინც შეეჭვება, რომ ეს ასე მოხდეს.”

“მეცნიერები ამბობენ, რომ დაყოვნების არსებობა თეორიულადაც კი შეუძლებელია,” — თქვა რენდიმ.

ის ოფისის მეორე ბოლოში მდგარ მასიურ მაგიდასთან მივიდა, ბოთლი გადმოიღო და გახსნა.

“იცი რა, შეპ, ფანტასტიკურ საქმეს ვაკეთებთ. მართალია, რთული და ზოგჯერ მომაბეზრებელიცაა, მაგრამ მაინც ფანტასტიკურია.”

“ეს იმიტომ, რომ გვიან მოვეკიდეთ ამას ხელი, — მიუგო ბლენმა, — იმიტომ, რომ ეს უნარი დიდი ხნის წინ მივივიწყეთ. ეს ძალა ყოველთვის ჩვენთან იყო და ჩვენ კი არასდროს გამოგვიყენებია, რადგანაც არაპრაქტიკული, ფანტასტიკური საქმე იყო და ბოლომდე ჩვენც არ გვეჯეროდა ამისი. ჩვენს წინაპრებს გარკვეული წარმოდგენა კი ჰქონდათ ამ უნარის შესახებ, მაგრამ ბოლომდე მაინც ვერ ჩასწვდნენ მის არსს, ჯადოქრობა ეგონათ.”

“ბევრი დღემდე ასე ფიქრობს,” — თქვა რენდიმ.

რენდიმ ორი ჭიქა მოამზადა, მაცივრიდან ყინული გადმოიღო და სასმელი ჩამოასხა.

“აბა ერთი დავურტყათ,” — თქვა მან და ბლენს ჭიქა მიანოდა.

რენდი მაგიდასთან ახლოს მდგარ სავარძელში ჩაჯდა.

“დაჯექი, — მიიპატიჟა ბლენი, — სად გეჩქარება, ფეხზე მდგომმა სასმელს რა გემო უნდა ჩაატანო.”

ბლენი ჩამოჯდა.

ფეხები მაგიდაზე შემოაწყო და მოხერხებულად მოკალათდა.

ოც წუთზე ნაკლები დრო რჩებოდა.

ბლენი ჭიქით ხელში იჯდა და, სანამ რენდი ხმას ამოიღებდა და წამიერ სიჩუმეს დაარღვევდა, ეგონა, იმ უზარმაზარი ობიექტის მაჯისცემა ესმოდა, რომელსაც ფიშპუკი ერქვა, რომ ის ვეებერთელა ღამის მცველად აღმართულიყო დედამიწის ერთ-ერთ ნაწილზე, რომელსაც სახელად ჩრდილოეთ მექსიკა ერქვა და მას გულიც ჰქონდა, ფილტვებიც და უამრავი მფეთქავი არტერიაც და სწორედ ამ არტერიების ფეთქვა ესმოდა.

რენდიმ უეცრად მეგობრული და კეთილგანწყობილი ნიღაბი აიფარა.

“მაგრად გაგიმართლათ, — გამოუტყდა, — ზოგჯერ მშურს თქვენი.”

“ეს მხოლოდ სამუშაოა,” — მიუგო ბლენმა დაუდევრად.

"დღეს ხუთი ათასი სინათლის წელი გადალახე. რა იგრძენი?"

"ალბათ, გარკვეულ წილად, კმაყოფილება, — აღიარა ბლეინმა, — ინტელექტუალური აღტაცება, როცა იცი, სად ხარ. ეს რეისი დანარჩენებისგან განსხვავდებოდა. მე მგონი სიცოცხლე აღმოვაჩინე."

"მომიყევი," — სთხოვა რენდიმ.

"მოსაყოლი არაფერია. იმ რაღაცას სწორედ მაშინ გადავანყდი, როცა დრო იწურებოდა, არაფრის გაკეთება არ დამცალდა, ისე უცბად გადმომისროლა მანქანამ უკან. რაღაცა უნდა მოვუხერხოთ ამას, კერბი, ეს ძალიან გვზღუდავს."

რენდიმ თავი გადააქნია, — "სამწუხაროდ, ამას ვერაფერს მოვუხერხებთ."

"ხანდახან თავისუფლად მოქმედების უფრო მეტი უფლება უნდა მოგვცეთ, — დაჟინებით განაგრძობდა ბლეინი, — დროის ლიმიტი არ უნდა იყოს ასე თვითნებურად და მკაცრად განსაზღვრული, თორემ სრული ოცდაათი საათი გვიხდება რომელიღაც პლანეტაზე ყოფნა და უაზროდ ხეტიალი, როცა ამის არანაირი მიზეზი არ არსებობს და როცა რაღაცას ვიპოვით ხოლმე, სწორედ მაშინ გვაბრუნებენ დედამიწაზე."

რენდიმ ჩაიცინა.

"არ მითხრა, რომ ამის გაკეთება არ შეგიძლია, — თქვა ბლეინმა, — ფიშპუკს ხომ მეცნიერების მთელი არმია ჰყავს."

"შესაძლებელია, მაგრამ ჩვენ გვინდა ვაკონტროლოთ."

"გეშინიათ, რომ ვიღაცა დარჩება?"

"ალბათ."

"რისთვის? — განაგრძობდა ბლეინი, — იქ შენ ადამიანი კი არა, მხოლოდ მანქანაში გამომწყვდეული ადამიანის გონება ხარ, მეტი არაფერი."

"არაფრის შეცვლა არ გვინდა, — უპასუხა მან, — გარდა ამისა, თქვენზე ვზრუნავთ, უსაფრთხოების ზომები უნდა მივიღოთ. ავარია რომ მოხდეს დედამიწიდან ხუთი ათასი

წლის მიღმა და მანქანაზე კონტროლი დაკარგოთ, მაშინ ხომ დაიღუპებით. ასე სიტუაცია ავტომატურ კონტროლს ექვემდებარება. როცა იქ გიშვებთ, ვიცით, რომ აუცილებლად დაბრუნდებით."

"ზედმეტად გვიფრთხილდებით," — უთხრა ბლენმა მკვახედ.

"არაფერიც, წარმოგიდგინია, რა თანხა გვაქვს თქვენში ჩადებული? იცი, რამდენ ადამიანში ვირჩევთ მათ, ვინც ერთდროულად ტელეპათიცაა და ტელეპორტიერიც, ვინც ძლიერია ფსიქოლოგიურად, ვისაც დანახულისთვის თვალის გასწორება შეუძლია, და ბოლოს, ვინც ფიშპუკის ერთგულია."

"თქვენ ერთგულებას ყიდულობთ, ჩვენ შორის ვერავინ დაინუნუნებს, რომ ცოტას უხდინან."

"სულ სხვა რამეზე გელაპარაკები და შენ მშვენივრად იცი, რაზეც."

შენ როგორი ადამიანი ხარ? — გაიფიქრა ბლენმა, — უშიშროებაში სამსახურისთვის რა თვისებებით უნდა იყო აღჭურვილი? ტელეპათიური თვალთვალი ალბათ ერთ-ერთი მათგანია — სხვის გონებაში ჩახედვის უნარი — მაგრამ მთელი ამ ხნის განმავლობაში, რაც ბლენი რენდის იცნობდა, ამ ტალანტის კვალიც კი არ შეუმჩნევია. თუკი ეს ასე იყო, რატომ იყენებდა ის ამ მიზნისთვის იმ ადამიანებს თავისი განყოფილებიდან, რომელთა ერთადერთი მიზანიც ადამიანთა გონებაში ჩახედვა იყო?

"მე მაინც ვერ ვხვდები, რატომ არ გვაძლევთ დროის კონტროლის საშუალებას, — განაგრძობდა ბლენი, — ჩვენ შევძლებდით ..."

"ვერ ვხვდები, რატომ ნერვიულობ, — უპასუხა რენდიმ, — ნუ გეშინია, დაბრუნდები შენს ძვირფას პლანეტაზე და ნამოიღებ, რაც დაგრჩა."


"რა თქმა უნდა, დავბრუნდები. ის რალაც მე აღმოვაჩინე, არა? ამიტომ გარკვეულ წილად ჩემია."

ბლეინმა სასმელი დალია და ჭიქა მაგიდაზე დადო.

"კაი, ნავედი, — თქვა მან, — გმადლობ სასმელისთვის."

"არაფრის, — უპასუხა რენდიმ, — აღარ შეგაყოვნებ.
მოხვალ ხვალ?"

"ცხრა საათზე," — უპასუხა ბლეინმა.



4

ბლეინმა მასიური, მოჩუქურთმებული შესასვლელი გაიარა, რომელიც მოედანზე გადიოდა. სხვა დრო რომ ყოფილიყო, სიამოვნებით შეჩერდებოდა ცოტა ხნით და საამური სალამოთი დატკებოდა. ქუჩის ლამპიონები მკრთალ შუქს გამოსცემდნენ, სალამოს ნიავი ფოთლებს აშრიალებდა. ქუჩაში მოსეირნეები უფორმო აჩრდილებს დამსგავსებოდნენ, ხოლო მანქანები უხმაუროდ მიცურავდნენ გზებზე. ქალაქი შემოდგომის ღამის მაგიურ ნისლში გახვეულიყო.

ბლეინი დღეს არ გაჩერებულა, ამის დრო არ ჰქონდა.

მის განკარგულებაში რვა წუთი დარჩა, სულ რაღაც საცოდავი რვა წუთი.

ხუთი კვარტალი უნდა გაეელო, რომ მანქანა გამოეყვანა სადგომიდან და ამასობაში დროც ამოიწურებოდა, იქამდე მისვლას მოასწრებდა. ვერ გარისკავდა. მანქანა უნდა დაეტოვებინა.

და კიდევ ერთი რამ რჩებოდა — კერბი რენდი. რაღა მაინცდამაინც ამ ღამეს მოუნდა ოთახიდან გამოსვლა და სასმელზე დაპატიჟება?

ერთი შეხედვით, ყველაფერი რიგზე იყო, მაგრამ რენდისთან საუბრის გახსენებაზე მოუსვენრობა იპყრობდა.

თითქოს ეს კაცი რალაცას ეჭვობდა, თითქოს იცოდა, რომ თავისი მიპატიუებით ბლეინს ძვირფას დროს ჰპარავდა.

ყველაფერი ნარსულს ჩაბარდა, — არნმუნებდა საკუთარ თავს ბლეინი. მართალია, საქმე გართულდა, მაგრამ ჯერჯერობით იმედგაცრუების საბაბი არ ჰქონდა, იქნებ უკეთესიც აღმოჩნდეს — მანქანაში რომ ჩამჯდარიყო, ფიშპუკში ეცოდინებოდათ მისი ადგილსამყოფელი, ხოლო ფეხით სულ რალაც ათ წუთში მიიმალემა ქალაქში.

ბლეინი ქუჩას ავტოსადგომის საპირისპირო მიმართულებით დაუყვა.

კიდევ ათი წუთი რომ მქონდეს, — იმეორებდა ლოცვასავით. ბლეინმა სულ მცირე ათი ადგილი მაინც იცოდა, სადაც ამ ათ წუთში შეძლებდა მიმალვას, ცოტა რომ ამოესუნთქა და შემდეგი სვლა გაეთვალა. ახლა კი, მანქანის გარეშე, არ იცოდა, რა ექნა, რა გზას დადგომოდა.

დარწმუნებული იყო, რომ იმ ათ წუთს სათავისოდ გამოიყენებდა, რა თქმა უნდა, თუკი გაუმართლებდა და ქუჩაში ვინმე ნაცნობი არ შეხვდებოდა.

ქუჩას მიუყვებოდა, მისი გონება ზვირთივით მომსკდარ შიშს დაეკავებინა. ეს ყოვლისმომცველი და დაუძლეველი განცდა ბლეინს არ ეკუთვნოდა — ეს არ იყო ადამიანური შიში, ის უცხო გონებაში შობილ, საშინელ, უძირო, ბნელ და მოუთოკავ შიშს ჰგავდა, რომელიც კლანჭებს თანდათან უჭერდა. უცხო გონება ამოუცნობი პლანეტის კოშმარებს ველარ იტივდა, ველარ იტანდა ტყვეობას, ვერაფრით შეგუებოდა ამ ახალ, შემადრწუნებელ, მისთვის აბსოლუტურად გაუგებარ მდგომარეობას.

ბლეინი მთელი არსებით ებრძოდა მოზღვავებულ კოშმარს, საკუთარი ცნობიერების დარჩენილი იმ მცირედი ნაწილით გრძნობდა, რომელიც ჯერ კიდევ აზროვნებდა, რომ მას კი არა, მის გონებაში ჩაბუდებულ არსებას ეშინოდა.

და მიხვდა, რომ ისინი ერთმანეთისგან განუყრელები იყვნენ, ერთმანეთს სამუდამოდ დაკავშირებოდნენ და ერთსა და იმავე ბედს იზიარებდნენ.

გაქცევა უნდოდა, მაგრამ დარჩენილი ნებისყოფა მოიკრიფა და საკუთარი თავი აიძულა, ადგილიდან არ დაძრულიყო. გაქცევა არ შეიძლებოდა, ამით ყურადღებას მიიპრობდა.

ბლენმა ტროტუარიდან გადაუხვია და უცბად უზარმაზარი ხის ტანს მიეხეთქა, ხელები შემოხვია და იმ იმედით ჩაეხუტა, რომ მინიერი საგნის შეხება ძალას შემატებდა.

ბლენი ხეს ძლიერად ეკვროდა, რადგან სხვა ვერაფერი მოეფიქრებინა. უცბად შიშის გრძნობამ, თითქოს მის გონებას ალყა მოხსნაო, ნელ-ნელა უკან დახევა დაიწყო — მალე ცნობიერების წინა ხაზიდან დაიძრა და სადღაც სიღრმეში გადაინაცვლა. შეშინებულმა უცხო არსებამაც სამალავებს მიაშურა.

ყველაფერი რიგზეა, — დაამშვიდა უცხო, — იყავი, სადაც ხარ. არ შეგეშინდეს, მე მომანდე ეს საქმე, მე მივხედავ.

უცხო გაქცევასა და ტყვეობისგან გათავისუფლებას ეცადა, მაგრამ — უშედეგოდ. დამარცხებული, იძულებული გახდა, იმ ერთადერთ უსაფრთხო სამყოფელს დაბრუნებოდა, რომელიც ამ ტყვეობაში აღმოაჩინა.

ამის ატანა აღარ შეიძლება, — გაიფიქრა ბლენმა, — მეორე ასეთ შემოტევას ველარ გავუძლებ, ვერ გავუმკლავდები, ამ კოშმარისგან თავის დაღწევის დაუძლეველი სურვილი შემიპყრობს და შიშისგან ელდანაცემი სისულელეს ჩავიდენ, აი მაშინ კი უნდა დავემშვიდობო ყველაფერს.

ხეს ხელი გაუშვა, გაუნძრევლად იდგა, ცდილობდა, თავი შეეკავებინა და მყარად მდგარიყო, სისუსტისა და დაღლილობის მიუხედავად. უეცრად იგრძნო, როგორ დაასხა ცივმა ოფლმა, მძიმედ სუნთქავდა, როგორც მარათონელი, რომელმაც, ეს ესაა, ფინიშს მიაღწია.

როგორ შეძლებდა გაქცევას და მიმალვას ზურგზე აკიდებული ამხელა ტვირთით? საკუთარი თავიც ყოფნიდა

სათრევად, ახლა კიდევ ეს შეშინებული და დამფრთხალი არსებაც დაემატა.

უცხოვს ვერაფრით მოიშორებდა, ვერც კი წარმოედგინა, თუ როგორ მოახერხებდა ამას, ისე მაგრად შეზრდოდა ეს არსება ბლეინს. ამიტომ, სხვა გზა არ იყო, გადარჩენაზე მასთან ერთად უნდა ეზრუნა.

ბლეინი მოშორდა ხეს და გზას აუყვა, ამჯერად უფრო ნელა და ნაკლებად თავდაჯერებულად, თრთოლვის შეკავებასა და ძალაგამოცლილი სახსრების ამოძრავებას ცდილობდა. მოულოდნელად საშინელი შიმშილი იგრძნო და მხოლოდ მაშინ გაახსენდა, რომ ერთი ჭიქა რძის გარდა კუჭში არაფერი ჩასვლოდა ამ ოცდაათი საათის განმავლობაში. თუმცა საჭმელს ახლა დასვენება და ღრმა, უშფოთველი ძილი ერჩივნა.

მანქანები ჩუმი ზუზუნით მიქროდნენ, მათი რეაქტიული ბირთვული ძრავები სუსტ, ოდნავ გასაგონ ხმას გამოსცემდნენ.

უცებ ერთ-ერთმა მანქანამ გზიდან გადაუხვია და მის წინ შეჩერდა, ფანჯრიდან ვილაცამ თავი გამოყო.

"შეპ, — შესძახა უცნობმა, — რა დამთხვევაა, იმედი მქონდა, რომ გნახავდი."

ბლეინმა კიდევ ერთხელ იგრძნო, როგორ წამოიშალა მასში უცხო არსების ნაცნობი პანიკური შიში, მაგრამ მთელ თავის ნებისყოფას მოუხმო და შიში ისევ ბნელ კუნჭულში მიამწყვია.

ხმაში სიმშვიდისა და სიმტკიცის შენარჩუნებას შეეცადა.

"ფრედი, — მიუგო მან, — რამდენი ხანია, არ მინახიხარ."

ეს ფრედი ბეიტსი იყო. არავინ იცოდა, რას საქმიანობდა, მაგრამ ხმები დადიოდა, რომ ის რაღაცის თუ ვილაცის წარმომადგენელი იყო ქალაქში, სადაც ყოველი მეორე ან ლობისტი იყო, ან წარმომადგენელი, ან წვრილი დიპლომატი და ან საიდუმლო აგენტი.

ფრედიმ კარი გააღო.

"ჩაჯექი, — თქვა მან, — წვეულებაზე მივდივართ."

წვეულებაზე წასვლა კარგი აზრი იყო, ასე ნელი ვერავინ

წარმოიდგენდა, რომ ბლენინი წვეულებაზე იქნებოდა. ეს ყველაზე უკეთესი ვარიანტი იყო, რაც კი თავში მოსვლია. და კიდევ ერთი რამ: წვეულებიდან ადვილად გაქრებოდა. იქ იმდენი ხალხი მოიყრიდა თავს, რომ ვერავინ შეამჩნევდა, როდის მივიდოდა და როდის წამოვიდოდა ვინმე. ბლენინი იმაშიც დარწმუნებული იყო, რომ ვიღაცას უსათუოდ ჩარჩებოდა მანქანის სტარტერში გასაღები, თანაც წვეულებაზე საჭმელი ეგულებოდა, მას ხომ საშინლად შიოდა.

“წამოდი, — დაპატიჟა ფრედიმ, — შარლინის წვეულებაა.”

ბლენინი მანქანაში ჩაჯდა და სავარძელს მიეყრდნო. კარი სისინით დაიხურა, ფრედი გზაზე გადავიდა და მანქანების მქროლავ რიგს შეერია.

“შარლინს ვეუბნები, — თქვა ფრედიმ და თან მოხერხებულად მოიკალათა, — წვეულებას რა აზრი აქვს, თუ იქ ვინმე ფიშპუკიდან არ იქნება, ჰოდა, მომინდა, ქუჩაში გამოვსულიყავი და რომელიმე ცნობილი პერსონა გამომეჭირა.”

“შეცდი, — უთხრა ბლენიმა, — მე სულაც არა ვარ ცნობილი პერსონა.”

“თქვენ, მოგზაურებს, ბევრი ამაღელვებელი ამბის მოყოლა შეგიძლიათ.”

“მშვენივრად იცი, რომ იქ მომხდარ ამბებს არ ვყვებით.”

“საიდუმლოებები, საიდუმლოებები...” — გაანკლაპუნა ფრედიმ პირი.

“ასეთია წესები და შიდა ინსტრუქციები.”

“რა თქმა უნდა და სწორედ ამიტომაც ჩვენს ქვეყანაში ჭორაობა სენივით გავრცელებული. საკმარისია, შუადღეს ქალაქის ერთ ბოლოში რამე მოხდეს, რომ სადამოს იგივე ამბავს უფრო დანვრილებით და შელამაზებულად მეორე ბოლოში მდებარე დუქნებში შეიტყობ.”

“მაგრამ ხშირად იქ მონაყოლი ამბები გადაჭარბებულია.”

“შეიძლება ზოგიერთ დეტალს აზვიადებენ შესაღამაზებლად, მაგრამ არსი იგივე რჩება.”

ბლეინმა არაფერი უპასუხა. სავარძელში მოკალათებულმა ფანჯრისკენ გაიხედა. ერთი მეორის მიყოლებით ჩაიქროლეს ფიშჭუკის განათებულმა ქუჩებმა და კორპუსების დიდრონმა ტერასებმა. წლებია, რაც ბლეინი ამ ხედებს უყურებდა, მაგრამ ყოველ ახალ შეხედვაზე ალტაცებას მაინც ვერ მალავდა. მან მშვენივრად იცოდა, რომ თავად ხედებში კი არ იყო საქმე, რადგან დედამინაზე ბევრი ამაზე თვალწარმტაცი ადგილიც არსებობდა, არამედ იმ ჯადოსნურ მნიშვნელობაზე, რომელიც ქალაქს მანტიასავით შემოხვეოდა.

ეს ადგილი, ბლეინის აზრით, თუკი მისი მნიშვნელობით ვიმსჯელებთ და არა სახელწოდებით, მსოფლიოს ყველაზე დედაქალაქს წარმოადგენდა. სწორედ აქ სუფევდა მომავლის იმედი და დიდება, აქ იყო ის რგოლი, რომელიც კაცობრიობას შორეულ კოსმოსურ სივრცეში ჩაკარგულ სამყაროებთან აკავშირებდა.

მე კი მის დატოვებას ვაპირებ, — გაიფიქრა მან სინანულით.

წარმოუდგენელია, მაგრამ ამ ადგილის სიყვარულის, ერთგულებისა და რწმენის მიუხედავად, მაინც გარბოდა მისგან შეშინებული კურდღელივით.

“რაში უნდა გამოიყენოთ ყველაფერი ეს?” — იკითხა ფრედომ.

“რა?” — უპასუხა ბლეინმა.

“ცოდნა, საიდუმლოებები, იდეები, რომლებშიც თქვენ იქექებით.”

“არ ვიცი,” — უპასუხა ბლეიმ.

“ამ საკითხზე უამრავი მეცნიერი დიდი ხალისით მუშაობს. ინჟინრები დღითიდღე ახალ-ახალ თავბრუდამხვევ ალმოჩენებს აკეთებენ. რამდენად შორს წახვედით თქვენ დანარჩენებისგან — მილიონი წლით?”

“მე ვერ გამოგადგები, — უთხრა ბლეინმა, — არაფერი ვიცი, უბრალოდ, ჩემს საქმეს ვაკეთებ. თუ შეგნებულად

ცდილობ, რამე დამაცდენინო, ტყუილად ირჯები.”

“უკაცრავად, — მოიბოდიშა ფრედიმ, — უბრალოდ, ეს აკვიატებულ აზრად მექცა.”

“არა მარტო შენ, მილიონობით სხვა ადამიანსაც ფიშპუკზე ჭორაობა საყვარელ საქმიანობად ექცა.”

“მოდი, ასე შეხედე ამ ყველაფერს, — უთხრა ფრედიმ გულწფელად, — მე გარეთ ვარ, შიგნით არ ვიხედები, არც ვიცი, რა ხდება და უცბად ვხედავ ადამიანური სრულყოფილების ამ უზარმაზარ ნიმუშს, ზებუნებრივ პროექტს და შურიტ ვივსები იმათ მიმართ, რომლებიც ამაში მონაწილეობენ, ვგრძნობ, რომ არ ვეკუთვნი მათ და რომ რალაც მეორეხარისხოვანი და არასრულყოფილი არსება ვარ. გიკვირს, რომ ფიშპუკს ვერ იტანენ?”

“მართლა?”

“შეკ, — წარმოთქვა ფრედიმ მრავლისმეტყველი სახით, — მორჩი ჰაერში ფრენას, ირგვლივ მიმოიხედე.”

“არ არის აუცილებელი, ისედაც ბევრი რამ მესმის ამის შესახებ. უბრალოდ მაინტერესებს, მართლა ასე ვერ იტანენ ფიშპუკს?”

“ალბათ, — უპასუხა ფრედიმ, — შეიძლება — აქ ნაკლებად, რადგანაც ფიშპუკი აქ მოდაშია, მაგრამ პროვინციაში მართლა ვერ იტანენ.”

ქუჩები უკვე აღარ იყო ერთმანეთზე მჭიდროდ მიბმული, შუქიც ისე აღარ კაშკაშებდა. ბიზნეს დაწესებულებები შემცირდა და მოსახლეობისა და მანქანების ნაკადმა იკლო.

“ვინ იქნება შარლინთან?” — იკითხა ბლეინმა.

“ხომ იცი შარლინის წვეულებები, ვის არ შეხვდები იქ.”

“ჰო, ვიცი,” — უპასუხა ბლეინმა.

მის ტვინში ჩაბუდებული არსება ნამძინარევივით შეიშმუშნა.


ყველაფერი რიგზეა, დამშვიდდი და წაუძინე, უკვე გზაში ვართ, თითქმის სამშვიდობოს გავედით.

ფრედიმ მთავარი გზიდან გადაუხვია და ღრმა და ვინრო

ხეობაში მიმავალ გზას დაადგა. სიბნელეში ფოთლების
შრიალი ისმოდა, ირგვლივ წინვის სურნელი იდგა.

მანქანამ მკვეთრად მოუხვია და ტერასაზე განათებული
სახლიც გამოჩნდა — ხეობის ფერდობზე მერცხლის
ბუდესავით ნაშენები მოდერნისტული სამყოფელი.

"როგორც იქნა, მოვედით," — მხიარულად შესძახა
ფრედიმ.



წვეულება ხმაურიან ფაზაში გადადიოდა, თუმცა მშფოთვარემდე ბევრი აკლდა. თანდათან სიცარიელის იმ ბანალურ ელფერს იძენდა, რომლის მსხვერპლად გახდომა, საბოლოო ჯამში, ყველა წვეულებას ემუქრება. რაღაც იგრძნობოდა უამრავი მოწეული სიგარეტის მუყავე კვამლში, ღია ფანჯრებში შემოსული ვინრო ხეობის სუსხსა და მონოტონურ ლაპარაკში, რაც იმაზე მიანიშნებდა, რომ უკვე გვიანი იყო და წასვლა ნამდვილად სჯობდა, თუმცა, სინამდვილეში, ჯერ შუალამის ზარსაც არ ჩამოერეკა.

ჰერმან დალტონი სავარძელში მოკალათებულიყო, გრძელი ფეხები გაეშვირა და სიგარით ტკებებოდა. დროდადრო თავზე გადაისვამდა ხოლმე ხელს, რის გამოც ნათითურები სავარცხლის კვალივით აჩნდა თმაზე.

“ბლენ, — წამოიყვირა დალტონმა, — ამას ბოლო უნდა მოეღოს. თუ არაფერს ვიღონებთ, ერთ მშვენიერ დღეს ბიზნესი საერთოდ აღარ იარსებებს. ფიშქუკმა ისედაც უკვე კედელთან მიგვაყენა ყველანი.”

“მისტერ დალტონ, — უპასუხა ბლენმა დალლილი ხმით, — ამ საკითხის განხილვა თუ გინდათ, სხვას უნდა მიმართოთ. ფიშქუკში კი ვმუშაობ, მაგრამ ბიზნესის არაფერი გამეგება.”

“ფიშქუკი ნელ-ნელა გვშთანთქავს, — წარმოთქვა

ბრაზმორეულმა დალტონმა, — ისინი საარსებო წყაროს გვართმევენ, ძირს უთხრიან იმ ტრადიციებს, წესებსა და კანონებს, რომელთა დამკვიდრებას საზოგადოებრივი ინტერესების ერთგულმა ადამიანებმა არაერთი მტკივნეული საუკუნე შესწირეს. სათუთად აშენებულ კომერციულ სტრუქტურას ანადგურებენ, ასე სათითაოდ, ნელ-ნელა და უმოწყალოდ გვლუპავენ. მაგალითად, ეგრეთ წოდებული ხორც-მწვანილა აიღეთ. თქვენ თესავთ და, როცა დრო მოვა, ნაყოფს კარტოფილივით ამოიღებთ, მაგრამ კარტოფილისგან განსხვავებით, ეს პროტეინის ნაჭრები იქნება.”

“მერე რა, — შეეწინააღმდეგა ბლეინი, — სამაგიეროდ, მილიონობით ადამიანი ცხოვრებაში პირველად შეჭამს ხორცს, თქვენი არაჩვეულებრივი წეს-ჩვეულებების გამო, მას ხომ არასდროს ჰქონია იმდენი შემოსავალი, ამის უფლება რომ მიეცა საკუთარი თავისთვის.”

“ფერმერებზე, ხორცის ბაზრის მფლობელებზე რაღას იტყვით, ტარის მწარმოებელ კომპანიებზე რომ არაფერი ვთქვათ?” — ცხარობდა დალტონი.

“ალბათ უმჯობესი იქნებოდა, — აზრი გამოთქვა ბლეინმა, — თუ ხორც-მწვანილას თესლს მხოლოდ და მხოლოდ ფერმერებს ან სუპერმარკეტებს მიჰყიდიან, განსაკუთრებით, თუ ერთი შეკვრის ფასი დოლარი ან დოლარ-ნახევარი იქნება, ათი ცენტის ნაცვლად. ამით ბუნებრივი ხორცი კონკურენტუნარიანობას შეინარჩუნებს და მტკიცე და უსაფრთხო ეკონომიკის ჩამოყალიბებას შეუნყოფს ხელს. და, რა თქმა, უნდა, მილიონობით ადამიანი ...”

“თქვენ არ გესმით, — შეეწინააღმდეგა დალტონი, — ბიზნესი ჩვენი საარსებო წყაროა. თუ ბიზნესს გაანადგურებთ, ამით კაცობრიობას მოუღებთ ბოლოს.”

“მაგაში ეჭვი მეპარება,” — უპასუხა ბლეინმა.

“ისტორიამ ცხადყო, რომ კომერციას დიდი მნიშვნელობა აქვს კაცობრობისათვის. სწორედ მისი მეოხებით დგას

დღესდღეობით ქვეყანა, ვაჭრობის წყალობით აღმოაჩინეს ახალი მიწები, ააშენეს ქარხნები და ..."

"ჯედავ, ისტორია კარგად იცით, მისტერ დალტონ."

"დიახ, მისტერ ბლეინ, საკმაოდ კარგად ..."

"მაშინ ალბათ შეამჩნევდით, რომ დროთა განმავლობაში იდეებს, აზრებსა და შეხედულებებს ყავლი გასდით. ამას ისტორიის ნებისმიერ გვერდზე შეხვდებით — ქვეყანა ევოლუციას განიცდის, კაცობრიობა იცვლება, მასთან ერთად იცვლება შეხედულებები. ხომ არ გიფიქრიათ, რომ ბიზნესმა, როგორც ეს თქვენ გესმით, აქტუალობა დაკარგა? რომ მან უკვე შეასრულა თავისი როლი ქვეყნის განვითარებაში, ამონურა თავისი შესაძლებლობები. ქვეყანა წინსვლას აგრძელებს, ხოლო ეკონომიკა გადაშენებულ ცხოველს დაემსგავსა ..."

დალტონი წამოდგა სავარძლიდან, მღელვარებისგან თმა აშლოდა, ხოლო სიგარა პირის კიდეზე ეკიდა.

"ღმერთო ჩემო, — წამოიყვირა მან, — თქვენ ამა სერიოზულად ამბობთ? ნუთუ მთელი ფიშპუკი ასე ფიქრობს?"

ბლეინმა მშრალად ჩაახველა: "არა, ასე მე ვფიქრობ. წარმოდგენა არ მაქვს, რას ფიქრობს ფიშპუკი. პოლიტიკაში არ ვერევი."

ყოველთვის ასე ხდება, — ფიქრობდა ბლეინი, — სადაც არ უნდა ნახვიდე, ყველგან შეგხვდება ისეთი ადამიანი, რომელიც ფიშპუკთან დაკავშირებული ნებისმიერი ინფორმაციის, ნებისმიერი პატარა საიდუმლოების გამოძალვას შეეცდება. ისინი ლეშთან მოტრიალე სვაეებს, ცნობისმოყვარე მსტოვრებს ჰგვანან, ყველგან ცხვირის ჩაყოფას ცდილობენ და ყოველთვის ეჭვობენ, რომ უფრო მეტი ხდება, ვიდრე მათ იციან.

ფსევდოდოქტორმატებით, წარმომადგენლებითა და აგენტებით სავსე ქალაქი ინტრიგებისა და ჭორის ბუდედ ქცეულიყო. ეს ვაჟბატონი კი, სკამზე რომ მოეკალათებინა,

ბლენის აზრით, აქ იმისთვის ბრძანდებოდა, რომ ფორმალური პროტესტი გამოეხატა ფიშპუკის რომელიმე ახალი სანარმოს მიერ განხორციელებულ სასტიკ ქმედებაზე რომელიმე წარმატებული კომერციული სტრუქტურის მიმართ.

დალტონი საზურგეს მიეყრდნო და ახალი ენთუზიაზმით დაეძალა სიგარას. თმაც თავის პირვანდელ, დავარცხნილ მდგომარეობას დაუბრუნდა.

"თქვენ ამბობთ, რომ პოლიტიკაში არ ერევით, — თქვა დალტონმა, — თუ არ ვცდები, მზევრავი ხართ."

ბლენმა თავი დაუქნია.

"ეს იმას ნიშნავს, რომ კოსმოსში მოგზაურობთ და სხვა პლანეტებს სტუმრობთ."

"ნანილობრივ," — დაეთანხმა ბლენი.

"მაშინ თქვენ პარაფსიქი ყოფილხართ."

"შეგიძლიათ, ასეც მინოდოთ, თუმცა მინდა შეგახსენოთ, რომ ზრდილობიან საზოგადოებაში, ჩვეულებრივ, ასეთი მიმართვა არ არის მიღებული."

დალტონს შენიშვნა არც მიუღია, სირცხვილის ნიშანწყალიც არ ეტყობოდა.

"როგორი შეგრძნებაა?"

"მისტერ დალტონ, ახლა ამას ნამდვილად ვერ მოგიყვებით."

"მარტო მიდიხართ ხოლმე?"

"მარტო არა, ჩამწერი ხელსაწყო მიმაქვს თან."

"ჩამწერი ხელსაწყო?"

"აპარატი, რომელიც ყველაფერს აფიქსირებს. სხვადასხვა სახის მინიატურული ინსტრუმენტებისგან შედგება და ყველაფერს ინერს, რასაც ხედავს."

"და ეს მანქანა თქვენთან ერთად მიფრინავს?"

"არა, ღმერთო ჩემო. ხომ გითხარით, თან მიმაქვს, როცა გავდივარ, ისევე, როგორც თქვენ საკვოიას ატარებთ ხოლმე."

"თქვენი გონება და ის ხელსაწყო?"

"ღიახ, ჩემი გონება და ის ხელსაწყო"

"წარმოუდგენელია!" — თქვა დალტონმა.

ბლენის პასუხზე თავი არ შეუნუხებია.

დალტონმა პირიდან სიგარა გამოიღო და გულდაგულ შეათვალიერა. მისი ერთი ბოლო, რომელიც პირში ედო, სასტიკად იყო დაღეჭილი და დაქუცმაცებული, კიდეებზე დამბალი თამბაქოს ფურცლები ეკიდა. დალტონმა სიგარა დაგრაგნა, ისე, რომ დამბალი ფურცლები შიგნით მოექცია, თან დაძაბული ბუტბუტებდა, შემდეგ მოუკიდა და პირში იტაცა.

"თემას რომ დავუბრუნდეთ, — განაგრძო დალტონმა თავდაჯერებით, — ფიშპუკში უამრავი ემმაკისეული ნივთია თავმოყრილი. ჯანდაბას, ეს კიდეც არაფერი, მით უმეტეს ვიცი, რომ მათ საგულდაგულოდ ცდიან, სანამ ბაზარზე გაუშვებენ. დამიჯერეთ, არავის სანინააღმდეგო არ ექნებოდა, არავინ დარჩებოდა გულნაკლული, ფიშპუკი სხვადასხვა საცალო ბიზნეს არხების მეშვეობით რომ ყიდდეს ამ ნივთებს. მაგრამ ასე არ იქცევიან, არ უნდათ, რომ სხვა ორგანიზაციამ გაყიდოს მათი საქონელი. ფიშპუკელებმა საკუთარი ბიზნესი წამოიწყეს, სავაჭრო დახლები გახსნეს და, რაც ყველაზე ცინიკურია, ამ დახლებს ფაქტორიები უწოდეს, შეიძლება იფიქრო, რომ ველურების ხროვასთან აქვთ საქმე."

ბლენმა ჩაიცინა: "ვილაცას ფიშპუკში ოდესღაც მაგარი იუმორის გრძნობა ჰქონია. მერწმუნეთ, მისტერ დალტონ, ეს ძნელი დასაჯერებელია."

"ისინი განაგრძობენ ჩვენს გაკოტრებას, ნელ-ნელა, ნაწილ-ნაწილ. ყოველწლიურად ხელთ იგდებენ ფართო მოხმარების საგნების წარმოებას ან, ხშირ შემთხვევაში, სულაც აუქმებენ მას. ეროზიის ეს პროცესი ნელა მოქმედებს, აშკარა საფრთხე, მართალია, არ შეინიშნება, სამაგიეროდ, განადგურების ნელი და შეუმჩნეველი პროცესი მიმდინარეობს. გავიგე, რომ საზოგადოებისთვის საკუთარი

ტრანსპორტირების სისტემის შეთავაზებას აპირებენ. წარმოგიდგენიათ, რა დარტყმას მიაყენებს ეს ძველ კომერციულ წყობას?"

"სატვირთო მანქანის მძღოლები უმუშევრები დარჩებიან და რამდენიმე ავიახაზიც გაუქმდება."

"მშვენივრად იცით, რომ ასე იქნება. ტრანსპორტირების ვერც ერთი სახე ტელეპორტაციას ვერ შეეძრება."

"ჩემი აზრით, სხვა გზა არ დაგრჩენიათ, თუ არა თქვენი საკუთარი ტელეპორტაციის სისტემა შეიმუშაოთ. — თქვა ბლენმა, — აქამდე სად იყავით? უამრავი დრო გქონდათ! ფიშპუკის ფარგლებს გარეთ ბევრი ნაცნობი გყავთ, ვინც გაჩვენებდათ, ეს როგორ კეთდება."

"არანორმალურები!" — ცხარობდა დალტონი.

"არაფერიც, დალტონ. ეს ჩვეულებრივი ხალხია, ფიშპუკი დღესდღეობით სწორედ იმ ხალხის მეშვეობით არსებობს, ვისაც პარანორმალური ძალები გააჩნია — ძალები, რომელთაც ფიშპუკელებში აღმერთებთ და თქვენს საკუთარ ხალხში კი თრგუნავთ."

"ჩვენ ამას ვერ გავბედავთ, — თქვა დალტონმა, — ტრადიციების გამო."

"ჰო, ვიცი, — თქვა ბლენმა, — ტრადიციები, ეს პატარა ბედნიერი ბრბო ისევ აკრავს პარანორმალურებს ჯვარზე?"

"საზოგადოება ხშირად სასტიკ ხერხებს მიმართავს."

"წარმომიდგენია," — დაეთხზმა ბლენი.

დალტონმა სიგარა გამოიღო და ზიზღნარევი მზერით შეათვალიერა. მისი ერთი ბოლო ჩამქრალი იყო, ხოლო მეორე — სასტიკად დამახინჯებული. მცირედი ფიქრის შემდეგ ყვავილის ქოთანში მოისროლა. სიგარა მცენარის ქვედა ფურცელს უშნოდ ჩამოეკონწიალა.

დალტონი სავარძლის საზურგეს მიეყრდნო, ხელები მუცელზე დაიკრიფა და ჭერს მიაჩერდა.

"მისტერ ბლენ," — მიმართა მან ბლენს.

"ღიახ?"

"გამჭრიახი და პირდაპირი ადამიანი ბრძანდებით,

როგორც ჩანს, მოძველებულ, კონსერვატიულ აზრებს ვერ იტანთ. ერთი ორჯერ ისე ოსტატურად მომიჭერთ სიტყვა, რომ დავიბენი, არ ვიცოდი, რა მეპასუხა და ეს ძალიან კარგად გამოგივიდათ.”

“მუდამ თქვენს სამსახურში მიგულეთ,” — ცივად მიუგო ბლენმა.

“რამდენს გიხდიან?”

“საკმარისს.”

“არ არსებობს საკმარისი. ჯერ არავინ შემხვედრია, ვინც

“თუ ჩემს მოსყიდვას ცდილობთ, ტყუილად ირჯებით.”

“მოსყიდვა არა, მაგრამ დაქირავება კი მინდა. თქვენ მშვენივრად იცნობთ ფიშპუკს, უამრავ ხალხთან გაქვთ ურთიერთობა, თქვენი კონსულტაცია შეუფასებელი იქნება. ჩვენ გვინდა განვიხილოთ ...”

“უკაცრავად, ჩემო ბატონო, — მოკლედ მოუჭრა ბლენმა, — ამ კონკრეტულ შემთხვევაში ნამდვილად ვერ გამოგადგებით.”

საკმაოდ დიდი დრო გასულიყო — ერთი საათი. ბლენმა ისაძილა, სასმელიც მიირთვა და დალტონთანაც ისაუბრა — სულ ფუჭად დაახარჯა დრო — ახლა უნდა წასულიყო. სანამ ფიშპუკში ხმა გავრცელდებოდა, რომ აქ იყო, აქაურობას უნდა გასცლოდა.

უცხად კაბის შრიალი მოესმა და ვილაცის ხელი ბლენის მხარზე ჩამოესვენა.

“შეპ, — მიმართა შარლინ უიტიერმა, — რა კარგია, რომ მოხვედი”

ბლენი წამოდგა და შარლინის პირისპირ აღმოჩნდა.

“გმადლობ, რომ დამპატიე.”

შარლინმა ეშმაკურად შეხედა: “მართლა მე დაგპატიე?”

“არა, რა თქმა უნდა, — აღიარა მან, — სიმართლე გითხრა, ფრედიმ წამომართია. იმედია, წინააღმდეგი არ ხარ, რომ მოვედი.”

"ხომ იცი, შენთვის კარი ყოველთვის ღიაა, — შარლინმა მკლავზე მოუჭირა ხელი, — ნამოდი, ვილაც უნდა გაგაცნო. უკაცრავად, მისტერ დალტონ."

"არა უშავს," — უპასუხა დალტონმა.

"იცი, — თქვა ბლეინმა, — საკმაოდ უხეშად მოიქეცი."

"იმ კაცისგან რომ გიხსენი? საშინლად მოსაწყენი ტიპია, ვერ წარმომიდგენია, აქ როგორ ღოხვდა. ნამდვილად არ დამიპატიჟია."

"და საერთოდ, ვინ არის? — იკითხა ბლეინმა, — მისი ვინაობა ვერ დავადგინე."

შარლინმა მხრები აიჩეჩა: "რომელიღაც ბიზნეს დელეგაციის ხელმძღვანელია. აქ გულის მოსაოხებლად ჩამოვიდნენ, ფიშქუკმა რომ გაუტეხათ."

"ჰო, ეგეც ახსენა ლაპარაკში, ძალიან უბედური და გაღიზიანებულია."

"დალიე რამე?" — ჰკითხა შარლინმა.

"კი, სულ ახლახანს."

"ხომ ისადილე? კარგად ერთობი? ახალი დიმენსიონო მაქვს, უკანასკნელი მოდელი..."

"სხვა დროს იყოს," — უთხრა ბლეინმა.

"კიდევ დალიე რამე. ნავალ, სტუმრებს მივცესალმები. მოდი, დარჩი წვეულების შემდეგ. რამდენი ხანია, ერთმანეთი არ გვინახავს?!" — შესთავაზა შარლინმა.

ბლეინმა თავი გაიქნია: "ვერ წარმოიდგენ, როგორ ვნუხვარ, მაგრამ უარი უნდა გითხრა. ძალიან გამიხარდა შენი ნახვა."

"მაშინ სხვა დროს იყოს," — თქვა შარლინმა.

შარლინი ნასასვლელად მოემზადა, მაგრამ ბლეინმა შეაჩერა.

"შარლინ, ვინმეს ხომ არ უთქვამს შენთვის, რომ საშინლად კარგი გოგო ხარ?"

"არავის, სრულიად არავის."

შარლინი ფეხის წვერზე დადგა და ნაზად აკოცა ლოყაზე.

“ახლა წადი, ცოტა გაერთე,” — შესთავაზა მან ბლენის.

ბლენი იდგა და უყურებდა, როგორ მიეფარა თვალს შარლინი ხალხში.

მის შიგნით ისევ ანრიალდა ვარდისფერი არსება, ვერ გაეგო, რა ხდებოდა.

ცოტაც მოითმინე, — მოუნოდა ბლენმა და თან ხალხს აკვირდებოდა, — ცოტა ხანი მაცალე და ყველაფერი მოგვარდება.

და უცებ ბლენმა იგრძნო — არსება მადლიერებას გამოხატავდა იმის ნიშნად, რომ მას ცნობდნენ და აღიარებდნენ.

ჩვენ დავძლევთ ამ პრობლემას, გადავლახავთ. ჩვენ ერთი მთლიანი სხეული ვართ.

დამშვიდებულმა არსებამ არხეინად მოიკალათა და ბლენს მიენდო.

თავიდან დაფრთხა და შეიძლებოდა მომავალშიც შეეპყრო შიშს, მაგრამ ახლა უკვე დამშვიდდა და შეურიგდა მდგომარეობას — ბლენმა იცოდა, რომ მისთვის ეს მდგომარეობა განსაკუთრებით საშინელი იყო, რადგან ამ ადგილს საერთო არაფერი ჰქონდა შორეული პლანეტის ვარდისფერი ოთახის სიმშვიდესა და განმარტოებასთან. განსხვავება ამ ორ ადგილს შორის შემაშფოთებლად იზრდებოდა.

ბლენი უმიზნოდ დადიოდა ოთახში, ბართან მივიდა და ერთი წუთით შეჩერდა იმ ოთახთან, სადაც ახალი დამონტაჟებული დიმენსინო იდგა, ოთახში შეიხედა და ფოიესკენ გაემართა.

ბლენმა ლაპარაკში გართულ რამდენიმე ჯგუფს ჩაუარა და უხმოდ მიესალმა ნაცნობებს, რომლებიც ასევე გამარჯობით პასუხობდნენ ან ოთახის ბოლოდან უკრავდნენ თავს.

ისეთი მანქანის პოვნა გაჭირდებოდა, სადაც ვინმეს შემთხვევით ჩარჩებოდა გასაღები. ან შეიძლებოდა სულაც

ვერ ეპოვნა, ამის გაფიქრებაზე შემზარავმა ფრუანტელმა დაუარა. მაშინ რა უნდა ექნა? მთებისკენ გაქცეულიყო და ერთი ორი დღე მოეცადა, სანამ რამეს მოიფიქრებდა. შარლინი სიამოვნებით დაეხმარებოდა, მაგრამ ლაპარაკი უყვარდა და ბლეინისთვის უკეთესი იყო, თუ მას არაფერი ეცოდინებოდა ამ ამბის შესახებ. არავინ მოსდიოდა თავში, ვისაც დახმარების აღმოჩენა შეეძლო მისთვის. ფიშპუკში იყო რამდენიმე ადამიანი, რომლებიც ხელს გაუმართავდნენ, მაგრამ ამით ისინი საკუთარ თავს ჩაიგდებდნენ საფრთხეში, ბლეინი კი ამას არ დაუშვებდა. ძირითადად კი ყველას პირადი მიზნები და ინტერესები ამოძრავებდა; ინტრიგისა და ბოროტების შეშლილი საბურველით მოცულ ფიშპუკში ვერავის ენდობოდი. ბლეინი დარწმუნებული იყო, იყვნენ ისეთებიც, სიამოვნებით რომ უღალატებდნენ მდგომარეობის გაუმჯობესების ან გარკვეული პრივილეგიების მიღების მიზნით.

ბლეინმა ფოიესკენ გაიკვლია გზა და გარეთ გასულს წარმოუდგენელი შვება დაეუფლა. ისეთი შეგრძნება ჰქონდა, თითქოს უსიერი ტყიდან მოშიშვლებულ მინდორზე გავიდა. აქ გამაყრუებელი ყბედობა ჩურჩულივით ისმოდა, ჰაერიც თითქოსდა გაცილებით უფრო სუფთა და გამჭვირვალე იყო. თითქოს სადღაც გაქრა ერთმანეთში არეული უამრავი სხეულისა და აზრისგან, ზანტი გონების უცნაური მაჯისცემისა და დინებისგან, ღვარძლიანი ლაპარაკისგან გამოწვეული დამთრგუნველი შეგრძნება.

შემოსასვლელი კარი გაიღო და ფოიეში ვილაც ქალი შეჩერდა.

"ჰარიეტ, — შესძახა ბლეინმა, — უნდა მცოდნოდა, რომ უეჭველად მოხვიდოდი. ახლა გამახსენდა, რომ შარლინის წვეულებებს, როგორც წესი, არ ტოვებ ხოლმე. ყველა მნიშვნელოვანი მოვლენის ქრონოლოგიურ განვითარებას ადევნებ თვალყურს და ..."

ჰარიეტის ტელეპათიური ჩურჩული ნაკვერჩხალივით წვავდა ბლეინის გონებას: *შეუ, რა იდიოტი ხარ! აქ რას აკეთებ*

(მაიმუნის სურათი სულელური ქუდით თავზე, ცხენის ქვედა ნაწილის სურათი)?

“კი მაგრამ, შენ...”

რა თქმა უნდა, რატომაც არა (მოულოდნელი და დაბნეული კითხვის ნიშნების კორიანტელი)? შენ მხოლოდ ფიშპუკში ტრიალებ? მხოლოდ საკუთარ თავში ჩაკეტილხარ? საიდუმლო, რა თქმა უნდა, უფლება მაქვს, ჩემი საიდუმლოებები მქონდეს. კარგი ჟურნალისტი სხვანაირად როგორ შეძლებდა ინფორმაციის მოპოვებას (ჭუჭყის გროვა, სტატისტიკის უსასრულო ნაკადი, უზარმაზარი ყური მასზე მიბმული ტუჩებით)?

ჰარიეტ კვიმბიმ სასიამოვნო, ჟღერადი ხმით უპასუხა: “შარლინის ნვეულებას როგორ გამოვტოვებდი. აქ გასაოცარ ხალხს შეხვდები.”

ცუდი მანერები გაქვთ, — საყვედურით წარმოთქვა ბლენმა, — ტელეპათიისთვის მხოლოდ განსაკუთრებულ შემთხვევაში შეგძლო მიგემართა — ხოლო საზოგადოებრივი თავშეყრის ადგილას გამორიცხულა მისი გამოყენება.

ემმაკსაც წაულია ეგ ყველაფერი, — თქვა ჰარიეტმა, — მე გული გადაგიშალე და სამაგიეროდ რას ვიღებ (სახე, რომელიც გასაოცრად ჰგავს მის სახეს, მასზე გაჩერებული თხელი ხელი). მთელმა ქალაქმა იცის. მათ ისიც იციან, სადაც ხარ. მალე მოვლენ, თუ უკვე აქ არ არიან. როგორც კი გავიგე, მაშინვე აქეთ წამოვედი. ილაპარაკე რამე ხმამაღლა, სულელო. გაგვიგებენ, აქ რომ ვდგავართ და ტელეპათიურად ვსაუბრობთ.

“დროს ტყუილად კარგავ, — უთხრა ბლენმა, — დღეს აქ გადასარევ ტიპებს ვერ შეხვდები. შარლინს რალაც ძალიან მოსაწყენი ხალხი შეუყრია.” ჯაშუშები!!!

აღბათ. მომენტი უნდა გამოვიყენოთ. შენ გაქცევას აპირებ, სთოუნით, სხვებით. აქ იმისთვის მოვედი, რომ დაგეხმარო.

“აქ ერთ ბიზნეს ლობისტს ველაპარკებოდი, — თქვა ბლენმა, — იმდენად მოსაწყენი იყო, რომ ველარ გავუძელი და გარეთ გამოვედი სუფთა ჰაერის ჩასაყლაპად.” სთოუნის შესახებ რა იცი?

ახლა ამაზე არ იფიქრო. “მაშინ წავალ, რა აზრი აქვს დროის ტყუილად კარგვას.” ჩემი მანქანა ქვემოთ დგას, მაგრამ ერთად ვერ გავალთ. მე წავალ და მანქანას წინ გამოვწევ, შენ კი გაიარე ცოტა ხანი და სამზარეულოში შედი (სახლის რუკა ნითელი კონტურებით, რომლებიც სამზარეულოსკენ მიუთითებენ).

ვიცი, სამზარეულო სადაც არის.

შესაძლებლობა ხელიდან არ გაუშვა. გახსოვდეს, არავითარი მკვეთრი მოძრაობები. სახეზე არ დაგეტყოს რაიმე ბნელი და მზაკვრული ჩანაფიქრი, უბრალოდ, ჩვეულებრივი სტუმარივით მოიქეცი, რომელსაც მონყენილობა კლავს (თვლემამორეული თვალები და ჩამოყრილი მხრები, კოქტიელის ჭიქის სიმძიმით ნელმოხრილი ადამიანების კარიკატურები, მოსმენისგან მოთენთილი ყურები და ტუჩებზე შეყინული ღიმილი). სამზარეულოსკენ წადი და გვერდითი კარიდან რომ გამოხვალ, ქუჩას დაუყვი.

“შენ რა, მართლა მიდიხარ — ასე მოულოდნელად? — იკითხა ბლენმა, — მე ხშირად გადაჭარბებულ შეფასებებს ვაკეთებ ხოლმე, დამიჯერე.” შენ რატომღა აკეთებ ამას? რატომ გარბიხარ? (გაოგნებული, ბრაზმორეული ადამიანი ცარიელი ტომრით).

მიყვარხარ (ხის ღობე, მასზე ამოტვიფრული გადაბმული გულები).

ტყუილია (საპნის ნატეხი ენერგიულად რეცხავს პირს).

“არ უთხრა მათ, შევ, — სთხოვა ჰარიეტმა, — შარლის გული მოუკვდება.” მე რეპორტიორი ვარ და სტატიას ვმუშაობ, შენ მისი ნაწილი ხარ.

ერთი რაღაც გამოგჩა. ფიშპუკი შეიძლება ხეობის პირთან გელოდებოდეს.

შეპ, არ ინერვიულო. ყველაფერი გათვლილი მაქვს, უპრობლემოდ გავაცურებთ.

“კარგი მაშინ, — შეპირდა ბლენინი, — კრინტსაც არ დავძრავ. შეხვედრამდე.” და გმადლობ.

ჰარიეტმა კარი გააღო და გაუჩინარდა, ბლენინს კიდეც ესმოდა მისი ჩქარი ნაბიჯების ხმა ქვაფენილსა და კიბეზე.

ხალხმრავალი ოთახისკენ გაეშურა და როგორც კი ზღურბლს გადააბიჯა, ლაპარაკის მორევში აღმოჩნდა — უამრავი ადამიანის ერთდროული და ერთმანეთში არეული ხმები გაისმა. არავის ანალვლებდა, რას ამბობდა, აზრი ჰქონდა თუ არა მის ნათქვამს. აქ, უბრალოდ, ლაპარაკობდნენ და ამით ქაოტურ ხმაურში საკუთარი თავის პოვნას ცდილობდნენ.

მაშ ჰარიეტიც ტელეპათი იყო, ამას ვერაფრით წარმოიდგენდა. თუმცა დღესდღეობით თუ რეპორტიორი ხარ და თანაც ნიჭიერი, ყველაზე კარგი გამოსავალი ამის დამალვაა და ჰარიეტმა ეს მშვენივრად მოახერხა. ერთხელ მაინც როგორ არ წამოსცდა, როგორ შეძლო ქალმა ასეთი საიდუმლოს შენახვა?! თუმცა ჰარიეტი ჟურნალისტ კაცს უფრო ჰგავდა, ვიდრე ქალს. შეიძლება ითქვას, რომ ის ერთ-ერთი საუკეთესო ჟურნალისტიც იყო.

წუთით ბართან შეჩერდა, სკოჩი და ყინული გადმოიღო და ნელ-ნელა სვამდა სასმელს. არავის უნდა შეემჩნია, რომ ჩქარობდა, ვერავინ უნდა მიმხვდარიყო, რომ სადღაც მიეშურებოდა, მაგრამ მორიგ საუბარში ჩათრევის საშუალებასაც ვერ მისცემდა საკუთარ თავს — ამისთვის დრო აღარ ჰქონდა.

შეძლო დიმენსინოს ოთახში შესულიყო ცოტა ხნით, მაგრამ ეს სახიფათო იყო. იქ ძალზე სწრაფად ეჩვევი გარემოს, დროის შეგრძნებას კარგავ და ბოლომდე იმ წარმოსახვით მდგომარეობაში ერთვები, რომელსაც დიმენსინო ქმნის, ხოლო ამ გართობის შუა გზაში შეწყვეტა და მიტოვება ხშირად უცნაურ და მღელვარე განწყობას იწვევდა.

მისი აზრით, ეს კი კარგი არ იქნებოდა.

ბლენი რამდენიმე ნაცნობს მიესალმა; გამოიარა ტანჯვანარევი და პირფერი შეხვედრის პროცედურა ერთ ოდნავ შემთვრალ ადამიანთან, რომელიც ათიოდე დღის წინ ნახა; იძულებით მოისმინა ერთი-ორი შაბლონური ისტორია, და ბოლოს მსუბუქი ფლირტიც გადაიტანა ერთ კეკლუც ქვრივთან, რომელიც მის დანახვაზე სამალავიდან გამოვიდა და თავდასხმაზე გადავიდა.

მთელი ამ ხნის განმავლობაში ბლენი ნელა, მაგრამ მიზანმიმართულად მიიწევდა სამზარეულოში მიმავალი კარისკენ.

და როგორც იქნა, მიაღწია კიდეც.

ბლენმა კარი გააღო და მშვიდად დაეშვა კიბეზე.


ეს ცარიელი და ცივი ადგილი მეტალისა და ქრომის თვალისმომჭრელი ბზინვარებით გამოირჩეოდა. კედელზე საათი ეკიდა, ისრის მოძრაობის ხმა მძიმედ კვეთდა ჰაერს.

ბლენმა ნახევრად სავსე ჭიქა იქვე მდგარ მაგიდაზე დადგა. მზინვარე იატაკის იქით, ექვსიოდე ნაბიჯში კი გარეთ გამავალი კარი მოჩანდა.

ორი ნაბიჯი გადადგა და მესამისთვის რომ ემზადებოდა, მოულოდნელად მის გონებაში უხმო, გამაფრთხილებელი სიგნალი გაისმა და ბლენი უცბად შემობრუნდა.

უშველებელ მაცივართან ფრედი ბეიტსი იდგა, ცალი ხელი ქურთუკის ჯიბეში ჩაეყო.

“შეპ, — გააფრთხილა ფრედი ბეიტსმა, — შენს ადგილას ამას არ ვიზამდი. ფიშპუკი ამ ადგილს აკონტროლებს, შანსი არა გაქვს.”



მოულოდნელობისგან ელდანაცემი ბლეინი წამით გაქვავდა. მისი გაოგნების მიზეზი არც შიში იყო და არც სიბრაზე, ის მხოლოდ და მხოლოდ იმ ფაქტმა გააოცა, რომ ეს ადამიანი ფრედი ბეიტსი აღმოჩნდა. ფრედი უკვე მოულოდნელობითა და იდუმალებით აღსავსე უცნობი კი აღარ იყო, უსაქმოდ რომ დაეხეტებოდა მისნაირი ადამიანებით სავსე ქალაქში, არამედ ფიშპუკის აგენტი და, როგორც ჩანდა, არც თუ ისე ურიგო.

და კიდევ ერთი რამ — კერბიმ ყველაფერი იცოდა, მაგრამ მაინც მისცა ოფისიდან გასვლისა და ლიფტში ჩაჯდომის საშუალება, მაგრამ, როგორც კი დერეფანს მიუახლოვდა, კერბიმ ყურმილს სტაცა ხელი და ფრედის დაურეკა, რომ საქმეში ჩაება.

ყველაფერი ძალიან ჭკვიანურად იყო ჩაფიქრებული და მონყობილი — გამოუტყდა ბლეინი საკუთარ თავს — მათ ბლეინზე უკეთესად გათვალეს ყველა სვლა. ერთი ნუთითაც არ მოსვლია ფიქრად, რომ რენდი რალაცას ხვდებოდა, არც ფრედის ქცევაში შეუტანია ეჭვი, როცა ბლეინს მანქანაში ჩაჯდომა შესთავაზა.

გაოცება ნელ-ნელა სიბრაზემ შეცვალა, ვერ მოენელებინა, რომ მახეში გაება და ფრედისნაირმა იდიოტმა გამოიჭირა.

"ახლა გარეთ გავალთ, — უთხრა ფრედიმ, — როგორც მეგობრებს შეეფერება და ლაბორატორიაში დავბრუნდებით, რენდის შენთან ლაპარაკი უნდა. არავითარი ჩხუბი, არავითარი არეულობა, ყველაფერმა მშვიდად და ცივილურად უნდა ჩაიაროს. ჩვენ ხომ არც ერთს არ გვინდა შარლინის უხერხულ მდგომარეობაში ჩაგდება?"

"არა, — წაილულულა ბლეინმა, — არა, რა თქმა უნდა, არ გვინდა."

ბლეინის გონება სასონარკვეთილი წრიალებდა, გამოსავალს ეძებდა, ნებისმიერ გზას, რომელიც აქედან გაღწევაში დაეხმარებოდა, რადგანაც დაბრუნებას არ აპირებდა. რაც არ უნდა მომხდარიყო, ბლეინი ფრედისთან ერთად არ დაბრუნდებოდა.

ბლეინმა იგრძნო, როგორ შეირხა მასში უცხო სივარდისფრე, თითქოს გარეთ გამოსვლას ცდილობდა.

"არა! — იყვირა ბლეინმა, — არა!"

მაგრამ უკვე გვიანი იყო. ვარდისფერი არსება სამალავიდან გამოძვრა და მისი მთლიანი გონება დაიკავა. ბლეინი კვლავ ერთდროულად ორ არსებას გრძნობდა საკუთარ თავში — ბლეინსაც, მაგრამ ამავე დროს ვილაც სხვასაც. თავგზა ჰქონდა არეული და სასწაულად უცნაურ გრძნობას მოეცვა. მოულოდნელად, ყოვლად წარმოუდგენელი რამ მოხდა.

ოთახში სამარისებული სიჩუმე ჩამოწვა, მხოლოდ კედელზე მიკრული საათის კენესის ხმა ისმოდა, რაც მეტად უცნაური იყო, აქამდე საათი მხოლოდ ჩხაკუნობდა, კენესის ხმა არასოდეს გამოუცია.

ბლეინმა სწრაფი ნაბიჯი გადადგა წინ, მაგრამ ფრედი არ განძრეულა, ერთ ადგილას იდგა უმოძრაოდ და ცალი ხელი ჯიბეში ჩაეყო.

კიდევ ერთი ნაბიჯი გადადგა, ფრედი კვლავ არ ინძრეოდა ადგილიდან. გაქვავებული სახით იმზირებოდა და თვალსაც არ ახამხამებდა. შემდეგ ტანჯული გამომეტყველება მიიღო

და ჯიბეში ჩაკარგული ხელი აამოძრავა, მიზანმიმართულად აამოძრავა, მაგრამ ისე ნელა, რომ მის მოძრაობასაც ძლივს შეამჩნევდით, თითქოს მისი მკლავი, ხელი და ის, რასაც ხელით ჩასჭიდებოდა, ღრმა ძილიდან გამოღვიძებას აპირებდა.

კიდევ ერთი ნაბიჯი და ბლენი ფრედის თავს დაესხმებოდა, მოლერებული მუშტი დგუშვივით დაეშვებოდა მის სახეზე. ფრედის ყბა ჩამოუვარდა, ნელა, თითქოს ძვალს უნგი მოსდებიო, ხოლო ქუთუთომ დახამხამების მაგვარი მოძრაობა შეასრულა.

ნამში ბლენის მუშტი ფრედის ყბას ყუმბარასავით მოხვდა. ბლენმა სწორედ იმ ადგილას დაარტყა, სადაც უმიზნებდა და დაარტყა მთელი ძალით, მთელი სხეულით. დარტყმით მიყენებულმა ტკივილმა ელვასავით დაუარა ხელსა და მტევანში და ბლენი მიხვდა, რომ ტყუილად ირჯებოდა, რადგანაც ფრედი არც დაძრულა ადგილიდან, არც უცდია თავის დაცვა.

ფრედი ეცემოდა, არა ისე, როგორც უნდა დაცემულიყო, არამედ ნელა, მდორედ, მიზანმიმართულად, ისე, როგორც მოჭრილი ხე ეცემა ნაჯახის უკანასკნელი დარტყმისგან. ფრედი იატაკზე ეშვებოდა ნელი მოძრაობით, დაცემისას ხელი გაითავისუფლა ჯიბიდან, სადაც იარაღი ჰქონია დამალული. იარაღი დასუსტებულ თითებში გაუცურდა და იატაკზე რაკუნით დაეცა.

ბლენი დაიხარა, რომ იარაღისთვის დაეტაცა ხელი და სანამ ფრედი იატაკზე აღმოჩნდებოდა, უკვე ხელში ეჭირა და თვალყურს ადევნებდა, როგორ დაეცა ფრედი ძირს — კი არ დაეცა, უფრო სწორად, ერთგვარად მოკალათდა, ზანტი მოძრაობით გაიშალა მის ზედაპირზე.

კედელზე გაკრული საათი კვნესას განაგრძობდა, ბლენი შეტრიალდა მისკენ და დაინახა, რომ დიდი ისარი გაჭირვებით მიხობავდა ციფერბლატიან ზედაპირზე, მიხობავდა იქ, სადაც უნდა გაქცეულიყო და კვნესოდა, როცა უნდა ეჩხაკუნა. საათიც შეიშალა — გაიფიქრა ბლენმა.

დროს რალაც დაემართა. დიდი ისრის ზანტი მოძრაობა და ფრედის შენელებული რეაქციაც ამას ადასტურებდა.

დრო შენელდა.

ეს კი შეუძლებელი იყო.

დროს ვერ შეანელებდი, ის მუდმივ სიდიდეს წარმოადგენდა, მაგრამ თუ დრო ასე თუ ისე შენელდა, თვითონ რატომ არ დაემორჩილა ამ პროცესს?

თუ ...

თუ, რა თქმა უნდა, დრო კი არ შენელდა, არამედ პირიქით, მან დაიწყო სწრაფად მოძრაობა, იმდენად სწრაფად, რომ ფრედიმ ვერაფრის გაკეთება ვერ მოასწრო, ვერ შეძლო თავის დაცვა და ვერაფრით ვერ მოახერხა ჯიბიდან იარაღის ამოღება.

ბლენმა ხელი გაიშვირა და იარაღს დახედა. ეს უშნო და სიკვდილისმომასწავებელი საგანი წარმოუდგენელი სიბლაგვით გამოირჩეოდა.

ფრედი სულაც არ ხუმრობდა, არც ფიშქუკი ეხუმრებოდა. არავის დააქვს იარაღი გართობის მიზნით, როცა საქმე მხიარულსა და უწყინარ თამაშს არ სცდება, ხოლო თუ ვინმე იარაღს დატენის, ესე იგი მზად არის მის გამოსაყენებლად. ფრედი კი, უდავოა, სავსებით მზად იყო, იარაღი გამოეყენებინა.

ფრედისკენ შემობრუნდა, ის ისევ იატაკზე გაშლილიყო, თანაც თავს საკმაოდ კომფორტულად გრძნობდა. ფრედის, როგორც ჩანს, კიდევ დიდი დრო დასჭირდებოდა გონზე მოსასვლელად.

ბლენმა იარაღი ჯიბეში ჩაიგდო და კარისკენ შებრუნდა. გასვლისას საათს შეხედა, დიდი ისარი თითქმის არ დაძრულა ადგილიდან.

კარს მისწვდა, გააღო და საბოლოო მზერა მიმოავლო ოთახს. ოთახში ყველაფერი ძველებურად ელვარებდა, ყველაფერში განუზომელი წესრიგი იგრძნობოდა, არეულობა მხოლოდ იატაკზე გაშხლართულ ფრედის შეჭქონდა.

ბლენი გარეთ გავიდა და ქვაფენილის გავლით რიყის ფერდობზე გადებული ქვის გრძელი კიბე ჩაიარა.

კიბის საფეხურზე გაშლართულმა კაცმა ნელ-ნელა წამოდგომა დაიწყო, როგორც კი შენიშნა, რომ ბლენი პირდაპირ მისკენ მოემართებოდა.

ერთ-ერთი ფანჯრიდან გამომავალი შუქი მის სახეს ანათებდა, ბლენმა რისხვანარევი გაცემა შენიშნა ამ კაცის სახეზე, თითქოს ქვაზე ნაკვეთი სკულპტურული კონტურები ყოფილიყო.

“ბოდიში, მეგობარო,” — უთხრა მას ბლენმა.

ბლენმა ხელი გაიქნია და გაშლილი მტევანი ქვაზე ნაკვეთ სახეს მოხვდა.

კაცი წაბარბაცდა და ნელი და ფრთხილი ნაბიჯებით იხრებოდა უკან და უკან. წამიც და ზურგზე დაეცემოდა.

ბლენი არ გაჩერებულა, კიბე ჩაირბინა. ერთი მანქანა განცალკევებით იდგა, ჩამწკრივებული მანქანების იქით, უკანა ფარები ანათებდა და ძრავი ჩართული იყო.

ჰარიეტს მანქანა გამოეყვანა, მაგრამ იმ მხარეს კი არ მიებრუნებინა, სადაც გზა ქვემოთ მიდიოდა, ვინრო ხეობის გასასვლელთან, არამედ პირდაპირ მის სიღრმეში მიმავალი გზისკენ მიეტრიალებინა. ბლენმა იცოდა, რომ ჰარიეტი სწორად არ იქცეოდა, რადგან იქით გზა ისე ვინროვდებოდა, რომ ორი-სამი მილის შემდეგ ველარ გაივლიდი.

ბლენმა კიბე ჩაიარა და ჩამწკრივებულ მანქანებს შორის გზა გაიკვლია.

ჰარიეტი მანქანაში იჯდა და ელოდებოდა. ბლენმა შემოუარა მანქანას, კარი გააღო და ჩაჯდა.

მოულოდნელად საშინელი დაღლილობა იგრძნო, რომელიც ძვალსა და რბილში ატანდა, თითქოს დიდი მანძილი სირბილით გამოეველოს. ბლენი მანქანის სავარძელში ჩაესვენა, საკუთარ კალთაში ჩაწყობილ ხელებს დახედა და შენიშნა, რომ ხელები უკანკალებდა.

ჰარიეტი შემობრუნდა და ბლენს შეხედა. “რა მალე მოხვედი,” — აღნიშნა მან.

"მომენტი ჩამივარდა, — მიუგო ბლეინმა, — და გამოვიყენე."

ჰარიეტმა მანქანა დაქოქა და გზას აუყვია. ძრავა გუგუნებდა, ხოლო ვინრო ხეობის კიდეები ექოსავით შთანთქავდნენ ამ ხმას.

"იმედია, იცი, სადაც მიდიხარ, — უთხრა ბლეინმა, — ეს გზა აქვე ახლოს მთავრდება."

"ნუ ნერვიულობ, შეპ, ვიცი."

დალლილ ბლეინს კამათის თავიცი არ ჰქონდა. ძალ-ღონე გამოცლოდა.

და არც იყო გასაკვირი, — ფიქრობდა ბლეინი, რადგან ჩვეულებრივზე ათჯერ (ან ასჯერ?) უფრო სწრაფად მოუწია მოძრაობა. ადამიანის ორგანიზმი არ არის ასეთ სიჩქარეზე გათვლილი. ბლეინი წარმოუდგენელი სიჩქარით ხარჯავდა ენერჯიას — მისი გული გამეტებით ეხეთქებოდა კედლებს, ფილტვები უფრო სწრაფად მუშაობდა და კუნთებიც გამოგნებელი სიჩქარით იკუმშებოდა.

ბლეინი გარინდებული იჯდა, მისი გონება მომხდარს განეცვიფრებინა, ვერ გაეგო, თუ რას შეეძლო ეს გამოენვია. თუმცა ეს გაოცება უფრო ფორმალურ ხასიათს ატარებდა, რადგან სინამდვილეში მშვენივრად იცოდა, რაც იყო ყოველივე ამის მიზეზი.

ვარდისფერი არსება ისე მიყუყულიყო, რომ ბლეინი ვერც კი გრძნობდა მას. მცირედი ძებნის შემდეგ კვლავ თავის მყუდრო თავშესაფარში აღმოაჩინა.

გმადლობ, — უთხრა მას ბლეინმა.

ცოტა არ იყოს, უცნაურად მოჩანდა, ბლეინი რომ მადლობას უხდიდა, რადგან ის არსება მის ნაწილს წარმოადგენდა — მის ტვინსა და გონებაში დაედო ბინა. მაგრამ, ამავ დროს, არც იყო მისი ნაწილი, ჯერ არ იყო, თუმცა ახლა უკვე მას ლტოლვილსა და ჩასაფრებულს ველარ უწოდებდით.

მანქანა ხეობის შესართავისკენ მიქროდა, ჰაერი სუფთა და

გამჭვირვალე იყო, თითქოს ის ახლახანს მთის ანკარა წყაროს ჩამოერეცხოს, ხოლო წინვების სურნელი ნაზ და პიკანტურ სუნამოსავით მოსდებოდა არემარეს.

ბლენის აზრით, უცხო არსება ასე იმიტომ კი არ მოიქცა, რომ მისი დახმარება ჰქონდა გადანყვეტილი, არამედ თვითგადარჩენის რეფლექსით მოქმედებდა. მაგრამ არა აქვს მნიშვნელობა, რა მიზეზით მოხდა ეს, მან ბლენი უეჭველად გადაარჩინა. სხვანაირად ვერც იქნებოდა, რადგან ეს ორნი ერთარსებად ქცეულიყვნენ. არც ერთ მათგანს შეეძლო დამოუკიდებლად, მეორის გარეშე მოქმედება. ისინი უცხო პლანეტის სივარდისფრის მაგიურმა ძალამ, ბლენის ტვინში ჩასახლებულმა გაორებულმა არსებამ დააკავშირა — რადგანაც უცხო, რომელიც მის გონებაში მოკალათებულიყო, იმ არსების მეორე, განუყოფელი ნაწილი იყო, რომელიც ბლენმა ხუთი ათასი სინათლის წლის მიღმა უცხო პლანეტაზე იხილა.

“ადვილად გამოაღწიე?” — იკითხა ჰარიეტმა.

“ფრედი შემხვდა.”

“ფრედი ბეიტსი?”

“აქ ერთადერთი და განუმეორებელი ბეიტსია.”

“სულელი ფრედი.”

“შენ სულელი უძახე, იარალი კი ედო ჯიბეში და თვალებჩასისხლიანებული მიყურებდა.”

“შენ გინდა თქვა, რომ ...”

“ჰარიეტ, — უთხრა ბლენმა, — მდგომარეობა ალბათ უფრო დაიძაბება, მოდი, გადმომსვი და...”

“არც იოცნებო, — შეენინააღმდეგა ჰარიეტი, — ასე ჯერ არსად მიხალისია.”

“აქედან ვერ გააღწევ, იქით გზა აღარ არის.”

“შეპ, შეიძლება ასეთ შთაბეჭდილებას არ ვტოვებ, მაგრამ საკმაოდ ჭკვიანი ვარ, ბევრს ვკითხულობ, ყველაზე მეტად ისტორია მომწონს, განსაკუთრებით კი ომების ისტორია, თავისი სტრატეგიული გეგმებითა და რუკებით.”

“მერე რა?”

“რა და ერთ დასკვნამდე მივედი — უკან დასახევი გზა ყოველთვის უნდა დაიტოვო.”

“მაგრამ არა ამ გზაზე.”

“სწორედაც რომ ამ გზაზე,” — შეეპასუხა ჰარიეტი.

ბლეინი ჰარიეტისკენ მიტრიალდა და მის პროფილს დააკვირდა. ის სულაც არ ჰგავდა კერკეტი, ცივისსხლიან რეპორტიორს, თუმცა სინამდვილეში ასეთი იყო. არც სენტიმენტალურ სტატიებს წერდა და არც ბომონდის უაზრო ჭორებს უთმობდა დროს. ის, რამდენიმე სხვა კოლეგასთან ერთად, ჟურნალისტურ ელიტას ქმნიდა და ფიშპუკის რეალურ სურათს ხატავდა ჩრდილოეთ ამერიკის ერთ-ერთი უმსხვილესი გაზეთისთვის.

ამავე დროს, ჰარიეტი მოდელივით დახვეწილი იყო, მას არც ბუნებრივი ნაპერწკალი აკლდა და არც თავდაჯერებულობა, რაც სხვა ქალებში უდავოდ ქედმაღლობისა და ამპარტავნების ელფერს მიიღებდა.

ბლეინი დარწმუნებული იყო, რომ ჰარიეტმა ფიშპუკის შესახებ ყველაფერი იცოდა, რისი ცოდნაც შეიძლებოდა. მისი ჟურნალისტური სტილი არაჩვეულებრივი ობიექტურობითა და მიუკერძოებულობით გამოირჩეოდა. ის ჟურნალისტური პროზის მშრალ სტილში ადამიანური სიტბოს აქსოვდა.

და ყველაფრის მიუხედავად, რას აკეთებდა აქ?

ჰარიეტი, რა თქმა უნდა, მისი მეგობარი იყო. ბლეინი მას წლების განმავლობაში იცნობდა, ფიშპუკში ჩამოსვლისთანავე შეხვდა. პატარა რესტორანში ისადილეს, სადაც უსინათლო ქალი დღესაც ყიდდა ვარდებს. ბლეინს გაახსენდა, როგორ უყიდა ჰარიეტს ვარდი, მასაც ცრემლები მოადგა თვალებზე. შეიძლება იმიტომ, რომ სახლიდან შორს მყოფი მარტოსულად გრძნობდა თავს. იმის შემდეგ ალბათ აღარც უტირია.

უცნაურია, — გაიფიქრა ბლეინმა, — ძალიან უცნაურია. მაგალითად, ფიშპუკი ავილოთ, ის თანამედროვეობის

კომმარად ქცეულიყო და მთელი საუკუნის მანძილზე გარე სამყაროს ვერა და ვერ მიეღო ის, ვერაფრით შეგუებოდა.

შეეცადა წარმოედგინა, როგორი იქნებოდა ფიშპუკი საუკუნის წინ, როცა მეცნიერებმა ბოლოს და ბოლოს აღიარეს, რომ კოსმოსი ადამიანის ძალებს აღემატებოდა, რომ ამდენმა წელმა ფუჭად ჩაირა, რომ ოცნება უსაფუძვლო აღმოჩნდა და იმედგაცრუებულებმა ფარ-ხმალი დაყარეს. ადამიანი ჩიხში აღმოჩნდა და გამოუტყდა საკუთარ თავს, რომ ამდენი წლის ცდისა და მისწრაფებების შედეგად რამდენიმე კონკრეტული მოწყობილობის შექმნის გარდა ვერაფერს მიაღწია.

იმედი ნელ-ნელა იწურებოდა, ოცნებებიც ქრებოდა და კოსმოსისკენ გამავალი კარი მჭიდროდ დაიხურა — თუმცა კოსმოსისადმი უძლიერესი სწრაფვა ჯიუტად განაგრძობდა არსებობას. დარჩა შეუპოვარი ადამიანების ჯგუფი, რომელმაც სულ სხვა გზა აირჩია — გზა, რომელიც მრავალი წლის წინ ადამიანს თვალთახედვიდან გამორჩა ან შეგნებულად დახუჭა თვალი და მას შემდეგ დასცინოდა და მაგიად მოიხსენიებდა.

და სხვა რა იყო მაგია, თუ არა საბავშვო წიგნებიდან ამოკრებილი სისულელე, ბებიას ზღაპრები და იმ რთულ და წინააღმდეგობებით სავსე ცხოვრების გზაზე, რომელიც ადამიანმა აირჩია, ცხადია, ის წარმოუდგენელი ფენომენი იყო. თუ მაგიის გჯეროდა, სრულ ჭკუაზე არ იყავი.

მაგრამ ყოველთვის არსებობდნენ ჯიუტი ადამიანები. მათ მართლაც სჯეროდათ მაგიის ან, შეიძლება ითქვას, სწამდათ იმ ფენომენის პრინციპის, რომელსაც მსოფლიო მაგიას უწოდებდა. ეს მნიშვნელობა ამ სიტყვამ საუკუნეების მანძილზე დაიმკვიდრა დედამიწაზე. სინამდვილეში ის მაგიაც არ იყო, უფრო კანონი იყო, ისეთივე ურყევი, როგორიც საბუნებისმეტყველო მეცნიერებებს უდევს საფუძვლად, მაგრამ მათგან განსხვავებით, ის ისეთი მეცნიერება გახლდათ, რომელიც ადამიანის გონებრივ მხარეებს

იკვლევდა და შორეული ვარსკვლავების დაპყრობას, ფიზიკურის ნაცვლად, გონებრივი შესაძლებლობებით ცდილობდა.

და ამ შეუპოვრობის, სიჯიუტისა და რწმენის შედეგად შეიქმნა ფიშპუკი — რაც კოსმოსამდე ხელის მიწვდენას ნიშნავდა, გონების მოგზაურობას იქ, სადაც სხეული ვერ აღწევდა.

მანქანიდან მოჩანდა, რომ გზა ჯერ მარჯვნივ უხვევდა, შემდეგ მარცხნივ. ეს მკვეთრი მოსახვევი გზის დასასრული იყო.

"გამაგრდი," — შეუძახა ჰარიეტმა.

მან მკვეთრად მოუხვია, მანქანა გზიდან გადაიყვანა და ნაკადულის ღორღიან კალაპოტს აუყვია, რომელიც ვიწრო ხეობის ფერდს მისდევდა. რეაქტიული საქმენი ღრიალით უშვებდა ცეცხლის ალს, ძრავა ბლუოდა და გუგუნებდა, მანქანის სახურავს ხის ტოტები ფხაჭნიდა. ნუთით ის მკვეთრად გადაიხარა, მაგრამ მალევე დაიბრუნა წონასწორობა.

"ჯერ სად ხარ, — გააფრთხილა ჰარიეტმა, — ერთი ორი მონაკვეთი ამაზე გაცილებით უარესია."

"ეს ის უკანდასახევი გზაა, შენ რომ ამბობდი?"

"სწორედ ის არის."

უნდოდა ეკითხა — ნეტავ, რატომ დასჭირდა ჰარიეტ კუიშის უკანდასახევი გზის გამოყენება? — მაგრამ გადაიფიქრა.

ჰარიეტი ფრთხილად მართავდა მანქანას დამშრალი ნაკადულის კალაპოტში და სიბნელეში კლდის ფერდობს მიუყვებოდა. შეშინებული ჩიტები ბუჩქებს სწყდებოდნენ, გადმონოლილი ხის ტოტები გამეტებით, ხმაურით კანრავდნენ მანქანის ზედაპირს.

ფარების შუქში მკვეთრი მოსახვევი გამოჩნდა. ერთი მხრიდან კლდე აღმართულიყო, ხოლო მეორე მხრიდან უზარმაზარი ლოდი იყო ამოშვერილი. მანქანამ სვლა

შეანელა და კლდესა და ლოდს შორის შერგო ცხვირი, შემდეგ უკან დაიხია მცირედით და ნელი სვლით, თითქმის ცოცვით გაიარა ვინრო გასასვლელი.

ჰარიეტმა რეაქტიული წევა გამორთო და მანქანა ღრჭიალით დაეშვა ხრეშიან კალაპოტზე. ძრავა გაჩერდა და ირგვლივ სიჩუმემ დაისადგურა.

"აქედან ფეხით წავალთ?" — იკითხა ბლენმა.

"არა. უბრალოდ, ცოტა ხნით დავიცდით ასე. ისინი ჩვენს საძებნელად წამოვლენ და ჩართული ძრავა მათ ყურადღებას მიიპყრობს."

"მწვერვალზე უნდა ავიდეთ?"

"ჰო, მწვერვალზე."

"აქ ნამყოფი ხარ მანქანით?" — ჰკითხა ბლენმა.

"ბევრჯერ, — უპასუხა ჰარიეტმა, — ვიცოდი, თუ ამ გზის გამოყენება დამჭირდებოდა, სწრაფად უნდა მემოქმედა. ფიქრისა და ორჭოფობის დრო არ იქნებოდა და ამიტომ გზა კარგად უნდა მცოდნოდა."

"ღმერთო ჩემო, რატომ ..."

"მისმინე, შეპ. შენ გასაჭირში აღმოჩნდი, მე გეხმარები, გამოსავალი ხომ უნდა მოვძებნოთ?"

"რა თქმა უნდა, თუ შენ ასე გინდა. მაგრამ, მე მგონი, სახიფათო საქმეში ყოფ თავს. ნუ აკეთებ ამას."

"მე უკვე გავები ამ საქმეში. კარგმა ჟურნალისტმა, თუ საჭირო გახდა, ყველგან უნდა გაყოს თავი."

შეიძლება ასეც იყოს, — გაიფიქრა ბლენმა, — მაგრამ არა ყოველთვის. ფიშპუკში უამრავი მეგაზეთეა, ბევრთან დამილევია კიდევ, რამდენიმეს, შემიძლია, მეგობარიც კი ვუნოდო, მაგრამ არც ერთი მათგანი — ჰარიეტის გარდა — არ განირავდა თავს მისი გულისთვის.

ასე რომ, ჟურნალისტობა ამის პასუხად ვერ გამოდგებოდა, ვერც მეგობრობა გასცემდა ამომწურავ პასუხს. აქ სხვა მიზეზი იყო, გაცილებით უფრო ძლიერი...

მიზეზი კი იმაში მდგომარეობდა, რომ ჰარიეტი არ იყო

მხოლოდ ჟურალისტი ან მეგობარი. იქნებ ჰარიეტი სულ სხვა ვინმეა და სხვა, უფრო საფუძვლიანი მიზეზი აქვს ამ საქციელის გასამართლებლად.

“ბოლოს ვისთვის გაერიე მსგავს უსიამოვნებაში, სთოუნისთვის?” — ჰკითხა ბლენმა.

“არა, — უპასუხა მან, — სთოუნს არც ვიცნობდი.”

ისინი გარინდებულები ისხდნენ მანქანაში. შორს, ხეობის ძირიდან ძრავის სუსტი გუგუნი ისმოდა. ხმა სწრაფად ახლოვდებოდა. ბლენი შეეცადა დაეთვალა, რამდენი მანქანა იყო. სამი დათვალა, თუმცა დარწმუნებული არ იყო.

მანქანები მოსახვევში შემოვიდნენ და გაჩერდნენ, იქიდან ხალხი გადმოვიდა და გადაძახილებით ბურქებისკენ დაიძრა.

ჰარიეტმა ბლენს მკლავზე მოჰკიდა ხელი და თითები მაგრად მოუჭირა.

შეპ, ფრედის რა უქენი? (მომღიმარი თავის ქალის სურათი) გავთიშე, მეტი არაფერი.

და მას იარაღი ჰქონდა?

ნავართვი.

(კუბოში გამოჭიმული ფრედი, შეღებულ სახეზე გადაკრული ღიმილითა და გულზე დაკრეფილ ხელებში გარჭობილი უსაშინელესი შროშანიო.)

არა. ასე არა (ფრედი დაღურჯებული თვალით, დასისხლიანებული ცხვირითა და ნაკანრებით სახეზე).

ისინი ჩუმად ისხდნენ და უსმენდნენ.

ყვირილის ხმა მიწყნარდა, ხალხი მანქანებს დაუბრუნდა, დაქოქეს და გზას დაუყვნენ.

ახლა რა ვქნათ?

დაველოდოთ, — თქვა ჰარიეტმა, — სულ სამი მანქანა იყო, მხოლოდ ორი დაიძრა. ერთი სადღაც იქ არის და გველოდება (დამწკრივებულ სმენად ქცეულ ყურებს დაძაბულობისგან ფორმა დაუკარგავთ და განაბული ელოდებიან ნებისმიერ ბგერას). დარწმუნებული არიან, რომ სადღაც აქ ვართ, მაგრამ ზუსტად არ იციან, სად. ეს არის (ხახადაღებული სახე

უსწორმასწოროდ ჩამწკრივებული კბილებით). მათ ჰგონიათ, ჩვენ ვიფიქრებთ, რომ ისინი წავიდნენ და საკუთარ თავს გავცემთ.

ისინი ისხდნენ და ელოდნენ. სადღაც ტყეში ენოტის კივილის ხმა გაისმა, რომელიღაც დაუპატიჟებელი ღამის სტუმრისგან შენუხებულმა ჩიტმა მძინარე ხმით გააპროტესტა მყუდროების დარღვევა.

ერთი ადგილი ვიცი, — თქვა ჰარიეტმა, — სადაც საფრთხე არ გემუქრება, თუ წახვალ.

ნებისმიერ ადგილას წავალ. არჩევანის საშუალება არ მაქვს.

წარმოდგენა გაქვს, რა ხდება იქ?

გამიგია.

ზოგიერთ ქალაქში აბრები აქვთ გამოკრული (ბილბორდი შემდეგი სიტყვებით: ეს მზე პარაფსიქებისთვის არ ანათებს). ისინი ცრურწმენითა და შეუწყნარებლობით სავსე ხალხია (ძველი დროის მქადაგებლები მოშვებული წვერით, გრძელ პერანგში ჩაცმული, დაბნეული, შეშინებული ადამიანები თოკითა და მათრახით ხელში, გამეტებით რომ უბრაახუნებენ მუშტებს კათედრაზე და წმინდანის ნილაბი აქვთ მორგებული).

ჰარიეტმა ბლენს ჩასჩურჩულა: “რა ბინძური და შეურაცხმყოფელი მდგომარეობაა.”

ქვემოთ, გზაზე, მანქანა დაიძრა, მათ ყური მიუგდეს, მაგრამ მანქანის ხმა აღარ ისმოდა.

“როგორც იქნა. მობეზრდათ ლოდინი, — თქვა ჰარიეტმა, — ან შეიძლება ვიღაც მაინც დატოვეს, მაგრამ მაგას ადვილად გავუმკლავდებით.”

ჰარიეტმა ძრავა ჩართო და, როგორც კი ფარები აინთო, ნაკადულის მიმართულებით გაემშურა. გზა აქედან უფრო ციცაბო იყო. მანქანა კლდის ნაპირს მიუყვებოდა, ნაკადულის გასწვრივ, ბუჩქების გვერდის ავლით, შემდეგ დანის პირივით ვიწრო ნაპრალი გაიარა. ნაპრალი ნელ-ნელა გასწორდა და


ისინი ვინრო კლდის შვერილზე აღმოჩნდნენ, მათ ზემოთ შავი ლოდების გროვა იყო, ხოლო ქვემოთ ბნელი სიცარიელე მოჩანდა. თითქოს მთელი საუკუნე მოანდომეს ამ ციცაბო გზაზე ასვლას. უცებ ქარმა და სუსხმა იმატა და მალე მათ წინ მთვარის მკრთალი შუქით განათებული ვაკე ადგილი გამოჩნდა.

ჰარიეტმა მანქანა გააჩერა და სავარძელში დაეშვა.

ბლეინი მანქანდან გადმოვიდა, ჯიბე მოისინჯა, იქ სიგარეტის კოლოფი ეგულებოდა. როგორც იქნა, იპოვა, მაგრამ ერთადერთი სიგარეტილა დარჩენოდა, ისიც საშინლად გასრესილი. ბლეინმა სიგარეტი გაასწორა და მოუკიდა, შემდეგ მანქანას შემოუარა და ანთებული სიგარეტი ჰარიეტს ჩაუდო პირში.

ჰარიეტმა სიამოვნებით გააბოლა.

"წინ საზღვარია, — თქვა ჰარიეტმა, — ახლა შენ დაჯექი საჭესთან. კიდევ ორმოცდაათი მილი დარჩა, კარგი გზაა. იქ ერთი პატარა ქალაქია, სადაც შეიძლება გავჩერდეთ და ვისაუზბოთ."



ხალხი რესტორნის პირდაპირ ქუჩაში შეკრებილიყო და ჰარიეტის მანქანასთან შეჯგუფებული ავისმომასწავებელი და დაძაბული ღუმილით უთვალთვალებდა მათ. საშინელი ხალხი იყო, გაბოროტებული, ღვარძლიანი და თითქმის შიშის ზღვარზე მყოფი, მაგრამ ალბათ უფრო გაბოროტებული, რასაც შიში განაპირობებდა.

ბლენი ზურგით რესტორნის კედელს მიყრდნობოდა, სადაც სულ ცოტა ხნის წინ ისაუზმეს. არაფერი საეჭვო არ შეუნიშნავთ, ერთი შეხედვით ყველაფერი რიგზე იყო. ხმა არავის ამოუღია, არავის მიუქცევია მათთვის ყურადღება. ყველაფერმა ძალზე ჩვეულებრივად და ნორმალურად ჩაიარა.

“როგორ მიხვდნენ?” — იკითხა ბლენმა.

“არ ვიცი,” — უპასუხა ჰარიეტმა.

“აბრა ჩამოუხსნიათ.”

“ან შეიძლება ჩამოვარდა, ან სულაც არ ჰქონიათ აკრული. ზოგიერთ ქალაქს არც აქვს. ასეთ აბრებს ყველაზე აგრესიულები კიდებენ.”

“აქ ბავშვებიც აგრესიულები არიან.”

“იქნებ, ჩვენ არც გვითვალთვალებენ.”

"შეიძლება," — თქვა ბლეინმა. მაგრამ ამ ბრბოს შეკრების სხვა მიზეზს ვერ ხედავდა.

კარგად მომისმინე, შუბ. თუ რამე მოხდა და ერთმანეთს დავშორდით, სამხრეთ დაკოტიისკენ წადი, პიერში (პიერი, შეერთებული შტატების რუკაზე წითელი ვარსკვლავით აღნიშნული ქალაქი, სახელი წითელი ასოებით დატანებული, ასევე გზაც, რომელიც პანანინა სასაზღვრო ქალაქიდან მისოურის გაშლილ კალთაზე გაშენებულ ქალაქში მიდის).

ვიცი ეგ ადგილი, — უთხრა ბლეინმა.

რესტორანში მიკითხე (შენობის ქვის ფასადი დიდი ქვის ფანჯრებით, ერთ-ერთი ფანჯრის თავზე მოვერცხლილი და მოჩუქურთმებული უნაგირია ჩამოკიდებული, ხოლო კარს ზემოთ ირმის საუცხოო რქებია დამაგრებული), მთის ფერდობზე, მდინარის ზემოთ რომ არის. იქ თითქმის ყველა მიცნობს და გეტყვიან, სადაც ვიქნები.

ჩვენ არ დავშორდებით ერთმანეთს.

და მაინც, თუ დავშორდით, დაიმახსოვრე, რაც გითხარი.

რა თქმა უნდა, — თქვა ბლეინმა, — აქამდე მომიყვანე, მე შენ გენდობი.

ბრბო ამოძრავდა, უფრო სწორად, მოუსვენრობა და არეულობა დაეტყო, თითქოს ნელ-ნელა დუღილს იწყებდა. მოულოდნელად ავისმომასწავლებელი, უსიტყვო ჩურჩულისა და ბუზლუნის ხმა წამოვიდა.

უცბად, ხალხის ტალღა ვილაცამ გააპო და ქუჩაში დედაბერი გამოფრატუნდა, დაჩამიჩებული და ფორმადაკარგული — მხოლოდ თავი, ხელები, შიშველი და ტალახში ამოგანგლული ფეხები მოუჩანდა. გაბურძგნილი თმა თეთრი ძონძით შეეკრა, რომელიც მთელ თავზე ნაფლეთებად ეკიდა.

დედაბერმა უძლური ხელი ასწია, მოშვებული კანი ჩვარივით დაეკიდა მკლავზე, და გაძვალტყავებული, მოგრეხილი და აკანკალებული თითი პირდაპირ ბლეინისკენ გაიშვირა.

“ის არის, — დაინრიპინა კუდიანმა, — თავიდანვე შევნიშნე რაღაც უცნაურობა. მაგის ტვინში ვერ შეაღწევ, პრიალა სარკესავითაა. ის ...”

მისი დანარჩენი სიტყვები ხალხში ამტყდარ ჩოჩქოლში ჩაიკარგა. ბრბო დაიდრა და ნელ-ნელა, ნაბიჯ-ნაბიჯ მიიკვლევდა გზას კედელთან მდგარი ნყვილისკენ. იგრძნობოდა, თითქოს ხალხი უხალისოდ და შიშით მიიწევდა წინ, მაგრამ ბრბოს მამოძრავებელი საზოგადოებრივი მოვალეობის გრძნობა შიშზე უფრო ძლიერ ზემოქმედებას ახდენდა.

ბლენმა ჯიბეში ჩაიყო ხელი და შარლინის სამზარეულოში ნაშოვნი იარაღი მოსინჯა. რადგან იცოდა, რომ ეს გამოსავალი არ იყო და საქმეს უფრო გაართულებდა, ცივად გაუშვა იარაღს და ხელი ჯიბიდან ამოსწია.

მოულოდნელად ბლენი მიხვდა, რომ რაღაც შეიცვალა — ისევე ადამიანი იყო, ვარდისფერი არსება სადღაც გამქრალიყო და ტვინში მისი მოძრაობა აღარ შეინიშნებოდა. რაღაც მომენტში ბლენმა მართლა არ იცოდა, რა რეაქცია უნდა ჰქონოდა, უნდა გაჰხარებოდა თუ არა. მაგრამ ცოტა ხნის შემდეგ კვლავ შენიშნა საკუთარი გონების კუთხიდან მომზირალი არსება, წამით გაიტრუნა და დააკვირდა მას, მაგრამ განსაკუთრებული არაფერი მომხდარა და არსება მალევე დაუბრუნდა თავის სამალავს.

ხალხის მასაში მოტივტივე სახეებს მძვინვარება და სიძულვილი დაეცყოთ, ეს ბრბოს ღამისეულ თავდასხმას კი არ ჰგავდა, არამედ — მგლების ხროვის შეტევას, როცა მსხვერპლს დღისით ეპარებიან, ხოლო ამ მასას, ადამიანური სიძულვილის ტალღას, წინ დამჭკნარი ბებერი კუდიანი მიუძღვებოდა. მან თითის მოძრაობით ანიშნა ბრბოს, დაძრულიყო.

“წყნარად იდექი, — გააფრთხილა ბლენი ჰარიეტმა, — სიმშვიდე ჩვენი ერთადერთი გამოსავალია.”

ბლენი ყოველ წუთს ელოდა მდგომარეობის გაუარესებას.

ბრბო ბოლოს და ბოლოს ან დაიღლებოდა ან ნერვები უმტყუნებდა და რალაც მცირედი შემთხვევა, მაგალითად, პატარა მოძრაობა, ერთი სიტყვა საკმარისი იქნებოდა, რომ ეს ალყა მძვინვარე იერიშში გადაზრდილიყო.

და ეს თუ მოხდებოდა, ბლენინი იარაღს გამოიყენებდა და ეს სურვილით კი არა, აუცილებლობით იქნებოდა გამონვეული, სხვა გამოსავალი არც დარჩებოდა.

წუთით, სანამ ძალადობის მორევში გაეხვეოდა, მძინარე და გარინდებული ქალაქი გაქვავებული იდგა — პატარა ქალაქი, მზით გათანგულ ქუჩაზე გამავალი მოძველებული, გაცრეცილი და საღებავგადასული ორსართულიანი საოფისე ნაგებობებით. მეჩხერი ხეები დიდი მანძილით დაშორებოდნენ ერთმანეთს, შენობების ზედა ფანჯრებიდან ხალხი იცქირებოდა და გაოცებული ადევნებდა თვალყურს ქუჩაში მოსეირნე პოტენციურ ნადავლს.

ბრბო მოახლოვდა და ბლენინის ირგვლივ ფრთხილი და მდუმარე წრე შეკრა. ჩურჩულიც შეწყდა და სიძულვილის გრძნობა ველური ნიღბების საფარველმა დაფარა.

ტროტუარზე მკვეთრი ფეხის ხმა გაისმა — ერთი ნაბიჯი, შემდეგ კიდევ ერთი... ვილაცა თანაბარი, მიზანმიმართული ნაბიჯით მოემართებოდა მათკენ.

ფეხის ხმა მოახლოვდა, ბლენინმა წამით შეხედა და მალალი, ფერმკრთალი კაცის სილუეტი შენიშნა, რომელიც ისე გამიზნულად მოაბიჯებდა მათკენ, თითქოს სასეირნოდ ყოფილიყო გამოსული. კაცი ბლენინთან მივიდა, გვერდით ამოუდგა და ბრბოს მიუბრუნდა. ხმა არ ამოუღია, გაუნძრევლად იდგა, მაგრამ ბრბო მის დანახვაზე შეჩერდა და ირგვლივ შემზარავმა სიჩუმემ დაისადგურა.

შემდეგ ვილაც კაცმა ხმა ამოიღო: "დილა მშვიდობისა, შერიფო."

შერიფი არ განძრეულა; ხმა არ გაუცია.

"ისინი პარაფსიქები არიან," — თქვა კაცმა.

"ვინ თქვა ეგ?" — იკითხა შერიფმა.

“ბებერი სარა ამბობს.”

შერიფი სარას მიუბრუნდა: “მართალს ამბობს, სარა?”

“ტომი მართალია, — დაიჭყვივლა ბებერმა, — აი იმას, იქ, უცნაური გონება აქვს. როცა შელწევას ცდილობ, ისხლიტავს.”

“ქალი?” — იკითხა შერიფმა.

“ისიც მასთან არ არის?”

“მრცხვენია თქვენ გამო, — შერიფმა პატარა უზნეო ბავშვებივით დატუქსა ისინი, — ყველას დაგაკავებთ, თითო-თითოს.”

“მაგრამ ისინი ხომ ტელეპათები არიან?” — გაისმა ხმა.

“იცი, რას გეტყვით, — თქვა შერიფმა, — ყველა თავის საქმეს დაუბრუნდეს. ამათ მე მივხედავ.”

“ორივეს?” — იკითხა ვილაციის ხმამ.

“არ ვიცი, — თქვა შერიფმა, — ეს ქალი სულაც არ არის ტელეპათი. მე ვფიქრობ, ალბათ ქალაქიდან მის გაძევებას დაფჯერდებით, ეს სავსებით საკმარისი იქნება.”

შერიფი ჰარიეტს მიუბრუნდა: “ამ კაცთან ხარ?”

“და მასთანვე დავრჩები!”

არა! — თქვა ბლეინმა (სიჩუმის ნიშანი, ტუჩებთან მიტანილი თითი), სწრაფად, იმ იმედით, რომ ვერავინ შეამჩნევდა, რადგან ასეთ ქალაქში უბრალო ტელეპათიც კი შეიძლებოდა საფრთხეში აღმოჩენილიყო.

როგორმე ხმამაღლა უნდა გააფრთხილოს.

“ის მანქანა, გზის გადაღმა რომ დგას, თქვენია?” — იკითხა შერიფმა.

“დიახ,” — უპასუხა ჰარიეტმა.

“იცი, რა, მის, მოდით, ჩაჯექით ახლა მანქანაში და აქაურობას გაეცალეთ. ხალხი გაგატარებთ.”

“სულაც არ ვაპირებ ...”

ბლეინმა შეანწყვეტინა: “ჰარიეტ, გააკეთე, რასაც გეუბნებიან.”

ჰარიეტი შეყოვნდა.

"მიდი," — არ ეშვებოდა ბლენინი.

ჰარიეტი ნელი ნაბიჯით მოშორდა ტროტუარს, შემდეგ უეცრად შემობრუნდა.

"გნახავ! — მიმართა ბლენინს და შერიფს ზიზღნარევი მზერა ესროლა, — კაზაკი," — ჩაილაპარაკა ქალმა.

შერიფს ყურადღებაც არ მიუქცევია, ეს სიტყვა ადრე არც გაეგონა.

"დაიკარგეთ აქედან," — მიუგო მან თითქმის კეთილგანწყობილად.

ბრბო გაიყო, რომ ქალი გაეტარებინა, მაგრამ მაშინვე უკმაყოფილო ჩოჩქოლი ატყდა. ჰარიეტი მანქანასთან მივიდა, შემობრუნდა და ბლენინს ხელი დაუქნია, შემდეგ ჩაჯდა, დაქოქა მანქანა და უცბად მოსწყდა ადგილს. მოულოდნელობისგან დაბნეულ და ბორბლებისგან დაყენებული მტვრისგან დაბრმავებულ ხალხს ყვირილი აღმოხდა და ერთმანეთს მიანყდნენ, მანქანისთვის გზა რომ დაეთმო.

შერიფი მონუმენტური სიმშვიდით ადევნებდა თვალყურს ჰარიეტის მანქანას, დაღმართში რომ მიქროდა.

"ხედავ, შერიფ! — იღრიალა ერთ-ერთმა დაზარალებულმა, — რატომ არ დააკავე?"

"შენ თავს დააბრალებ, — უთხრა შერიფმა, — ვინ ატეხა ეს ამბავი? მე მშვიდი და აუღელვებელი დღისთვის ვემზადებოდი, შენ კი მყუდროება დამირღვიე."

შერიფი სულაც არ ჰგავდა აღელვებულს.

მშფოთვარე ბრბო ტროტუარს მოაწყდა და გაშმაგებული კამათი განაგრძო.

შერიფმა ხელები აუქნია, თითქოს ქათმები მოიგერია.

"დაიშაღეთ, — შეუყვირა მან ხალხს, — ხომ გაერთეთ, ახლა თქვენს საქმეს მიხედეთ. ამ კაცს კი ციხეში წავიყვან." —

შერიფი ბლენინს მიუბრუნდა და უთხრა: "აბა, ნავედით!"

ერთად დაუყვნენ ქუჩას და საპატიმროს შენობისკენ გაემართნენ.

“შენ ჩემზე უკეთესად უნდა გცოდნოდა, — უთხრა მან ბლეინს, — ამ ქალაქში ვერ იტანენ პარაფსიქებს.”

“რა ვიცოდი, — უპასუხა ბლეინმა, — ამაზე არანაირი წარწერა არ მიანიშნებდა.”

“ქარმა ჩამოაგდო ორი-სამი წლის წინ, — უთხრა შერიფმა, — ვერავინ მოისაზრა, ხელახლა აღემართა. ახალი აბრა უნდა დავამზადებინო, ძველი სულ აღარ ვარგა, ზედ ასოებიც აღარ ჩანს, ქვიშის ქარიშხლებმა საღებავი ამოჭამეს.”

“რას მიპირებ?” — ჰკითხა შერიფს ბლეინმა.

შერიფმა უპასუხა: “არაფერს განსაკუთრებულს. დაგაკავებ ცოტა ხნით, სანამ ხალხი დაწყნარდება, შენივე უსაფრთხოებისთვის, და როცა ყველაფერი თავის კალაპოტს დაუბრუნდება, აქედან გალწევაში დაგეხმარები.”

შერიფი წუთით გაჩუმდა, გონებაში არსებულ მდგომარეობას აანალიზებდა.

“ახლავე ვერ გაგიშვებ, — თქვა მან, — ბიჭები გაფაციცებით მადევნებენ თვალს.”

მათ საპატიმროს შენობას მიაღწიეს და კიბეს აუყვნენ. შერიფმა კარი გააღო და ბლეინი მიიპატიჟა: “მობრძანდი.”

ისინი ოფისში შევიდნენ და შერიფმა კარი გამოიხურა.

“იცო, — თქვა ბლეინმა, — ჩემი აზრით, არანაირი საფუძველი არ გაქვს, დამაკავო. რა მოხდება, რომ ავდგე და, უბრალოდ, გავიდე აქედან?”

“არაფერიც არ მოხდება, ყოველ შემთხვევაში ახლა. მე, რა თქმა უნდა, წინააღმდეგობას არ გაგიწევ, თუმცა ვეცდები, აზრი შეგაცვლევინო, მაგრამ ქალაქიდან მაინც ვერ გააღწევ, იმ ხალხს შენს დასაჭერად ხუთი წუთიც არ დასჭირდება.”

“შემეძლო ჰარიეტთან ერთად მანქანით გავცლოდი აქაურობას.”

შერიფმა თავი გადააქნია. “შვილო, მე კარგად ვიცნობ ამ ხალხს, მათთან ერთად გავიზარდე, მათი სისხლი და ხორცი ვარ. ვიცი, სადამდე შემიძლია შევტოპო მათთან ურთიერთობაში და ვიცი, სად უნდა გავჩერდე. მარტო ქალს

შემეძლო დავხმარებოდი გაქცევაში, მაგრამ ორივეს ერთად ვერ გაგიყვანდით. შენ გინახავს ოდესმე გამძვინვარებული ბრბო?"

ბლეინმა თავი გაიქნია.

"მაინცდამაინც სასიამოვნო სანახავი არაა."

"სარაზე რას იტყვი, ისიც ხომ ტელეპათია?"

"რას გეტყვი, მეგობარო, და სარა საკმაოდ წარჩინებული ოჯახიდანაა. მართალია, ახლა რთული დრო დადგა, მაგრამ მისი ოჯახი უკვე საუკუნეა, რაც ამ ქალაქში ბინადრობს. ქალაქი სარას მიმართ შემწყნარებლობას იჩენს."

"რა თქმა უნდა, რა ჯობია, როცა ქალაქს საკუთარი მზვერავი ჰყავს."

შერიფმა თავი დაუქნია და ჩაიცინა. "სარას იშვიათად თუ გამოეპარება ვინმე, — წარმოთქვა მან ადგილობრივი მკვიდრისთვის დამახასიათებელი სიამაყით, — მთელი დღე დაკავებულია, გულდასმით აკვირდება ქალაქში შემოსულ თითოეულ უცნობს."

"ტელეპათებს ხშირად იჭერთ ხოლმე?"

"ხშირად არა, — თქვა შერიფმა, — ხანდახან."

შერიფმა მაგიდისკენ მიანიშნა: "ჯიბეებიდან ამოალაგე, რაც გაქვს. კანონი მავალდებულებს ამის გაკეთებას, თუ გინდა, ორდერსაც გამოვწერ."

ბლეინმა ჯიბეებში დაიწყო ქექვა — საფულე, კარტის დასტა, ცხვირსახოცი, გასაღებების აცმა, ასანთი და ბოლოს იარაღი.

ფრთხილად აიღო იარაღი და მაგიდაზე დადო, სხვა ნივთებთან ერთად.

შერიფმა მოავლო თვალი: "და შენ იარაღი გქონდა მთელი ამ ხნის მანძილზე?"

ბლეინმა თავი დაუკრა.

"და რატომ არ გამოიყენე?"

"შემეშინდა და იმიტომ."

"ტარების უფლება თუ გაქვს?"

“ჩემი არც არის.”

შერიფმა ჩუმად დაუსტვინა.

აილო იარალი და გადახსნა. შიგნით სპილენძისფერი ბარაბანი ელვარებდა.

შერიფმა მაგიდის უჯრა გამოალო და იარალი შიგ ჩააგდო.

“ახლა უკვე იურიდიული საფუძველი მაქვს, დაგაკავო,” — მშვიდად მიუგო მან, მაგიდიდან ასანთის ყუთი აილო და ბლეინს მიანოდა.

“ეს მოსაწვეად გამოგადგება.”

ბლეინმა ასანთი ჯიბეში ჩაიღო.

“სიგარეტს გიშოვი, თუ გინდა,” — შესთავაზა შერიფმა.

“არ არის საჭირო, — უთხრა ბლეინმა, — სიგარეტი კი დამაქვს, მაგრამ ბევრს არ ვენევი. ხშირად იმდენ ხანს ვატარებ ჯიბით, სანამ მონევას მოვიფიქრებდე, სულ იცრიცება.”

შერიფმა ლურსმნიდან გასაღებების ასხმა ჩამოხსნა.

“წამომყევი,” — თქვა მან.


ბლეინი შერიფს დერეფანში შეჰყვა, რომლის გასწვრივ საკნები იყო ჩამწკრივებული.

შერიფმა შესასვლელ კართან ყველაზე ახლოს მდებარე საკანი გაალო.

“საკანი შენს განკარგულებაშია, — უთხრა ბლეინს შერიფმა, — აქედან ბოლო პატიმარი გუშინ გავუშვი. ვილაც ზანგმა საზღვარი გადმოჭრა და ციხეში ამოყო თავი. ეტყობა, ჩათვალა, თეთრკანიანებს არაფრით ჩამოვუვარდებო.”

ბლეინი საკანში შევიდა. შერიფმა კარი გაიხურა და გადარაზა.

“თუ რამე დაგჭირდება, — უთხრა შერიფმა მეგობრულად, — დამიძახე და მოგიტან.”



მაგიამ ბევრი სახელი გამოიცვალა.

ერთ დროს ექსტრასენსორული აღქმა ერქვა, გარკვეული ხნის შემდეგ პსიონიზმი დაერქვა, მაგრამ მაგია მისი ყველაზე უფრო გავრცელებული სახელი იყო.

შესაძლოა, რომელიმე უძველესი ექიმბაში, რომელიც ჟანგის მინარევისგან საღებავს აკეთებდა, თავის ქალაში კოჭებს აჩხრიალებდა, ხოლო ჩანთა სავსე ჰქონდა სხვადასხვა გულისამრევი ნივთით, იმაზე უფრო ადრე ატარებდა პრიმიტიულ მაგიურ რიტუალებს, ვიდრე თვით ეს სიტყვა წარმოიშობოდა და მონყურებული ეტანებოდა უცხო პრინციპებს, რომლის არსი არ ესმოდა, ან სავსებით შესაძლებელია, არც იცოდა, რომ არ ესმოდა, ვერც ხვდებოდა, რომ არსებობდა რაღაც, რის არსსაც უნდა ჩასწვდომოდა. ეს პასიური ცოდნა ხელიდან ხელში გადადიოდა. ამ ცოდნას კონგოს მისნები იყენებდნენ, მის შესახებ იცოდნენ ეგვიპტელმა ქურუმებმა და ტიბეტელმა ბრძენებმა, მაგრამ ვერავინ შეძლო მისი სათანადოდ შეფასება და ჯეროვნად გამოყენება. თანამედროვე ადამიანმა მაგიისადმი ნდობა სრულიად დაკარგა, მიივიწყა და დღეს ცოტა თუ მოიძებნება, ვისაც ნამდვილად სწამს მისი.

ცივილიზაციის ეპოქაში წარმოიშვა მეცნიერება და

მეცნიერებით აღჭურვილ სამყაროში მაგისთვის ადგილი აღარ დარჩა, რადგანაც არ არსებობდა მისი შესწავლის არც მეთოდი, არც სისტემა. ვერ მოხერხდა მისი გარკვეულ ფორმულამდე ან განტოლებამდე დაყვანა. ასე რომ, მაგია საექვო და მიუღებელ ფენომენად იქცა და არც ერთი ჭკუათმყოფელი ადამიანი მას სერიოზულად არ აღიქვამდა.

ხალხი ახლა მას პარანორმალურ კინეტიკას უწოდებდა, ხოლო იმ ადამიანებს, რომლებიც ამ ნიჭით იყვნენ დაჯილდოებული, პარაკინეტიკოსებს ეძახდნენ, ციხეებში ამწყვდევენ და ყველანაირად სდევნიდნენ.

მეტად უცნაური ამბავი იყო, თუ კაცი დაუფიქრდებოდა, რადგან მეცნიერებასა და პარანორმალურ კინეტიკას შორის არსებული ამოუცნობი უფსკრულის მიუხედავად, საბოლოოდ, პარანორმალური კინეტიკის პრაქტიკული გამოყენება სწორედ იმ მეთოდური გონების მეშვეობით შეძლეს, რომელიც ადამიანთა მოდგმამ მეცნიერების დახმარებით გამოიმუშავა.

საოცარია, — ფიქრობდა ბლეინი, — მაგრამ რაღაც მომენტში აუცილებელი გახდა, რომ მეცნიერებას ყველაზე მნიშვნელოვანი პოზიცია დაეკავებინა. ის უფრო ადრე უნდა განვითარებულიყო, ვიდრე ადამიანი იმ ძალების შემეცნებას შეძლებდა, რომლებმაც მისი გონება მარწუხებისგან გაათავისუფლეს, სანამ ის ხალხი, ვინც ქვეცნობიერად ყოველთვის ფლობდა ფსიქიკურ ენერჯიასა და ძალას, შეძლებდა ამ ძალის გათვითცნობიერებასა და პრაქტიკულ გამოყენებას. პარანორმალური კინეტიკის კვლევისას საჭირო გახდა მეთოდის გამოყენება და მეცნიერება სწორედ იმ საცდელ ბაზისად იქცა, რომელზე დაყრდნობითაც შემდეგ ეს მეთოდი განვითარდა.

ხალხი ამბობდა, რომ შორეული წარსულის რომელიღაც პერიოდში კაცობრიობისთვის გზა ორად დაიყო, ერთ-ერთი მათგანი "მაგიით" აღინიშნა, ხოლო მეორე — "მეცნიერებით" და რომ ადამიანმა "მეცნიერების" გზა აირჩია და "მაგის" გზა

უგულებელყო. ამ ხალხის დიდი ნაწილი მიიჩნევდა, რომ ადამიანმა გამოუსწორებელი შეცდომა დაუშვა, როდესაც ამ ორ გზას შორის არჩევანი მეცნიერებაზე გააკეთა. მათი აზრით, გაცილებით უფრო შორს წავიდოდით, თავიდანვე "მაგია" რომ აგვეჩრია.

მაგრამ ისინი ცდებოდნენ, — გაიფიქრა ბლენინმა თავისთვის, — რადგან ორი გზა არასოდეს ყოფილა, იყო მხოლოდ ერთი. ადამიანს მეცნიერება მანამ უნდა აეთვისებინა, სანამ მაგიას დაეუფლებოდა.

თუმცა მეცნიერებას მაგია თითქმის უკვე დაემარცხებინა, თითქმის კუთხეში მიემწყვდია და ნიშნის მოგებით იგდებდა მასხარად.

დაამარცხებდა კიდევაც, რომ არა შეუპოვარი და მედგარი ადამიანები, რომლებიც ჯიუტად განაგრძობდნენ ვარსკვლავებზე ოცნებას და მზად იყვნენ, მსოფლიოს ქილიკისთვის გაესწორებინათ თვალი, ნებისმიერი დაცინვისთვის გაეძლოთ, ოღონდ ვარსკვლავებისთვის მიენვდინათ ხელი.

ნეტავ როგორი იყო იმ პერიოდის ყოფა, როცა ფიშპუკი მხოლოდ იმედის ნაპერწკალს, გონების გაელვებასა და რწმენის მცირედ ნაწილს წარმოადგენდა. ეს იმედიტა და მოლოდინით სავსე ჯიუტი ადამიანები მარტოდმარტონი იდგნენ ამ გამოწვევის წინაშე. არავინ გაუნოდა მათ დახმარების ხელი, როცა შველა ითხოვეს. ხალხმა ზიზღნარევი დაცინვით უპასუხა ამ მცდარსა და უგუნურ მცდელობას.

პრესამ სენსაციად აქცია მათი გამოჩენა ვაშინგტონში, სადაც ფინანსური დახმარება ითხოვეს. დახმარება, რა თქმა უნდა, არ აღმოუჩინეს, არც ყოფილა გათვალისწინებული ასეთი რამ, რადგან მთავრობა არაფრის დიდებით არ დააფინანსებდა ასეთ სარისკო წამოწყებას. თუკი მეცნიერებამ, მთელი თავისი ძალისა და დიდების მიუხედავად, ვერ შეძლო ვარსკვლავებამდე მიღწევა, რისი

იმედი უნდა ჰქონოდათ: ამათ? აჟე რომ, ეს ხალხი მარტო, საკუთარი სახსრებით განაგრძობდა მუშაობას, ხანდახან თუ მიიღებდა ხოლმე დახმარებას სხვადასხვა ქვეყნისგან თუ ორგანიზაციისგან — მაგალითად, მცირედი გრანტი ინდოეთიდან, ფილიპინებიდან და კოლუმბიიდან. გარდა ამისა, უმნიშვნელო შემონირულობა მეტაფიზიკური საზოგადოებისა და რამდენიმე დონორისგან, რომლებიც თანაგრძნობით ეკიდებოდნენ მათ საქმეს.

და, როგორც იქნა, გამოჩნდა ღვთისნიერი ქვეყანა, მექსიკა, რომელმაც ისინი მოიწვია, სახსრები გამოუყო, სასწავლო ცენტრითა და ლაბორატორიით უზრუნველყო და მასხარად აგდების ნაცვლად რეალური დახმარება აღმოუჩინა.

ამ დღიდან ფიშპუკი რეალობად იქცა და ისეთ ინსტიტუტად ჩამოყალიბდა, რომელიც არა მარტო საკუთარ თავს, არამედ მის დამფუძნებელ ქვეყანასაც უთქვამდა სახელს.

მე კი მისი შემადგენელი ნაწილი ვარ, — ფიქრობდა ბლენი საკანში ყოფნისას, — ამ ფაქტობრივად საიდუმლო საზოგადოების ნაწილი, თუმცა გასაიდუმლოების მიზეზი თავად ფიშპუკი კი არ არის, არამედ — მთელ მსოფლიოში გამეფებული შური, გაუტანლობა და ცრურწმენა. მიუხედავად იმისა, რომ ვცდილობ, გავექცე მას, მიუხედავად მისი დევნისა, მაინც მის განუყოფელ ნაწილად ვრჩები.

ბლენი წამოდგა თავისი პანანინა სანოლიდან, რომელზეც ჭუჭყიანი საგებელი ეგო, სარკმელთან მივიდა და გადაიხედა, საიდანაც მზით გათანგული ქუჩა მოჩანდა, ბულვარში მოქანავე წვრილი ხეებით. ქუჩის გადაღმა ნაღვლიანი და ჩამონგრეული საოფისე შენობები იმზირებოდნენ, ბორდიურებთან ნახევრად დაშლილი მანქანები დაეყენებინათ, ზოგი იმდენად ძველი იყო, რომ შიდანვის ძრავაზე მუშაობდა. მაღაზიების შესასვლელთან ხალხი ჩამომსხდარიყო, მძინარედ ლეჭავდა თამბაქოს და

იფურთხებოდა, რაც ტროტუარებს გამხმარი სისხლის ლაქებივით აჩნდებოდა. ისხდნენ უსიცოცხლოდ, თამბაქოს ლეჭავდნენ და დროდადრო ერთმანეთს გადაულაპარაკებდნენ ხოლმე, ისე, რომ საპატიმროს არც უყურებდნენ და საკუთარ უსაქმურობას სავსებით გულგრილად ხვდებოდნენ.

მაგრამ ბლენიმა იცოდა, რომ ისინი საპატიმროს უთვალთვალეზნენ. ისინი მას უთვალთვალეზნენ — ადამიანს სარკისებური გონებით, რომელიც, როგორც ბებერმა სარამ უთხრა შერიფს, ისხლიტავს და შიგ შელწევის საშუალებას არ გაძლევს.

აი, რა შეამჩნია რენდიმ იმ დღეს. სწორედ ამან გასცა ბლენი და მთელი ფიშპუკი მის კვალზე დააყენა. აქედან გამომდინარე, რენდი ან მოყურიადე იყო ან მზვერავი, თუმცა რა მნიშვნელობა აქვს, — გაიფიქრა ბლენიმა, — მოყურიადე რომც იყოს, მაინც ვერ ამოიკითხავს ისეთ გონებას, რომელიც ირეკლავს.

ეს კი იმას ნიშნავდა, რომ მისი გონება ერთგვარ გამაფრთხილებელ, უეცარ ნათებას ქმნიდა, რისი დანახვაც ყველას შეეძლო, ვისაც ამის უნარი ჰქონდა. უსაფრთხოდ ვერსად იგრძნობდა თავს, ვერსად დაიმალებოდა, მისი გამოჩენა ხმამაღალი ზარის რეკვა იქნებოდა ნებისმიერი მოყურიადესა თუ მზვერავისთვის, რომელიც მას მიუახლოვდებოდა.

ბლენი დარწმუნებული იყო, რომ ადრე ასეთი არ იყო, თორემ ვილაცას მაინც წამოსცდებოდა ან მის ფსიქოლოგიურ რეპორტში იქნებოდა შეტანილი.

ეი, შენ, — დაუძახა მან იმ მისტიკურ არსებას, რომელიც მის გონებაში იმალებოდა, — გამოდი მაქედან!

არსებამ კუდი გადაიქნია და ძალღვივით ააქიციანა, მაგრამ სამალავიდან არ გამოსულა.

ბლენი სანოლს დაუბრუნდა და ნაპირზე ჩამოჯდა.

ჰარიეტი დაბრუნდებოდა და დაეხმარებოდა, ან მანამდე

თვითონ შერიფი გაუშვებდა, როგორც კი სიტუაცია დაწყნარდებოდა. თუმცა შერიფს ახლა მისი დაკავების საბაზი ჰქონდა — იარაღის უკანონო ტარება.

მეგობარო, — მიმართა თავის ბინადარს, — კიდევ ერთხელ დამჭირდება შენი დახმარება. შეიძლება კიდევ ერთი ტრიუკის გამოყენება მოგვიხდეს.

გონებაში ჩასაფრებულმა არსებამ უკვე აჩვენა ბლენის, რა ოინების ჩადენაც შეეძლო — დროის ცვლის ოინი. თუ ეს მეტაბოლიზმი იყო? ვერაფრით გაერკვია, რა მოხდა, ჩვეულებრივზე სწრაფად მოძრაობდა, თუ დრო შენეულა მის გარდა ყველასათვის.

აქედან როცა გააღწევდა, მერე რა უნდა ექნა?

სამხრეთ დაკოტაში წასულიყო, როგორც ჰარიეტმა ურჩია?

აღბათ ასეც მოიქცეოდა, სხვა გეგმა მაინც არ ჰქონდა. დროც არ ჰყოფნიდა, რამე მოეფიქრებინა. მისი უპირველესი მიზანი ფიშპუკის კლანჭებიდან თავის დაღწევა იყო. წლების წინ რომ ეზრუნა ამაზე, სამოქმედო გეგმას აუცილებლად დაისახავდა. ვერასდროს წარმოიდგენდა, რომ ასეთ მდგომარეობაში აღმოჩნდებოდა. ახლა კი ბლენი უცხო ქალაქში იყო, რომლის სახელიც კი არ იცოდა, საკანში გამომწყვდეული, თან მხოლოდ თხუთმეტი დოლარი ჰქონდა და ისიც — შერიფის მაგიდის უჯრაში გამოკეტილი.

ბლენი სანოლზე იჯდა და ქუჩაში მოძრავი მანქანების ხმაურსა და ჩიტების ყრიაშულს უსმენდა. საშინელ მდგომარეობაში იყო, გამოუტყდა საკუთარ თავს, საშინელ და გამოუვალ მდგომარეობაში.

გარეთ კიბეზე რამდენიმე კაცი იჯდა და მას ყარაულობდა, თან ყველანაირად ცდილობდნენ, თავი ისე მოეჩვენებინათ, თითქოს საპატიმრო სულაც არ აინტერესებდათ. ბლენს არ მოსწონდა მათი მზერა.

შერიფის ოფისის კარი გაიღო, დაიხურა, შემდეგ ვილაციის ფეხის ხმა გაისმა. რაღაც გაურკვეველი ხმებიც მოდიოდა,

მაგრამ ბლენის სმენა არ დაუძაბია, რომ გაეგო, რა ხდებოდა. რა აზრი ჰქონდა მოსმენას? და საერთოდ, რა აზრი ჰქონდა რამეს?

შემდეგ შერიფის აუჩქარებელი ნაბიჯის ხმა დერეფანში გაისმა. ბლენმა აიხედა და დაინახა, რომ ის ზედ საკანთან გაჩერდა.

"ბლენ, — დაუძახა შერიფმა, — მამა ფლენეგანს უნდა შენი ნახვა."

"რომელ ფლენეგანს?"

"მღვდელს, ურნმუნო. ამ მრევლის წინამძღვარს."

"არ მესმის, — თქვა ბლენმა, — რატომ უნდა აინტერესებდეს მღვდელს ჩემი ნახვა?"

"შენ რა, ადამიანი არა ხარ? როგორც ყველა ადამიანს, შენც გიდგას სული."

"ნამდვილად."

შერიფმა მკაცრი და შეფიქრიანებული მზერა შეავლო: "რატომ არ მითხარი, რომ ფიშპუკიდან იყავი?"

ბლენმა მხრები აიჩეჩა. "რა მნიშვნელობა აქვს, რას შეცვლიდა ეს?"

"ღმერთო ჩემო, ამ ხალხს რომ სცოდნოდა, რომ ფიშპუკიდან იყავი, ცოცხალი ვერ გადარჩებოდი, — უთხრა შერიფმა ბლენს, — უბრალო ტელეპათსაც სასტიკად უსწორდებიან და წარმოიდგინე, ფიშპუკელს რაღას უზამდნენ. სამი წლის წინ ამ ხალხმა ფაქტორია დანვა, გაყიდვების აგენტმა ძლივს გაასწრო ქალაქიდან."

"შენ რას იზამდი, ჩემი ჩამოხრჩობა რომ მოენდომებინათ?" — ჰკითხა შერიფს ბლენმა.

შერიფმა თავი მოიქეჯა. "რა თქმა უნდა, ყველაფერს გავაკეთებდი, რაც ჩემს ძალებში იქნებოდა."

"დიდი მადლობა, — თქვა ბლენმა, — ალბათ ფიშპუკს უკვე დაუკავშირდით."

"ვუთხარი, რომ მოსულიყვნენ და თვითონ მიეხედათ საკუთარი საქმისთვის."

“ნამდვილი მეგობარი ხარ,” — თქვა ბლენმა.


“რისთვის შემოებეტე ამ ქალაქში? — ცხარობდა შერიფი, — ეს წყნარი, მშვიდობიანი და წესიერი ქალაქია, შენნაირები მას საფრთხეს უქმნიან.”

“მოგვშივდა, — მოიმიზეზა ბლენმა, — და სასაუზმოდ გავჩერდით.”

“მაგარ უსიამოვნებაში გაყავი თავი, — უთხრა მას შერიფმა მკაცრად, — შევეცდები როგორმე გადაგარჩინო.”

შერიფმა გასვლა დააპირა, მაგრამ უცბად მობრუნდა.

“მღვდელს შემოვუშვებ,” — თქვა მან.



მღვდელი საკანში შემოვიდა და წამით შეჩერდა, სიბნელეში თვალებს ქუთავდა.

ბლენი წამოდგა და მღვდელს მიმართა: "მიხარია, რომ მოხვედით, სამნუხაროდ, სანოლის გარდა ვერაფერს შემოგთავაზებთ, ჩამოჯექით."

"არა უშავს, — უთხრა მღვდელმა, — გმადლობ. მე მამა ფლენეგანი ვარ, ხელი ხომ არ შეგიშალე?"

"სულაც არა, — მიუგო მას ბლენმა, — მიხარია თქვენი ნახვა."

მამა ფლენეგანი სანოლთან მივიდა და ჩამოჯდა. მღვდელი უკვე ასაკში იყო და სიმსუქნე მორეოდა. სასიამოვნო გარეგნობა ჰქონდა. დამჭკნარი ხელები ართრიტისგან გაშეშებულს უგავდა.

"დაჯექი, შვილო, იმედია, არ განუხებ, — თქვა მან, — თავიდანვე გაფრთხილებ, რომ საშინლად ცნობისმოყვარე ვარ. ეს ალბათ იმიტომ, რომ ისეთი სამწყსოს მეთაური ვარ, სადაც უმეტესობა ბავშვია, მიუხედავად მათი ასაკისა. რამე განსაკუთრებულზე ხომ არ გსურს ლაპარაკი?"

"ყველაფერზე ალბათ, რელიგიის გარდა," — უპასუხა ბლენმა.

"როგორც გატყობ, რელიგიური ადამიანი არ ხარ, შვილო."

“არა, მაინცდამაინც, ამაზე ფიქრს რომ ვინყებ, მაშინვე ტვინი მერევა ხოლმე.”

მღვდელმა თავი გადაიქნია: “უღმერთო დღეები დაგვიდგა, შენნაირები ძალიან მომრავლდნენ და ეს მანუხებს, დედა ეკლესიასაც, რა თქმა უნდა. ქვეყანაში რთული სულიერი მდგომარეობაა, ხალხის უმრავლესობა ბოროტების შიშით უფრო არის გატაცებული, ვიდრე სიკეთის ჭვრეტით. დღეს ისევ მაქციებზე, ავ სულელებსა და დემონებზე დადის ხმები, მაშინ, როცა ამგვარი ფენომენების შიში საუკუნის წინ დავძლიეთ.”

მამა ფლენეგანმა მძიმედ შემოაბრუნდა სხეული და გვერდულად დაჯდა, ბლენისთვის უკეთესად რომ შეეხედა.

“შერიფმა მითხრა, რომ ფიშუკიდან ხარ,” — თქვა მან.

“ღიახ, ამას ვერ უარვყოფ,” — უპასუხა ბლენმა.

“ფიშუკელთან პირველად ვსაუბრობ, — ჩაიბურტყუნა მოხუცმა მღვდელმა, თითქოს ბლენს კი არა, საკუთარ თავს ელაპარაკებოდა, — ფიშუკზე მხოლოდ მსმენია და ზოგიერთი ამბავი მართლაც რომ ბარბაროსული და დაუჯერებელია. ფაქტორიის გაუქმებამდე აქ ერთი გაყიდვების აგენტი ცხოვრობდა, მაგრამ მე არასდროს შევხვედრივარ. ხალხი ვერ გამიგებდა, რომ მივსულიყავი.”

“იქიდან გამომდინარე, რაც ამ დილით მოხდა, ძალიან მეექვება, რომ გაეგოთ,” — დაეთანხმა მას ბლენი.

“ამბობენ, რომ შენ პარანორმალური...”

“მაგას პარაფსიქი ჰქვია, — დაუკონკრეტა ბლენმა, — შელამაზება არ არის საჭირო.”

“შენ მართლა ტელეპათი ხარ?”

“მამაო, მართლა დაბნეული ვარ, თქვენი ვიზიტის ჭეშმარიტ მიზეზს ვერ ჩავნვდი.”

“აკადემიური მიზეზი მაქვს, — აუხსნა მამა ფლენეგანმა, — დამერწმუნე, წმინდად აკადემიური. შენთან ერთი პირადი მიზეზის გამო მოვედი. ჩემთან შეგიძლია ისევე თავისუფლად ილაპარაკო, როგორც აღსარებისას.”

“იყო დრო, როცა მეცნიერება ყველა სახის რელიგიური ჭეშმარიტების ფარულ მტრად მოიაზრებოდა, — თქვა ბლეინმა, — ახლაც ზუსტად იგივე ხდება.”

“მაგრამ ხალხს ისევ ეშინია, — განაგრძობდა მამა ფლენეგანი, — ისინი კარებს კეტავენ და ურდულით რაზავენ, ღამით გარეთ არ გამოდიან, ხოლო ჭიშკრებსა და სახლის სახურავებზე კაბალისტური ნიშნები აქვთ გაკრული და არა ნეტარი ჯვარცმა. ისეთ რალაცებზე დაიწყეს ჩურჩული, რაც, ჯერ კიდევ შუა საუკუნეებიდან მოყოლებული, დავიწყებას მიეცა, თანაც საკუთარი გონების დაბურულ კუნჭულებში თრთიან, დაკარგეს უძველესი რწმენა. რა თქმა უნდა, ყველა რიტუალს გულდასმით ასრულებენ, მაგრამ, სამწუხაროდ, ამას მათ სახეებზე ვხედავ, მათ ლაპარაკში ვგრძნობ, მათ გონებაში ვამჩნევ. ამ ხალხმა დაივიწყა რწმენის მარტივი ხელოვნება.”

“არა მგონია, მამაო, რწმენა რომ დაეკარგათ, უბრალოდ, გონება აქვთ არეული.”

“მთელ მსოფლიოს გონება აქვს არეული,” — აღნიშნა მამა ფლენეგანმა.

ეს სრული სიმართლეა, — გაიფიქრა ბლეინმა თავისთვის, — მთელ მსოფლიოს გზა-კვალი აქვს არეული, რადგანაც ტრადიციული კულტურული გმირი დაკარგა და, უდიდესი მცდელობის მიუხედავად, შემცვლელი ვერ იპოვნა. საყრდენი გამოეცალა, რომელიც ალოგიკურობისა და უგუნურობის ქარიშხალში ღუზის მაგივრობას უწევდა და შუა ოკეანეში კომპასისა და რუკის გარეშე დარჩა.

ერთ დროს მეცნიერება კულტურული გმირის სახე იყო. მასში ლოგიკასაც ხედავდნენ, გონიერებასაც და მაქსიმალურ სიზუსტესაც, რომელიც უმცირესი ატომის სიღრმესა და კოსმოსური სივრცის შორეულ ნაპირებში აღწევდა. მისი მეშვეობით მილიონობით მექანიზმი შეიქმნა მეცნიერების თაყვანისმცემელთა სანუგეშოდ და ადამიანს საშუალება მიეცა ხელი და თვალი მიეწვდინა მთლიანი სამყაროსთვის.

მეცნიერება, როგორც ყოველთვის, სარწმუნო წყარო იყო, რადგანაც ადამიანური სიბრძნის მწვერვალს წარმოადგენდა.

პრაქტიკულად კი ის მანქანებსა და მანქანურ ტექნოლოგიამდე დაიყვანებოდა, რადგან მეცნიერება აბსტრაქტული მცნება გახლდათ, ხოლო მანქანები — ხილული და კონკრეტული.

შემდეგ დადგა დღე, როცა ადამიანი, მისი არაჩვეულებრივი მანქანებისა და სახელგანთქმული ტექნოლოგიების მიუხედავად, განდევნეს კოსმოსიდან, თითქოს მათრახის ერთი მოქნევით თავისდა უნებურად გადმოსროლეს უკან, დედამიწის კალთაზე. ამ მარცხის აღმოჩენისას ადამიანს სასოწარკვეთილი გმინვა აღმოხდა. სწორედ ამ დღიდან დაკარგა მეცნიერებამ თავისი ჩვეული ელვარება და სიკაშკაშე და უკვე აღარავინ იყო მეცნიერების, როგორც კულტის მიმდევარი.

იმ დღეს, როცა ადამიანი პირველად გაიჭრა კოსმოსში მანქანების დაუხმარებლად, ტექნოლოგიისადმი თაყვანისცემა ერთხელ და სამუდამოდ ჩაქრა. მართალია, მანქანები, ტექნიკა და თავად მეცნიერება კვლავ განაგრძობდნენ არსებობას, ყოველდღიურად გამოიყენებოდნენ და ჯერ კიდევ უდიდესი მნიშვნელობა ენიჭებოდათ, მაგრამ საკულტო საგნებს აღარ წარმოადგენდნენ.

იმ ხელსაწყოებს, რომლებსაც ფიშპუკში გამოიყენებდნენ, ვერ დაარქმევდით უბრალო ხელსაწყოებს, ისინი განსხვავდებოდნენ ადამიანის გონებაში ასოცირებული ხელსაწყოებისგან, რადგან მათ არც ერთი იმ კომპონენტთაგანი არ ჰქონდათ, რომელიც ჩვეულებრივ მანქანაზე მიდის — არც სარქველი, არც ბორბალი, არც ამძრავი, არც ღერძი, არც ბერკეტი და არც უბრალო ღილაკი. ეს უცხო და უცნაური აპარატები იყო და მათში არაამქვეყნიური ძალა იგრძნობოდა.

ასე დაკარგა ადამიანმა თავისი გმირი. აბსტრაქტული

გმირის თაყვანისცემის, იდეალისა და მიზნის გარეშე კი არ შეეძლო ცხოვრება, ამიტომ წარმოიშვა ვაკუუმი, რომელიც აუცილებლად ითხოვდა შევსებას.

პარანორმალური კინეტიკა, თავისი უცნაური და უცხო ცნებების მიუხედავად, იდეალურად ავსებდა ამ სიცარიელეს. სწორედ აქ ჰპოვა გამართლება ყველა უჩვეულო კულტმა; და რაც მთავარია, აქ იდო ნება-სურვილების საბოლოო ასრულება; ამ ფენომენში იყო გარკვეული ეგზოტიკური მომენტი, რომელიც ადამიანის სიღრმისეულ განცდებს ესაღბუნებოდა. ამას უბრალო მანქანები ვერასოდეს შეძლებდნენ.

აქ, მადლობა ღმერთს, გამოჩნდა მაგია!

ასე რომ, მსოფლიო მაგიის გზით წავიდა.

ქანქარის ერთი ბოლო, როგორც ყოველთვის, ძალზე შორს გადაიზნिया და ახლა უკან ბრუნდებოდა, დედამიწაზე შეუწყნარებლობის საშინელი ტალღა აგორდა.

ადამიანი კიდევ ერთხელ დარჩა გმირის გარეშე, სამაგიეროდ, განახლებული ცრურწმენები შეიძინა, რამაც ის შუა საუკუნეების ბნელ მორევში გადაისროლა.

"ამ საკითხზე ბევრი ვიფიქრე, თავი ვიმტვრიე, — თქვა მამა ფლენეგანმა, — ასეთ თემას, ბუნებრივია, ისეთი უღირსი ღვთის მსახურებიც ვერ აუვლიან გვერდს, როგორც მე ვარ, რადგანაც ის, რაც ადამიანის სულსა და მის გონებას ეხება, ეკლესიის, რომის პაპისა და ზეციერის ინტერესს წარმოადგენს."

ბლენმა ოდნავ დაუკრა თავი, რითაც ამ კაცის გულწრფელობის მიმართ პატივისცემა გამოხატა, მაგრამ მის ხმაში სიმწარის მარცვალი იგრძნობოდა, როცა მღვდელს მიმართა: "მამ თქვენ ჩემს შესასწავლად და დასაკითხად მოხვედით?!"

მოხუცი მღვდლის ხმას სევდა შეერია: "ღმერთს ვევედრებოდი, რომ ეს ასე არ გაგეგო, თუმცა, როგორც ჩანს, უშედეგოდ. აქ რომ მოვდიოდი, იმედი მქონდა, რომ

დამეხმარებოდით და ამით ძალაუნებურად ეკლესიასაც შეუწყობდით ხელს, რადგან ხანდახან ეკლესიაც საჭიროებს დახმარებას. სიამაყის გადაღახვა და ამის აღიარება, რა თქმა უნდა, არც ისე ადვილია, თუ მხედველობაში მივიღებთ ეკლესიის რთულ და წინააღმდეგობებით აღსავსე ისტორიას. ჭკვიანი ადამიანი ხარ და იმ გამოუცნობ ფენომენს ეკუთვნი, რომელიც საგონებელში გვაგდებს. ვიფიქრე, იქნებ, დამეხმაროს-მეთქი."

ბლენი უხმოდ იჯდა, მღვდელი კი თვალს არ აშორებდა. ფლენეგანი მოკრძალებული ადამიანი გახლდათ, რომელიც შველას ითხოვდა, მაგრამ ისეთი შინაგანი სიმტკიცით, რომ შეუძლებელი იყო, თვალში არ მოხვედროდა ადამიანს.

"წინააღმდეგი არ ვარ, — უთხრა ბლენმა, — თუმცა რაიმე სასიკეთო შედეგის იმედი მაინცდამაინც არ მაქვს. თქვენ ამ ქალაქს ეკუთვნით, ამიტომაც თანამოზიარე ხართ იმისა, რაც აქ ხდება."

"ასე არ არის, შვილო. ჩვენ არც ვამართლებთ და არც ვგმობთ რამეს, ამის შესახებ ძალიან ცოტა რამ ვიცით."

"მოგიყვებით ჩემ შესახებ, თუ სურვილი გაქვთ, — თქვა ბლენმა, — მოგზაური ვარ. ჩემი საქმე ვარსკვლავებზე გამგზავრებაა. ამისთვის მანქანში ფჯდები — მანქანა კი არა, უფრო ზუსტად რომ ვთქვათ, ერთგვარი მოწყობილობაა, რომელიც ათავისუფლებს ჩემს გონებას და გარკვეულ მიმართულებასაც აძლევს. ეს ნავიგაციაში მეხმარება — იცით რა, მამაო, ამის ახსნა ცოტა რთულია მარტივი, ჩვეულებრივი ტერმინებით. ალბათ გაუგებრად ვლაპარაკობ."

"მშვენივრად მესმის, რასაც ამბობთ."

"ეს ნავიგაცია საკმაოდ უცნაური რამ არის, აქ ისეთი ფაქტორებია ჩართული, რომელთაც სახელს ვერ მოუძებნი. მეცნიერებაში ამას მათემატიკა ეწოდება, მაგრამ სინამდვილეში მათემატიკაც არ არის, ეს უფრო ისეთ შეგრძნებას ჰგავს, როცა იცი, სადაც მიემგზავრები."

“მაგია?”

“ეშმაკმა წაიღოს, არა — უკაცრავად, მამაო. არა, ეს მაგია არ არის. საკმარისია, ჩანვდე მის არსს, შეიგრძნო ის და ყველაფერი მარტივად და ნათლად წარმოგიდგება, შენს განუყოფელ ნაწილად იქცევა. ეს ისეთივე ბუნებრივი მოვლენაა, როგორც სუთქვა, ისეთივე ადვილი, როგორც მორიდან ჩამოვარდნა. მე ვიტყვოდი ...”

“მგონი, არ არის საჭირო ამ პროცესის აღწერა, — შენწყვეტინა მამა ფლენეგანმა, — უბრალოდ მომიყევი, რა გრძნობა გეუფლება, როცა შორეულ ვარსკვლავზე ხარ?!”

“არავითარი განსხვავება არ არის, შეგრძნება იგივეა, როგორც აქ, დედამინაზე, უბრალოდ, თავიდან, რამდენიმე ჯერზე, ასე გგონია, თითქოს აბსოლუტურად შიშველი ხარ და მხოლოდ საკუთარ გონებას გრძნობ, ხოლო სხეული თითქოს სადღაც გამქრალა...”

“და სხეულს მონყვეტილი შენი გონება ჰაერში ტრიალებს?”

“არა, შეიძლებოდა, რა თქმა უნდა, ასეც ყოფილიყო, მაგრამ საქმე სხვანაირად არის. ჩვეულებრივ, სპეციალურ მანქანაში განთავსებენ, რომელსაც შორეულ მოგზაურობაში მიყავხარ.”

“მანქანაში?”

“საკონტროლო აპარატში, რომელიც მონაცემებს აგროვებს და დისკზე აღბეჭდავს. მთლიან სურათს იღებ, არა მარტო იმისა, რასაც თავად ხედავ — თუმცა ზოგჯერ ამას ხედვასაც ვერ უწოდებ; ეს უფრო შეგრძნებაა — ყველაფრისა, რისი დაფიქსირებაც შეიძლება. თეორიულად და გარკვეულ წილად პრაქტიკულადაც, აპარატი კრებს მონაცემებს, გონება კი მხოლოდ ინტერპრეტატორის ფუნქციას ასრულებს.”

“და რას ხედავ?”

ბლენის ჩაეცინა: “მამაო, ამის მოყოლა იმაზე მეტ დროს ნაგვართმევს, ვიდრე გვაქვს.”

“და მაინც თუ შეხვდები იქ ისეთ რამეს, რაც დედამინაზე არ არის?”

“იშვიათად. მართალია, პლანეტები ბევრია, მაგრამ დედამინისნაირი — ცოტა, პროპორციულად, რა თქმა უნდა და ჩვენც შეგვიძლია ნებისმიერი ავირჩიოთ. დედამინისნაირი პლანეტები სულაც არ წარმოადგენს ჩვენს ერთადერთ მიზანს. ყველგან შეგვიძლია წასვლა, სადაც კი აპარატი ფუნქციონირებს და იმას თუ გავითვალისწინებთ, თუ როგორ მუშაობენ ასეთი მანქანები, მაშინ გზა ხსნილია თითქმის ყველგან”

“სხვა მზის შუაგულისკენაც კი?”

“ამას თავად მანქანა ვერ გაუძლებდა, მწყობრიდან გამოვიდოდა, თუმცა, ჩემი აზრით, გონება ამასაც გაუმკლავდებოდა. მაგრამ ეს ჯერ არავის უცდია, რამდენადაც ვიცი.”

“შენ რას განიცდი ამ დროს, რაზე ფიქრობ?”

“ვაკვირდები, — უპასუხა ბლეინმა, — სწორედ მაგისტვის მივდივარ ხოლმე.”

“ისეთ გრძნობას არასოდეს შეუპყრიხარ, როცა საკუთარ თავს ყველა ცოცხალი არსების მბრძანებლად მიიჩნევ, არ გიფიქრია, რომ ადამიანს მთელი მსოფლიო ხელის გულზე უჭირავს?”

“ამ დროს ქედმაღლობისა და ამპარტავნების მდაბალი შეგრძნება არასოდეს გეუფლება. ხანდახან ჟრუანტელივით გივლის იმის აღმოჩენა, რომ იცი, სადაც ხარ. ხშირად გიტაცებს ფიქნარევი გაოცებაც, როცა რაღაც წამდაუნუმ გახსენებს საკუთარ უსუსურობასა და უმნიშვნელობას და ზოგჯერ გავიწყდება, რომ ადამიანი ხარ და თავი ცოცხალი ნაგლეჯი გგონია — განუყოფელი ნაწილი ყველაფრისა, რასაც აქამდე უარსებია და რაც ამიერიდან იარსებებს.”

“ღმერთზე ფიქრობ?”

“არა, არასდროს,” — უპასუხა ბლეინმა.

"ძალიან ცუდი, — თქვა მამა ფლენეგანმა, — შემაშფოთებელია, იყო იქ სულ მარტოდმარტო და..."

"მამაო, თავიდანვე გაგაფრთხილეთ, რომ რელიგიური ადამიანი არ ვიყავი — ყოველ შემთხვევაში, საზოგადოდ მიღებული საზომით მაინც. მე არ მომიტყუებხართ, პატიოსნად გეთამაშეთ."

"მართალია," — აღიარა მამა ფლენეგანმა.

"თქვენი მორიგი კითხვა ალბათ ასეთი იქნება: შესაძლებელია თუ არა, რომ ვარსკვლავებზე მორწმუნე ადამიანი წავიდეს და რწმენა შეინარჩუნოს; შესაძლებელია თუ არა მისი წასვლა და დაბრუნება რწმენის ხელყოფის გარეშე; ვარსკვლავებზე მოგზაურობა შეინირავს თუ არა იმ მრწამსს, რომელსაც ის გულში ატარებს? ამ კითხვაზე პასუხი რომ გავცე, მაშინ თქვენი ტერმინების განმარტება უნდა გთხოვოთ."

"ჩემი ტერმინების?" — იკითხა მამა ფლენეგანმა განცვიფრებით.

"დიახ, მაგალითად რწმენის. რას ნიშნავს რწმენა? საკმარისია თუ არა ის ადამიანისთვის? შეუძლია ადამიანს მხოლოდ რწმენით საზრდოობა? არსებობს სიმართლის აღმოჩენის საშუალება? შეიძლება თუ არა ქრისტიანობის ქეშმარიტ საზომად ისეთი საგნებისა და მოვლენებისადმი რწმენა ჩაითვალოს, რომლებსაც არანაირი ახსნა არა აქვთ, გარდა ფილოსოფიურისა? ანდა შესაძლებელია თუ არა, რომ ეკლესიამ ..."

მამა ფლენეგანმა ხელი აღმართა: "შვილო! — შესძახა მან, — შვილო!"

"დაივიწყეთ, მამაო. არ უნდა მეთქვა."

ისინი ერთხანს ისხდნენ და ერთმანეთს ათვალიერებდნენ; მათ არ ესმოდათ ერთმანეთის, თითქოს უცხოები ყოფილიყვნენ. მათი აზრები უდიდესი მანძილით დაშორებოდა ერთმანეთს, თუმცა მაინც ორივე ადამიანი იყო.

"ძალიან ვწუხვარ, მამაო."

"არა უშავს. შენ აღიარე. ბევრს სჯერა, ან ფიქრობს, რომ სჯერა, მაგრამ არასდროს ამხელს, შენ პირდაპირ მაინც თქვი."

მამა ფლენეგანმა ბლენის მხარზე დაკრა ხელი.

"ტელეპათი ხარ?" — ჰკითხა მან.

"ტელეპათი და ტელეპორტიერი, მაგრამ მეტად შეზღუდული შესაძლებლობებით."

"და მეტი არაფერი?"

"არ ვიცი, არასოდეს მიცდია, გამომერკვია."

"შენი აზრით, შეიძლება სხვა ფარული უნარებიც გქონდეს?"

"მისმინეთ, მამაო, პარანორმალური შესაძლებლობებით დაჯილდოვებული ადამიანები სხვადასხვა თვისებით არიან აღჭურვილი. ეს თვისებები ეტაპობრივად ვითარდება, ჯერ მარტივი, ტელეპათიური, ტელეპორტატიული თვისებებით იწყებენ და ნელ-ნელა მიიწევენ წინ. ზოგიერთები გარკვეული პერიოდის შემდეგ აჩერებენ განვითარებას, ხოლო ზოგიერთები — აგრძელებენ. თითოეული ამ უნართაგანი ნაწილ-ნაწილ კი არ არის განხილული, არამედ გონების მთლიანობის უბრალო გამოვლინებას წარმოადგენს. თუ მათ ერთად შევკრებთ, გონება ისე იმუშავებს, როგორც თავიდანვე უნდა ემუშავა, შესაძლებლობა რომ მისცემოდა."

"იქნებ ეს ეშმაკეულია!"

"დიახ, ამ შესაძლებლობების არასწორი გამოყენება სწორედ რომ ბოროტებაა და ძალიან ბევრი ადამიანი იყენებს მას მცდარად — დილეთანტები, რომლებიც არასოდეს დაფიქრებულან ან გაუანალიზებიათ, თუ რა ძალას ფლობდნენ. ადამიანები არა მარტო გონებრივ, არამედ ფიზიკურ ძალასაც იყენებდნენ ბოროტად. ისინი კლავდნენ, იპარავდნენ ..."

"ჯადოქარი ხომ არ ხარ?"

ბლენის უნდოდა, გადაეხარხარა, მაგრამ თავი შეიკავა. იმხელა შიში იგრძნობოდა ამ კითხვაში, რომ ველარ გაიცინა.

"არა, მამაო, გეფიცებით. არც კუდიანი ვარ და არც მაქცია. არც ..."

მოხუცმა ხელი ასწია და ბლენი შეაჩერა.

"ახლა ჩვენ თანაბარ მდგომარეობაში ვართ, მეც ვთქვი ისეთი რამ, რაც არ უნდა მეთქვა."

მამა ფლენეგანი სწრაფად წამოდგა საწოლიდან და ბლენს ართრიტისგან დაკრუნჩხული ხელი გაუნოდა.

"გმადლობ, — უთხრა მან, — ღმერთი იყოს შენი მფარველი."

"ამ ღამეს აქ იქნებით?"

"ამ ღამეს?"

"როცა ამ ქალაქის მკვიდრნი ჩემს წასაყვანად მოვლენ და ჩამომახრჩობენ ან დამწვავენ, არ ვიცი, როგორ იქცევიან მსგავს შემთხვევებში."

მოხუცის სახემ ზიზღნარევი გამომეტყველება მიიღო. "რატომ ფიქრობ ასეთ რაღაცებზე? ამ ქალაქში არ ხდება..."

"ამათ არ დანვეს ფაქტორია და მოვაჭრე კინალამ მოკლეს?"

"ეს არ იყო მართებული საქციელი, — აღიარა მამა ფლენეგანმა, — თავიდანვე ვუთხარი ამის შესახებ, ვიცოდი, რომ ჩემი მრევლის წევრებიც იღებდნენ მონაწილეობას, თუმცა მარტო ისინი არ იყვნენ ამ საქმეში გარეული, იქ სხვაც ბევრი იყო. მაგრამ ეს თვითონაც უნდა სცოდნოდათ, რადგან წლების განმავლობაში ვუქადაგებდი, მსგავსი საქციელი არ ჩაედინათ."

ბლენმა ხელი გაიწოდა და მამა ფლენეგანის დაკრუნჩხულ ხელს ჩასჭიდა, მღვდელმაც თბილი და მეგობრული ხელის ჩამორთმევით უპასუხა.

"შერიფი კარგი ადამიანია, ყველაფერს გააკეთებს, რაც მის ძალებში იქნება. ზოგიერთს მე თვითონ დაველაპარაკები."

"გმადლობთ, მამაო."


"გეშინია სიკვდილის, შვილო?"

“არ ვიცი. ყოველთვის მეგონა, რომ არ შემეშინდებოდა, მივალ იქამდე და ვნახავ.”

“რწმენა უნდა გქონდეს.”

“ალბათ მექნება, თუ ოდესმე ვიპოვნე, რა თქმა უნდა. ილოცებთ ჩემთვის?”

“ღმერთი გწყალობდეს. მთელი დღე ვილოცებ.”



ბლენი ფანჯარასთან იდგა და აკვირდებოდა, როგორ გროვდებოდა ქუჩაში ხალხი, ნელ-ნელა, აუღელვებლად, ყოველგვარი აურზაურისა და ხმაურის გარეშე, თითქოს სასკოლო წარმოდგენაზე ან ფერმერების შეხვედრაზე მიისწრაფოდნენ.

ბლენს ესმოდა შერიფის მოძრაობის ხმა დერეფნის მოპირდაპირე მხარეს მდებარე ოფისიდან და ფიქრობდა, ნეტავ იცოდა თუ არა შერიფმა, რასაც აპირებდა ბრბო — ეჭვგარეშეა, რომ იცოდა, რადგან საკმაოდ დიდი ხანია, ამ ქალაქში ცხოვრობდა და იმდენად კარგად იცნობდა აქაურ ხალხს, რომ ზუსტად შეეძლო განესაზღვრა, რას მოიმოქმედებდა.

ბლენი ფანჯარასთან მივიდა და რკინის გისოსებს ჩასწიდა ხელი. მათ მიღმა, საპატიმროს მდელით გაშლილ ხეებზე, რომელიღაც ჩიტი მღეროდა იავნანას, სანამ ტოტზე საბოლოოდ მოკალათდებოდა და ღრმა ძილს მიეცემოდა.

და სანამ ბლენი ფანჯრიდან ადევნებდა თვალს ხალხს, ვარდისფერი არსება თავისი ბნელი სამალავიდან გამოცოცდა და მთლიანად დაიკავა მისი გონება.

იმისთვის მოვედი, რომ აქ დავრჩე. მომბეზრდა ამდენი

მალვა. მშვენივრად ვიცი, როგორი ადამიანიც ხარ, შენი არსების ყველა კუთხე-კუნჭული შევისწავლე რუდუნებით, შენი მეშვეობით კი იმ სამყაროს ჩაწვდი, რომელშიც ცხოვრობ, ის ახლა ჩემი სამყაროც არის, რადგან მეც უკვე მისი ბინადარი ვარ.

სისულელეების გარეშე? — იკითხა გაორებული სხეულის იმ ნაწილმა, რომელსაც ჯერ კიდევ ბლენი ერქვა.

სისულელეების გარეშე, ყვირილის, გაქცევისა და დამალვის მცდელობის გარეშე.

მხოლოდ სიკვდილი ვერ გამიგია, რა არის, მისთვის ახსნა ვერ მომიძებნია. შეუძლებელია, სიცოცხლე ოდესმე დასრულდეს, აქედან გამომდინარე, სიკვდილის ფენომენის არსებობაც წარმოუდგენელია. ასეთი რამ გამორიცხულია. თუმცა სადღაც ძალიან ღრმად, მეხსიერებაში ჯერ კიდევ ცოცხლობს ბუნდოვანი მოგონება, რომ ამგვარი რამ ოდესღაც არსებობდა.

ბლენი ფანჯარას მოსცილდა, თავის ადგილას დაბრუნდა და სანოლზე ჩამოჯდა და ვარდისფერი არსების ფიქრებში ჩაეფლო. ეს შორეული წარსულის მოგონებები იმდენად ბუნდოვანი იყო, რომ ბლენს ველარ გაერკვია, სინამდვილეში მოხდა ეს, თუ მხოლოდ მისი წარმოსახვის ნაყოფს წარმოადგენდა.

იმდენი უცხო პლანეტა ენახა, იმდენ სხვადასხვა ჯურის ხალხს შეხვედროდა, რომ ყველაფერი აერია გონებაში. მისი ტვინი უცნაურ იდეებსა და კოსმოსური ინფორმაციის არეულ-დარეულ ნაგლეჯებს დაეკავებინა, რომლებიც უწესრიგოდ ეყარა, მილიარდობით ერთმანეთზე დახვავებული ხის ჩხირების გროვებად, როგორც იმ თამაშში, სადაც ჩხირი ისე ფრთხილად უნდა გამოაძრო, რომ სხვები არ დაშალო.

"როგორა ხარ?" — ჰკითხა შერიფმა, რომელსაც ისე ჩუმად გადმოეკვეთა დერეფანი, რომ ბლენს მისი ფეხის ხმაც არ გაუგია.

ბლენმა თავი ასწია: "არა მიშავს. ახლა შენს მეგობრებს ვადევნებდი თვალს ქუჩის გადაღმა."

შერიფმა უსიამოვნოდ ჩაიხითხითა: "ნუ გეშინია, ქუჩის გადმოჭრასაც ვერ გაბედავენ. თუ გადმოვლენ, ჩავალ და დაველაპარაკები."

"რომ გაიგონ, ფიშპუკიდან ვარ, მაშინ რა მოხდება?"

"ვერ გაიგებენ," — დაამშვიდა შერიფმა.

"მამა ფლენეგანმა ხომ გაიგო, შენ არ უთხარი?"

"ეს სულ სხვა ამბავია, — შეუსწორა შერიფმა, — მღვდელს ხომ ვერ დავუმაღავდი."

"არავის ეტყოდა?"

"რატომ უნდა ეთქვა?" — შეეპასუხა შერიფი.

ბლენმა არაფერი უპასუხა, ეს ისეთი კითხვა იყო, რომელზედაც პასუხს ვერ გასცემდი. "

"შეტყობინება გაუგზავნე?"

"ფიშპუკისთვის არ გამიგზავნია, მეგობარს ვუთხარი, რომელიც ფიშპუკს შეატყობინებდა."

"ტყუილი გარჯა იყო, — უთხრა მას ბლენმა, — რატომ შენუხდი? ფიშპუკმა მშვენივრად იცის, სადაც ვარ."

ისინი ბლენის კვალს დიდი ხნის წინ იპოვნინდნენ და ვილაცას დაადევნებდნენ. გაქცევის ერთადერთი შანსი ჰქონდა, მარტო უნდა ევლო და სწრაფად შეეცვალა მდებარეობა.

შეიძლება დღესაც გამოჩნდნენ ქალაქში, — გაიფიქრა ბლენმა და იმედის ნაპერწკალი გაულვივდა, იცოდა, რომ ფიშპუკი მის თავს ამ ბრბოს არ დაანებებდა.

ბლენი სანოლიდან ადგა და ფანჯარასთან მივიდა.

"უკვე შეგიძლია, გახვიდე და დაელაპარაკო, — უთხრა ბლენმა შერიფს, — ქუჩის გადმოღმა არიან."

ქალაქის მცხოვრებლებს, ბუნებრივია, უნდა ეჩქარათ. გასაკეთებელი მანამ უნდა გაეკეთებინათ, სანამ დაღამდებოდა. ღამე რომ ჩამოწვებოდა, ისინი თავიანთ თბილ სახლებში უნდა შეეყუყულიყვნენ, კარი ორმაგად ჩაეკეტათ,

დარაბები ჩაერაზათ, ფარდები ჩაძოვევით და კაბალისტური-ნიშანიც ყველა შესასვლელში გამოეკიდათ. მხოლოდ ამ შემთხვევაში იქნებოდნენ ისინი დაცული სიბნელეში მოხეტიალე ბოროტი ძალებისგან, ავი სულებისგან, მაქციებისგან, ვამპირებისგან, გობლინებისა და ელფებისგან.

შერიფი მობრუნდა, კორიდორი გაიარა და თავის ოფისში დაბრუნდა. ბლენმა მეტალის ხმა გაიგონა და მიხვდა, რომ შერიფმა თოფი ჩამოიღო თაროდან, გადახსნა და ლულაში ტყვიები ჩაალაგა.

ბრბო მოფარფატე შავი მანტიასავით მოიწვედა წინ, ირგვლივ სამარისებური სიჩუმე იდგა, მხოლოდ ფეხის ფრატუნის ისმოდა.

ბლენი ამ ყველაფერს მოჯადოებულებით ადევნებდა თვალს, თითქოს ეს სანახაობა სადღაც შორს იმართებოდა და მას არ უკავშირდებოდა. მისი სიმშვიდე გასაოცარი იყო, მით უმეტეს მაშინ, როცა იცოდა, რომ ეს ბრბო პირდაპირ მისკენ მოემართებოდა.

თუმცა ამას მნიშვნელობა არ ჰქონდა, რადგან სიკვდილი არ არსებობდა. სიკვდილი სრული უაზრობა გახლდათ და მასზე ფიქრიც დროის ფუჭი და აუტანელი ფლანგვა იყო.

და ამას ვინ ამბობდა?

ბლენმა ხომ მაინც იცოდა, რომ სიკვდილი რეალურად არსებობდა — რომ იმ სამყაროში, სადაც ყველაფერი ევოლუციურ პრინციპებს ემორჩილება, სიკვდილი აუცილებელი ფენომენია, რომ ის ერთ-ერთი იმ მექანიზმთაგანია, რომელსაც ევოლუციური სახეობებისთვის პროგრესი და წინსვლა მოაქვს.

შენ, — მიმართა მან საკუთარ გონებაში მობინადრე არსებას, — ეს შენი იდეაა. შენ ხომ არ აღიარებ სიკვდილს.

სიკვდილი კი ისეთი ჭეშმარიტებაა, რომლის არაღიარება დაუშვებელია. სიკვდილი რეალური ფენომენი. და ყველგან არის. მის მუდმივ არსებობას ნებისმიერი ადამიანი გრძნობს საკუთარი მოკლე ცხოვრების მანძილზე.

სიკვდილი მართლაც რომ არსებობდა და ისე ახლოს იყო; მისი სუნთქვაც კი ისმოდა. ამას ვერ უარყოფდი. ის შენობის გარეთ შეგროვილი ბრბოს ბუტბუტში იგრძნობოდა, ბრბოსი, რომელიც უკვე თვალს მიფარებოდა, თავისი მიძიმე სვლა შეენწყვიტა და ციხის კართან თავმოყრილი, შერიფს ეკამათებოდა. გარეთა კარიდან გარკვევით ისმოდა შერიფის ხმამალალი ლაპარაკი, იგი შეკრებილ ხალხს დაშლისკენ მოუწოდებდა.

“ამით ვერაფერს მოიგებთ, ვერაფერს მიიღებთ, გარდა ტყვიისა მუცელში,” — ყვიროდა შერიფი.

ბრბოც ყვირილით პასუხობდა და შერიფიც ღრიალს განაგრძობდა. ასე მეორდებოდა გარკვეული ხანი. ბლენი გისოსებთან იდგა და ელოდებოდა. მას შიშის გრძნობა იპყრობდა, თავიდან ნელ-ნელა, შემდეგ კი მოზღვავებულ ტალღასავით შემოანვა სისხლში.

როგორც იქნა, შერიფი შენობაში შემოვიდა, თან სამი კაცი ახლდა — ბრაზმორეული და შეშინებული გამომეტყველება ჰქონდათ, მაგრამ იმდენად მიზანდასახულად და პირქუშად მოემართებოდნენ, რომ აშკარა იყო, სიბრაზეს შიში გადაეფარა.

შერიფი ოფისიდან დერეფანში გამოვიდა თოფით ხელში, დანარჩენი სამი ფეხდაფეხ დაჰყვებოდა მას.

შერიფი ზუსტად გისოსების გარეთ გაჩერდა და ბლენს შეხედა, თან სახეზე გამეფებული შეცბუნების-დამალვას ცდილობდა.

“მაპატიე, ბლენ, — მოიბოდიშა მან, — მაგრამ ამის გაკეთება არ შემიძლია. ჩემი მეგობრები არიან, მათ შორის გავიზარდე და ვერ ვესვრი.”

“რა თქმა უნდა, ვერ ესვრი, ლაჩარო,” — მიახალა ბლენმა.

“მომე გასაღები, — ჯიჯლინებდა ერთ-ერთი, — აქედან გავიყვანოთ.”

“კართან კიდია ლურსმანზე,” — უპასუხა შერიფმა.

ბლენს შეხედა.

“ვერაფრით დაგეხმარები, უძლური ვარ,” — თავი გაიმართლა შერიფმა.

“აქედან დაიკარგე,” — შეუყვირა ბლეინმა.

კაცმა გასაღები ჩამოხსნა და შერიფი გვერდზე გადაგა. გასაღებმა საკეტში გაიჩხაკუნა.

“ერთადერთი პირობა მაქვს, — გამოუცხადა ბლეინმა კაცს, რომელიც კარს ალებდა, — აქედან მარტო უნდა გავიდე.”

“ჰა?” — ჩაცინა კაცმა.

“მარტო მინდა-მეთქი გავიდე. არ მოგცემთ იმის საშუალებას, რომ აქედან გამათრიოთ.”

“აქედან ისე გახვალ, როგორც გაგიყვანთ.”

“ამით არაფერი დაშავდება, — არნმუნებდა მას შერიფი, — თქვენთვის რა მნიშვნელობა აქვს, როგორ გავა?”

კაცმა საკნის კარი გამოაღო. “კარგი, გამოდი,” — შესძახა მან.

ბლეინი დერეფანში გავიდა, სამიდან ორი გვერდიგვერდ ამოუდგა, ხოლო მესამე უკან მიჰყვებოდა. ხელიც არ უხლიათ მისთვის. კაცმა, რომელსაც გასაღებები ეჭირა, იატაკზე დაანარცხა მთელი აცმა. მათი გრუხუნის ხმამ დერეფანი მოიცვა და ბლეინი ნერვიულმა თრთოლამ აიტანა.

“იარე, წყეულო პარაფსიქო,” — იყვირა მის უკან მდგომმა კაცმა და ზურგში ხელი ჰკრა.

წარმოუდგენელია, — გაიფიქრა ბლეინმა, — მაგრამ ეს ყველაფერი ჩემს თავს ხდება.

“გინდოდა, შენი ფეხით გველო, — შესძახა მეორემ, — აბა იარე!”

ბლეინი მიდიოდა, მტკიცე და ურყევი ნაბიჯებით, მყარად ადგამდა ფეხს, რადგან არ უნდოდა, წაებორძიკა, არ უნდოდა, შეცდომა დაეშვა და ისეთი რამ გაეკეთებინა, რაც შეარცხვენდა.

იმედი ჯერ კიდევ ცოცხლობს, — შეუძახა საკუთარ თავს. ჯერ კიდევ იყო შანსი, რომ იქ ვილაცა მაინც იქნებოდა

ფიშპუკიდან და ამ მხეცებს გამოსტაცებდა, მის თავს, ანდა იქნება ჰარიეტმა დამხმარე ძალა იშოვნა და საშველად მოდიოდა. თუმცა ბლენის ამის ნაკლებად სჯეროდა. ჰარიეტს საკმარისი დრო არ ჰქონდა და ვერც იმას მიხვდებოდა, თუ რამდენად სწრაფად უნდა ემოქმედა.

ბლენმა მტკიცედ გამოიარა შერიფის ოფისი და გარეთა კარისკენ გამავალ პოლს ჩაუარა, სამი კაცი გვერდიდან არ შორდებოდა, ახლოს მიჰყვებოდა.

ვილაცას გარეთა კარი გაეღო და დამცინავი თავაზიანობით ეჭირა, რომ ბლენს გაეელო.

ბლენი წამით შეჩერდა. უეცარმა პანიკამ შეიპყრო. თუ ამ კარში გაივლიდა, გარეთა კიბეზე დადგებოდა და იქ მომლოდინე ბრბოს თვალს გაუსწორებდა, გადარჩენის ბოლო იმედი გადაეწურებოდა.

"იარე, შე ბინძურო ნაძირალა, — იღრიალა მის უკან მდგომმა კაცმა, — შენ გელოდებიან."

კაცმა მხარზე ნერვიულად დაადო ხელი და მუჯღუგუნი ჰქრა. ბლენმა რამდენიმე ნაბიჯი ნაიბორძიკა, მაგრამ მალე დაიბრუნა წონასწორობა.

ბლენმა ზღურბლს გადააბიჯა და ბრბოს წინაშე აღმოჩნდა.

ბრბომ ველური ხმით იღრიალა — ერთმანეთში არეული შიშისა და სიძულვილის ხმით, რომელიც სისხლიან კვალზე მდგარი მგლების ხროვის ყმუილს ჰგავდა, მსხვერპლის მოლოდინში ჩასაფრებული ვეფხვის ბრდღვინვას და კიდევ იყო მასში რაღაც, რაც მტაცებლისგან სიკვდილამდე დევნილი და კუთხეში მომწყვდეული ცხოველის წკმუტუნს ჰგავდა.

ეს ხალხი, — ფიქრობდა ბლენი ყოველგვარი მიკერძოების გარეშე, — ხომ სწორედ დევნილ ცხოველებს ჰგავდა, ხალხი, რომელიც მუდმივად გარბოდა რაღაცისგან და შიშის, სიძულვილის, შურისა და იმედგაცრუების გრძნობას მოეცვა. ისინი ცვლილებების მიღმა აღმოჩნდნენ, ვერ გახდნენ

სიახლეების თანამოზიარენი. მათი ქმედებები იმ ადამიანებისთვის დამახასიათებელი შეუწყნარებლობითა და თვითკმაყოფილებით გამოირჩეოდა, რომლებმაც უარი თქვეს რალაცის შემეცნებაზე. ეს ხალხი ძველი წყობის უკანასკნელ ზღუდეს წარმოადგენდა, რომელიც მომავლის მისადგომებთან აღმართულიყო და ყველა ღონით ცდილობდა წინსვლის შეჩერებას.

ისინი მოკლავდნენ მას, ისევე, როგორც სხვები მოუკლავთ და კიდევ ბევრს გამოასალმებდნენ სიცოცხლეს მომავალში, მაგრამ მათი ბედი უკვე გადაწყვეტილი იყო, ბრძოლა უკვე წაგებული ჰქონდათ.

ბლენს ვილაცამ ხელი ჰკრა უკნიდან, ფეხი დაუცდა და პრიალა საფეხურებზე გადაეშვა. ხალხი გარს შემოევლო და თავზე დაადგა. უამრავი ხელი ეხებოდა, უამრავი თითი ჩქმეტდა, სახეზე მათ აყროლებულ სუნთქვას გრძნობდა.

ხელებმა ბლენი ფეხზე წამოაგდეს და მუჯღუგუნებს ურტყამდნენ. ერთმა მუცელში ჰკრა ხელი, მეორემ სახეში მაგრად გაარტყა. მგმინავი ბრბოდან ვილაცის ბლავილი გაისმა: "მიდი, შე ბინძურო ტელეპათო, გაქრი აბა აქედან, გადადი სხვა სამყაროში."

ეს ყველაზე მეტად მორგებული დაცინვა იყო, რადგან ძალიან ცოტას თუ ძალუძდა ტელეპორტირება. მათ, ვინც ჰაერში ჩიტებივით დაფრინავდნენ, ლევიტატორებს უწოდებდნენ. ბევრს, ბლენის მსგ. სად, შეეძლო მხოლოდ მცირე ზომის ობიექტების ტელეპორტირება, ხოლო ზოგიერთებს, ასევე ბლენისნაირებს, — გონების ტელეპორტირება მრავალი მილიონი სინათლის წლის მანძილზე, მაგრამ ამას მხოლოდ სპეციალური მანქანების მეშვეობით ახერხებდნენ. თუმცა ჭეშმარიტი ტელეპორტაცია, საკუთარი სხეულის ერთი ადგილიდან თვალის დახამხანებაში მონყვეტა და მეორე ადგილას გადატანა, ძალზე იშვიათი მოვლენა იყო.

ბრბო დაცინვას განაგრძობდა: "გაქრი! გაქრი! გაქრი!

გაქრი! შე ბინძურო ნაძირალა!" საკუთარი ჭკუით აღფრთოვანებულები იცინოდნენ და მსხვერპლის შეურაცხყოფით სიამოვნებას იღებდნენ. ერთი წუთითაც არ უჩერებიათ მისი ხელებითა და ფეხებით ცემა.

უცბად ბლენის ნიკაპზე რალაც თბილი სითხე ჩამოეღვარა, ცალი ტუჩი დაუსივდა, პირში მარილიან გემოს გრძნობდა, მუცელი და ნეკნები სტკიოდა, მუშტები და ფეხები კი კვლავ გამეტებით ურტყამდნენ.

შემდეგ ისევ ღრიალის ხმა გაისმა ამ გუგუნში: "შეჩერდით! დაანებეთ თავი!"

ხალხი შეჩერდა, მაგრამ წრე არ გაუხსნია, ბლენი კი იდგა შუა წრეში და ჩამავალი მზის მკრთალ შუქზე დაინახა გარშემორტყმული ვირთხისებური თვალების ელვარება, დუჟმორეული ტუჩები და უცბად შეიგრძნო ის ძლიერი სიძულვილი, რომელიც ტალღასავით მოექანებოდა მისკენ.

წრე გაიყო და ორი მამაკაცი გამოჩნდა — ერთ-ერთი, მოუსვენარი ჩია კაცი, ბულალტერს ან კლერკს ჰგავდა, ხოლო მეორეს — ზორბას, ჩოფურას, თითქოს მის სახეზე ქათმებმა მარცვლები და ჭიები კენკესო, ხელში დახვეული თოკი ეჭირა, რომლის ერთი ბოლო, ყულფის ფორმაზე გამონასკვული, მკლავზე ეკიდა.

ორივე ბლენის პირდაპირ გაჩერდა, ხოლო ჩია კაცი ოდნავ მიბრუნდა, რომ წრის ერთი მხარისთვის შეეხედა.

"ხალხო, — მიმართა მან იქ შეკრებილთ ისეთი ხმით, ნებისმიერი დამკრძალავი ბიუროს დირექტორს რომ შეშურდებოდა, — ღირსეულად და წესიერად უნდა მოვიქცეთ, ჩვენ არაფერი გვაქვს პირადად ამ კაცის საწინააღმდეგო, უბრალოდ, იმ სისტემას ვუცხადებთ ომს, რომელსაც ეკუთვნის."

"მიდი, ბასტერ!" — იყვირა ვილაცის აღფრთოვანებულმა ხმამ ხალხის უკანა რიგებიდან.

კაცმა, დამკრძალავი ბიუროს დირექტორის ხმით, ხელი ასწია ხალხის გასაჩუმებლად.

“ძალზე არასასიამოვნო მოვალეობაა, შეიძლება ითქვას, აუტანელიც, — წარმოთქვა მან მლიქვნელური ხმით, — მაგრამ ეს ჩვენი მოვალეობაა და პირნათლად უნდა შევასრულოთ.”

“მართალია, — იყვირა ვილაც ენთუზიასტმა, — მოდი, ჩამოვახრჩოთ ეგ ნაძირალა და ამით დავასრულოთ!”

ზორბა კაცი ბლენთან მივიდა, ყულფი ასნია და თითქმის ნაზად ჩამოაცვა თავზე, ისე, რომ მხრებზე ეცემოდა, შემდეგ ნელ-ნელა მოუჭირა, სანამ კისერზე მაგრად არ შემოეჭდო.

თოკი ახალი იყო, კისერს ფხაჭნიდა და გავარვარებულ უთოსავით წვავდა. ნელანდელი გაბუჟება წყალივით გამოსვლოდა სხეულიდან და ბლენმა უეცარი სიცივე, სიცარიელე და სიშიშვლე შეიგრძნო.

მთელი ამ ხნის განმავლობაში, მაშინაც კი, როცა ეს ყველაფერი ხდებოდა, ბლენი ქვეცნობიერად იმ იმედს ეჭიდებოდა, რომ არ შეიძლებოდა, ეს მომხდარიყო, წარმოუდგენელად მიაჩნდა ასეთი სიკვდილი, ეს შეიძლება ბევრ სხვა ადამიანს შემთხვეოდა, მაგრამ არა შეპარდ ბლენს.

და ახლა სიკვდილს სულ რაღაც ორიოდე წუთი აშორებდა; სიკვდილის მანქანა უკვე მუშაობდა. ეს ხალხი — რომელთაგან არც ერთს, არც მეორეს არ იცნობდა — მისი სიცოცხლის ხელყოფას აპირებდა.

ბლენმა სცადა, თოკი გამოეტაცა, მაგრამ გაქვავებული ხელები ვერ აამოძრავა. ცდილობდა, ჰაერი ჩაესუნთქა, მაგრამ ისეთი შეგრძნება ჰქონდა, თითქოს რაღაც ახრჩობდა.

მათ კი ჯერ მისი ჩამოხრჩობაც არ დაეწყოთ.

სხეულში გამეფებული სიცივე სულ უფრო აუტანელი ხდებოდა, წარმოუდგენელი შიშის გრძნობა დაუფლებოდა და გაექვავებინა. ასე ეგონა, სისხლი ძარღვებში გაეყინა, საკუთარ სხეულს ვერ გრძნობდა, ტვინი თითქოს ყინულის ზოდებით ევსებოდა და გასკდომას ლამობდა.

მოულოდნელად, გონების რომელიღაც შორეულ ნაწილში,


გაუელვა აზრმა, რომ ის ადამიანი კი არა, დამფრთხალი ცხოველი იყო, სციოდა, მაგრამ ზედმეტი სიამაყის გამო, თავს სიცივისგან ნკმუტუნის უფლებას არ აძლევდა. შიშისგან პარალიზებულ სხეულს ვერ ამოძრავებდა, გაშეშებული ენა და ყელი ყვირილის საშუალებას არ აძლევდა.

ხმალლა დაყვირება არ შეეძლო, სამაგიეროდ მის შიგნით უფრო და უფრო ძლიერდებოდა კივილის ხმა. იცოდა, თუ ამ მოზღვავებულ გრძნობას ახლა არ მისცემდა გარეთ გამოსვლის საშუალებას, მეორე წუთს ეს გრძნობა თავად წალეკავდა.

მოულოდნელად, წამის მეასედში, ყველაფერი ბინდმა დაფარა და ბლეინმა იგრძნო, რომ მარტო იდგა და სიცივის შეგრძნებაც სადღაც გაუქრა.

საპატიმროსკენ მიმავალ უძველეს ქვის ბილიკზე იდგა, თოკი-ისევ ყელზე ეკიდა. საპატიმროს წინ გაშლილ მოედანზე კი არავინ იყო.

სრულიად მარტო აღმოჩნდა ცარიელ ქალაქში!



ქალაქს ჩამონოლილი ბინდი სადღაც გაქრა და იქაურობა ნათელმა და წარმოუდგენელმა სიმშვიდემ მოიცვა.

არ იყო ბალახი.

არ იყო ხეები.

არ იყო ადამიანი, ძეხორციელის ნიშანწყალიც არ ჩანდა.

სასამართლოს წინ გაშლილი შიშველი გაზონი, ან ის, რაც წელან გაზონი იყო, მოასფალტებული ქუჩისკენ ჩადიოდა. გაზონზე ბალახი არ იზრდებოდა, არც გახმარი ბალახი, არც მოცელებილი ბალახი, საერთოდ არანაირი ბალახი არ ჩანდა, მარტო მიწა და ხრეში ეყარა, თითქოს ბალახი, როგორც ასეთი, საერთოდ არ ყოფილა და არც არასოდეს უარსებია.

ბლენი ერთ ადგილას იდგა და ნელი მოძრაობით აბრუნებდა თავს აქეთ-იქით, კისერზე ისევ ყულფი ჰქონდა გამონასკვული. ირგვლივ პეიზაჟი არ იცვლებოდა, ჩამავალი მზის ფონზე სასამართლოს შენობა გაშეშებულიყო, ქუჩა ისევ ცარიელი იყო, ტროტუარებთან მანქანები ეყენა და ჩამწკრივებული მალაზიების ვიტრინები მკრთალად იმზირებოდნენ.

საპარიკმახეროსთან კუთხეში ერთადერთი ხე იდგა, ისიც გამხმარი და მარტოსული.

ირგვლივ ადამიანი არ ჩანდა, არც ძაღლი, არც კატა, არც

ჩიტების ჭიკჭიკი და მწერების ბზუილი ისმოდა. აქ არავითარი ცოცხალი ორგანიზმი არ ბინადრობდა.

ფრთხილად, თითქოს მყუდროების დარღვევის ეშინოდა, ბლენმა ხელები ასწია, თოკი მოიხსნა, თავზე გადაიტარა და მიწაზე დააგდო. ცალი ხელით გაშეშებული კისერი მოისრისა. თოკის პატარა ნაწილები ეკლებივით ერჭობოდა.

ერთი ნაბიჯი გადადგა საცდელად და დარწმუნდა, რომ სიარული შეეძლო, თუმცა ნაგვემი სხეული ისევ სტკიოდა. ქუჩაში გავიდა, მის შუაგულში მოექცა და მთელ სიგრძეზე აათვალ-ჩაათვალიერა. თვალთახედვის არეში არავინ მოჩანდა.

მზე ჩავიდა, მალე სიბნელე დაისადგურებდა, რაც იმის მანიშნებელი იყო, რომ ბლენი დროში სულ რაღაც მცირე მონაკვეთით უკან გადაადგილდა.

. ბლენი შუა ქუჩაში იდგა, გაქვავებული, გაყინული. სწორედ ახლა გაისიგრძეგანა, რაც მოხდა.

აქამდე როგორ ვერ მიხვდა! დღესავით ნათელია, ეს მან ჩაიღინა, თუმცა ალბათ უფრო ქვეცნობიერად, ინსტინქტურად გააკეთა, ვიდრე შეგნებულად, რაც საფრთხისგან თავის დაღწევის რეფლექსით იყო გამონვეული.

წარმოდგენა არ ჰქონდა, როგორ შეძლო ამის გაკეთება, ერთი ორი წუთის წინ რომ გეკითხათ, გულწრფელად დაიფიცებდა, რომ გამორიცხული იყო ასეთი რამ. ეს ადამიანის ფიზიკურ ძალებს აღემატებოდა.

ბლენმა დროში იმოგზაურა და წარსულს ეწვია, სწორედ იმ წარსულს, ნახევარი საათის წინ აწმყო რომ იყო.

ბლენი შუაგულ ქუჩაში იდგა და ცდილობდა, გონებაში აღედგინა, ეს როგორ გამოუვიდა, მაგრამ ერთადერთი, რისი გახსენებაც შეძლო, ტალღასავით მზარდი შიშის ზარი გახლდათ, რომელიც მზად იყო, ზვირთივით აგორებულყო და თავის მორევში შთაენთქა. ამ კითხვაზე მხოლოდ ერთი პასუხი არსებობდა: ამის გაკეთება მასში ღრმად

ფესვგადგმული ქვეცნობიერი ცოდნის შედეგად შეძლო, რომლის არსებობის შესახებ თვითონაც არ იცოდა, და ეს ყველაფერი ერთი საბოლოო, თავგანწირული, ინსტინქტური მცდელობის მეოხებით მოხდა — როგორც, მაგალითად, ხელის რეფლექსური მოძრაობა მოულოდნელი დარტყმისგან თავის დასაცავად.

ექვგარეშეა, ადამიანი ამას ვერ გააკეთებდა, ეს მის ძალებს აღემატებოდა, უცხო, ზებუნებრივი გონებისთვის კი ეს უდავოდ ხელმისაწვდომი იქნებოდა. ბლეინს არ ჰქონდა საამისო ადამიანური ინსტინქტი და სათანადო გამოცდილება, თუნდაც მცირედი. ეს უნარი პარანორმალური ძალების საზღვრებსაც სცილდებოდა. ერთი რამ ცხადი იყო: წარსულში გადანაცვლების ერთადერთი გზა არსებობდა და ეს მხოლოდ ამ უცხო გონების მეშვეობითა და შუამავლობით შეიძლებოდა მომხდარიყო.

მაგრამ როგორც ჩანდა, ამ ძალას უკვე დაეიტოვებინა: ბლეინი, მასთან აღარ იყო. ბლეინი უხმობდა მ.ს, მაგრამ პასუხი არ ისმოდა, მისი კვალიც კი გამქრალიყო.

დასავლეთისკენ მიბრუნდა და ამ აჩრდილისებური ქალაქის შუაგულ ქუჩას აუყვა.

წარსულის სასაფლაო, — გაიფიქრა, — ყველაფერი. ჩამკვდარია, მხოლოდ უსიცოცხლო, ცარიელი ქვა და ღორღი, გამხმარი ხე და თიხა.

და სად უნდა გამქრალიყო სიცოცხლე?

რატომ უნდა დამარხულიყო წარსული?

რა ბედი ეწია იმ გონებას, შორეული ვარსკვლავის უცხო ბინადარმა რომ გაუცვალა?

კიდევ ერთხელ მოუხმო უცხოს, მაგრამ ისევ უშედეგოდ, მისი კვალიც კი ვერ აღმოაჩინა; ერთადერთი, რაც მისგან დარჩენილიყო, ეს ბლეინის გონებაში გავლებული პანანინა, მტვრიანი ნაფეხურები, უცნაური, ქაოტური მოგონებების ნაგლეჯები და არაამქვეყნური, ერთმანეთთან

დაუკავშირებელი ინფორმაციის ნაწყვეტები იყო, რომლებიც მისი მეხსიერების ქაფმორეულ ზღვაში მოტივტივე ნივთებივით ეყარა.

ბლენმა, მართალია, თვითონ უცხო ვერ იპოვა, მაგრამ მიხვდა მისი გაუჩინარების მიზეზს — ეს იყო ინსტინქტური პასუხი, რომელმაც მოულოდნელად გაუელვა თავში. უცხო გონება არსად წასულა, არ მიუტოვებია, არამედ საბოლოოდ შეერწყა მის გონებას. იმ შიშის, პანიკისა და საფრთხის შეგრძნებისას თავი იჩინა გარკვეულმა ფსიქოლოგიურმა ფაქტორმა, ქიმიურმა რეაქციამ, რამაც ამ ორი გონების შედუღება განაპირობა.

მაგრამ ბლენი მაინც ადამიანად რჩებოდა, ამიტომ ეს პასუხი, მისი აზრით, მცდარი უნდა ყოფილიყო, თუმცა ის მაინც ჯიუტად განაგრძობდა არსებობას. მას არავითარი ახსნა-განმარტება და ლოგიკური დასაყრდენი არ ჰქონდა, რადგან ორი გონება რომ ჰქონოდა, ნახევრად ადამიანი და ნახევრად უცხო რომ ყოფილიყო, განსხვავება აუცილებლად იქნებოდა და ის ამ განსხვავებას შეამჩნევდა.

ქუჩის ბიზნეს ცენტრი ღარიბულმა დასახლებებმა შეცვალეს, შორს, ქუჩის ზემოთ, მოჩანდა ის ადგილი, სადაც ქალაქი მთავრდებოდა, ქალაქი, რომელიც ნახევარი საათის წინ (ან ნახევარი საათის შემდეგ) ასე დაჟინებით ცდილობდა მის მოკვლას.

ბლენი შეჩერდა და უკან მოიხედა, სასამართლოს გუმბათის დანახვაზე გაახსენდა, რომ ყველაფერი, რაც ჰქონდა, იქ დარჩენოდა, შერიფის მაგიდაში ჩაკეტილი. ნუთით შეყოვნდა, ვერ გადაეწყვიტა, მიბრუნებულიყო თუ არა. საშინელებაა, როცა ჯიბეები ცარიელი გაქვს და დოლარიანიც არ გიჭყავის.

რომ დაბრუნებულიყო, მანქანასაც გაიტაცებდა. თუ ისეთ მანქანას ვერ იპოვნიდა, რომელშიც გასაღები იქნებოდა ჩარჩენილი, მაშინ მავთულების პირდაპირ გადაერთებით დაქოქავდა. ადრე როგორ ვერ მოიფიქრა, უამრავი მანქანა

იდგა, რომლებსაც თავისუფლად გაიტაცებდა.

შებრუნდა და საპატიმროსკენ გასწავა, ორი ნაბიჯი გაიარა და ისევ უკან შემოტრიალდა.

ვერ ბედავდა მიბრუნებას, აქ უფრო უსაფრთხოდ გრძნობდა თავს, ვერაფერი აიძულებდა ქალაქში მიბრუნებას, ვერც ფული, ვერც მანქანა და სხვა რამ.

ბინდი წვებოდა, ბლეინი ჩრდილოეთისკენ გაეშურა და სწრაფი ნაბიჯებით გადაჭრა ქუჩა.

ქალაქს რომ გასცდა, ტრიალ ველზე აღმოჩნდა, რომელიც ქალაქზე მეტად უნაყოფო და მიუსაფარი ჩანდა. უსიცოცხლოდ ჩამწკრივებულ ალვის ხეებს შორის ნაკადული დახტოდა, მესერიის ბოძები აჩრდილებივით წამომართულიყვნენ, გახრიოკებულ მიწაზე ბალახის ღეროსაც ვერ შეხვდებოდით. ქარი კვნესით ეფინებოდა უდაბნოს კალთებს.

სიბნელემ იმატა, მალე მთვარეც გამოჩნდა — მისი ზედაპირი ძველ სარკესავით დაბინდული და ვერცხლისფრად დასერილი იყო — და დედამინის ამ გამხმარ ნაგლეჯს მკრთალი შუქი მოჰფინა.

ბლეინი პანანინა ნაკადულზე გადებულ ფიცრის ხიდს მიადგა, წამით შეისვენა და უკან მოიხედა, მის ნაკვალევზე არაფერი მოჩანდა, არაფერი იძროდა. ქალაქი რამდენიმე მილით ჩამოეტოვებინა, გორაკზე მიტოვებული ფერმის ნანგრევები შეფენილიყო — ფარდული, რომელიც სალორეს უფრო ნააგავდა, რამდენიმე გაპარტახებული პატარა შენობა და თავად სახლი.

ბლეინი იდგა და ხარბად ისუნთქავდა ფილტვებში ჰაერს. ისეთი შეგრძენება ჰქონდა, თითქოს ჰაერსაც სიკვდილი მორეოდა, გამჭვირვალე და უსიცოცხლო იყო, ყოველგვარი გემო და სურნელი დაჰკარგოდა.

მას ხელის ფიცარზე ჩამოდება უნდოდა, მაგრამ მოულოდნელად ხელმა ფიცრის მეორე მხარეს გაატანა, ბლეინის ხელი ზედაპირზე კი არ გაჩერებულა — ფიცარში

გავიდა. იქ სიცარიელე იყო — არც ფიცარი და არც ხიდი.

ბლეინმა კიდევ ერთხელ სცადა, ხომ შეიძლებოდა, ასცდენოდა ხეს, ვერ მოეჭიდა ხელი მისთვის. მთვარის შუქზე კაცს უცნაური რაღაცები ელანდება, შეიძლება, მოეჩვენა, რომ ხელმა ფიცარში შეაღწია.

ამჯერად მან უფრო ფრთხილად გაიმეორა იგივე პროცესი.

ამჯერადაც იგივე შედეგი მოჰყვა მის მცდელობას.

ბლეინმა რამდენიმე ნაბიჯი გადადგა უკან და ხიდს შეშინებული მოსცილდა, რადგან მოულოდნელად ხიდი ცოცხალ საგნად იქცა, თითქოს სული შთაბერესო, ვერ იტყოდით, რომ საშიშ საგნად, მაგრამ მაინც იყო მასში რაღაც, რაც სიფრთხილისკენ მოუწოდებდა. მას თითქოს დასაყრდენი არ ჰქონდა, თითქოს წარმოსახვისა და ილუზიის ნაყოფი, შუა ქუჩაში გაშლილი მოჩვენება იყო. ბლეინს ეგონა, მასზე რომ გაევიწყო, უეჭველად ჩაინგრეოდა და წყალში აღმოჩნდებოდა.

უსიცოცხლო ხეები და ქარნაღებული გზის მაჩვენებლებიც ილუზია იყო?

ბლეინი გაქვავებულივით იდგა და ფიქრობდა: ნუთუ ეს ყველაფერი ეჩვენებოდა? იმის შიშით, რომ ერთ პატარა უნებლიე მოძრაობას, მცირედ ამოსუნთქვას ეს უსუსური, წარმოსახვითი სამყარო ნაცარტუტად არ ექცია, ბლეინი ზედმეტი ნაბიჯის გადადგმას, მომეტებულად სუნთქვასაც ვერ ბედავდა.

მინა მის ფეხქვეშ უწინდელივით მყარი იყო, ყოველ შემთხვევაში, ბლეინს ასე ეგონა. ცალი ფეხი მაგრად დააჭირა დედამინას, მაგრამ ის არ განძრეულა. ფრთხილად დაიჩოქა და გაშლილი ხელისგულებით სინჯავდა მინას, თითებით სრესდა და მუშტებით ზელდა, თითქოს მის სიმყარეში დარწმუნება უნდოდა.

რა სისულელეა, გაიფიქრა საკუთარ თავზე გულმოსულმა, — ეს გზა არ გამოიარა? სწორედ ეს მინა იყო, მყარად რომ იდგა და მის ნაბიჯებზე არ შერყეულა.

მიუხედავად ამისა, დარწმუნებული მაინც ვერ იქნებოდი, რადგან ამ ადგილას, როგორც ჩანდა, არავითარი კანონი არ მოქმედებდა, ანდა იძულებული იყავი, თავად დაგედგინა, მაგალითად: გზები სავსებით რეალურია, აი ხიდები კი წარმოსახვითი.

თუმცა-საქმე ამაში სულ არ იყო. ალბათ, ეს იმას ნიშნავდა, რომ ამ სამყაროში სიცოცხლე საერთოდ არ არსებობდა.

ეს მკვდარი წარსულის ქვეყანა იყო, მასში მხოლოდ უსიცოცხლო სხეულები ბინადრობდნენ, უფრო სწორად — ამ სხეულების აჩრდილები. გამხმარი ხე, მესერის ბოძები, უღიმამო ხიდები და შენობები სწორედ ამ აჩრდილებს განეკუთვნებოდნენ. სიცოცხლის ნიშანწყალიც არ ჩანდა; სიცოცხლე წინ წასულიყო. ის ალბათ დროის ერთადერთ წერტილშია განლაგებული და მის დინებას მიჰყვება, მასთან ერთად მოძრაობს. აქედან გამომდინარე, ფიქრობდა ბლენი, ადამიანს შეუძლია დაემშვიდობოს წარსულში მოგზაურობის ოცნებას, ცხოვრებას, ფიქრს, ლაპარაკს იმ ადამიანებთან, რომლებიც დიდი ხანია, რაც მტვრად ქცეულიყვნენ. ცოცხალი წარსული არ არსებობს, არც კაცობრიობის წარსული არსებობს, გარდა ფურცლებზე შემონახულისა. ანმყო ერთადერთი რეალობაა, სადაც სიცოცხლე შესაძლებელია — ცხოვრება დინებას აგრძელებს და ცდილობს, ანმყოს აუბას ნაბიჯი, არ ჩამორჩეს მას და იქ, სადაც ის გაივლის, მისი არსებობის ყველა კვალი საგულდაგულოდ წაიშლება.

თუმცა არსებობდა რამდენიმე უმნიშვნელოვანესი ელემენტი, მაგალითად, თავად დედამინა, რომელიც დროის ნებისმიერ ქარციცხლს უძლებდა და გარკვეული უსასრულობის ატმოსფეროს ქმნიდა, ხოლო მკვდარი სხეულები წარსულშივე რჩებოდნენ სამუდამოდ გარდასული სულებივით. მესერის ბოძები, მათზე გაჭიმული მავთულები, უსიცოცხლო ხეები, დანგრეული ფერმები და ხიდები იმ ანმყოს აჩრდილები იყვნენ, წარსულშიც ჯიუტად რომ

აგრძელებდნენ არსებობას, ჯიუტად, რადგანაც სიცოცხლის არქონის გამო მათ წინსვლა არ შეეძლოთ. ისინი დროში იყვნენ გაბმულები და გახიდულები გროტესკულად გრძელი აჩრდილებივით.

ის, გაიფიქრა ელდანაცემმა ბლეინმა, ამ წუთსა და ამ მომენტში ერთადერთი ცოცხალი არსება იყო დედამიწის ზურგზე.

ბლეინი მინიდან წამოდგა და ხელებიდან მტვერი ჩამოიფერთხა. იდგა და ხიდს გაჰყურებდა, მთვარის შუქზე ის ნორმალურად და ბუნებრივად გამოიყურებოდა, ეჭვსაც ვერ შეიტანდი ვერაფერში, მაგრამ ბლეინმა ხომ იცოდა, რომ მას უცნაური რამ სჭირდა.

ბლეინი ხაფანგში გაბმულს ჰგავდა. თუ არ იცოდა აქედან დაღწევის გზა, მაშინ უეჭველად მახეში გაება და წარმოდგენა არ ჰქონდა, როგორ დაეძვრინა თავი.

თავის დაღწევის არავითარი შანსი და იმედი არ ჰქონდა, ვერაფრით ინუგეშებდა თავს.

იდგა ქუჩაში გატრუნული და თან იმის დადგენას ცდილობდა, რამდენად ძლიერი იყო მასში ადამიანური სანყისი. თუ არ იყო მხოლოდ და მხოლოდ ადამიანი, თუ მის გონებაში ისევ სახლობდა ის უცხო არსება, მაშინ მას ჯერ კიდევ ჰქონდა შანსი.

ბლეინი გრძნობდა, რომ ადამიანი იყო, თუმცა სიმართლეს როგორ გაიგებდა? ისევ ბლეინი იქნებოდა, მთლიანად უცხოდაც რომ ქცეულიყო. არ აქვს მნიშვნელობა, ადამიანი იქნებოდა, ნახევრად ადამიანი თუ საერთოდ უცხო, მაინც ბლეინი იქნებოდა და განსხვავებასაც ნაკლებად იგრძნობდა. ნეტა სადმე განცალკევებული ადგილი ეპოვნა და ამ ყველაფრისთვის იქიდან გადაევიწყო თვალი, ახსნა-განმარტება მიეცა.

ვინც არ უნდა ყოფილიყო, შიშისა და პანიკის მიუხედავად, მაინც შეძლო წარსულში გადანაცვლება, აქედან გამომდინარე, ასევე უნდა სცოდნოდა, ანმყოს ისევ როგორ

დაბრუნებოდა, როგორ მიეღნია დროის იმ წერტილამდე, სადაც სიცოცხლე არსებობს.

მაგრამ ერთი რამ უდავოა: წარმოდგენა არ ჰქონდა, ეს როგორ გაეკეთებინა.

ბლენმა თვალი გადაავლო მთვარის ავადმყოფური შუქით მოფენილ არემარეს და ყრუანტიელმა დაუარა სხეულში, ეცადა, როგორმე შეეჩერებინა ეს კანკალი, რადგან გამოუთქმელი შიშის მომასწავებელ ნიშნად მიიჩნია, თუმცა უშედეგოდ, ყრუოლა ასე ადვილად არ აპირებდა გაქრობას.

კბილების უხმო ღრჭიალით ცდილობდა თრთოლვის შეჩერებას, მაგრამ ის სულ უფრო ძლიერდებოდა და უცბად მისი გონება მოულოდნელმა აღმოჩენამ გაანათა — ბლენმა იცოდა.


მოულოდნელად ქარი ამოვარდა და არყის ხეებს გადაუფრინა — არყის ხეები ხომ არ იყო აქ წელან. თრთოლაც სადღაც გამქრალიყო უკვალოდ. ბლენი ისევ საკუთარ თავს დაუბრუნდა.

ბალახებსა და ბუჩქებში მწერები საქმიანად ფუსფუსებდნენ, ხოლო სიბნელეში დროდადრო ანთებული სინათლის წერტილები ციციანათელას ადგილსამყოფელს ამჟღავნებდნენ. გორაკზე მდგარი სახლის დარაბებიდან სინათლის თხელი, ბუნდოვანი კონები ატანდა.

ბლენმა გზიდან გადაუხვია, ნაკადულის კალაპოტში ჩახტა, კოჭებამდე წყალში გაიარა და მეორე ნაპირზე გადასული არყის ხეების რიგებს შეერია.

როგორც იქნა, დაუბრუნდა საწყის წერტილს. მარტოდმარტომ მოახერხა წარსულიდან ანმყოში დაბრუნება. რაღაც მომენტში, თითქოს ჩასწვდა დროში გადანაცვლების საიდუმლოს, მაგრამ ეს მხოლოდ წამიერი გაელვება გახლდათ, საიდუმლო ისევ ამოუხსნელი რჩებოდა.

მაგრამ ამას აღარ ჰქონდა არსებითი მნიშვნელობა. რაც მთავარია, ისევ სახლში იყო და უსაფრთხოდ გრძნობდა თავს.



ბლენმა დილაუთენია გაიღვიძა, ჯერ კიდევ ბნელოდა, ცაში კი ჩიტების მხიარული უღურტული ისმოდა, რაც იმის მომასწავებელი იყო, რომ მალე ინათებდა. გორაკს აუყვია და სახლის წინ მდებარე ბოსტანში სიმინდის სამი ტარო მოტეხა, იქვე გროვად დაყრილი კარტოფილიდან რამდენიმე აირჩია და მინიდან ხორც-მწვანილას ღერო ამოაგდო. ძალიან გაუხარდა, როცა მასზე ოთხი მოზრდილი ხორცის ნაჭერი შენიშნა.

არყის ტყეში დაბრუნებულმა ჯიბეები მოისინჯა და შერიფის დატოვებული ასანთის კოლოფი აღმოაჩინა, ეს ერთადერთი რამ იყო, რაც არ ჩამოურთმევია. კოლოფში სამი ღერილა ეგდო.

შეფიქრიანებულმა დაათვალიერა სამი ღერი. ის დღე გაახსენდა, ბოისკაუტის გამოცდას რომ აბარებდა და ერთი ღერი ასანთისგან კოცონი უნდა გაეჩაღებინა. აბა ახლა თუ შეძლებდა ამას? — გაიფიქრა მან და გულში გაეცინა.

ბლენმა გამხმარი ხის მორი მოძებნა და ფუტურო მუაგულიდან გამომშრალი ნაფხვენი გამოიღო. წვრილი, ხმელი ფიჩხები მოაგროვა, შემდეგ რამდენიმე მოზრდილი შეშის ნაჭერიც მოძებნა, თან აკვირდებოდა, რომ ნედლი შეშა

არ შეპარვოდა. შეშა ხმელი უნდა ყოფილიყო, ცეცხლს ბევრი ბოლი რომ არ გაეშვა და ამით სხვების ყურადღება არ მიექცია.

მის ზემოთ გამავალ გზაზე პირველმა მანქანამ ჩაიქროლა, სადღაც შორს ძროხის ბლავილი ისმოდა.

ცეცხლი მეორე ასანთის ღერით მოექიდა, ბლენი სათუთად აჩაღებდა კოცონს, ჯერ წვრილი ფიჩხებით დაიწყო, შემდეგ ცოტა მსხვილები შეურია და ცეცხლი ცოტა რომ მოძლიერდა, შეშის მოზრდილი ნაჭრებიც შეუკეთა. შეშა სუფთად იწვოდა და კვამლს არ უშვებდა. ბლენი ცეცხლთან ახლოს ჩამოჯდა და ელოდებოდა, როდის დანაკვეთჩხლდებოდა შეშა.

ჯერ მზე არ ამოსულიყო, მაგრამ აღმოსავლეთის ცაზე მოელვარე შუქი და მიწიდან წამოსული სუსხი იმის მომასწავებელი იყო, რომ მალე გათენდებოდა. ქვემოთ კენჭებსა და ღორღებზე მოჩუხჩუხე ნაკადული მირაკრაკებდა. ბლენმა ხარბად ჩაისუნთქა ფილტვებში დილის ჰაერი და მისი სასიამოვნო სიგრილით დატკბა.

ჯერ კიდევ ცოცხალი იყო, მართალია, უცხო და მტრულად განწყობილ ქვეყანაში აღმოჩნდა, მაგრამ მაინც ცოცხალი იყო, ჰქონდა საკმარისი საჭმელი, კუჭი რომ გაეყურებინა — მერე რა? სამაგიეროდ არ ჰქონდა ფული, არაფერი ებადა, ერთი ღერი ასანთისა და იმ ტანსაცმლის გარდა, რომელიც ემოსა და კიდევ ისეთი გონებით იყო დაჯილდოებული, რომელიც ადვილად გასცემდა, გონებით, რომელიც, ბებერი კუდიანის თქმით, ირეკლავს და სხვას შიგნით შეღწევის საშუალებას არ აძლევს. ნებისმიერი შემხვედრი მოყურიადესა თუ მზვერავისთვის ის ადვილი მსხვერპლი იქნება.

დღისით შეეძლო დამალულიყო და ღამე ემოძრავა, უფრო უსაფრთხო იქნებოდა. საკვებად ბალებსა და ბოსტნებს მიაშურებდა და ასე გაიტანდა თავს, ყოველ ღამე რამდენიმე კილომეტრს გაივლიდა, მაგრამ ეს იმდენად დიდ დროს

დააკარგვინებდა, რომ არ ღირდა ცდად, სხვა რამ უნდა მოეფიქრებინა.

ბლენმა ცეცხლს შეუკეთა, კოცონი ისევ უკვამლოდ ბრიალებდა. წყლის პირას ჩავიდა, მუცელზე გაწვა და პირდაპირ მოჩუხჩუხე ნაკადულიდან დაენაფა წყალს.

სწორედ იქცეოდა ნეტა, ფიშპუკიდან რომ გარბოდა? არა აქვს მნიშვნელობა, რა ელოდა იქ, ამაზე უარესი რა უნდა დამართნოდა? მუდმივ დევნაში მყოფს ხალხისგან შორს უნდა დაეჭირა თავი, ვერავის ენდობოდა.

ბლენი მინაზე გულდაღმა იწვა და ნაკადულის ფსკერზე მიმობნეულ კენჭებს მიშტერებოდა. განსაკუთრებით კი მისი ყურადღება ერთმა წითელმა კენჭმა მიიპყრო, რომელიც მოელვარე ლალივით ბზინავდა დანარჩენ კენჭებში. მან ის გონებრივად გააანალიზა და უცბად დაინახა, რისგანაც შედგებოდა, როგორ იყო მოწყობილი მისი თითოეული კრისტალი, ისიც იცოდა, საიდან გაჩნდა აქ ეს კენჭი და მთელი ათასწლეულების მანძილზე რა გზები გამოიარა.

შემდეგ ლალისფერი ქვა გონებიდან გადააგდო და ახლა მეორე ქვა, კვარცის მბზინავი ნატეხი, ამოიჩემა.

უცნაური რამ ხდებოდა!

მსგავსი რამ ადრე არასდროს გაუკეთებია!

თუმცა ისეთი შთაბეჭდილება ჰქონდა, თითქოს ეს მისთვის ჩვეულებრივი საქმიანობა ყოფილიყო.

ბლენმა საკუთარ სხეულს ძალა დაატანა, წამოინია და ნაკადულის პირას ჩაცუცქდა. ის, რაც მან გააკეთა, ჩვეულებრივი ადამიანის შესაძლებლობებს აღემატებოდა, თუმცა ბლენი მაინცდამაინც გაოგნებული არ ჩანდა, რადგანაც იცოდა, ვინც არ უნდა ყოფილიყო, ის მაინც ბლენი იყო.

საკუთარ გონებაში უცხო სხეული მოძებნა კიდევ ერთხელ სცადა, მაგრამ ვერ იპოვნა. არსება სამალავიდან არ გამოსულა, მაგრამ ბლენმა იცოდა, სადაც იყო მიყუჟული. ის კვლავ მის ტვინში მოკალათებულიყო და თავისი უაზრო

მოგონებებით, არაჩვეულებრივი შესაძლებლობებით, სულელური ლოგიკითა და არეულ-დარეული ღირებულებებით მოსვენებას არ აძლევდა მას.

ბლენის გონებაში უცნაური სურათი გაცოცხლდა — გეომეტრიული ფიგურების დიდებული პროცესია მერყევი ნაბიჯებით კვეთდა ოქროსფერი უდაბნოს უკიდეგანო სივრცეს, ირგვლივ გოგირდისფერ ზეცაზე ჩამოკონწიალებული მენამური მზის გარდა სხვა არაფერი შეინიშნებოდა. მას უსწრაფესმა აზრმა გაუელვა თავში და უცბად მიხვდა, რომ იცოდა, სადაც იყო, შეეძლო იმ ამოუცნობი კოსმოგრაფიული სისტემის კოორდინატებიც კი დაესახელებინა, რომლებმაც აქამდე მოიყვანა. შემდეგ კი მოუღედნელად ყველაფერი გაქრა — ციფრებიც, ინფორმაციაც.

ნელ-ნელა წამოდგა და ცეცხლთან მივიდა, მოძებნა პატარა ჯოხი და ნაკვერჩხლები გადაქექა, შემდეგ შუაგულში კარტოფილი და გაუფცქვნელი სიმინდის ტარო ჩაალაგა და ჯოხითვე დააყარა ნაკვერჩხალი. იქვე მდგარ ხეს ორკაპა ტოტი მოასხიპა, ზედ ხორცის ნაჭერი წამოაცვა და ცეცხლზე შებრანა.

ბლენი ცეცხლთან მოკალათდა, მისგან წამოსულმა სასიამოვნო სიმხურვალემ სხეული გაუთბო და უცნაური და ყოვლად უადგილო სიმშვიდის შეგრძნებით აავსო, იმ ადამიანისთვის დამახასიათებელი სიმშვიდით, რომელიც ყველაზე მცირედით კმაყოფილდება. სიმშვიდეს და კმაყოფილებას ასევე უადგილო თავდაჯერებულობა მოჰყვა. ისეთი შეგრძნება ჰქონდა, თითქოს მომავალში გადაიხედა და დარწმუნდა, რომ ყველაფერი კარგად იქნება. ეს წინასწარმეტყველებას არ ჰგავდა. მომავლის წინასწარმეტყველების უნარით დაჯილდოებული არ იყო. უბრალოდ იცოდა, რომ მომავალში ცუდი არაფერი მოხდებოდა, ხოლო დეტალებზე წარმოდგენა არ ჰქონდა, მაგალითად, როგორ წარიმართებოდა მომავალში და რით

დასრულდებოდა ცხოვრება. მხოლოდ და მხოლოდ მომავლის რწმენა ჰქონდა, რომელიც უძველეს წინათგრძნობას ჰგავდა, მეტი არაფერი.

ხორცმა შიშხინი დაიწყო, ხოლო ნაკვერჩხლებიდან მწვარი კარტოფილის სასიამოვნო სურნელი შეიგრძნო. ბივშტექსი და შემწვარი კარტოფილი საუზმედ, — ჩაეცინა ბლენს, — თუმცა არც თუ ისე ურიგო საუზმეა, ჯერჯერობით ყველაფერი რიგზე იყო.

ბლენს სავარძელში გაშხლართული დაღტონი მოაგონდა, აბურძგნილი თმითა და სიგართ პირში, რომელიც გაცხარებული შეაჩვენებდა ხორც-მწვანილას და ავადსახსენებელ ფიშპუკს ბიზნესმენებზე განხორციელებულ ზეწოლაში დაადანაშაულებდა. ცდილობდა გაეხსენებინა, რომელი მზის რომელი პლანეტიდან ჩამოიტანეს ხორც-მწვანილა, მაგრამ ვერ მოიგონა. ხორც-მწვანილა, — გაიფიქრა ბლენმა, — და კიდევ ვინ მოთვლის, რამდენი რამ გაჩნდა ამ პლანეტაზე ფიშპუკის წყალობით.

პირველად შორეული ვარსკვლავებიდან ახალი წამლები ჩამოიტანეს — სრულიად ახალი ფარმაკოპეა, რომელსაც შესწევდა ძალა, ადამიანის ტანჯვა შეემსუბუქებინა და სწეულებებისგან განეკურნა. ადამიანისთვის დამახასიათებელი უძველესი შიშის გრძნობა კუთხეში მიიმწყვდიეს. სულ რაღაც ერთი, მაქსიმუმ, ორი ასწლეული და ადამიანის ცნობიერებიდან სამუდამოდ გაქრებოდა ავადმყოფობის ცნება და იგი სულით და ხორცილად ჯანსაღ ქმნილებად იქცეოდა.

გაჩნდა ახალი მატერიები და მეტალები, უამრავი სხვადასხვა პროდუქტი. შემოვიდა ახალი არქიტექტურული მიმდინარეობები და მასალები, გავრცელდა ახალი ტიპის ლიტერატურა და ადამიანისთვის აქამდე უცნობი არომატები, ხელოვნებაში დამკვიდრდა ახალი პრინციპები. ყველაზე ღირსშესანიშნავ მიღწევად დიმენსინოს შემოტანა შეიძლება ჩაითვალოს. მან გართობის ყველა ტრადიციული

საშუალება შეცვალა — კინო, ტელევიზია, რადიო. დიმენსინოში არა მარტო ხედავდი და გესმოდა, არამედ თავად იღებდი მონაწილეობას იმაში, რაც ხდებოდა. წარმოსახვითი სიტუაციის მონაწილე ხდებოდი, რაღაც პერიოდში საკუთარ თავს წყდებოდი და შენ მიერ არჩეული ერთი ან რამდენიმე პერსონაჟის ცხოვრებით, მისი ემოციებითა და განცდებით ცხოვრობდი და მთლიან ეპიზოდს მასთან ერთად თამაშობდი.

დღესდღეობით თითქმის ყველა სახლში იყო დიმენსინო, სპეციალური ხელსაწყოებით აღჭურვილი ოთახი, რომელიც უცნაურ იმპულსებზე დაყრდნობით სულ სხვა ადამიანად გაქცევდა, ყოველდღიურობის მომაბეზრებელი ორომტრიალისგან მოგწყვეტდა და ამაღელვებელი თავგადასავლების საძიებლად გაგიშვებდა ეგზოტიკურ და ფანტასტიკურ ადგილებში.

და ეს ყველაფერი — პროდუქტები, მასალები, დიმენსინო — ფიშპუკის მონოპოლიებს წარმოადგენდა.

სწორედ ამიტომ ვერ იტანენ ასე ფიშპუკს, — გაიფიქრა ბლენმა, — სძულთ იმიტომ, რომ არ ესმით, იმიტომ, რომ ისინი ამ ცვლილებების მიღმა დარჩნენ, იმიტომ, რომ მათ აქამდე კაცობრიობისთვის არნახული დახმარება აღმოუჩინეს.

ხორცი შეინვა. ბლენმა სახელდახელ გამოთლილი შამფური ბუჩქზე შემოდო და ნაკვერჩხლიდან კარტოფილი და სიმინდის ტარო ამოქექა.

ცეცხლთან ჩამოჯდა და ჭამას შეუდგა. ამასობაში მზეც ამოვიდა, ნიავი ჩადგა და მთელ სამყაროს თითქოს სუნთქვა შეეკრა ახალი დღის მოლოდინში. მზის პირველი სხივები არყის ხეების მწვერვალებზე დაეშვა და ფოთლებს ოქროს მონეტებივით ბზინვა დაანწყბინა. ნაკადული მიჩუმდა და დღის ხმებს დაუთმო ასპარეზი — საქონლის ბლავილს მდელიოზე, მანქანების გრუხუნსა და თვითმფრინავის შორეულ გუგუნს.

ტრასაზე, ხიდს ქვემოთ, ფურგონი გაჩერდა. მანქანიდან მძლოლი გადმოვიდა, კაპოტი ახადა და ნახევრად ჩაიმალა შიგ, შემდეგ გადმოძვრა, კაბინაში დაბრუნდა და რალაცას დაუნყო ძებნა. როგორც კი იპოვა, გადმოვიდა კაბინიდან, იარაღების ყუთი ფრთაზე ჩამოდო და მის გახსნას შეუდგა. ზემოთ გორაკზე გარკვევით ისმოდა იარაღების წკარუნის ხმა მანქანის მეტალზე.

ძველისძველი მანქანა იყო, ბენზინის ძრავით, ბორბლებითა და დამატებითი რეაქტიული წევით. ასეთ მანქანებს ახლა მხოლოდ გადაყრილი მანქანების სანაგვეზე თუ შეხვდებოდით.

კერძო მეპატრონე, — გაიფიქრა ბლენმა, — რომელიც მთელი ძალ-ღონით ცდილობს, მსხვილი ავტოგადამზიდავი კომპანიების კონკურენციას გაუძლოს და თავის კლიენტებს დაბალ ფასებსა და შეძლებისდაგვარად მცირე ზედნადებ ხარჯებს სთავაზობს.

მანქანას ფერი დაკარგოდა და ადგილ-ადგილ საღებავი გადასცლოდა. ზედაპირზე ახალდახატული მკვეთრი ფერის ჩახლართული კაბალისტური ნიშნები მოჩანდა, რაც, უდავოდ, ბოროტი ძალების ასარიდებლად იყო გაკეთებული.

ბლენმა შენიშნა, რომ მანქანას ილინოისის ნომრები ჰქონდა.

მძლოლმა იარაღები გაშალა და კაპოტს დაუბრუნდა. გორაკზე ჩაქურჩის ჯერი და ჟანგმოდებული ჭანჭიკების ჭრიალის ხმები გაისმა.

ბლენმა საუზმე დაასრულა. კიდევ ორი ხორცის ნაჭერი და ორი ცალი კარტოფილი დარჩენოდა. ჩამქრალი ნაკვერჩხალი გადაქეჯა, ჯოხზე ხორცის ორივე ნაჭერი ჩამოაცვა და სათუთად შეწვა.

კაპოტის ქვემოდან ისევ ისმოდა ჩაქურჩის დარტყმისა და ჭრიალის ხმა, მძლოლი დროდადრო გამოძვრებოდა ხოლმე კაპოტიდან, ცოტათი შეისვენებდა და ისევ განაგრძობდა მუშაობას.

როცა ხორცი კარგად შეინვა, ბლენმა ჩაიდო დარჩენილი ორი კარტოფილი ჯიბეში, ხის შამფურზე წამოცმული ხორცის ნაჭრები საბრძოლო დროშასავით დაიჭირა და ქვემოთ ჩავიდა.

მის ფეხის ხმაზე მძლოლმა კაპოტიდან გამოყო თავი და მიუბრუნდა.

"დილა მშვიდობისა, — მიესალმა ბლენი, რაც შეეძლო მხიარულად, — ზემოთ ვიყავი, ვსაუზმობდი და დაგინახე, როგორ შემოუხვიე."

მძლოლმა ეჭვით შეათვალიერა.

"ცოტა საჭმელი დამრჩა, — უთხრა ბლენმა, — ჰოდა, მოგიმზადე, ხომ არ გისაუზმია?"

"არა, — გამოცოცხლდა მძლოლი, — მინდოდა იქ, ქვემოთ, ქალაქში მესაუზმა, მაგრამ სასადილოები ჯერ არ გაუხსნიათ."

"მაშინ მიირთვი," — შესთავაზა ბლენმა და ჯოხზე წამოცმული ხორცის ორი ნაჭერი მიანოდა.

კაცმა გამოართვა ჯოხი და ხელში ფრთხილად ატრიალებდა, თითქოს ეშინოდა, არ დაესუსხა. ბლენმა ჯიბეები მოიქექა და ორი ცალი კარტოფილი ამოიღო.

"სიმინდიც მქონდა, — თქვა მან, — მაგრამ სულ რაღაც სამი ტარო იყო და მე შეეჭამე."

"შენ რა, ამას მე მაძლევ?"

"ჰო, რა თქმა უნდა, — უპასუხა ბლენმა, — თუმცა, შეგიძლია, სახეში მომაყარო, თუ ამის სურვილი გაგიჩნდება."

კაცმა უხერხულად გაიღიმა. "სიამოვნებით გეახლები, — განუცხადა მან, — შემდეგ ქალაქამდე ოცდაათი მილია, ამით კი, — ფურგონზე მიუთითა, — კაცმა არ იცის, როდის მივალნევ."

"მარილი არა მაქვს, — თქვა ბლენმა, — თუმცა უმარილოდაც არა უშავს."

"დიდი მადლობა, არ ვიცი, როგორ..."

"დაჯექი და მიირთვი, რა სჭირს ძრავას?"

"არ ვიცი, მე მგონი, კარბურატორის ბრალია."

ბლენმა ქურთუკი გაიხადა, გულდასმით დაკეცა, მანქანის ფრთაზე ჩამოდო და მკლავები დაიკაპინა.

კაცი გზის პირას ქვაზე ჩამოჯდა და ჭამას შეუდგა.

ბლენმა ქანჩის გასაღები აიღო და რადიატორზე აძვრა.

"სად იშოვე საჭმელი?"

"ზემოთ გორაკზე, — უპასუხა ბლენმა, — ფერმერს მთელ მინდორზე ჰქონდა დათესილი."

"შენ რა, მოიპარე?"

"აბა, რა უნდა მექნა, ფული მე არა მაქვს და სამუშაო, სახლამდე როგორმე ხომ უნდა მივალნიო?"

"სად ცხოვრობ?"

"სამხრეთ დაკოტაში."

მძლოლმა პირში ხორცის დიდი ნაჭერი ჩაიღო და უხმოდ დაღეჭა.

ბლენმა კაპოტში ჩაიხედა და დაინახა, რომ მძლოლს კარბურატორის ყველა ჭანჭიკი მოეშვა, ერთის გარდა. ბლენმა ქანჩის გასაღები მოარგო მას და გადაატრიალა. ჭანჭიკმა ჭრიალი ატეხა.

"ჯანდაბა, სუ შეჭამა ჟანგმა," — წარმოსთქვა კაცმა, თან ბლენს თვალს არ ამორებდა.

ბლენმა, როგორც იქნა, მოუშვა ჭანჭიკი, კარბურატორი მოხსნა, წამოიღო და მძლოლის გვერდზე ჩამოჯდა.

"ცოტაც და ნაწილებად დაიშლება, — სინანულით აღნიშნა მძლოლმა, — თავიდანვე პრობლემები ჰქონდა, გამანამა. მთელი გზა ვენვალეები. გრაფიკი სულ ამერია."

ბლენმა უფრო პატარა გასაღები აიღო, ჭანჭიკს რომ მოერგებოდა, და ჟანგმოდებულ ხრახნებს შეეჭიდა.

"ლამით სიარულიც ვცადე, — განაგრძობდა მძლოლი, — მაგრამ იმ ამბის შემდეგ, მორჩა, ამხელა რისკზე ვერ წავალ."

"მოხდა რამე?"

"ის ნიშნები რომ არა, მანქანაზე რომ მაქვს გამოსახული, ჩემი საქმე ნასული იქნებოდა. იარაღიც მაქვს, მაგრამ რა

ხეირი, ერთდროულად საჭის ტრიალი და სროლა ვის გაუგია."

"რომც შეგეძლოს, მაინც ვერ გიშველიდა."

"როგორ არა, მეგობარო, სეირს მაინც ვუჩვენებდი. ჯიბე სავსე მაქვს ვერცხლის საფანტის ტყვიებით."

"ძვირი სიამოვნებაა, არა?"

"საკმაოდ. მაგრამ რას იზამ, ყველანაირად მომზადებული უნდა იყო."

"მართალია," — დაეთანხმა ბლეინი.

"ყოველ ნელს მდგომარეობა უარესდება, — აღნიშნა მძლოლმა, — მაგრამ, როგორც იქნა, გამოჩნდა ვილაც მღვდელი ჩრდილოეთში."

"ეგენი ხომ ყველგან მრავლად არიან."

"მართალია და ქადაგების მეტს არაფერს აკეთებენ, ეს კი პირდაპირ კონკრეტული მოქმედებებისკენ მოგვეინოებს."

"როგორც იქნა," — წამოიძახა ბლეინმა და ბოლო ჭანჭიკი მოუშვა, კარბურატორი გახსნა და შიგ ჩაიხედა.

"ხედავ, რა ყოფილა?" — მიანიშნა ბლეინმა.

მძლოლი დაიხარა და შეხედა იქ, სადაც ბლეინი მიუთითებდა.

"ეშმაკმა წაიღოს."

"თხუთმეტ წუთში გავაკეთებ და დაგიყენებ. ზეთი გაქვს, ხრახნებს რომ ჩავასხათ?"

მძლოლი წამოდგა და ხელები შარვალზე შეინმინდა.

"მოიცა, ვნახო," — თქვა მან.

მანქანისკენ გაემართა, მაგრამ უცბად მობრუნა და ბლეინს ხელი გაუწოდა. "ბაკი მქვია, — უთხრა, — ბაკ რაილი."

"ბლეინი. შეგიძლია, შეპი დამიძახო."

ერთმანეთს ხელი ჩამოართვეს.

"დაკოტაში მიდიხარ, არა?"

ბლეინმა თავი დაუქნია.

"ვინმე თუ არ შემეშველა, ჭკუიდან გადავალ."

"შემიძლია, დაგეხმარო?"

"ლამით ატარებ მანქანას?"

"როგორ არა."

"შენ საჭესთან დაჯდებოდი, მე კი იარაღი მექნებოდა მზად."

"ცოტა ძილიც არ განყენდა."

"ორივე ერთად რამეს მოვახერხებთ. მანქანა არ უნდა გავაჩეროთ, ისედაც ბევრი დრო დავკარგე."


"შენც სამხრეთ დაკოტაში მიდიხარ?"

რაილიმ თავი დაუქნია. "მაშ, მოდიხარ, ხო?"

"სიამოვნებით, — მიუგო ბლენმა, — ფეხით სიარულს ყველაფერი მირჩევნია."

"ცოტა ფულსაც მოგცემ, — შესთავაზა რაილიმ, — ბევრს ვერა, მაგრამ ..."

"დაივიწყე ფული. შენ ოღონდ იქამდე მიმიყვანე, მეტი არაფერი მინდა."



სამხრეთ დასავლეთიდან ჩრდილო აღმოსავლეთით მიდიოდნენ, დღე და ღამე ატარებდნენ მანქანას, თუმცა ამას ტარებასაც ვერ დაარქმევ, რადგან ნახევარი გზა იდგნენ. ფურგონი მართლაც რომ მოსიარულე ჯართი აღმოჩნდა. მთელი გზა ვეებერთელა ძრავასა და ძველისძველ, მოსიპულ საბურავებს ებრძოდნენ, მორყეულ შასის ევლებოდნენ თავს და ასე წვალეებით მიიწევდნენ წინ.

ცუდი გზები იყო, ახლა უკვე კარგ გზებს ვეღარც შეხვდებოდით. სწორი, მაგარი და სარკესავით მოპრიალებული გზები, დიდი ხანია, რაც წარსულს ჩაბარდა, რადგან მათი საჭიროება აღარ არსებობდა. ძველი მანქანები ახალი ტიპის ტრანსპორტმა შეცვალა, რომელიც ნახევრად მანქანას და ნახევრად თვითმფრინავს წარმოადგენდა. რა საჭიროა კარგი გზები, როცა ისეთი მანქანა არსებობს, რომელიც გადაადგილებისას მინას არც ეხება.

ტრასის დახეთქილი ზედაპირი ორმოებით იყო სავსე და ძველი საბურავებით მასზე მოძრაობა ძალიან ჭირდა. ფული რომც ჰქონოდა რაილის, ახალი საბურავების შოვნა მაინც გაუჭირდებოდა. ძველი ტიპის საბურავებზე მოთხოვნა ლამის ნულამდე დავიდა და მათი შოვნა თითქმის შეუძლებელი იყო.

და კიდევ ერთი მუდმივი პრობლემა — ბენზინი, აღარ

არსებობდა ბენზინგასამართი სადგურები. ორმოცდაათი წელია, რაც ისინი გააუქმეს. ატომურ ენერჯიაზე მომუშავე მანქანებს არ სჭირდებოდათ სანავი. ასე რომ, თითოეულ ქალაქში სასოფლო-სამეურნეო მალაზიებისა და კოოპერატიული დახლების ძებნა უხდებოდათ, რადგან სოფლის მეურნეობის მანქანებისთვის ჯერ კიდევ სანავას გამოიყენებდნენ.

როგორც კი დროს მოიხელთებდნენ, ნაუძინებდნენ ხოლმე, ჭამით კი გზაში ჭამდნენ, ძირითადად სენდვიჩებს და ღვეზელს, რომელსაც ყავას აყოლებდნენ რკინის საგზაო მათარიდან.

ასე წვალებით გადაადგილდებოდნენ ისინი ძველ გზებზე. თანამედროვე სატრანსპორტო საშუალებებს მხოლოდ და მხოლოდ იმიტომ იყენებდნენ, რომ ისინი კარგად იყო ნაშენები და ორ პუქტს შორის ყველაზე ადვილად გასავლელ საშუალებას წამოადგენდნენ.

“შეეცდი, ამ საქმეს რომ მოვკიდე ხელი, მაგრამ კარგ ანაზღაურებას შემპირდნენ. რალა დაგიმალო და ფული ნამდვილად არ მანყენდა.”

“არა უშავს, როგორმე მოახერხებ, — არწმუნებდა ბლეინი, — შეიძლება ერთი ორი დღე დაგიგვიანდეს, მაგრამ მისვლით კი ნამდვილად მივალთ.”

“მანქანა თუ მიაღწევს ცოცხალი?”

“ეს მანქანა თავიდანვე არ ვარგოდა,” — შეახსენა ბლეინმა. რაილიმ სახე მოიწმინდა გახუნებული ცხვირსახოცით, რომელიც ერთ დროს წითელი უნდა ყოფილიყო.

“მარტო მანქანაზე არ არის ლაპარაკი, — თქვა მან, — ასე შეიძლება კაცი ჭკუიდან გადავიდეს.”

რაილის შიში ძვალსა და რბილში გასჯდომოდა.

ის არ ჰგავდა ბავშვობის კოშმარებითა და საშინელებებით გატანჯულ ადამიანს, რომელშიც იმდენად მძლავრობს ეს მოგონებები, რომ ნებისმიერ მომენტში ადვილად შეუძლია გონებაში უძველესი ფანტაზიების გაცოცხლება. აქ უფრო

რეალურ შიშზე იყო ლაპარაკი, რომელიც ფარულ ბავშვობისდროინდელ კომმარებზე უფრო ძლიერი გახლდათ.

ბლენისთვის რაილი უცხო და უძველეს სამუზეუმო ექსპონატს წარმოადგენდა, ადამიანს, რომელსაც სიბნელისა და იქ მობინადრე წარმოსახვითი არსებების ეშინოდა, სჯეროდა, რომ მანქანაზე დახატული კაბალისტური ნიშნები და ვერცხლის საფანტით დატენილი იარაღი დაიცავდა ბოროტი ძალებისგან. ასეთ ხალხზე ბევრი რამ სმენია, მაგრამ აქამდე არ შეხვედრია და თუ ასეთები მაინც იყვნენ ფიშპუკელ ნაცნობებს შორის, მაშინ ისე ოსტატურად ირგებდნენ ნილაბს, რომ მათ ჭეშმარიტ სახეს ვერაფრით დაინახავდი.

თუმცა ბლენი რაილისთვისაც ისეთივე გამოცანას წარმოადგენდა, როგორც რაილი ბლენისთვის.

"შენ რა, არ გეშინია?" — ჰკითხა მან.

ბლენმა თავი გაიქნია.

"არ გჯერა ავი სულების?"

"ჩემთვის ეს მხოლოდ და მხოლოდ ბავშვური სისულელეა," — განუცხადა ბლენმა.

"ეს არ არის სისულელე, — გააპროტესტა რაილიმ, — დამიჯერე. იმდენ ადამიანს შევხვედრივარ და იმდენი ამბავი მსმენია, რომ ვიცი, ეს სიმართლეა. ჩემს ბავშვობაში ინდიანაში ერთი მოხუცი ცხოვრობდა. ერთ დღესაც ლობეზე გაკრული იპოვეს, ყელი ჰქონდა გამოჭრილი, ტანზე ჩლიქების კვალი ეტყობოდა და გოგირდის სუნი ასდიოდა."

ასეთი ამბები მრავლად მოიძებნებოდა, ერთი მეორეზე უფრო შემზარავი, იდუმალებითა და წარსულის ბნელი აჩრდილებით მოცული.

ამას ვერაფერს მოუხერხებ კაცი, — გაიფიქრა ბლენმა, — რადგან ადამიანს თანდაყოლილი აქვს მისტიკური მოვლენებისადმი სწრაფვა, მის ძვალსა და რბილში ღრმად არის გამჯდარი ამგვარი რწმენა და რწმენის სურვილი, მისი სათავე კი შორეულ წარსულში, პრეისტორიულ ხანაშია. იმ

ადამიანებმა კი, ვისთვისაც ეს მსოფლიო ადვილად სამართავ და მოსაწყენ ადგილად ქცეულიყო, სადაც ერთადერთი ბოროტი ძალა ატომურ იარაღსა და გავლენიანი ხალხის შემაშფოთებელ უგუნურებაში სუფევს, დიდი მონდომებითა და ხალისით გამოიყენეს ეს მდგომარეობა თავიანთ სასარგებლოდ.

ყველაფერი მაშინ დაიწყო, როცა ადამიანმა პარანორმალურ კინეტიკას მიმართა გართობის მიზნით. სულ რაღაც ერთ ღამეში ფსიქიკური ძალის ცნებამ მსოფლიო მოიცვა. ღამის კლუბებმა სახელები შეიცვალეს, მოდაში შემოვიდა ახალი ტენდენციები, გაჩნდა ახალი ჟარგონი, ტელევიზიებმაც ისარგებლეს ამით და აუარება საშინელებათა ფილმი გადაიღეს, პრესამაც არა ერთი გვერდი დაუთმო ზებუნებრივ ძალებს. ძველი კულტების აღორძინებასთან ერთად ახლებიც წარმოიშვა. ორი საუკუნის მანძილზე დავინწყებას მიცემულმა სპირიტუიზმის აპარატმა კვლავ დაიბრუნა უწინდელი აქტუალობა. მაშინ ადამიანი გართობის მიზნით მიმართავდა სპირიტუიზმს და როგორც კი მიხვდა, რომ არ შეიძლებოდა სულების სამყაროსთან თამაში, თავი მიანება მას. ორი ვარიანტი იყო, ან გჯეროდა ამისი, ან არა, არავითარი შუალედური მოსაზრებები.

გამოჩნდა უამრავი შარლატანი და შედარებით გულწრფელი, თუმცა მცდარი შეხედულებების მქონე ადამიანიც, რომლებმაც ფული და სახელი მოიხვეჭეს ამ გატაცების წყალობით. მენარმეებიც სიხარულით ემორჩილებიდნენ ამ ახირებას, ჰობის, ახალ მეცნიერებას თუ რელიგიას, ტერმინის განსაზღვრა იმაზე იქნებოდა დამოკიდებული, თუ რამდენად სერიოზულად ეკიდებოდა მას თითოეული პიროვნება, და დაუზარელად უშვებდნენ ათასობით წვრილმან იაფფასიან საქონელს.

ეს, რა თქმა უნდა, არასწორი მიდგომა იყო, რადგან პარანორმალურ კინეტიკას არაფერი ჰქონდა საერთო ზებუნებრივ, შავბნელ ძალებთან, ავსულებთან,

ეშმაკეულთან ან ნებისმიერ სხვა მივიწყებულ უძველეს ძალასთან, რომლებმაც უცაბედად დააღწიეს თავი შუა საუკუნეების ტყვეობას და თავაშვებულად გაპარპაშდნენ. სინამდვილეში პარანორმალური კინეტიკა მხოლოდ ადამიანის შესაძლებლობების ახალი განზომილება იყო — მაგრამ ამ სიახლით დაბნეული და აღტაცებული ხალხი მის არსს ვერ ჩასწვდა და სულ სხვანაირად გაიგო.

და როგორც ყოველთვის ხდება ხოლმე, გაფრთხილებების მიუხედავად, ადამიანმა ძალზე შორს შეიტოვა, იმდენად შორს, რომ თავად იწამა ეს უცნაური ფანტაზია და სახარებასავით გაითავისა. პანები, გობლინები და ავსულები რეალურ არსებებად იქცნენ.

გაჩნდნენ ფანატისკოსი რეფორმისტები, რომლებიც ფანატისმისთვის დამახასიათებელი საზარელი და ბრმა სისასტიკით გააფთრებულები ებრძოდნენ თავიანთ პარანორმალურ მეზობლებს და რაც ყველაზე შემაშფოთებელია, ამას წმინდა მისიას უწოდებდნენ.

პარანორმალური ძალების მქონე ადამიანები ყველა ეპოქაში მრავლად იყვნენ, მაგრამ უმეტეს შემთხვევაში ვერც კი წარმოედგინათ, რომ ზებუნებრივი ნიჭით იყვნენ დაჯილდოებული და ვარსკვლავებისთვის ხელის განვდენა შეეძლოთ. ცოტათი უცნაური და დაბნეული ხალხი იყო, თანამემამულეებიც მათ მიმართ შემწყნარებლობას იჩენდნენ, რადგან საზოგადოებისთვის საშიშად არ მიაჩნდათ. იყვნენ უფრო ძლიერი ნიჭის მქონენიც, მაგრამ ვერც ისინი იყენებდნენ ამ უცნაურ ძალებს ჯეროვნად, რადგან არ ეჯერათ მათი. რომც დაეჯერებინათ, ვერ გაბედავდნენ მათ გამოყენებას — მეცნიერების კულტმა ეს ყველაფერი ავბედიტ სისულელედ შერაცხა.

შემდეგ მოვიდნენ მამაცი მექსიკელები, რომელთაც დაამტკიცეს, რომ ეს არ იყო სისულელე და ამ ხალხსაც ფრთები შეესხა, გასაქანი მიეცა მათ ყველა ფარულ თუ აშკარა ნიჭსა და ძალას. ძირითადად, მათ კეთილი და დიადი

მიზნებისთვის იყენებდნენ, ზოგჯერ კი სავსებით უმიზნოდ და უაზროდ, ხოლო იშვიათ შემთხვევებში, ეს ახლად აღმოჩენილი შესაძლებლობები ბოროტსა და ავისმომასწავებელ მიზნებს ემსახურებოდა.

სწორედ ამ დროს იმძლავრეს სიკეთით შენიღბულმა ცრუ მორალისტებმა. შავადმოსილმა ნვერმოშვებულმა რეფორმისტებმა პარანორმალური კინეტიკა ყოველგვარი ბოროტების სათავედ მიიჩნიეს და მთელი სისასტიკით გაილაშქრეს მის წინააღმდეგ. ხალხზე ზემოქმედებისთვის მათ მარჯვედ გამოიყენეს ცრურწმენისა და შიშის ფსიქოლოგიური ფაქტორი და მათრახის, თოკისა და დამლის მეშვეობით შიშის ზარს სცემდნენ მთელ ქვეყანას. ჰაერი იმდენად იყო დამუხტული ამ საშინელი შიშის სუნით, რომ სული შეგეხუთებოდა.

“გაგიმართლა, — უთხრა ბლეინს რაილიმ, — თუ არ გეშინია, არც ისინი გახლებენ ხელს. ძალლი იმას კბენს, ვისაც მისი ეშინია, ხოლო იმას, ვისაც არ ეშინია, ხელებს ულოკავს.”

“მაშინ მაგაზე ადვილი რა არის, — დაამშვიდა ბლეინმა, — ნულა გეშინია.”

მაგრამ მიხვდა, რომ უაზრო რჩევა იყო, რაილისნაირი კაცი მას ვერ მიიღებდა.

ყოველ ღამეს, როცა ბლეინი საჭესთან იჯდა, რაილის ვერცხლის საფანტით დატენილი თოფი ჰქონდა ჩახუტებული და შეშინებული ძალღვივით თრთოდა.

შიშის საბაბი კი უამრავი იყო — ბუ, რომელიც ახლოს ჩამოუფრენდა, მელია, რომელიც გზას გადაუჭრიდა, ნებისმიერი აჩრდილი, რომელიც გზის პირას გაიელვებდა, მისთვის ყველაფერი ღამის მოჩვენებებად იქცეოდა, ხოლო კოიოტების ყმული მსხვერპლზე სანადიროდ გამოსული ავსულების კივილს აგონებდა.

თუმცა ყველაფერი რაილის ფანტაზიის ნაყოფი არ ყოფილა. ერთხელ მათ ტევრის ზემოთ, მაღალ ტოტზე მოცეკვავე ადამიანის ფორმის ჩრდილი შენიშნეს, თუმცა ის

უკვე ადამიანი აღარ იყო. მათ გაპარტახებული ფერმის ნანგრევებს ჩაუარეს, საიდანაც საკვამური ზეცაში აღმართულიყო. ერთხელ კი, როცა რაილი მანქანის ჩამქრალ სანთლებს ეწვალეობდა, ბლენი ნაკადულს აუყუვა წყაროს ძებნაში და პატარა კოცონის კვამლი შენიშნა. მისი ფეხის ხმა რომ გაიგეს, უკვე გვიანი იყო და მიმალვა ვერ მოასწრეს, ბლენმა შენიშნა, როგორ გაუჩინარდნენ ისინი ტყით დაფარული კლდის კალთების მიღმა, როგორც ჰაერში მოცურავე სულეები.

ბლენი იმ ადგილას იდგა, სადაც ისინი იყვნენ დაბანაკებული, ანთებული ცეცხლის პირას გადაყირავებული ტაფა ეგდო, გათელილ ბალახზე ოთხი ნახევრად შემწვარი კალმახი ეყარა, ცეცხლის გარშემო რამდენიმე ნაქსოვი ბამბის საბანი ეგო, რომელიც სანოლის მაგივრობას სწევდა. ბანაკთან ახლოს ტოტებისგან სახელდახელოდ დაწნული ქოხი დაედგათ, წვიმისგან თავის დასაცავად.

ბლენმა ჩაიმუხლა ცეცხლთან და ტაფა გაასწორა, თევზი აიღო, ზედ მიკრული ტოტებისა და ბალახისგან განმინდა და ტაფაზე დაანყო.

ჯერ იფიქრა, გაქცეულებისთვის დაეძახა და დაემშვიდებინა ისინი, მაგრამ მიხვდა, რომ აზრი არ ჰქონდა, მათ ნდობას ასე ადვილად ვერ მოიპოვებდა.

ისინი მტაცებლისგან დევნილ ცხოველებს ჰგავდნენ და ეს სწორედ ისეთ ქვეყანაში ხდებოდა, როგორიც ამერიკის შეერთებული შტატები იყო, ქვეყანაში, რომელიც ოდითგანვე ადამიანს მისი უფლებების თავგანწირულ დამცველად მოეწვინა და სადაც ერთ დროს ასე აღმერთებდნენ თავისუფლებას.

ბლენი მუხლებზე იდგა და სიბრაზისა და სიბრალულის გრძნობით ივსებოდა. მუშტი შეკრა, თვალს მომდგარი ცრემლი რომ მოეწმინდა, სველმა თითებმა მის სახეზე ჭუჭყიანი ხაზები დატოვეს.

ცოტა ხანს ასე ჩაცუცქული იყო, შემდეგ წამოდგა და

ნაკადულს დაუყვა, არც კი გახსენებია, რის საძებნელად წამოვიდა — წყარო რომელიც ბანაკიდან ალბათ სულ რამდენიმე ნაბიჯში იქნებოდა.

უკან დაბრუნებულს რაილისთან სიტყვაც არ დაუძრავს ნანახის შესახებ.

მათ უდაბნოები გადაიარეს, მთები გადალახეს და, როგორც იქნა, თვალუნვდენელ უკიდევანო დაბლობზე გავიდნენ, სადაც არც ხე იყო და არც მდელო, მხოლოდ ქარი სისინებდა გაუჩერებლად, არაფერი უშლიდა ხელს მის დაუბრკოლებელ თარემს.

ბლეინი საზურგეს მიყრდნობოდა და ცდილობდა, დაესვენა, მანქანის ჯანჯლარის მიუხედავად. დაბლობს მწველი მზე აჭერდა და ცხელი ქარი ქროდა, შორს, ჩრდილოეთით, ამომშრალი მდინარის კალაპოტში ქვიშის საზარელი კორიანტელი ტრიალებდა.

რაილი წელში მოხრილიყო, დაძაბული ჩასჭიდებოდა საჭეს და ასე ატარებდა ფურგონს უსწორმასწორო გზაზე. დროდადრო ნერვიული ტიკისგან სახე ეკრუნჩხებოდა.

ამ კაცს დღისითაც ეშინია, — გაიფიქრა — ბლეინმა, დღისითაც არ ეშვება სიბნელესთან ჭიდილს.

ნეტა ეს შიში ტვირთთან ხომ არ არის დაკავშირებული, ჩვენ რომ მიგვაქვს? რაილის სიტყვაც არ დაუძრავს მასზე, ერთხელაც არ შეუმონმებია. ფურგონის უკანა კარზე დიდი ბოქლომი ეკიდა, რომელიც მანქანის თითოეულ მკვეთრ მოძრაობაზე გულისგამანვრილებლად რაკუნობდა და ჩხარუნებდა.

ბლეინი ერთი ორჯერ შეეცადა ეკითხა, მაგრამ თავი შეიკავა, რაღაცა უშლიდა ხელს. რაილის არაფერი უთქვამს, არც გაუკეთებია ისეთი არაფერი, რაც აგრძნობინებდა ბლეინს, რომ ამ კითხვის დასმა არ შეიძლებოდა. მიზეზი ალბათ უფრო მის ხაზგასმულ დაუდევრობაში იყო საძებნელი.


ბოლოს და ბოლოს რა მისი საქმე იყო, რა ჰქონდა რაილის საბარგულში, არც აინტერესებდა. მას მხოლოდ ფურგონი აღელვებდა, მისი ბორბლების თითოეული ბრუნი ბლეინს მიზანთან აახლოებდა.

“დღეს თუ კარგად ვივლით, დილით მდინარეზე ვიქნებით,”
— აღნიშნა რაილიმ.

“მისურიზე?”

რაილიმ თავი დუქნია. “თუ კიდევ რამე არ გააფუჭდა და დრო არ დაეკარგეთ.”

მაგრამ იმ ღამეს მათ კუდიანებთან შეხვედრა ელოდათ.



14

პირველად რაღაც ბუნდოვანი გამოსახულება შენიშნეს, რომელმაც გზაზე გაიელვა ფარების შუქის ფონზე, შემდეგ ისინიც გამოჩნდნენ, მთვარის შუქზე მოფარფატენი, უფრო სწორად, ჰაერში თევზებივით მოცურავენი, რადგან ფრთები არ ჰქონდათ. მათი მოძრაობა მხოლოდ და მხოლოდ მფრინავი არსებებისთვის დამახასიათებელი გრაციოზულობით გამოირჩეოდა.

ერთი შეხედვით ეს შუქზე მოლივლივე პეპლების მოძრაობებს ანდა რომელიმე ფრთოსანი მტაცებლის მოწყვეტილ თავდასხმას ჰგავდა მსხვერპლზე, მაგრამ როცა გონება წამიერი განცვიფრებისა და გაოგნების მომენტს გადალახავდა, ადამიანი ყოველგვარი ეჭვის გარეშე მიხვდებოდა, ეს რაც იყო.

მათ მფრინავი ადამიანები დაინახეს. ლევიტატორები. კუდიანები, რომლებიც თავყრილობაზე მიიჩქაროდნენ.

ბლენმა მუხრუჭებს მიაჭირა ფეხი, როგორც კი დაინახა, რომ მის გვერდით მჯდომმა რაილიმ იარალი ღია ფანჯარაში გაყო.

რაილიმ ჩახმახს გამოჰკრა ხელი და გასროლის ხმა მეხივით გაისმა კაბინაში.

მანქანა მოსრიალდა და გზის გარდიგარდმო გაჩერდა. ბლენმა რაილის ცალი ხელი მხარზე სტაცა და წონასწორობიდან გამოიყვანა, ხოლო მეორეთი იარაღი გამოსტაცა.

ბლენმა რაილის სახეს შეავლო თვალი, კაცი შიშისგან გაქვავებულიყო, ქვედა ყბა მექანიკური მოძრაობით ადიჩადიოდა, პირის კუთხეებში დუფი მორეოდა, ბრაზმოდებული თვალები გადმოცვენას ლამობდნენ, სახის ყველა კუნთი ისე დაჭიმვოდა, დაკრუნჩხულ გროტესკულ ნილაბს დამსგავსებოდა. მისი მოკუნტული თითები იარაღისკენ იწევდნენ და მის ხელში ჩაგდებას ცდილობდნენ.

“გაჩერდი, გეყოფა! — დაიღრიალა ბლენმა, — ესენი მხოლოდ და მხოლოდ ლევიტატორები არიან.”

მაგრამ ეს სიტყვა რაილისთვის არაფერს ნიშნავდა, დაძაბულ ტვინში მეხივით მოგუგუნე შიშს მთელი მისი შეგნება მოეცვა და დაებინდა.

უცხო ხმა სწორედ მაშინ შემოესმა, როცა რაილის ელაპარაკებოდა, ეს იყო ლამის წიალიდან მისკენ მიმართული უჩინარი ხმების გუნდი.

მეგობარო, ერთი ჩვენგანი დაჭრილია (ალისფერი სისხლის ზოლი დაკუნთულ მხარზე), მძიმედ არა, იარაღი მას აქვს (მელანქოლიურად ჩამოღვენთილი თოფის ლულა). ყველაფერი რიგზეა — იარაღი ჩვენს მეგობარს აქვს. მოდი, ახლა ამას მივხედოთ (კუთხეში მიმწყვდეული, მყეფარე ძალღი, კუდამოძუებული სკუნსი, დაგრაგნილი ჩხრიალა გველი, იერიშისთვის მზად მყოფი).

მოიცადეთ, — იყვირა ბლენმა, — მოიცადეთ! ყველაფერი რიგზეა, მეტს აღარ გაისვრის.

ბლენი იდაყვით მიაწვა საკეტს და კარი გააღო. ხელის მკვეთრი მოძრაობით მოიცილა რაილი, კაბინიდან გადმოფორთხდა და იარაღი გახსნა, საიდანაც ვაზნები გადმოცვივდა. შემდეგ თოფი გზაზე მოისროლა და მანქანას მიეყრდნო.

უცბად სამარისებული სიჩუმე ჩამოწვა, რომელსაც მხოლოდ რაილის კენესისა და ღმუილის ხმა არღვევდა.

მორჩა, — წამოიძახა ბლეინმა, — საშიში აღარაფერია.

ლევიტატორები ციდან დაეშვნენ, თითქოს უხილავ პლატფორმას მოსწყდნენ და რბილად დაფრინდნენ მიწაზე.

ნელ-ნელა, უხმაუროდ მოინევდნენ სიბნელეში, მოუახლოვდნენ მათ და გაჩერდნენ.

რა სულელურად იქცევით, — უსაყვედურა ბლეინმა, — ახლა გაგიმართლათ, მაგრამ სხვა დროს უთუოდ თავს წაგაცლიან (უდარდელად მოსეირნე თავნაცლილი სხეული, ყელის გადანაჭერიდან მოჩუხჩუხე აქაფებული სისხლი).

ბლეინმა შენიშნა, რომ ყველა ახალგაზრდა იყო, არც ერთი მათგანი ცხრამეტზე მეტის არ იქნებოდა, ტანზე საბანაო კოსტიუმების მსგავსი რამ ეცვათ და სახეზე მხიარულებისა და სიცელქის ნიშნები ეტყობოდათ.

უფრო ახლოს მოვიდნენ, ბლეინი ცდილობდა, კიდევ სხვა რამე ამოეკითა მათ მზერაში, მაგრამ ამაზე მეტს ვერაფერს ხედავდა.

ვინ ხარ? — იკითხა ერთ-ერთმა.

შეპარდ ბლეინი, ფიშპუკიდან.

და სად მიდიხარ?

სამხრეთ დაკოტაში.

ამ ფურგონით?

და ამ კაცთან ერთად, — დასძინა ბლეინმა, — ხელი არ ახლოთ.

ამ კაცმა გვესროლა, მარი დაჭრა.

არაფერია, — დაამშვიდა მარიმ, — ნაკანრია მხოლოდ.

ისეა შეშინებული, რომ ვერცხლის საფანტს დაატარებს, — თქვა ბლეინმა.

ვერცხლის საფანტმა ძალიან გაამხიარულა ისინი.

და სწორედ ამ დროს მთელი ძალით იგრძნო შექმნილი ვითარების უჩვეულობა: მთვარით განათებული ღამე, მიყრუებული გზა, შუა ტრასაზე გაჩერებული მანქანა,

პრერიასზე მოზუზუნე მარტოსული ქარი და ისინი, ორნი, ის და რაილი, რომელთაც სიუს ან კომანჩეს ტომის ხალხი კი არ შემორტყმოდა გარს, არამედ გასართობად გამოსული პარანორმალური თინეიჯერების გუნდი.

და ვის შეეძლო ისინი გაემტყუნებინა ან დაეშალა მათთვის რამე? თუკი ამ წინააღმდეგობითა და შეურაცხყოფით აღსავსე ცხოვრებაში ეს პატარა გამონვევები თვითდამკვიდრებაში დაეხმარებოდა, თუკი ამ გზით ადამიანური ღირსების დაცვა სურდათ, ეს სულაც არ იყო გასაკიცხი საქციელი.

მთვარისა და ფარების მკრთალ შუქზე ბლეინი მათ სახეებს აკვირდებოდა და ხედავდა, რომ მათში გაუბედაობა და სიფიცხე ერთმანეთს ებრძოდა.

მანქანიდან ისევ ისმოდა რაილის ისტერიული კვნესა.

ფიშპუკი? (ბორცვზე აღმართული შენობების კოშკები, კილომეტრობით შენობები, მასიური, დიდებული, შთამაგონებელი...)

მართალია, — აღნიშნა ბლეინმა.

ახალგაზრდების ჯგუფს გოგო გამოეყო, ბლეინს მიუახლოვდა და ხელი გაუწოდა.

მეგობარო, — მიმართა მან, — არ ველოდით ჩვენიანის გამოჩენას. ბოდიშს გიხდით უსიამოვნებისთვის.

ბლეინმა ხელი ჩამოართვა და ნორჩი თითების მტკიცე და ძლიერი მოჭერა იგრძნო.

ლამით გზებზე იშვიათად თუ შეეხვდებით ხოლმე ვინმეს, — აღნიშნა ერთ-ერთმა.

უბრალოდ ვერთობით, — თქვა მეორემ, — ეს ცხოვრება მაგარი მოსაწყენია.

ვიცი, რომ მოსაწყენია, — დაეთანხმა ბლეინი.

მალე ყველა წმინდანთა დღეა, — დაუმატა კიდევ ერთმა.

ყველა წმინდანთა დღე? ა, ჰო, მაშინ გასაგებია (ჩარახულ დარაბებზე ატეხილი ბრახუნი, ხეზე ჩამოკონწიალებული ჭიშკარი, თავდაყირა დაკიდული კაბალისტური ფირფიტა).

ახია მათზე, თყითონ არიან დამნაშავეები.

მართალია, — დაეთანხმა ბლენი, — მაგრამ სახიფათოა.

მინცდამაინც არა, ძალიან არიან შეშინებულები.

მაგრამ ეს მდგომარეობას არ უშველის.

მისტერ, ამ მდგომარეობას უკვე ველარაფრით უშველი.

კი მაგრამ ფიშჭუკი? — იკითხა ბლენის პირდაპირ მდგარმა გოგომ.

ბლენმა ყურადღებით შეათვალიერა გოგო და შენიშნა, რომ ძალიან ლამაზი იყო, ცისფერი თვალები, ოქროსფერი თმა და ისეთი მოხდენილი ტანი ჰქონდა, ძველი დრო რომ ყოფილიყო, ნებისმიერ სილამაზის კონკურსში გაიმარჯვებდა

მოკლედ, კერპი, რომელიც პარანორმალური კინეტიკით ვატაცებულმა ადამიანმა სულ მთლად მიივიწყა.

მაპატიე, გთხოვ, — მოუბოდიშა ბლენმა, — ვერ გეტყვი.

მოხდა რამე? საფრთხე გემუქრება?

ამჟამად არა.

დაგეხმარებით.

არ არის საჭირო, — უპასუხა ბლენმა, რაც შეიძლება უდარდელად და აუღელვებლად.

სადაც გინდა, იქ წავიყვანთ.

მე ლევიტატორი არ ვარ.

არც არის საჭირო, რომ იყო. ჩვენ შეგვიძლია ფრენა (ჰაერში მოფარფატე ბლენი, ორ ლევიტატორს ორივე მხრიდან უჭირავს და მიაფრენენ).

ბლენს შეაჟრუჟოლა. არა, მადლობ, არ მინდა.

მოულოდნელად ერთ-ერთმა მანქანის კარი გააღო, მეორე კი რაილის დასწვდა და კაბინიდან გადმოათრია.

რაილი ოთხზე იდგა და ქვითინით მიფორთხავდა მინაზე.

თავი დაანებეთ! — იყვირა ბლენმა.

გოგო შეტრიალდა. მისმა ფიქრებმა მკაცრად და დამაჯერებლად გაიჟღერა: მოსცილდით! ხელი არ ახლოთ! თითი არ დააკაროს არავინ!

კი მაგრამ, ანიტა...

თითიც არ დააკაროთ, — გაიმეორა მან.

ის ხომ ბინძური ნაძირალაა, ვერცხლის საფანტით ისვრის.
არა!

მათ უკან დაიხიეს.

უნდა წავიდეთ, — მიმართა ანიტამ ბლენს, — ხომ
კარგად იქნება ყველაფერი?

ამ კაცს გულისხმობ?

ანიტამ თავი დაუქნია.

ამას მე მოეუფლი, — უპასუხა მან.

ანიტა ენდრიუსი ვარ, ჰამილტონში ვცხოვრობ, ჩემი
ტელეფონის ნომერია 276. ჩაინერე გონებაში.

ჩაინერე, — მიუგო ბლენმა და ციფრები და სიტყვები
აჩვენა.

დახმარება თუ დაგჭირდა...

დაგირეკავ.

მპირდები?

გპირდები (მფეთქავ გულთან მიტანილი ვადაჯვარედინე-
ბული თითები).

მოულოდნელად რაილი წამოხტა, თოფს დაავლო ხელი და
ბარბაცით მდგარმა ჯიბეებში დაუნყო ვაზნებს ძებნა.

ბლენი რაილის დააფრინდა, მხარით მუხლებს ზემით
მიეხეთქა, ცალი ხელი წელზე მოხვია და მეორეთი
ცდილობდა, თოფის ლულას მოსჭიდებოდა, მაგრამ
უშედეგოდ.

დაცემისას იყვირა: გაეცალეთ ჩქარა! ყველანი!

ბლენი სახით დაეცა ასფალტზე და გადაგორდა.
ტანსაცმელი ტკაცანით ასკდებოდა და გრძნობდა, როგორ
აძრობდა მას ტყავს ასფალტის ხორკლიანი ზედაპირი,
რაილიც მასთან ერთად მიგორავდა, რადგან ბლენი
არაფრით არ უშვებდა ხელს.

როცა გაჩერდნენ, ბლენმა ხელის ცეცებით დაუნყოს
იარაღს ძებნა, მაგრამ უცბად სიბნელეში თოფის ტარმა
გაიელვა და მის ზურგზე დაეშვა. ბლენმა სიმწრისაგან

შეიკურთხა და შეეცადა, თოფი გამოეცა, მაგრამ რაილის უკვე მოესწრო მეორე დარტყმისთვის მომზადება. ბლენმა ალალებედზე გაიქნია ხელი და რაილის მოარტყა, რომელსაც ძლიერ დარტყმაზე გმინვა აღმოხდა და უცაბედად ძირს დაშვებული თოფი ბლენის სახეს მილიმეტრებში ასცდა.

ბლენმა ხელი სტაცა იარაღს, მოქაჩა, გადაგრიხა და, როგორც იქნა, ხელიდან გააგდებინა.

როგორც კი იარაღი ხელში ჩაიგდო, ბლენი გზიდან გადაგორდა და წვლებით ნამოდგა ფეხზე, მაგრამ მოულოდნელად შენიშნა, რომ ხელებგაშლილი რაილი კორიდის ხარივით მოქროდა მისკენ, პირი გახსნილ იარაღით დაელო და სიბრაზისგან ცოფებს ყრიდა.

ბლენმა აიღო იარაღი და ძლივს მოასწრო მისი სიბნელეში გადაგდება. განზე გახტა, მაგრამ ნაბიჯი ვერ გათვალა, ნამში რაილის ბარკლისოდენა ტორი მის ბარძაყს ჩაეჭიდა. ბლენი მკვეთრად მოტრიალდა, ისე, რომ რაილის ხელი არ გაუშვია. რაილიმ სხეულის გაშმაგებული მოძრაობით გაჩერება სცადა, მაგრამ ვერ მოახერხა, ინერციით გაექანა მანქანისკენ და გამაყრუებელი გრუხუნით მიეხეთქა.

ტკივილისგან მოიკეცა და მიწაზე დაეშვა. ბლენი თვალს არ აცილებდა, მაგრამ რაილი არ განძრეულა.

სიჩუმე ჩამოწვა. ლევიტატორები გამქრალიყვნენ, მათ გარდა ირგვლივ არავინ ჩანდა, მხოლოდ ის, რაილი და დანგრეული ფურგონი დარჩენილიყვნენ.

ბლენი შემოტრიალდა და ცას ახედა, იქაც არაფერი ჩანდა მთვარისა და ვარსკვლავების გარდა. პრერიაზე მხოლოდ ტრამალის მარტოსული ქარი დანავარდობდა.

რაილის შეხედა, ცოცხალი იყო, იჯდა და ფურგონის წინა მხარეს მიყრდნობოდა. დარტყმისგან შუბლი გაჩეხილი ჰქონდა, ძალა სულ გამოცლოდა, მძიმედ სუნთქავდა, სული რომ მოეთქვა, და გაშმაგებული აბრიალებდა თვალებს.

ბლენი მიუახლოვდა.

"ნამდვილი იდიოტი ხარ, — მიახალა ბლენმა, — კიდევ

ერთი გასროლა და წასული იყო ჩვენი საქმე, ნაფლეთებად გვაქცევდნენ."

რაილი ბლეინს მისჩერებოდა, პირს ამოძრავებდა და რალაცის თქმას ცდილობდა, მაგრამ მხოლოდ ერთ სიტყვას იმეორებდა: "შენ ... შენ ... შენ."

ბლეინი მასთან მივიდა, ხელი გაუწოდა, ადგომაში რომ დახმარებოდა, მაგრამ რაილიმ უარი თქვა დახმარებაზე და მთელი ძალით მიეკრო მანქანას, თითქოს უნდოდა, მეტალის ზედაპირს შერწყმოდა.

"შენც იმათნაირი ხარ! — იყვირა მან, — ამას თავიდანვე მივხვდი."

"გაგიჟდი?"

"არაფერიც, გემინია, არავინ შეგნიშნოს, მანქანას არც სცილდები, ყავაზე და საჭმელზე სულ მე დავდივარ, ბენზინზეც მე ვევაჭრები, შენ კი ნაბიჯსაც არ ადგამ."

"ეს ხომ შენი მანქანაა, — ამშვიდებდა ბლეინი, — ფულიც შენ გაქვს და შენვე უნდა მოელაპარაკო, ხომ იცი, მე ჯიბეგამოფხეკილი ვარ"

"გახსოვს, როგორ დამადექი თავზე? — ზღუქუნებდა რაილი, — პირდაპირ ტყიდან გამოხვედი და გამომეცხადე, ალბათ მთელი ღამე იქ გაატარე. შენ არაფრის გნამს, ჩვეულებრივ ადამიანს არ გაეხარ."

"ეს იმიტომ, რომ სულელი არა ვარ, — არწმუნებდა ბლეინი, — მე ისეთივე ადამიანი ვარ, როგორიც შენ. როგორ გგონია, ჯადოქარი რომ ვიყო, ამ ხლამით ვირახრახებდი ამხელა გზაზე?"

რაილის მიადგა, სტაცა ხელი, ფეხზე დააყენა და ისე მაგრად შეაჯანჯლარა, რომ თავმა აქეთ-იქით რყევა დაუნყო.

"გეყოფა! — დაულრიალა ბლეინმა, — საფრთხე აღარ გვემუქრება, ნავედით აქედან."

"თოფი! შენ გადააგდე!"

"დაივინყე. ჩაჯექი მანქანაში."

"შენ მათ ელაპარაკებოდი, მე გავიგონე!"

"რას ამბობ, სიტყვაც არ მითქვამს."

"პირით არა, — განაგრძობდა რაილი, — არც ენით, მაგრამ მაინც გავიგონე, როგორ ელაპარაკებოდით. ყველაფერი არა, რაღაც ნაწყვეტები. უეჭველად ელაპარაკებოდით."

ბლენმა ცალი ხელი რაილის ჩასჭიდა და მანქანას ააკრა, ხოლო მეორეთი კარი გააღო.

"ახლა მოკეტე და მანქანაში ჩაჯექი, — მკვახედ მიუგო ბლენმა, — შენ და შენი თოფი! ვერცხლის საფანტი! რაღაც გაიგონა ბიჭმა, დიდი ამბავი!"

უკვე გვიანია, — გადწყვიტა მან. აზრი არა აქვს ახსნას, რამის ჩვენებას. მისი დახმარება რომც ეცადა, მაინც ვერ გაიგებდა. სიმართლე რომ ეთქვა, რაილი კეთილგონიერების იმ მცირე ნაწილსაც დაკარგავდა, რაც გააჩნდა. სულ მთლად შეიშლებოდა და დანაშაულის გრძნობის მორევში ჩაეფლობოდა, როცა გაიგებდა, რომ ავი საქმის ძალაუნებური თანაზიარი გახდა.

ბლენმა ფურგონს მეორე მხრიდან შემოუარა, ჩაჯდა, დაქოქა და მანქანა გზის პირას გამოიყვანა.


მთელი საათი ისე მიდიოდნენ, არც ერთს ხმა არ ამოუღია. რაილი კუთხეში მიკუნტულიყო და ბლენი გრძნობდა, რომ თვალს არ ამორებდა.

"მაპატიე, — როგორც იქნა, წამოიძახა, — ბლენ, მაპატიე. მგონი, მართალი იყავი."

"რა თქმა უნდა, — დაეთანხმა ბლენი, — შენ რომ სროლა დაგეწყო..."

"მე მაგაზე არ გეუბნები, — შეანწყვეტნა რაილიმ, — შენც რომ ერთ-ერთი იმათგანი იყო, არ დარჩებოდი, იმათთან ერთად გაფრინდებოდი. სადაც მოისურვებდი, იქ გაგაქროლებდნენ."

ბლენმა ჩაიციხა: "რომ დაგიმტკიცო, რომ ეს ასე არ არის, ხვალ ყავასა და საჭმელზე მე წავალ, თუ, რა თქმა უნდა, შენს ფულს მანდობ."



ბლენი სკამზე იჯდა სასაუბრეში და ელოდებოდა ბარმენს, რომელსაც ჰამბურგერები უნდა შეეხვია და მათარა ყავით გაეცხო. შენობაში მის გარდა კიდევ ორი კლიენტი იყო, მისთვის ყურადღება არავის მიუქცევია. ერთს საუბრე ახლახანს დაემთავრებინა და გაზეთს კითხულობდა, მეორე კი საკუთარ თეფშს დაჰყურებდა და სქელ მასას ილუკმებოდა, რომელიც ერთ დროს ერბოკვერცხი და შემწვარი კარტოფილი უნდა ყოფილიყო, მაგრამ ისე იყო გადაზელილი, რომ ძაღლის სალაფავს ნააგავდა.

ბლენმა მზერა შენობის შუშის კედელზე გადაიტანა.

ქუჩაში დილის სიმშვიდე სუფევდა, ტროტუარზე ერთადერთი ფეხით მოსიარულე მიდიოდა, რომელსაც დროდადრო მანქანა ჩაუვლიდა ხოლმე.

აღბათ სისულელეს აკეთებდა, ასე რომ რისკავდა, მხოლოდ და მხოლოდ იმ მიზნით, რომ რაილი დაემშვიდებინა და მისი ეჭვები გაეფანტა. ერთი რამ ნათელი იყო, რაც არ უნდა გაეკეთებინა მას და რაც არ უნდა ეთქვა რაილის, ის მაინც ეჭვის თვალთ შეხედავდა.

თუმცა დიდი გზა არც დარჩენოდათ, მალე მდინარე გამოჩნდებოდა და პიერიც იქიდან რამდენიმე მილით იყო დაშორებული ჩრდილოეთით. ახლა მოუვიდა აზრად, რომ

რაილის ერთხელაც არ უთქვამს, სად მიდიოდა. თუმცა უცნაურიც არაფერია, თუ მხედველობაში მივიღებთ იმ ფაქტს, რომ რაილი უალრესად შეშინებული იყო და ყოველთვის თავს არიდებდა ტვირთზე საუბარს.

ბლეინმა ფანჯარას მოსწყვიტა თვალი და ბარმენს მიადევნა, რომელმაც ჰამბურგერები ჩაუნყო და ყავა ჩამოუსხა, შემდეგ ხუთდოლარიანი მიაწოდა, რაილიმ რომ გამოატანა, და ხურდა ჯიბეში ჩაიდო.

ქუჩაში გავიდა და ბენზინგასამართი სადგურისკენ გასწია, სადაც რაილი ელოდებოდა თავის ფურგონთან ერთად. ჯერ ადრე იყო და გასამართზე არავინ იქნებოდა, ისაუზმებდნენ იქ და როცა სადგური გაიხსნებოდა, ბენზინს ჩაასხამდნენ და გზას გაუდგებოდნენ. შეიძლება ეს მათი ერთად მგზავრობის ბოლო დღეც ყოფილიყო.

როგორც კი მდინარეს მიაღწევდნენ, ბლეინი მარტო განაგრძობდა გზას პიერისკენ.

გრილი დილა იყო, თითქმის სუსხიანი, ცივი ჰაერი ბლეინს ჩასუნთქვისას ნესტოებს წვავდა. კიდევ ერთი მშვენიერი დილა გათენდა, ოქტომბრის დილა, როცა ცაზე თხელი ნისლია გადაკრული და ჰაერი ღვინოსავით ათრობს.

ბლეინი ბენზინგასამართს მიუახლოვდა, მაგრამ ვერც რაილი შენიშნა და ვერც ფურგონი.

რაილიმ მანქანა გვერდზე ხომ არ გადააყენა? მაგრამ ბლეინმა მშვენივრად იცოდა, რომ ფურგონი იქ არ დახვდებოდა, დარწმუნებული იყო, რომ რაილიმ მოატყუა.

თავიდან რომ მოეშორებინა, რაილი იძულებული შეიქნა ხუთ დოლარიანს დამშვიდობებოდა და სხვა სადგური ეძებნა.

ბლეინს ეს მაინცდამაინც არც გაჰკვირვებია, გულის სიღრმეში მზად იყო ამისთვის, თუმცა არ აღიარებდა. რაილის აზრით, ასეთი საქციელი წინა ღამის ეჭვებს ყველაზე ადვილად გაფანტავდა.

საკუთარი ვარაუდის სისწორეში რომ დარწმუნებულიყო, ბლეინმა კვარტალი შემოიარა.

მანქანა არსად ჩანდა. ქუჩაში მის გარდა არავინ ჭაჭანებდა.

სულ ცოტა ხანში ქალაქი გაიღვიძებდა და აქაურობას მანამ უნდა გასცლოდა, სანამ ეს მოხდებოდა, უსაფრთხო სამალავი უნდა მოეძებნა, სადაც დღე გაჩერდებოდა.

ნუთით შეჩერდა, რომ ორიენტაცია აელო.

ბლენი დარწმუნებული იყო, რომ ქალაქის ყველაზე ახლო ნაპირი აღმოსავლეთით მდებარეობდა, რადგან აქ სამხრეთიდან შემოვიდნენ და ორი-სამი მილი გამოიარეს.

გზას დაადგა და ცდილობდა, რაც შეიძლება სწრაფად ემოძრავა, თუმცა ისე არა, რომ სხვისი ყურადღება მიეპყრო. ქუჩაში სულ რამდენიმე მანქანამ გაიქროლა, ვილაცა სახლიდან გამოვიდა და კართად დაგდებული გაზეთი აიღო, ერთმა კი გვერდით ჩაუარა, ხელში საუზმის კალათას მოაქანავებდა, მაგრამ არც ერთს მისთვის ყურადღება არ მიუქცევია.

დასახლებული ადგილები შეთხელდა და ბლენი ქალაქის ბოლო ქუჩას დაადგა. აქ დაბლობი მთავრდებოდა და დამრეცი რელიეფი იწყებოდა, ტყით მოცული ბორცვები და გორაკები, ერთი მეორეზე დაბალი. ბლენი მიხვდა, რომ ქვემოთ, სადაც უკანასკნელი ბორცვი მთავრდებოდა, ძალუმი მდინარე მიედინებოდა, თავისი მოძრავი ქვიშის თავთხელებითა და ტირიფის კუნძულებით.

ბლენმა მინდორი გადაჭრა, ლობეზე გადაძვრა და ციცაბო ხევს დაუყვა, რომლის ძირშიც პატარა ნაკადული მხიარულად ეხეთქებოდა ნაპირებს, ხოლო იქვე შორიახლოს ტბა მოჩანდა, რომელსაც ტირიფების რიგი შემოხვეოდა გარს მცველად.

ოთხზე დადგა და ტირიფებში შეძვრა. მშვენიერი სამალავი იყო, ქალაქიდან მოშორებით. აქ არავინ შეანუხებდა, რადგან ტბა იმდენად პატარა იყო, სათევზაოდ არ გამოდგებოდა, საცურაოდ კი ძალიან ცივი იყო.

აქ ვერავინ შეამჩნევს მის გონებაში მოელვარე სარკეს და ვერავინ უწოდებს პარაფსიქს.

ლამე კი გზას გააგრძელებდა.

ბლენინმა ორი ჰამბურგერი შეჭამა და ყავა მიაყოლა.

ქალაქიდან შორეული ხმები ისმოდა — ფურგონების გრუხუნი, ძრავების გუგუნი, ძაღლების ყეფა, დედის ხმა, რომელიც ბავშვებს ეძახდა.

რამხელა მანძილი გამოუვლია ფიშპუკიდან. ბლენინ იჯდა ტირიფების ჩრდილში და ჯოხით ქვიშის ზედაპირს ჩიჩქნიდა. თითქოს საუკუნე გავიდა მას შემდეგ, რაც ფრედი ბეიტსს შეხვდა და შარლინის ვილას ესტუმრა და აქამდე დროც ვერ მოიხელთა, რომ ამაზე დაფიქრებულიყო.

ისევე, როგორც მაშინ, ახლაც იგივე კითხვა ანუხებდა: უკეთესი ხომ არ იქნებოდა, გოდფრი სთოუნის სიტყვების მიუხედავად, ქალაქში დარჩენილიყო და ყველაფერი გადაეტანა, რასაც ფიშპუკი უმზადებდა?


ბლენინ იჯდა და ფიქრობდა. მისი ფიქრები იმ ლურჯ ოთახს დაუბრუნდა, საიდანაც ყველაფერი დაიწყო. ოთახი მთელი სიცხადით წარმოუდგა თვალწინ, თითქოს გუშინ ყოფილიყოს იქ. უცხო ვარსკვლავები მკრთალად ეცემოდნენ ამ უსახურავო ოთახს, ხოლო ბორბლები პრიალა ზედაპირზე ადვილად გადაადგილდებოდნენ. ოთახში სხვადასხვა უცნაური სახისა და მოყვანილობის საგანი ეყარა, რომლებიც ავეჯის, ხელოვნების ნიმუშების ან სხვა ფუნქციას ასრულებდნენ.

და ყველაფერი ნათლად აღიდგინა გონებაში, მთელი სიცხადითა და ყველა წვრილმანი დეტალით.

ზანტად გაშხლართული ვარდისფერი არსება მის დანახვაზე ოდნავ წამოდგა და ბლენინს მიმართა: მამ დაბრუნდი?

მართლა დაბრუნებას არ ჰგავდა?

შეპარდ ბლენინი დაუბრუნდა ვარდისფერს ყოველგვარი მოწყობილობის, მანქანის ან სხეულის დახმარების გარეშე, დაბრუნდა მხოლოდ და მხოლოდ საკუთარი გონების წყალობით.



16

გონება უხილავია, მაგრამ ვარდისფერი არსება ხედავდა მას, ან გრძნობდა, უფრო სწორად, იცოდა, რომ ახლომახლო ვილაცის გონება იყო. შეპარდ ბლეინს არ ჰქონია არც გაოცების, არც უცხოობის შეგრძნება, ისეთი შთაბეჭდილება რჩებოდა, თითქოს სახლში დაბრუნდა, ცისფერი ოთახი ახლა უფრო ნაცნობი და ახლობელი იყო მისთვის, ვიდრე პირველი ვიზიტის დროს.

ჰო, — აღნიშნა ვარდისფერმა და მის გონებას გადაავლო მზერა, — შენგან მშვენიერი მენყვილე გამოვიდა!

რა თქმა უნდა, გაიფიქრა მისი გონების რ.მ ნაწილმა, რომელსაც ჯერ კიდევ შეპარდ ბლეინი ფლობდა, ის ხომ მისი გარკვეული ნაწილი იყო, უფრო სწორად, ნახევარი, მართლა საკუთარ სახლს დაუბრუნდა. ბლეინი პირდაპირ აღმართული უცხო არსების ნაწილად გრძნობდა თავს, ერთი მხრივ, შეპარდ ბლეინი იყო, დედამინის ბინადარი და მეორე მხრივ — ცისფერი ოთახის მკვიდრი არსების დუბლიკატი, თუმცა დარწმუნებით ვერ იტყოდა, რომელი ნაწილი უფრო სჭარბობდა მასში და რამდენით.

როგორ მიდის საქმე? — მეგობრულად ჰკითხა არსებამ, თითქოს არ იცოდა.

ერთი პრობლემა გვაქვს, — ჩქარობდა ბლეინი, უნდოდა

მოესწრო ყველაფრის თქმა მანამ, სანამ დრო ამოიწურებოდა და ამ ადგილის დატოვება მოუხდებოდა, — მხოლოდ ერთი. ჩვენ სარკესავით ვართ, სხვის გონებას ვირეკლავთ.

აბა როგორ გინდა, — გაიკვირვა არსებამ, — სხვანაირად არ გამოვა. უცხო პლანეტაზე როგორმე ხომ უნდა დაიცვა თავი ცნობისმოყვარე გონებისგან, როცა მათ გონებას აირეკლავ, მიხვდებიან, ვინც ხარ და თავს დაგანებებენ. აქ, სახლში, რა თქმა უნდა, არ არის საჭირო...

შენ ვერ გამიგე, — შეეწინააღმდეგა ბლეინი, — ეს კი არ გვიცავს, პირიქით, საფრთხეში გვაგდებს, რადგან ზედმეტად იქცევს ყურადღებას. იმ დღეს ძლივს გადაფურჩით სიკვდილს.

რას ამბობ, სიკვდილი არ არსებობს, — შეაწყვეტინა გულმოსულმა არსებამ, — სიკვდილი წარმოუდგენელი და ყოვლად უსაფუძვლო ცნებაა, თუმცა შეიძლება ვცდებოდე, ძალიან დიდი ხნის წინ, მგონი, იყო ერთი პლანეტა...

ვარდისფერმა არსებამ გონება დაძაბა, ცოტაც და ბლეინი მისი ქაოტური მეხსიერების გაყვითლებული საარქივო საქალაქდების შრიალს გაიგონებდა.

კი, ნამდვილად იყო ერთი, უფრო სწორად, რამდენიმე პლანეტა. რა სამარცხვინოა, ჩემთვის ეს სრულიად გაუგებარი და წარმოუდგენელია.

დამიჯერე, — ამტკიცებდა ბლეინი, — ჩემს პლანეტაზე არსებობს სიკვდილი, ყველა და ყველაფერი მოკვდავია...

მართლა? ნუთუ ყველაფერი?

ალბათ, ზუსტად ვერ გეტყვი...

ხომ ხედავ, შენს პლანეტაზეც არ ყოფილა სიკვდილი უნივერსალური მოვლენა.

არ ვიცი. შეიძლება უკვდავი რალაცებიც არსებობს.

ჩვეულებრივ რალაცებს გულისხმობ?

სიკვდილს თავისი მიზეზი აქვს, — ამტკიცებდა ბლეინი, — ეს ის პროცესია, რომლის მეშვეობითაც შესაძლებელი გახდა სახეობების განვითარება და დიფერენციაცია ჩემს პლანეტაზე. სწორედ სიკვდილი არ გვაძლევს ჩიხში შესვლის

საშუალებას, ის ერთგვარი მექანიზმია, რომელიც შეცდომებს შლის და ახალ დასაწყისს უმზადებს საფუძველს.

ვარდისფერი არსება მოხერხებულად მოკალათდა და აზრებს მოუყარა თავი, თითქოს გრძელი და ნაყოფიერი საუბრისა და, შეიძლება, კამათისთვისაც მოემზადა.

იქნებ, მასეც იყოს, მაგრამ ეს ძალიან პრიმიტიული გზაა, რომელიც ქაოსამდე მიგიყვანთ. სხვა, უკეთესი გზებიც არსებობს. გარკვეულ ეტაპზე შეიძლება ის სრულყოფის აუცილებლობაც არ არსებობდეს, რომელზედაც შენ ლაპარაკობ, თუმცა სანამ შორს წავალთ, მითხარი, კმაყოფილი ხარ?

კმაყოფილი?

ჰო, შენ ხომ საკუთარი თავი სრულყავი. ახლა მარტო საკუთარი თავი კი აღარ ხარ, არამედ ჩემს გარკვეულ ნაწილსაც შეიცავ.

ისევე, როგორც შენც გარკვეულწილად ჩემს ნაწილს წარმოადგენ?

ვარდისფერ არსებას ჩაეცინა: არ ვიცი, ხვდები, თუ არა, რომ ერთდროულად ორ არსებას იტევ — საკუთარ თავსა და მე, მე კი, ვინ მოთვლის, რამდენ ნაწილად ვარ დაყოფილი, არც ვიცი, საიდან დავიწყო. ძალიან ბევრი მივლია და უამრავი რამ შემითვისებია, მათ შორის მრავალი გონებაც. სიმართლე გითხრა, ზოგის მიღება არც ღირდა. მაგრამ, რა არის, იცი? ხომ ამდენ ადგილს ვსტუმრობ, ჩემთან ძალიან დიდი ხანია არავინ მოსულა სტუმრად. ვერც წარმოიდგენ, რა მადლობელი ვარ, რომ მოხვედი. იყო ერთი არსება, რომელიც ძალიან ხშირად მნახულობდა, მაგრამ დიდი ხნის წინ იყო, აღარც მახსოვს დანამდვილებით, როდის. ჰო, მართლა, თქვენ დროის საზომი გაქვთ, არა? ზედაპირულ დროს ვგულისხმობ.

ბლენიმა აუხსნა, როგორც ზომავდნენ ადამიანები დროს.

ჰმმ, ახლავე გეტყვი, — არსებამ გონება დაძაბა და სწრაფად გამოიანგარიშა, — თქვენი გამოთვლებით გამოდის, რომ ეს არსება ათი ათასი წლის წინ მესტუმრა. შენ ჩემი

პირველი სტუმარი ხარ მას შემდეგ, თვითონ მოხვედი და არ დამინყე ლოდინი. მანქანით იყავი...

მაშ, რატომ მკითხე დროის საზომზე? შენ ხომ ყველაფერი მშვენივრად იცოდი, ჩემს გონებას ფლობ და რაც მე ვიცი, ის შენც იცი.

რა თქმა უნდა, ვიცოდი, — ნაილუღლულა მან, — მაგრამ უნდა გამეხსენებინა, შენ ვერ წარმოიდგენ, რა ორომტრიალი მაქვს გონებაში.

რაც მართალია, მართალია, გაიფიქრა ბლეინმა, გონება იმდენად გადატვირთული ჰქონდა, რომ შეიძლება ერთი ზედმეტი გონებისთვისაც ვერ გაეძლო. საინტერესოა...

ჰო, რა თქმა უნდა, — უთხრა არსებამ, — მაგრამ არა უშავს, დროთა განმავლობაში ყველაფერი მოგვარდება, ცოტაც მოითმინე და თქვენ ორნი ერთი არსება გახდებით, ერთი გონება გექნებათ. რას იტყვი, როგორ მოგწონს?

ცოტა სარკის ამბავი ვერ იყო კარგად ჩაფიქრებული.

სულაც არ მინდა უსიამოვნებები, ყველაფერს გავაკეთებ, რომ შეცდომები გამოვასწორო. თუ გინდა, სარკის ეფექტს მოვხსნი.

კარგს იზამ, — უპასუხა ბლეინმა.

აქედან ნებისმიერ პლანეტას ვსტუმრობ, ისე, რომ ადგილიდანაც არ ვიძვრი. ალბათ გაგიკვირდება, რომ გითხრა, რა იშვიათად მიჩნდება იმის სურვილი, რომ ვინმეს გონება გავუცვალო.

ათი ათასი წლის მანძილზე არა ერთს მოაგროვებდი.

ათი ათასი წელი, — შეფიქრიანდა არსება, — ათი ათასი წელი გუშინდელ დღესავითაა.

არსება საკუთარ გონებას ჩაულრმავდა, ცდილობდა, მეხსიერების ყველაზე ღრმა კუნჭულებში შეეღწია და დასაწყისი ეპოვა, მაგრამ — უშედეგოდ.

ძალიან დიდი სიფრთხილე მმართვეს, როცა ვინმეს გონებას ვუცვლი, რადგან ბევრი მეორე გონებას ვერ იტევს. ზოგი ფიქრობს, რომ რალაც ბოროტ ძალას ჰყავს

შეპყრობილი, ზოგი ჭკუიდანაც გადადის. გესმის, რასაც ვგულისხმობ?

რა თქმა უნდა, — უპასუხა ბლენმა.

მოდით, ახლოს დამიჯექით.

ასეთ მდგომარეობაში, არა მგონია, შევძლო, — აღნიშნა ბლენმა.

ა, მართალი ხარ. როგორ არ ვიფიქრე. მაშინ მომიახლოვდი, შენ თვითონ არ მოხვედი ჩემთან სტუმრად?

რა თქმა უნდა, — დაიბნა ბლენი.

მაშ, — წამოიძახა არსებამ, — მოდი, ვილაპარაკოთ მოგზაურობაზე.

კარგი, — უპასუხა ბლენმა და მისკენ ახლოს მიიწია.

იმდენი სხვადასხვა ადგილი არსებობს, სადაც უამრავი განსხვავებული არსება ბინადრობს, რომ არც ვიცი, საიდან დავინყო. იმაზე ფიქრი მოსვენებას არ მაძლევს, რა მოხდებოდა, ეს ყველაფერი ერთმანეთთან რომ დამეკავშირებინა და მთლიან ერთეულად მექცია, ალბათ რაღაც მნიშვნელოვანი აღმოჩენის ზღვარს მივუახლოვდებოდი. გინდა მოგიყვე, როგორ არსებებს შევხვედრივარ გალაქტიკის განაპირას?

კი, რა თქმა უნდა, — უთხრა ბლენმა.

მეტად უჩვეულო არსებებს, რომლებმაც თქვენსავით მანქანები კი არ გამოიგონეს, არამედ გარკვეულ წილად თავად იქცნენ მანქანებად...

ისხდნენ უცხო ვარსკვლავების მკრთალი შუქით მოფენილ ცისფერ ოთახში, შორიდან უდაბნოს ქარის მძვინვარე ზუზუნის ხმით და ვარდისფერი არსება უამრავ რაღაცაზე ყვებოდა: მანქანების ცივილიზაციაზე, მწერების ტომებზე, რომლებიც საუკუნეების მანძილზე იმაზე მეტი საკვები მოიმარაგეს, ვიდრე ოდესმე შეეძლოთ აეთვისებინათ და საკუთარი ბრმა მომჭირნეობის მსხვერპლად იქცნენ, რასაზე, რომელმაც ხელოვნება რელიგიური თაყვანისცემის საფუძვლად აქცია, ფარული მოსმენის სადგურებზე,

რომლებიც ერთ-ერთი ყველასაგან მივიწყებული გალაქტიკური იმპერიის გარნიზონებმა გამართეს, ერთ-ერთი რასის მეტად საოცრად ჩახლართულ სექსუალურ ტრადიციებზე, რასის, რომლის თითქმის მთელი ძალისხმევა რეპროდუქციისადმი მიპყრობილი, უსიცოცხლო და უნაყოფო პლანეტებზე, ასევე პლანეტებზე, სადაც ისეთი ქიმიური რეაქციები მიმდინარეობს, რომლის გაგება და წარმოდგენაც ადამიანის ძალებს აღემატება და ამ ქიმიური რეაქციების შედეგად ჩნდება მერყევი, ეფემერული შეგრძნება, რომელიც ერთ წამს სიცოცხლეს ჰგავს, მეორე წამს კი — სხვა რამეს.

კიდევ უამრავ რამეზე ყვებოდა.

ბლენი უსმენდა და ხვდებოდა, რა ფანტასტიკური გონების უკვდავ არსებას გადააწყდა, არსებას, რომელსაც აღარ ახსოვდა, სად იწყებოდა და სად მთავრდებოდა მისი გონება, რომელსაც საკუთარი მოხეტიალე გონების მეშვეობით მილიონობით სინათლის წლის მანძილზე ამ და ზოგიერთ მეზობელ გალაქტიკებში მდებარე მილიონობით ვარსკვლავი და პლანეტა მოენახულებინა, სხვადასხვა სახის აურაცხელი ინფორმაცია შეეგროვებინა, მაგრამ რატომღაც არასოდეს უცდია ამ ინფორმაციის გამოყენება და სისტემატიზირება, რადგან წარმოდგენა არ ჰქონდა, როგორ გაეკეთებინა ეს, თუმცა ყოველთვის ანუხებდა იმაზე ფიქრი, რომ ცოდნის ასეთი ძვირფასი მარაგა ფუჭად ცდებოდა, არსებას, რომელსაც შეეძლო, უსასრულოდ მჯდარიყო მზეს მიფიცხებული და მთელი ამ ხნის მანძილზე ნანახის შესახებ მოეყოლა.

ბლენის აზრით, ეს იყო გალაქტიკური ენციკლოპედია, უზარმაზარი ატლასი, რომელიც აურაცხელ სინათლის წელს რუკასავით ფარავდა, მას შეეძლო ცოდნის უშრეტი წყარო გამხდარიყო ადამიანთა მოდგმისთვის, უდიდესი სარგებელი მოეტანა მისთვის. ადამიანი შეხვდა არსებას, რომელსაც კეთილგანწყობის გარდა სხვა არანაირი ემოცია არ გააჩნდა

და თუ ოდესმე ჰქონდა, კარგა ხანია, მტვრად ქცეულიყო. შეხვდა არსებას, რომელსაც უდიდესი ცოდნა დაეგროვებინა, მაგრამ, სამწუხაროდ, ვერ შეძლო მისი გამოყენება, თუმცა ამ მცდელობას ფუჭად მაინც არ ჩაუვლია, რადგან საუკუნეების მანძილზე გალაქტიკების ჭვრეტის შედეგად მოთმინებისა და გაგების უნარი შეიძინა, ისწავლა ნებისმიერი მოტივის, ეთიკის, მისწრაფებისა და კულტურის აღიარება, რაოდენ უცნაური და მიუღებელი არ უნდა ყოფილიყო ის.

და უცბად ბლენი მიხვდა, რომ ყველა ეს ინფორმაცია ერთ გონებაში იყო თავმოყრილი, შეპარდ ბლენის გონებაში, მაგრამ — ქაოტურად. რა იქნებოდა მისი განცალკევება, კლასიფიცირება, შენახვა, შემდეგ მოძებნა და ჯეროვანი გამოყენება რომ შეძლებოდა.

ბლენმა დროისა და საკუთარი თავის შეგრძნება დაკარგა და ისეთი გაფაციცებით უსმენდა არსებას, როგორც პატარა ბიჭი უსმენს ხოლმე შორეული მოგზაურობიდან დაბრუნებული მოხუცი მეზღვაურის მონათხრობ ნარმოუდგენელ ისტორიებს.

ოთახი მის მშობლიურ ადგილად, ხოლო ვარდისფერი არსება მის მეგობრად იქცა, ვარკვლავებიც ისე უცხოდ აღარ ეჩვენებოდნენ და შორეული ქარის ზუზუნი უკვე ნაცნობ იავნანასავით ჩაესმოდა.

კარგა ხნის შემდეგ გამოერკვა და მიხვდა, რომ არსებას უკვე დაესრულებინა თხრობა.

ბლენი შეიშმუშნა. მშვენიერი დრო გავატარე, ასეთი კმაყოფილი არასოდეს ვყოფილვარ, — მიუგო უცხომ.

ერთადერთი კითხვა მაქვს, — უთხრა ბლენმა.


თუ ეს სარკეს ეხება, სანერვიულო არაფერია, უკვე მოგაშორე, ველარაფერი გაგცემს.

მაგაზე არ ვამბობ. დროს ვგულისხმობ. მე, უფრო სწორად, ჩვენ, გარკვეულ წილად დროს ვაკონტროლებთ. ერთი ორჯერ ამან სიკვდილისგან მიხსნა.

შემეცნების უნარი შენს გონებაშია, — მიანიშნა არსებამ,
— მხოლოდ უნდა იპოვო ის.

კი მაგრამ, დრო ხომ ...

დრო, — დასძინა ვარდიფერმა არსებამ. — ყველაზე
მარტივი ფენომენია, დამიჯერე...



ბლენი გაუნძრევლად იწვა და საკუთარი სხეულის შეგრძნებით ტკბებოდა, როგორც იქნა, სხეული დაიბრუნა. გრძნობდა ჰაერის შეხებას კანზე, გრძნობდა, როგორ ასხამდა ოფლი ხელებზე, სახესა და გულ-მკერდზე.

ცისფერ ოთახში განცდილ ჰაეროვნების შეგრძნებას დაეტოვებდა, არც უდაბნოს ქარის შორეული ზუზუნი ესმოდა, სამაგიეროდ, ესმოდა სლუკუნის ხმა, რომელიც თანაბარი ინტერვალებით მეორდებოდა, ხოლო ჰაერი ანტისეპტიკური საშუალებების მძაფრი სუნით იყო გაჟღენთილი.

ბლენმა ფრთხილად გაახილა თვალები, თან მზად იყო, მაშინვე დაეხუჭა, თუ ისეთ რამეს დაინახავდა, რაც მის თვალებს არ ეამებოდა. მაგრამ ქათქათა თეთრი ჭერის მეტი ვერაფერი შენიშნა.

თავი ბალიშზე ედო, თეთრი ზენარი ეგო და თეთრი ფერის გახამებული პერანგი ეცვა.

ბლენმა თავი მიატრიალა და გვერდით მნოლიარე მუშია შენიშნა.

დრო, — თქვა სხვა სამყაროს მკვიდრმა, — ყველაზე მარტივი ფენომენია... — და რალაცის მოყოლას აპირებდა,

მაგრამ არ დასცალდა, რადგან ბლეინმა მალევე დატოვა იქაურობა.

ეს ყველაფერი სიზმარს ჰგავდა, ისეთივე არარეალური, ბუნდოვანი შერძნება ჰქონდა, როგორც სიზმარში, მაგრამ დანამდვილებით იცოდა, რომ სიზმარი არ იყო, რომ ის ნამდვილად ენვია ცისფერ ოთახს, მის ბინადარ უცხო არსებას ესაუბრა, მისი მონათხრობი მოისმინა. არა, ეს არ იყო სიზმარი, სიზმარი რომ ყოფილიყო, საუბრის დეტალები აღარ ემახსოვრებოდა ასე მკაფიოდ.

მუშია, რომელიც მეზობელ სანოლში იწვა, თავიდან ბოლომდე ბინტით იყო გადახვეული, პირისა და ნესტოების ადგილას ბინტში ნახვრეტები მოუჩანდა, თვლების ადგილი მთლიანად დაფარული ჰქონდა, გაჭირვებით სუნთქავდა, დროდადრო ამოისლუკუნებდა ხოლმე.

თეთრი კედლები, თეთრი ჭერი, იატაკზე დაგებულ კერამიკული ფილები, ოთახში გამეფებული სტერილურობა აშკარად მიანიშნებდა, ეს რა ადგილიც იყო.

ბლეინი საავადმყოფოს პალატაში იწვა და მის გვერდით მუშია ხროტივებდა.

ტალღასავით გადაუარა შიშის მოულოდნელმა გრძნობამ, მაგრამ არ განძრეულა, ტალღის გადავლას დაელოდა, რადგანაც მაშინაც კი, როცა ამას განიცდიდა, წარმოდგენა არ ჰქონდა საიდან, მაგრამ იცოდა, რომ არავითარი საფრთხე არ ემუქრებოდა.

ნეტავ, სად იყო კიდეც, — გაიფიქრა ბლეინმა, — ცისფერი ოთახის გარდა. ბლეინმა გონება დაძაბა და გაიხსენა, სადაც იყო. — არყის ტყეში, ქალაქის განაპირა ხევში.

ჰოლში ფეხის ხმა გაისმა და ოთახში თეთრხალათიანი კაცი შემოვიდა, კარში შეჩერდა და ბლეინს შეხედა.

“როგორც იქნა, მობრუნდი, — თქვა მან, — როგორა ხარ?”

“არა მიშავს, — უპასუხა ბლეინმა, სინამდვილეში თავს მშვენივრად გრძნობდა. ყველაფერი რიგზე იყო, — სად მიპოვნეთ?”

ექიმმა შემხვედრი კითხვა დაახვედრა: "ეს პირველი შემთხვევაა?"

"რას გულისხმობთ?"

"გონების გათიშვას, — უპასუხა ექიმმა, — ადრე კომაში ჩავარდნილხარ?"

ბლენმა ბალიშზე თავი გადაიქნია: "არ მახსოვს."

"ისეთი შეგრძნება არ გქონია, თითქოს მოჯადოებული ხარ?"

"ჯადოქრობას გულისხმობთ, ექიმო?" — გაეცინა ბლენს.

"არა მგონია, — უშნოდ დაიმანჭა ექიმი, — თუმცა, რა იცი, ზოგიერთ პაციენტს მართლა მასე ჰგონია."

ოთახი გადმოჭრა და სანოლის კიდეზე ჩამოჯდა.

"ექიმი ვეტმორი ვარ, — გაეცნო ბლენს, — ორი დღეა, რაც აქ ხარ. ბიჭები კურდღელზე ნადირობენ ქალაქის აღმოსავლეთით და იმათ გიპოვნეს, ბურჭებში იყავი შემძვრალი. თავიდან მკვდარი ეგონე."

"თქვენ მომიყვანეთ?"

"მე არა, პოლიციამ."

"რა მჭირს?"

ვეტმორმა თავი გააქნია: "არ ვიცი."

"ფული რომ არა მაქვს, როგორ გადაგიხადოთ, ექიმო?"

"შენ მაგაზე არ იდარდო. ჰო, მართლა, მინდოდა მეკითხა, თან არავეითარი საბუთი არ გქონია, გახსოვს საერთოდ, ვინ ხარ?"

"რა თქმა უნდა, შეპარდ ბლენი ვარ."

"და სად ცხოვრობ?"

"არსად, დავბოდიხლობ აქეთ-იქით."

"აქ როგორ მოხვდი?"

"ზუსტად ვერ ვიხსენებ."

ბლენი სანოლზე წამოჯდა: "მისმინე, ექიმო, მოდი რა, წავალ აქედან, სულ ტყუილად ვაცდენ ადგილს."

ექიმმა თავი გადააქნია: "ცოტა ხნით მინდა, რომ გაჩერდე. რალაც ანალიზებია ჩასატარებელი."

“არ მინდა, შეგანუხო.”

“პირიქით, ძალიან დამავალე. შენნაირი შემთხვევა ჯერ არ მქონია. აქ რომ მოგიყვანეს, ყველაფერი წესრიგში გქონდა, უბრალოდ, პულსი და სუნთქვა შენელებული გქონდა, სხეულის ტემპერატურა კი ოდნავ ნორმალურზე დაბალი, სხვა მხრივ არაფერი გიშავდა, მხოლოდ გონივრული იყავი, ძლივს მოგასულიერეთ.”

ბლენმა მუმიზე მიანიშნა თავით: “ის ტიპი ძალიან ცუდად არის, როგორც ვაწყობ.”

“საკმაოდ, ავარიაში მოყვა,” — უთხრა ექიმმა.

“ცოტათი უცნაურია, მასეთი შემთხვევები ძალიან იშვიათად ხდება ხოლმე.”

“თანაც უჩვეულო ვითარებაში მოხდა, — განაგრძობდა ექიმი, — ძველი ფურგონით მგზავრობდა, მაღალი სიჩქარით მოდიოდა, ერთ-ერთ მოსახვევში შემოუხვია მდინარის ზემოთ, სწორედ მაშინ გაუსკდა სალტი.”

ბლენმა დაკვირვებით შეხედა მეზობელ სანოლზე გაჭიმულ კაცს, მაგრამ ვერაფრით იცნო. ისევ მძიმედ სუნთქავდა და ხანდახან ხროტინის ხმას გამოსცემდა.

“შემიძლია სხვა პალატაში გადაგიყვანო.”

“არ არის საჭირო, გმადლობ. აქ დიდხანს მაინც ვერ გავჩერდები.”

“ჯობია, იწვე. შეიძლება ისევ გაითიშო და ამჯერად ველარ მოგაბრუნონ.”

“კარგი, ვიფიქრებ,” — შეჰპირდა ბლენი და სანოლზე წამოწვა.

ექიმი ადგა ბლენის სანოლიდან და გვერდით სანოლს მიუახლოვდა, დაიხარა და მის სუნთქვას დაუგდო ყური, ბამბის ტამპონით ტუჩები მოუწმინდა, რალაცა უჩურჩულა და წამოდგა.

“რამე ხომ არ გინდა? — ჰკითხა ბლენს, — მშვიდრი იქნები.”

ბლენმა თავი დაუქნია. ახლა გაახსენდა, რომ მართლა შიოდა.

“დავიცდი,” — უთხრა ბლენმა.

“სამზარეულოში დაველაპარაკები, რაღაცას გაჭმევენ.”

ექიმი შემობრუნდა და სწრაფი ნაბიჯით გავიდა ოთახიდან, ბლენი იწვა და მის ფეხის ხმას უსმენდა კორიდორში.

და უცბად მიხვდა, გაახსენდა, რატომაც გრძნობდა თავს უსაფრთხოდ. შორეული პლანეტის მკვიდრმა გაანთავისუფლა ის იმ კაშკაშა სარკისგან. ახლა აღარ იყო საჭირო დამალვა, შეეძლო, უშიშრად ემოძრავა.

ბლენი იწვა და ფიქრობდა. ახლა იცოდა, რომ ადამიანი იყო, თუნცა ამას ყოველთვის გრძნობდა, მაგრამ ამჟამად ადამიანურობის მიღმა მოულოდნელად აღმოაჩინა რაღაც ღრმა ცოდნა და ამ ცოდნის გამოყენების შესაძლებლობა.

მეზობელ სანოლში მუშია კვნესოდა და ხროტინებდა.

“რაილი!” — დაიჩურჩულა ბლენმა.

სუნთქვა არ შეცვლილა, ავადმყოფს არაფერი შეუმჩნევია.

ბლენი სანოლზე წამოჯდა და ფეხები ცივ მეტლახზე დაუშვა, შემდეგ წამოდგა და მეზობელ სანოლზე გაშოტილ, ბინტებში შეფუთულ არსებას დაადგა თავზე. გახამებული პერანგი ტომარასავით ადგა ტანზე.

“რაილი! შენ ხარ? გესმის ჩემი, რაილი?”

მუშია შეინძრა, სცადა, თავი მიებრუნებინა მისკენ, მაგრამ ვერ შეძლო, ტუჩებსაც კი დიდი გაჭირვებით ამოძრავებდა. ენა იბრძოდა რაღაც სიტყვის წარმოსათქმელად.

“უთხარი...” — უჩურჩულა მუშიამ და დაძაბულობისგან სახე დაემანჭა.

არ დანებდა და კიდევ ერთხელ სცადა: “ფინს უთხარი.”

ბლენი მიხვდა, რომ ამით სათქმელი არ ამონურულა, რომ კიდევ უნდოდა რაღაცის დამატება. ბლენი გარინდებული ელოდა, მუშია ტუჩებს წვალეებით ამოძრავებდა, ხოლო პირის ალაგას დატანებული ქრილიდან მოჩანდა, რა მძიმედ ატრიალებდა ენას. ამაოდ ელოდა, რომ მუშია რამეს იტყოდა.

"რაილი!" — დაუძახა ბლენმა, მაგრამ პასუხი არ მიუღია.

ბლენმა უკან დახევა იწყო და ცოტა ხანში საკუთარ სანოლს გადაანყდა, ჩამოჯდა ზედ და უმოძრაოდ მწოლიარე, ბინტებში შეფუთულ ფიგურას მიაჩერდა.

შიშმა, რომლისგანაც ეს კაცი ასე თავქუდმოგლეჯილი გარბოდა და რომელმაც ნახევარი კონტინენტი გადააკვეთინა, ბოლოს და ბოლოს აღსასრულამდე მიიყვანა. თუმცა შეიძლება ეს მარტო ის შიშიც არ იყო, რომლისგანაც გარბოდა, არამედ სულ სხვა შიში და საფრთხის შეგრძნება.

რაილიმ მძიმედ ამოისუნქა, სუნთქვა ეკვროდა.

ვინ იყო ფინი, საიდან იყო და რა კავშირი ჰქონდა რაილისთან?

ფინი?

ერთ ფინს კი იცნობდა, მაგრამ დანამდვილებით ვერ იტყოდა, ის იყო თუ არა.


ბლენი სანოლზე წამოჯდა და ეცადა, ყველაფერი გაეხსენებინა, რაც იცოდა მის შესახებ.

თუმცა შეიძლება ცდებოდა კიდევ და ეს სულ სხვა ფინი იყო.

ლამბერტ ფინი ერთ დროს ფიშპუკელი მზვერავი გახლდათ, მაგრამ მოულოდნელად გაუჩინარდა, ისევე, როგორც გოდფრი სთოუნი, თუმცა გაცილებით უფრო ადრე, ვიდრე სთოუნი გაქრებოდა და თავად ბლენი მოვიდოდა ფიშპუკში.

ახლა კი იგი ლეგენდად, საზარელი ამბის საზარელ გმირად, ფიშპუკის ერთ-ერთ კოშმარულ ზღაპრად ქცეულიყო, მის სახელსაც ჩურჩულით წარმოთქვამდნენ.

ამ ზღაპრის მიხედვით, ლამბერტ ფინი იმდენად შეშინებული დაბრუნდა ერთ ღამეს ვარსკვლავებიდან, რომ თავს ვერ იკავებდა და შლეგიანივით ყვიროდა.



ბლეინი სანოლზე იწვა და ჭერს მიშტერებოდა. ფანჯრიდან სიოს შრიალი ისმოდა, ხოლო ფოთლების ჩრდილები მხიარულად ცეკვავდნენ კედელზე. ბლეინი ხეების სიჯიუტემ გააკვირვა, სადაცაა, ოქტომბერი გავა, გაიფიქრა, ესენი კი ფოთლებს ვერ ელევია.

კორიდორიდან ისევ მოდიოდა დახშული ხმები, ხოლო ჰაერი კვლავინდებურად მძაფრი ანტისექტიკური საშუალებების სუნით იყო გაჟღენთილი.

აქედან უნდა გაელნია, გზას უნდა დასდგომოდა, მაგრამ რომელს? ალბათ პიერისკენ მიმავალს, იქ, სადაც ჰარიეტი ელოდებოდა, თუ ჰარიეტი იქ იყო, რა თქმა უნდა. თუმცა პიერში ჩასვლას არავითარი აზრი არ ჰქონდა, ეს გზა ჩიხში შეიყვანდა — იქ არაფერი ესაქმებოდა, მაგრამ ამ ეტაპზე სხვაგან ვერსად შეაფარებდა თავს. ბლეინი ხომ ლტოლვილი გახლდათ, რომელიც ბრმა თავგანწირვით გარბოდა, მას შემდეგ, რაც უცხო პლანეტიდან დაბრუნდა და, რაც ყველაზე ცუდია, ეს თავგანწირვა უმიზნოდ მიაჩნდა, არ ჰქონდა არც გეგმა, არც სტრატეგია, უბრალოდ, იმიტომ გარბოდა, რომ უსაფრთხო ადგილი ეპოვნა.

მიზნის არქონა მტკივნეული მომენტი იყო და ბლეინი თავს

ცარიელ, უნებისყოფო ადამიანად გრძნობდა, როგორც ქარისგან გადასროლილი ბუმბული.

ბლეინი იწვა, მისი არსება ტკივილისა და სიმწარის შეგრძნებას მოეცვა, რომელსაც ახლა ეჭვი და სინანული ემატებოდა. ღირდა ნ? ჭავ საერთოდ ფიშპუკიდან გაქცევა? ფრედი ბეიტსი გაახსენდა, მისი ნაძალადევი ღიმილი, მოციმციმე თვალები, ჯიბეში ჩადებული რევოლვერი და ყველა ეჭვი გაიფანტა, ბლეინი მიხვდა, რომ სწორად მოიქცა, ფიშპუკიდან რომ გაიქცა.

მაგრამ ეს საკმარისი არ იყო, აუცილებლად სჭირდებოდა იმედისა და რწმენის ნაპერწკალი, კონკრეტული მიზანი, რაღაც ხელმოსაჭიდი და რეალური. ასე გაგრძელება აღარ შეიძლებოდა, ოდესღაც ხომ უნდა დასრულებულიყო მისი უაზრო გაქცევა, ხომ უნდა მოეძებნა ისეთი ადგილი, სადაც თავის დაღლილ სხეულს დაასვენებდა.

რაილიმ ხრიალით ამოისუნთქა, ამოიხროტინა და მიჩუმდა.

არავითარი აზრი არ ჰქონდა დარჩენას. ექიმმა კი სთხოვა, ცოტა ხნით მოეცადა, მაგრამ ის მაინც ვერაფერს აღმოაჩენდა, ბლეინი კი საკუთარი ნებით არაფერს ეტყოდა, ამიტომ, მისი აზრით, აქ ყოფნა დროის ფუჭი ხარჯვა იქებოდა ორივესთვის.

წამოდგა ლოგინიდან და ოთახის გავლით კართან მივიდა, რომელიც, სავარაუდოდ, ტანსაცმლის კარადა უნდა ყოფილიყო. ბლეინმა კარი გამოაღო და კარადაში მისი ტანსაცმელი დახვდა. საცვალი არ ჩანდა, მაგრამ შარვალი და პერანგი იქ ეკიდა, ქვემოთ კი ფეხსაცმელები ეწყო, საკიდიდან ჩამოვარდნილი პიჯაკი ძირს ეგდო.

ბლეინმა საავადმყოფოს პერანგი გაიძრო, შარვალი ჩაიცვა და მჭიდროდ მოიჭირა ქამარი.

ის იყო, პერანგი უნდა აეღო, რომ უეცრად იქ გამეფებული სიჩუმისგან გაოგნებული გაჩერდა — შემოდგომის დღის რბილი, ჩუმი სიმშვიდე, გაყვითლებული ფოთლების სიმშვიდე, შორეულ მთებზე ჩამონოლილი ნისლის სიჩუმე და

შემოდგომის მათრობელა არომატი იგრძნო.

ბლენი სულგანაბული იდგა და მალე მიხვდა, რომ სიჩუმეს ავადმყოფის მძიმე სუნთქვა და ხროტინი აღარ არღვევდა.

გაქვავებული ელოდა, როდის ამოიღებდა ხმას კაცი, მაგრამ ამაოდ, რაილი დუმდა.

შემობრუნდა და სანოლთან დააპირა მისვლა, მაგრამ შეჩერდა, მიხვდა, რომ აზრი არ ჰქონდა, რადგან რაილის ბინტით გადახვეული სხეული უმოძრაოდ და უხმაუროდ იწვა, ხოლო ტუჩებზე ნერწყვი შეჰყინვოდა.

"ექიმო! — დაიყვირა ბლენმა, — ექიმო!" და კარისკენ გაექანა, თუმცა მშვენივრად იცოდა, რომ მისი რეაქცია არაადეკვატური და სულელური იყო.

კარს რომ მიაღწია, გაჩერდა, კიდევს მიეყრდნო და თავი კორიდორში გაყო.

ექიმი სწრაფი ნაბიჯით მოაბიჯებდა კორიდორში.

"ექიმო," — დაიჩურჩულა ბლენმა.

ექიმმა კარში მდგომი ბლენი ხელის მკვეთრი მოძრაობით მოიცილა გზიდან და სანოლისკენ გაეშურა, სტეტოსკოპი მოიპარაკდა, დაიხარა და მუმიას დაადო, მაგრამ მოულოდნელად გასწორდა და ბლენს მკაცრად შეხედა.

"შენ სადღა მიდიხარ?" — ჰკითხა მან.

"მოკვდა, — წამოიძახა მან, — სუნთქვა შეაჩერა და ამდენი ხანი..."

"მართალი ხარ, — დაეთანხმა ექიმი, — გადარჩენის შანსი არ ჰქონდა, ამას გობათიანიც ვერაფერს უშველიდა"

"გობათიანი? ამით მკურნალობდით? აი, რატომ იყო ასე გადახვეული ბინტებში."

"ერთიანად დამტვრეული იყო, — აუხსნა ექიმმა, — წარმოიდგინე, სათამაშო ძირს რომ დააგდო და ორივე ფეხით შედგე. ის..."

შეჩერდა და ერთხანს დაჟინებით უყურებდა ბლენს.

"გობათიანის შესახებ რა იცი?" — იკითხა მან.

"გამიგია უბრალოდ," — უპასუხა ბლენმა.

გაუგია რომელია, საკუთარი თვალითაც უნახავს.

"უცხო პლანეტიდან ჩამოტანილი წამალია, — განმარტავდა ექიმი, — ამ წამალს ერთი მეომარი მწერების რასა მიმართავს და, როგორც ამბობენ, სასწაულმოქმედია. დაშლილი ქსოვილებისა და დამსხვრეული ძვლების აღდგენა შეუძლია."

ექიმმა უსიცოცხლო სხეულს დახედა და ბლეინს მიუბრუნდა.

"ნაგიკითხავს სადმე ამის შესახებ?"

"მხოლოდ სამეცნიერო ჟურნალში."

ბლეინის თვალწინ იმ ველური პლანეტის სიგიჟე გაცოცხლდა, სადაც იმ წამალს გადააწყდა, მწერები რომ იყვნებდნენ. სიმართლე რომ ითქვას, ისინი სულაც არ იყვნენ მწერები და არც ის იყო წამალი, რასაც ისინი გამოიყენებდნენ.

მაგრამ სახელებს მაინცდამაინც დიდი მნიშვნელობა აღარ ჰქონდა. ტერმინოლოგია ყოველთვის დიდ სირთულეს წარმოადგენდა, ხოლო ვარსკვლავური მოგზაურობების შემდეგ აულებელ ციხესიმაგრედ იქცა. ამიტომ ყველაზე ადვილი გამოსავალია — მიახლოებითი მნიშვნელობა აიღო და ზუსტი სახელის ძებნას თავი დაანებო.

"სხვა პალატაში გადაგიყვანთ," — უთხრა ექიმმა.

"არ არის საჭირო, მაინც წასვლას ვაპირებდი."

"ვერ გაგიშვებ, — მტკიცედ მიუგო ექიმმა, — ამას ჩემს სინდისზე ვერ ავიღებ, აშკარად ავად ხარ და არც არავინ გყავს, რომ მოგიაროს."

"არა უშავს, როგორმე გავიტან თავს, აქამდე სხვების დაუხმარებლად მოვედი."

ექიმი მიუახლოვდა.

"ისეთი შეგრძნება მაქვს, რომ რალაცას მიმაღავ."

ბლეინი შემობრუნდა და კარადისკენ გაემართა, პერანგი და ფეხსაცმელები ჩაიცვა, ქურთუკი აიღო, კარი დახურა და ექიმს მიუბრუნდა.

“ახლა კი, თუ გაინევიტ და ნებას დამრთავთ, გავალ.”

დერეფნიდან ვილაცის ფეხის ხმა შემოესმა, შეიძლება ექთანს საჭმელიც მოჰქონდა, ექიმმა რომ სთხოვა. იქნებ მოეცადა და ცოტა შეეჭამა, ძალიან შიოდა.

რომ დაუკვირდა, მიხვდა, რომ ერთი ადამიანის ფეხის ხმა კი არ იყო, არამედ, სულ მცირე, ორის. შეიძლება ყვირილის ხმა გაიგეს და დახმარებისთვის გამოეშურნენ.

“უკეთესი იქნება, წასვლას თუ გადადებ. გარდა იმისა, რომ მკურნალობა გჭირდება, კიდევ გარკვეული სახის ფორმლობებია მოსაგვარებელი...”

ბლენს მისი დანარჩენი სიტყვები აღარ გაუგონია, რადგან ის ხალხი უკვე კარს მოსდგომოდა და ოთახში იყურებოდა.

“შეკ, აქ როგორ მოხვდი? სად აღარ გექდებით,” — შესძახა ჰარიეტ კვიმბიმ, ყინულივით ცივი ხმით.

და მოულოდნელად, როგორც მოქნეული მათრახი, მის ყურს ტელეპათიური ჩურჩული მოხვდა: ჩქარა! მითხარი, რა ვქნა!

უბრალოდ უთხარი, რომ შენ მომივლი, მეტი არაფერი (გამძვინვარებული ქალი გამეტებით მიათრევს გზააბნეულ მანანნალას), ჰოდა მეც გამიშვებენ. არყის ტყეში მიპოვნეს...

(სასმელით ტვინდაბინდული კაცი ნაგვის ყუთში ჩაძვრა და იქიდან ველარ გადმოდის, ცილინდრი ცალ მხარეზე გადმონოლილა, ცხვირი ფეთქავს და სარეკლამო სტენდივით ინთება, არეულ თვალებში კი მცირედი გაკვირვება აისახება).

არა, მასე არ იყო, — შეუსწორა ბლენმა, — უბრალოდ, ხის ძირას ვიჯექი, გათიშული. ექიმი ფიქრობს, რომ ავად ვარ...”

მართალია...

კი მაგრამ ...

და გოდფრი სთოუნის მეგობრული ხმა შემოესმა, რომელმაც სევდანარევი ღიმილით მიუგო: “ისევ ძველი პრობლემა განუხებს? ზედმეტი დალიე, ალბათ. ექიმმა ხომ გითხრა, რომ ...”

“რას ამბობ, ერთი ორი ჭიქა დავლიე, სულ ეგ არის.”

"დეიდა ედნა კინალამ შეიშალა ნერვიულობისგან, — თქვა ჰარიეტმა, — ხომ იცი მაგის ამბავი, რა ემოციურია. იფიქრა, სამუდამოდ გაქრი და ველარ გნახავდა."

გოდფრი! გოდფრი! ღმერთო ჩემო, სამი წელია...

დამშვიდდი, შეპ. მაგის დრო არ არის. აქედან უნდა გაგიყვანო.

"თქვენ რა, იცნობთ ამ კაცს? თქვენი ნათესავია?" — იკითხა ექიმმა.

"არა, უბრალოდ მეგობრები ვართ, — უპასუხა სთოუნმა, — დეიდამისი ..."

"კაი, ნავედით," — გაანწყვეტინა ბლეინმა.

სთოუნმა კითხვის ნიშნით შეხედა ექიმს, მან თავი დაუკრა.

"მიმღებში შეჩერდით და გამონერის ფურცელი აიღეთ. დავურეკავ, თქვენი სახელები დასჭირდებათ."

"კარგით, — უთხრა სთოუნმა, — დიდი მადლობა."

"არაფრის."

ბლეინი კართან შეჩერდა და ექიმს მიუბრუნდა.

"ძალიან ვწუხვარ, რომ სიმართლე ვერ გითხარით, ცოტა არ იყოს, მრცხვენია კიდევ."

"არა უშავს, მასეთი მომენტები ყველას გვაქვს, ყოველთვის ვერ იქნები საკუთარი საქციელით კმაყოფილი."

"ნახვამდის, ექიმო."

"კარგად, ფრთხილად იყავი."

და სამივენი გვერდიგვერდ დაუყვნენ კორიდორს.

ვინ იყო ის კაცი, გვერდზე სანოლში რომ იწვა?

ვინმე რაილი.

რაილი!

ფურგონის მძღოლი.

რაილი! სწორედ მას ვეძებდით, შენ სრულიად შემთხვევით გადაგანყდით.

სთოუნი შეჩერდა და მიბრუნება დააპირა.

აზრი არა აქვს, — უთხრა ბლეინმა, — მკვდარია.

რა მოუვიდა?

გზიდან მოუსრიალდა მანქანა და დაიმტვრა.

“ო, გოდფრი!” აღმოხდა ჰარიეტს.

გოდფრიმ ჰარიეტს შეხედა და თავი გადაიქნია: “ვერ მოვასწარიტ, — თქვა მან, — ვერ მოვასწარიტ.”


ეი, რა ხდება?

ყველაფერს მოგიყვებით, ჯერ აქედან გავალწიოთ.

სთოუნმა მკლავში მოჰკიდა ხელი და წამოიყვანა.

ის მაინც მითხარით, ლამბერტ ფინი რა კავშირშია ამ ამბავთან?

“ლამბერტ ფინი, — წარმოთქვა სთოუნმა, — დღესდღეობით ყველაზე საშიში პიროვნებაა დედამიწის ზურგზე.”



19

“ცოტა შორს ხომ არ გავსულიყავით? — იკითხა ჰარიეტმა, — იმ ექიმმა რამე რომ იეჭვოს...”

სთოუნმა გზიდან გადაუხვია.

“რატომ უნდა იეჭვოს?”

“რატომ და შეპის ამბით ძალიან დაინტერესებულია, უეჭველად ჩაუფიქრდება და საეჭვოსაც ბევრს აღმოაჩენს.”

“იმპროვიზაციის კვალობაზე მართლა კარგად გამოგვივიდა ყველაფერი. მე მგონი, გავაღწიეთ.”

“ჯერ ადრეა მაგაზე ლაპარაკი, ქალაქიდან სულ რაღაც ათიოდე მილში ვართ.”

“დღეს საღამოს უნდა დავბრუნდე. მინდა, ვნახო, რაილის ფურგონი რა მდგომარეობაშია.”

სთოუნმა მანქანა პატარა შენობის წინ შეაჩერა, შესასვლელთან გაკრულ აბრაზე “ოფისი” ეწერა.

“შენ, როგორც გატყობ, სიცოცხლე მოგბეზრებია,” — უსაყვედურა ჰარიეტმა.

კაცი, რომელიც შესასვლელ კიბეს გვიდა, მათ დანახვაზე მანქანისკენ გამოემართა.

“კეთილი იყოს თქვენი მობრძანება, — მიეგება გულთბილად, — რით შემიძლია გემსახუროთ?”

“ორი ერთმანეთში გამავალი ოთახი თუ გაქვთ?”

“ეს-ესაა, გათავისუფლდა, — მიუგო კაცმა, — რა კარგი ამინდია, არა?”

“ჰო, ნამდვილად, მშვენიერი ამინდია.”

“თუმცა გამორიცხული არ არის, რომ აცივდეს. უკვე გვიანი შემოდგომაა. მახსოვს, ერთ წელს მოთოვა...”

“ჰო, მაგრამ ახლა არ მოთოვს...” — შეეპასუხა სთოუნი.

“რა თქმა უნდა, ახლა არა. მაშ, ორი ერთმანეთში გამავალი ოთახი გინდათ, არა?”

“თუ შეიძლება.”

“კი, ბატონო. პირდაპირ იარეთ. თქვენი ნომრებია — ათი და თერთმეტი. გასაღებს ავიღებ და შემოგიერთდებით.”

სთოუნმა მცირედი რეაქტიული წევა მისცა მანქანას და მოსახვევში შეაჯურა. სასტუმრო ნომრებთან სხვა მანქანებიც ჩამსკრივებულიყვნენ. ირგვლივ ხალხი ფუსფუსებდა, ზოგი საბარგულებს ცლიდა, ზოგიც პატარა ეზოებში სკამებზე ისვენებდა. სასტუმროს ბოლოში ოთხი ახირებული ბერიკაცი ერთმანეთს ხმამაღალი შეძახილებით ეჯიბრებოდა ნალის ტყორცნაში.

მალე მანქანა მისთვის განკუთვნილ ადგილას აღმოჩნდა და მსუბუქად დაეშვა მიწაზე.

ბლენი გადმოვიდა და ჰარიეტს კარი გაუღო.

ორი დაკარგული მეგობრის პოვნა უზომო სიხარულს გვრიდა, თითქოს დიდი ხნის არყოფნის შემდეგ სახლში დაბრუნდა. ახლა აღარაფრის ეშინოდა, თავისიანებთან მშვიდად გრძნობდა თავს.

სასტუმრო მდინარის ფლატეებიანი ნაპირის ზემოთ, კლდოვან შვერილებზე გაეშენებინათ. ჩრდილოეთითა და აღმოსავლეთით თვალუწვდენელი სივრცე გაშლილიყო — შიშველი, ნაცრისფერი კლდეები, ტყით დაფარული ხეები და ღრეები. უსწორმასწოროდ ჩამსკრივებული ხეები მცველებივით შემორტყმოდნენ გარს შოკოლადისფერ მღვრიე ნაკადს, რომელმაც თითქოს არ იცოდა, საით მიემართა საკუთარი დინება და უმიზნოდ მიიკლაკნებოდა,

უკან კი თავისი მერყეობისა და ცვალებადობის კვალს ტოვებდა — განცალკევებულ გუბეებს, ტბორებსა და პატარა ნაკადულებს, ისეთივე ცელქს, როგორც თავად მდინარე.

ოთახში სისუფთავისა და სივრცის წარმოუდგენელი შეგრძნება სუფევდა.

სასტუმროს ადმინისტრატორი ტროტუარს მოუყვებოდა გასაღებების ჟღარუნით. მათ ნომერს რომ მიუახლოვდა, გასაღები კარს მოარგო და ფართოდ გააღო.

"ამ სასტუმროში ყველაფერი წესრიგშია, — მოახსენა მან, — ჩვენ ძალიან ყურადღებით ვართ, ვცდილობთ, არაფერი გამოგვრჩეს. ყველა ფანჯარა დარაბებითაა დაცული, კარებზეც საუკეთესო საკეტები აყენია. კომოდში კაბალისტურ ნიშნებსა და შელოცვების კრებულს ნახავთ. თავიდან ნიშნებს ჩვენ თვითონ ვკიდებდით, მაგრამ მერე, როგორც აღმოჩნდა, კლიენტებმა საკუთარი სურვილისამებრ დაინყეს მათი გამოყენება."

"წინდახედული ნაბიჯია თქვენი მხრიდან," — შეაქო სთოუნმა.

"კლიენტებს მოსწონთ, როცა მათზე ზრუნავენ, თავს მშვიდად გრძნობენ," — თავმომნონედ აღნიშნა ადმინისტრატორმა.

"კიდევ რას გვეტყვი?" — ჰკითხა სთოუნმა.

"მთავარ შენობაში რესტორანია..."

"აუცილებლად ვენვევით, — შესძახა ჰარიეტმა, — შიმშილისგან ვკვდები."

"გზად შეგიძლიათ მიმღებში შემობრძანდეთ და ბარემ რეგისტრაცია გაიაროთ."

"აუცილებლად," — შეჰპირდა ჰარიეტი.

ადმინისტრატორმა გასაღებების აცმა ჰარიეტს გადასცა და მხიარული ნაბიჯებით დაუყვა ტროტუარს, თან ლალი თავაზიანობით უკრავდა თავს სტუმრებს მეზობელი ნომრებიდან.

"მოდი, შევიდეთ," — შესთავაზა მათ სთოუნმა.

ჯერ ბლენინი და ჰარიეტი გაატარა, შემდეგ თვითონაც შევიდა და კარი მაგრად მიიხურა.

ჰარიეტმა გასაღებების აცმა კომოდზე შემოაგდო და ოთახი დაათვალიერა.

“შეპ, — მიმართა მან ბლენინს, — მომიყევი, რა შეგემთხვა. იმ სასაზღვრო ქალაქში რომ დავბრუნდი, საშინელი არეულობა დამხვდა, ყველაფერი დუღდა. ეტყობა, რალაც შემზარავი ამბავი მოხდა, მაგრამ ვერ გავიგე რა. იქაურობას ისე მალე გავეცალე, კითხვა ვერც მოვასწარი.”

“გაქცევა მოვახერხე,” — უპასუხა ბლენიმ.

“ჩემზე უკეთესად კი გამოგივიდა, შენ მაშინვე მაინც გაიქეცი,” — აღნიშნა სთოუნმა და ხელი გაუწოდა.

ბლენინის მტევანი სთოუნის უზარმაზარ ტორში ჩაიკარგა.

“მიხარია, რომ აქ ხარ,” — აღნიშნა სთოუნმა.

“იმ ღამეს რომ არ დაგერეკა, უეჭველად დამიჭერდნენ. ყოველთვის მახსოვდა შენი სიტყვები და არ დავუნყელოდინი, სანამ თვითონ დამადგებოდნენ თავზე.”

სთოუნმა ხელი გაუშვა, ერთხანს უხმოდ უყურებდნენ ერთმანეთს. ბლენინი აშკარა ცვლილებას ატყობდა. ყოველთვის ზორბა აღნაგობა ჰქონდა, მაგრამ თუ ადრე სიდიდე მხოლოდ მის ფიზიკურ და გარეგან მხარეს ახასიათებდა, ახლა მასში რალაც სულიერი სიდიადე და მიზანდასახულობაც შეინიშნებოდა, რასაც გარკვეულ წილად ახლად შეძენილი სისასტიკეც ემატებოდა.

“არ ვიცი, შეიძლება ჩემმა უეცარმა გამოჩენამ თქვენც პრობლემები შეგიქმნას, — გააფრთხილა ბლენიმ, — ძალიან ნელა და წინდაუხედავად ვმოქმედებდი. ალბათ ამ დროისთვის ფიშპუკის მთელი არმია ჩემს კვალზე დგას.”

სთოუნმა ხელი გაიქნია, თითქოს უნდოდა, ეს აზრი გამოერიცხა, თითქოს ფიშპუკმა დაკარგა თავისი მნიშვნელობა და არც აქ, არც სხვაგან უკვე აღარაფერი ესაქმებოდა.

მან ოთახი გაიარა და სავარძელში მოკალათდა.

"რა მოგივიდა, შექ?"

"უცხო სენი შემეყარა."

"მეც ეგ სენი მჭირს."

სთონმა სიჩუმე ჩამოაგდო, გონებაში ფიშქუქში გატარებული უკანასკნელი დღეები აღიდგინა.

"სატელეფონო ჯიხურიდან რომ გამოვედი, — განაგრძო მან, — უკვე მელოდებოდნენ. სხვა გზა არ მქონდა, უნდა გავყოლოდი. ჩამსვეს მანქანაში და წამიყვანეს..." (ზღვის ნაპირას გაშენებული უზარმაზარი შენობა, ლურჯი ცის ფონზე თეთრად მოელვარე. ლაყვარდოვანი ცის თვალისმომჭრელი სილურჯე მზის სიკაშკაშეს შთანთქავდა და აირეკლავდა, შეგეძლო, უსასრულოდ გემზირა ამ სილურჯისთვის და მის უკიდევანო მორევში ჩაძირულიყავი. შენობის ირგვლივ აღმართული სხვა ნაგებობები მხოლოდ ზომაში თუ ჩამოუვარდებოდნენ მას. სასტუმროს წინ გაშლილ ხასხასა, სათუთად მოვლილ გაზონს მზრუნველი ხელი აშკარად ეტყობოდა. მწვანე ბალახის იქით სანაპიროს თეთრი ზოლი და ოკეანის ლურჯი სივრცე მოჩანდა, მისი ქაფმოდებული ტალღები გამეტებით ეხეთქებოდნენ ოკეანის კლდოვან შვერილებს. სანაპიროზე ქოლგების თვალისმომჭრელი პალიტრა გაშლილიყო...).

"როგორც მოგვიანებით გავიგე, შუა უდაბნოში ოაზისივით აღმოცენებული ეს პატარა საკურორტო ადგილი სამხრეთ კალიფორნიაში მდებარეობს (ოკეანის ბრიზზე მოფარფატე გოლფის მოედნის დროშები, ტენისის კორტების სიმეტრიული მართკუთხედები. ბაღში სკამებზე მოკალათებული სტუმრები თეთრ, ქათქათა კოსტიუმებში გამოწყობილან და სენდვიჩებითა და სასმელით მოვაჭრეების მოლოდინში ზანტად ემასლაათებიან ერთმანეთს). იქ ისეთი სათევზაო ადგილებია, არც დაგსიზმრებია, ნადირობა მთელი წლის მანძილზეა ნებადართული..."

"არ გაგიჭირდა ასეთი ყოფის გაძლება?" — გაეცინა ჰარიეტს.

"სულაც არა, — შეენინააღმდეგა სთოუნი, — შეიძლება თავიდან მასე მოგეჩვენოს, მაგრამ იქაურობას მალე ეჩვევი. იქ ყველაფერია, რასაც კაცი მოინდომებს — საჭმელი, სასმელი, ქალები, მეტი რა გინდა. შენი ყველა სურვილი და ნატვრა ნამში სრულდება. რაც მთავარია, ამისთვის ფული სულაც არ გჭირდება, ყველაფერი უფასოა."

"წარმომიდგენია, რას გრძნობს ადამიანი, როცა..." — აღნიშნა ბლენმა.

"ვიცი, რასაც გულისხმობ. იქ ყოფნისას უსარგებლობის გრძნობა გეუფლება, თითქოს ვილაცამ პატარა ბიჭად გაქცია, რომელსაც თამაშის გარდა სხვა არაფერი მოეთხოვება. მაგრამ უნდა ითქვას, რომ ჩვენი სიძულვილისა და წინააღმდეგობის მიუხედავად, ფიშპუკი მაინც დიდ შემწყნარებლობასა და გულისხმიერებას იჩენს ჩვენ მიმართ, ამას ვერ უარვყოფ. თუმცა, უნდა ითქვას, რომ ფიშპუკს პირადად ჩვენი საწინააღმდეგო არაფერი აქვს, არც ჰქონია ოდესმე რაიმე სამხილი. ვერც ბოროტმოქმედებას დაგვწამებენ, ვერც მოვალეობებისადმი გულგრილობას, ყოველ შემთხვევაში, უმეტესობას ჩვენ შორის. ფიშპუკი ამიერიდან ველარ ისარგებლებს ჩვენი მომსახურებით, რადგან ეს სახიფათოა, მაგრამ ვერც სამსახურიდან დაგვითხოვს, ამით მისი უნაკლო რეპუტაცია შეილახება. არც იმის საბაბს მისცემენ ვინმეს, რომ დაუდევრობაში დასდოს ბრალი, თითქოს მათ ისეთი ადამიანი გაუშვეს, რომელსაც ტვინში უცხოპლანეტური ელემენტი შეერია, ან რომლის გონებაც თუნდაც სულ მცირედით განსხვავდება საზოგადოდ აღიარებული სტანდარტებისგან. ჰოდა, ისინიც გრძელვადიან, უფრო სწორად, უვადო შვებულებაში უშვებენ მათ პანსიონატებში, ისეთ ადგილებში, რომლებსაც მილიონერები სტუმრობენ ხოლმე."

"საკმაოდ ჭკვიანურად არის ჩაფიქრებული. შენ გძულს ეს მარადიული სამოთხე და მაინც ვერ ტოვებ მას, რადგან საღი აზრი გკარნახობს, რომ სისულელეა ამის გაკეთება. აქ

უსაფრთხოდ და უზრუნველად ცხოვრობ, არაფერზე არ ზრუნავ, გარდა საკუთარი სიამოვნებისა. ძნელია, ასეთ პირობებში გაქცევაზე იფიქრო, ან რომელ გაქცევაზეა ლაპარაკი, როცა არაფერი გაკავებს, გზა ხსნილია. მაგრამ ეს ერთი შეხედვით, საკმარისია, ცადო, რომ მაშინვე აღმოაჩინ — გზებზე სათვალთვალ კომპეცია აღმართული და თითოეულ მონაკვეთს, გზასა თუ ბილიქს საპატრულო მანქანები აკონტროლებენ. ასეთ პირობებში შუაგულ უდაბნოში ფეხით ხეტიალი ხომ თვითმკვლელობის ტოლფასია. თანდათან იგებ — მთელი ამ ხნის განმავლობაში იმ ადამიანებს, თავს სტუმრებად რომ ასალებდნენ, გამუდმებით ეჭირათ შენზე თვალი. საკმარისია, გაქცევაზე გეფიქრა, ცდაზე ზედმეტია ლაპარაკი, რომ ფიშპუკის აგენტები სასწრაფო ზომებს მიმართავდნენ."

"ნამდვილი მარნუხები, ამოსუნთქვის საშუალებას რომ არ გაძლევს, ფუფუნება და უზრუნველი ცხოვრებაა. ასეთ რამეზე ძნელია უარის თქმა და ფიშპუკმა ეს მშვენივრად იცის. დამიჯერე, შეპ, სიმდიდრე ყველაზე უფრო მაგარი ციხეა, რომელიც ადამიანს ოდესმე უშენებია."

"კი, მაგრამ, როგორც ყველა ციხე, ესეც ხასიათს გიკაუებს და გიმტკიცებს, გაძლევს ძალასა და ნებისყოფას, რომ მიზანი დაისახო და განახორციელო. როცა იგებ ჯაშუშებისა და პატრულის არსებობის შესახებ, შენც მათსავით ცბიერი და სასტიკი ხდები, მათ დამარცხებას შენი ცხოვრების მიზნად ისახავ. ფიშპუკის შეცდომა იმაში მდგომარეობს, რომ სვლა ზუსტად ვერ გათვალა, უსაფრთხოების სისტემა საერთოდ არ იყო საჭირო. როცა შენს გაქცევას წინ არავინ აღუდგებოდა, ამას ნებისმიერ დროს მოახერხებდი, მაგრამ მეორე კვირას საკუთარი ნებით დაბრუნდებოდი, როცა ამ სამოთხის მიღმა არსებული სამყაროს სისასტიკეში თავად დარწმუნდებოდი. მაგრამ როცა იგებდი შეიარაღებული პატრულის, მეძებარი ძალებისა და ავტომატების არსებობის შესახებ, ამას როგორც გამოწვევას, ისე იღებდი,

მზად იყავი, მისთვის თვალი გაგესწორებინა და იმ სასტიკ თამაშში ჩაბმულიყავი, სადაც ფსონად საკუთარ სიცოცხლეს დებდი."

"არა მგონია, გაქცევის ბევრი მცდელობა ყოფილიყო, — აღნიშნა ბლენმა, — თორემ ფიშპუკი ახალ აღმკვეთ ზომებს მიიღებდა."

"მართალი ხარ, — ეშმაკურად ჩაიცინა სთოუნმა, — ბევრს არ უცდია გაქცევა, არც უფიქრია ამაზე, მოხერხებით კი სულ რამდენიმემ მოახერხა."

"შენ და ლამბერტ ფინმა?"

"ლამბერტი ჩემთვის ყოველდღიური შთაგონების წყაროდ იქცა, — მშრალად მიუგო სთოუნმა, — ჩემს იქ მისვლამდე დაახლოებით სამი წლის წინ გაიქცა. ლამბერტამდეც იყო ერთი, მაგრამ დღემდე არავინ იცის, რა ბედი ენია."

"რა ელის ფიშპუკიდან ლტოლვილ ადამიანს, რით დასრულდება მისი ამბავი? — ჰკითხა ბლენმა, — აი, მე, მაგალითად, ჯიბეში ორიოდ დოლარი მიდევს და ისიც სხვისია, უფრო სწორად — რაილის, არც პირადობის დამადასტურებელი საბუთი მაქვს, არც პროფესია, არც სამუშაო. როგორ უნდა..."

"ისეთი შთაბეჭდილება მრჩება, თითქოს ნანობ ფიშპუკიდან წამოსვლას."

"რალაც მომენტებში მართლა ვნანობ. დროის დაბრუნება რომ შეემძლოს, სულ სხვაგვარად მოვიქცეოდი. ჯერ ერთი, წინასწარ დავეგეგმავდი ყველაფერს, სხვა ქვეყანაში ფულს გადავრიცხავდი, ახალ საბუთებს დავამზადებინებდი, ბიზნესს მივყოფდი ხელს და საერთოდ, ახალ ცხოვრებას დავიწყებდი."

"ჰო, მაგრამ შენ ხომ ვერ იფიქრებდი წინასწარ, რომ გაქცევა მოგიწევდა. ჩემი შემთხვევა კი გქონდა მაგალითად, მაგრამ ალბათ ვერ წარმოიდგენდი, რომ მსგავსი რამ დაგემართებოდა."

"შეიძლება მართალიც ხარ."

"ახლა თავს გარიყულად გრძნობ."

ბლენმა თავი დაუკრა თანხმობის ნიშნად.

"მაშინ კეთილი იყოს შენი მობრძანება ჩვენს საზოგადოებაში," — ახარა სთოუნმა.

"მოიცა, შენ..."

"არა, მე არა. მე ერთი მნიშვნელოვანი საქმე მაქვს გასაკეთებელი"

"კი, მაგრამ..."

"კაცობრიობის უდიდეს ნაწილზეა ლაპარაკი, — გამოუტყდა სთოუნი, — მილიონობით ადამიანზე."

"ჰო, რა თქმა უნდა, ყოველთვის იყვნენ..."

"ცდები, კიდევ ერთხელ, — შეუსწორა სთოუნმა, — საქმე პარაკინეტიკოსებს ეხებათ, ძმაო, იმ პარაკინეტიკოსებს, რომლებმაც ფიშპუკის კედლები დატოვეს. ყოველ ფეხის ნაბიჯზე ხვდები..."

"ვიცი, — დაეთანხმა ბლენი, სიცივემ ჟრუანტელივით დაუარა მთელ სხეულში, ის არც შიშს ჰგავდა და არც სიძულვილს, არამედ რაღაც შუალედურს მათ შორის, — საკუთარი თვალით ვიხილე, რაც ხდება."

"ეს დიდ ზიანს აყენებს როგორც პარაკინეტიკოსებს, ისე მთლიანად კაცობრიობას. ამ ხალხს სდევნიან, გეტოებში ამწყვდევენ, სძულთ და წყევლიან მათ სახელს. არადა, სწორედ მათ შეუძლიათ ადამიანთა მოდგმის გადარჩენა. შექმნილ სიტუაციაში არა მარტო იმ შეუწყნარებელ, ფანატიკოს და უვიც მხეცებს მიუძღვით ბრალი, რომლებიც საკუთარ თავს ნორმალურ ადამიანებად მიიჩნევენ, არამედ თავად ფიშპუკსაც. მან პასუხი უნდა აგოს თავის წილ დანაშაულზე. ფიშპუკის დანაშაული კი იმაში მდგომარეობს, რომ პარანორმალური კინეტიკა საკუთარი ეგოისტური მიზნებისთვის გამოიყენა. ის ჩვენნიარ პარაკინეტიკოსებს სათუთად უფრთხილდებოდა, საგულდაგულად არჩევდა ათასობით ადამიანს შორის, სამაგიეროდ, სხვა

პარაკინეტიკოსებზე არანაირ მზრუნველობას არ იჩენდა და შუაგულ მორევში ალაღბებდნენ ტოვებდა."

"ემინიათ..."

"არა, უბრალოდ არ ადარდებთ. ამგვარი მდგომარეობა სავსებით აკმაყოფილებთ. ფიშპუკის დაარსება ჯვაროსნულ მოძრაობას ჰგავდა. თავდაპირველად მან საზოგადოების ხსნის მისია იტვირთა, მაგრამ თანდათან ისეთ სერიოზულ მონოპოლიად იქცა, რომ მასზე არავითარი საერთო წესები და აკრძალვები არ მოქმედებდა, გარდა იმ წესებისა, რომლებსაც თვითონ უდგენდა საკუთარ თავს."

"მშია," — დაიჩივლა ჰარიეტმა.

სთოუნს მისთვის ყურადღება არ მიუქცევია, სკამიდან გადაიხარა და განაგრძო: "ასეთი გარიყულები მრავლად არიან. მათ განუწყვეტლივ სდევნიან, იმის მაგივრად, რომ წაახალისონ და მათი ფარული შესაძლებლობები განავითარონ. ამ ნიჭის უმეტესი ნაწილი ჯერ კიდევ გამოუყენებელი და აუთვისებელია. თუ ამ პოტენციურ ძალას ფართო გასაქანს მივცემთ, შეიძლება იმაზე უფრო დიდი შედეგი მივიღოთ, ვიდრე ფიშპუკს ოდესმე მიუღწევია."

"იყო დრო, როცა ხალხს მართლა სჭირდებოდა ფიშპუკი და რაც არ უნდა მოხდეს, კაცობრიობა ყოველთვის ვალში იქნება მის წინაშე. მაგრამ ფიშპუკმა უკვე დაკარგა უწინდელი აქტუალობა და დღესდღეობით მისი განვითარების შემაფერხებელ ძალადაც იქცა, რადგან უგულებელყოფს იმ პარაკინეტიკოსებს, რომლებიც ყალიბში ვერ თავსდებიან. პარაკინეტიკა აღარ უნდა წარმოადგენდეს ფიშპუკის მონოპოლიას."

"მაგრამ ხალხი საშინელი ცრურწმენით არის სავსე, — აღნიშნა ბლენმა, — ეს ბრმა შეუწყნარებლობა.."

"ერთდროულად დამსახურებულიც არის და დაუმსახურებელიც. ხალხმა პარაკინეტიკა ძველი, ან უკვე გარდასული, დროის ყაიდას მოარგო და სავსებით ურცხვად გამოიყენა პირადი, ხშირ შემთხვევაში — ბოროტი

მიზნებისთვის. სწორედ ამის მიზეზია, პარაკინეტიკოსებს დანაშაულის გრძნობა რომ ვერ მოუშორებიათ. მათი დევნისა და ამ ღრმად ფესვგადგმული გრძნობის შედეგად ისინი ამ შესაძლებლობების მაქსიმალურად ეფექტურად გამოყენებას ვერ ახერხებენ, საკუთარი თავის ან მთლიანად კაცობრიობის საკეთილდღეოდ. მაგრამ ერთი რამ უდავოა, რომ შეძლონ ღიად და დაუფარავად მუშაობა, ყოველგვარი სახალხო ქარცეცხლის გარეშე, ფიშპუკზე გაცილებით უკეთეს შედეგებს მიაღწევენ. ნება რომ დართონ, დაამტკიცებენ, რომ არაფიშპუკისეული პარაკინეტიკა უფრო ნაყოფიერ შედეგს გამოიღებს კაცობრიობისთვის. მაშინ მათ საქვეყნოდ აღიარებენ და გაკიცხვის მაგივრად ქებითა და დიდებით აავსებენ და ეს, შეპ, წინ გადადგმული უდიდესი ნაბიჯი იქნება."

"მაგრამ ჯერ უნდა დავამტკიცოთ, — განაგრძობდა სთოუნი, — რომ პარაკინეტიკა არა მარტო ფიშპუკელი პარაკინეტიკოსებისთვის, არამედ ზოგადად ადამიანისთვის დამახასიათებელი შესაძლებლობაა. ეს თუ მოვახერხეთ, მთელი კაცობრიობა დაკარგულ კეთილგონიერებასა და ღირსების გრძნობას დაიბრუნებს."

"შენ კულტურულ ევოლუციაზე ლაპარაკობ, — მიუგო ბლეინმა, — ეს, ცოტა არ იყოს, გრძელვადიანი პროცესია. შეიძლება, საბოლოო ჯამში, ეს ყველაფერი ბუნებრივადაც მოხდეს, მაგრამ ამას ერთი ასი წელი მაინც დასჭირდება"

"სად გვაქვს ამდენი დრო!" — შესძახა სთოუნმა.

"გაიხსენე რელიგიურ ნიადაგზე მომხდარი უთანხმოებები, — შეახსენა ბლეინმა, — პროტესტანტებსა და კათოლიკებს, მუსულმანებსა და ქრისტიანებს შორის გაჩაღებული ომები და შეადარე დღევანდელ დღეს. როგორ ვუყურებთ ამას დღევანდელი გადასახედიდან? ასევე კომუნისტებსა და კაპიტალისტებს შორის არსებული დაპირისპირება..."

"ფიშპუკს დიდი წვლილი მიუძღვის ამ დავების

გადანყვეტაში. დროთა განმავლობაში ის საკმაოდ ძლიერ მესამე ძალად იქცა."

"ადამიანის ოპტიმიზმი უსაზღვროა, — განაგრძობდა ბლენი, — გადამწყვეტ მომენტში ყოველთვის იჩენს თავს მესამე ძალა, ისტორიული მოვლენები და მდგომარეობები თავისი კანონზომიერებით მიდის და გუშინდელი დავები და უთანხმოებები დღევანდელი ისტორიკოსებისთვის მხოლოდ და მხოლოდ აკადემიურ პრობლემას წარმოადგენს."

"ნუთუ მზად ხარ, მთელი ასი წელი იცადო?" — ჰკითხა სთუნმა.

"ცდა აღარ არის საჭირო, — ჩაერთო ჰარიეტი, — ეს საქმე უკვე დაწყებულია, მალე შეპიც შემოგვიერთდება."

"მე?"

"ჰო, შენ."

"შეპ, — შეეხვეწა სთუნმა, — გთხოვ, მომისმინე."

"გისმენ," — მიუგო ბლენმა და ჟრუანტელმა დაუარა, მასში უცხო სხეული შეირხა, მოსალოდნელი საფრთხე რომ იგრძნო.

"მე პარაკინეტიკოსებისგან შემდგარი ორგანიზაცია დავაარსე. მთელი ჯგუფი შემოვიკრიბე, თუ გინდა, საზოგადოება უნოდე მას, თუ გინდა — იატაკქვეშეთი, ან შტატი, ანდა კომიტეტი. ის წინასწარ შეიმუშავებს გეგმებსა და ტაქტიკას გარკვეული ექსპერიმენტებისა და კვლევებისთვის, რაც შემდგომში დაგეხმარება, ვაჩვენოთ ხალხს, რომ პარანორმალურ ადამიანებს ფიშპუკის დაუხმარებლადაც შეუძლიათ დიდი წვლილის შეტანა კაცობრიობის განვითარებაში..."

"პიერი!" — წამოიძახა ბლენმა და ჰარიეტს გახედა.

ჰარიეტმა თავი დაუქნია.

"აი, თურმე რა გქონდა თავში თავიდანვე. გახსოვს, შარლინის წვეულებაზე ძველი მეგობარი რომ ახსენე..."

"და რა არის ამასი ცუდი?" — ჰკითხა ჰარიეტმა.

"არც არაფერი."

“თავიდანვე რომ მეთქვა ყველაფერი, დათანხმდებოდი?”

“არ ვიცი, ჰარიეტი, გეფიცები, არ ვიცი.”

სთოუნი სავარძლიდან წამოდგა, ბლენის მიუახლოვდა, ორივე ხელი გაიწვინა და მხრებზე ჩამოადო. მისი თითები მაგრად შემოეჭლო ბლენის მხრებს.

“შეპ, — მტკიცედ წარმოთქვა მან, — შეპ, ძალიან მნიშვნელოვანი და სერიოზული საქმეა. არ შეიძლება, რომ ფიშპუკი ადამიანის ვარსკვლავებთან დამაკავშირებელ ერთადერთ ძალად რჩებოდეს. წარმოუდგენელია, რომ კაცობრიობის ერთი ნაწილი დედამიწაზე მიჯაჭვული, ხოლო მისი მეორე ნაწილი მისგან თავისუფალი იყოს.”

ოთახის მკრთალ შუქზე სთოუნის თვალებს ჩვეული სისასტიკე დაეკარგათ და მისტიკური ელფერი შეეძინათ. მათში უამრავი დაუღვრელი ცრემლი კრთოდა.

“არსებობს ვარსკვლავები, — განაგრძო მან ჩურჩულით, თითქოს საკუთარ თავს ელაპარაკებოდა, — რომლებიც ადამიანმა აუცილებლად უნდა მოინახულოს, რათა დაინახოს, რა მწვერვალების დაპყრობა შეუძლია კაცობრიობას, რათა იხსნას საკუთარი სული.”

ჰარიეტმა საქმიანი სახით აიღო ჩანთა და ხელთათმანები.

“თქვენ როგორც გინდათ, ისე მოიქეცით, — გამოაცხადა მან, — მე საჭმელად მივდივარ. ვკვდები, ისე მშია. მოდიხართ?”

“მე მოვდივარ,” — თქვა ბლენმა.

შემდეგ რაღაც გაახსენდა.

ჰარიეტმა მისი ფიქრი დაიჭირა და გაეცინა.

“ჩვენ დაგპატიყვებთ. ჩათვალე, რომ იმ დროის ვალს გიბრუნებ, ორივეს რომ გვპატიყვებდი ხოლმე სადილზე.”

“არ არის საჭირო დაპატიყვება, — ჩაერთო სთოუნი, — ბლენი უკვე შტატშია, ხელფასი ერიცხება. რას იტყვი, შეპ?”

ბლენს ხმა არ ამოუღია.

“შეპ, მოდიხარ? ძალიან მჭიდები, შენ გარეშე ვერაფერს მოვახერხებ.”

“კარგი, მოვდივარ,” — უპასუხა ბლენმა.

“როგორც იქნა, გავარკვიეთ ეს ამბავი, ახლა წავიდეთ, ვჭამოთ.”


“თქვენ წადით, — უთხრა სთოუნმა, — მე დავრჩები და აქაურობას ვუდარაჯებ.”

“გოდფრი...”

“მარტო მინდა, დავრჩე. ერთი-ორი საკითხი მაქვს გადასაჭრელი, უნდა ვიფიქრო...”

“წავედით, — ჰარიეტი ბლენს მიუბრუნდა, — იჯდეს და იფიქროს.”

შეფიქრიანებული ბლენი ჰარიეტს გაჰყვა კარისკენ.



მათ შეკვეთა მისცეს, ჰარიეტი სკამზე მოხერხებულად მოკალათდა და ბლეინს მიმართა: "აბა, მომიყევი, რა მოხდა იმ ქალაქში, საავადმყოფოში როგორ მოხვდი?"

"სხვა დროს იყოს, — შეეპასუხა ბლეინი, — დრო კიდევ გვექნება ამაზე სალაპარაკოდ, ახლა შენ ამიხსენი, რა სჭირს გოდფრის?"

"შენ გაინტერესებს, რატომ დარჩა ოთახში?"

"ჰო, ეგ და კიდევ ბევრი სხვა რამ. ეს უცნაური ახირება, ნაპერწკალი მის თვალებში, აკვიატებული აზრი, თითქოს ადამიანის ხსნა ვარსკვლავებშია. ნამდვილ განდევილს დაემსგავსა, ხილვას რომ ნახავს."

"მართლა ჰქონდა ხილვა," — განუცხადა ჰარიეტმა.

ბლეინი გაკვირვებული მიაჩერდა მას.

"ეს ბოლო მოგზაურობის დროს მოხდა, — განაგრძო ჰარიეტმა, — იქიდან შეშლილი დაბრუნდა. ეტყობა, იქ ნანახმა მთელი მისი არსება შეძრა."

"მართალია, — დაეთანხმა ბლეინი, — იქ მართლა არსებობს რაღაც..."

"შენ გინდა თქვა, რომ საშინელი რამ?"

"საშინელიც, მაგრამ ალბათ უფრო გამოუცნობი. იქ ადამიანის ცნობიერებისა და ლოგიკისთვის ყოველად

წარმოუდგენელი პროცესები მიმდინარეობს. ეს აზრსმოკლებული კანონზომიერებები მიუღებელია მისთვის. ადამიანი უძლურია მათ წინაშე და შიში ეუფლება, რადგან საყრდენი წერტილი არა აქვს, არ იცის, საით წავიდეს, აბსოლუტურად მარტოა ამ უცხო სამყაროში და ირგვლივ ნაცნობ დედამიწას არაფერი აგონებს."

"და მაინც როგორ უმკლავდები ამ შიშის გრძნობას?"

"სხვა გზა არა გაქვს. ფიშპუკში მუშაობისას გარკვეული თვისებები გიყალიბდება, რაც ამ წინააღმდეგობის გადალახვაში გეხმარება."

"გოდფრისტან საქმე სხვანაირადაა. ისეთი რალაც იხილა, რის არსსაც ადვილად ჩასწვდა, შეიძლება ითქვას, ძალიან კარგადაც ჩასწვდა. ეს სრულყოფილება იყო."

"სრულყოფილება!"

"ცოტა არ იყოს, გაცვეთილი სიტყვაა, — დაეთანხმა ჰარიეტი, — სენტიმენტალური და მაღალფარდოვანი, მაგრამ ერთადერთი სიტყვაა, რომელიც ყველაზე კარგად გამოხატავს სათქმელს."

"სრულყოფილება," — გაიმეორა ბლეინმა, თითქოს სიტყვა გადააბრუნა, ცდილობდა, მისი გემო გაესინჯა.

"იმ პლანეტაზე არც სიხარბეა, არც სიძულვილი, არც ადამიანის დამღუპველი პატივმოყვარეობა და არც ამ სიძულვილსა და გაუმადლობის წარმომშობი გარემო. ეს იქნებოდა სრულყოფილი ქვეყანა, სადაც რჩეული რასა იცხოვრებდა. სოციალური სამოთხე."

"არ მესმის..."

"ერთი წუთით დაუკვირდი და გაიგებ. ოდესმე გინახავს ისეთი მშვენიერი საგანი, ნივთი, სკულპტურა ან პეიზაჟი, რომ მისი სრულყოფილების შემხედვარე ფიზიკურ ტკივილს შეუპყრიხარ?"

"მინახავს, ერთი ორჯერ."

"ძალიან კარგი, მაგრამ ნახატი ან სკულპტურული ნამუშევარი ადამიანის, შენი, ცხოვრების მიღმა არსებული

საგნებია. ეს მხოლოდ ემოციური განცდაა და შენთან არსებითად დაკავშირებული არ არის, ანუ შენ თავისუფლად შეგიძლია მთელი ცხოვრება ისე გაატარო, რომ ერთხელაც აღარ შეხედო მას, თუმცა შეიძლება დროდადრო გაგახსენდეს და ამ გახსენებასთან ერთად ის ადრე განცდილი ტკივილის გრძნობაც დაგიბრუნდეს. ახლა წარმოიდგინე კულტურა, ცხოვრების წესი, რომელიც შეიძლება შენი ცხოვრების წესიც გახდეს, იმდენად მშვენიერი, რომ ნაცნობ ტკივილს განგაცდევინებს, მაგრამ ეს გრძნობა ათასჯერ უფრო ძლიერია, ვიდრე ხელოვნების ჩვეულებრივი ნიმუშის ხილვით გამოწვეული გრძნობა. აი, რა დაინახა გოდფრიმ და რატომ დაბრუნდა იქიდან შეშლილი. სწორედ იქ ნანახმა აალაპარაკა. ახლა ადგილს ვერ პოულობს, პატარა, გაღლეთილი ბიჭვითაა, ღობის იქით ზღაპრულ სამყაროს რომ აღმოაჩინს, იმდენად რეალურს, რომ შეუძლია, ხელი გაიწვდინოს და შეეხოს, მაგრამ ამავე დროს იცის, რომ შიგ ვერასოდეს შეაღწევს."

ბლენმა ღრმად ჩაისუნთქა და მძიმედ, ნელა ამოისუნთქა.

"აი, თურმე რაში ყოფილა საქმე, — ჩიალაპარაკა, — ახლა მივხვდი, რაც უნდა."

"შენ რა, არ გენდომებოდა?"

"ალბათ კი, რომ მენახა."

"სთხოვე გოდფრის და თვითონ მოგიყვება. ანდა არც სთხოვო, ჩანაფიქრს მიგიხვდება და თვითონვე მოგიყვება."

"შენ უკვე მოგიყვა?"

"კი."

"და რა შთაბეჭდილება მოახდინა შენზე?"

"შენ თვითონ ხედავ, აქ ვარ."

ამასობაში ოფიციალტიც მოვიდა და შეკვეთა მოიტანა — შემწვარი ხორცის ორი მოზრდილი ნაჭერი, შემწვარი კარტოფილი და სალათა. ყავადანი მაგიდის შუაში დადგა.

"რა მადისაღმძვრელად გამოიყურება, — აღნიშნა ჰარიეტმა, — სულ მშია. გახსოვს, შეპ, პირველად რომ

დამპატიუე რესტორანში?"

ბლენის გაელიმა: "რა დამავინყებს. მაშინაც მაგრად გპიოდა."

"ვარდიც მიყიდე."

"მგონი, კი."

"რა საყვარელი ხარ, შეპ."

"თუ სწორად მახსოვს, ჟურნალისტი ხარ, არა? როგორ მოხდა, რომ..."

"სტატიაზე ვმუშაობ."

"ფიშქუკს ეხება?"

"ნანილობრივ," — უპასუხა პარიეტმა და ბივშტექსს მიუბრუნდა.

ერთხანს უხმოდ მიირთმევდნენ.

"კიდევ ერთი ფიქრი არ მასვენებს, — დაარღვია სიჩუმე ბლენმა, — რა კავშირი აქვს ამ ყველაფერთან ფინს? გოდფრი ამბობდა, საშიში კაციაო."

"რა იცი ფინის შესახებ?"

"ბევრი არაფერი. ფიშქუკიდან ჩემს მისვლამდე გაიქცა. მისმა გაუჩინარებამ დიდი მითქმა-მოთქმა გამოიწვია. ამბობენ, ერთ-ერთი მოგზაურობის დროს შეირყა, რომ შორეულ პლანეტაზე ნანახმა ჭკუიდან გადაიყვანა."

"მართალია, შეიშალა, — დაეთანხმა პარიეტი, — დახეტილობს აღმა-დაღმა და ქადაგებს."

"ქადაგებს?"

"ხალხს ცეცხლსა და მახვილზე ელაპარაკება, ბიბლიით აშინებს. არნმუნებს, რომ ყოველგვარი სიბოროტისა და ცოდვის დასაბამი ვარსკვლავებია, რომ ადამიანმა არ უნდა იფიქროს უცხო პლანეტაზე მოგზაურობის შესახებ, რომ ერთადერთი უსაფრთხო ადგილი დედამინაა, უცხო პლანეტებზე კი სიბოროტეს დაუსადგურებია. პარაკინეტიკოსებს კი იმაში ადანაშაულებს, რომ მათ ფართო კარი გაუღეს ჯოჯოხეთს..."

"და ხალხს სჯერა?"

“სჯერა რომელია, ნეტა განახა, რა სულგანაბულები უსმენენ. ვერ წარმოიდგენ, როგორ მოსწონთ მისი ქადაგება. რა გასაკვირია, იცინან, რომ ვარსკვლავებს ვერ მისწვდებიან და მათი ავადხსენებით იოხებენ გულს.”

“მათი რისხვა ალბათ პარაკინეტიკოსებზეც ვრცელდება. წარმომიდგენია, რას აღარ უწოდებენ მათ — ვამპირებს, მოჩვენებებს, მაქციებს...”

“კიდევ გობლინებს, — დაამატა ჰარიეტმა, — კუდიანებს, ავსულებს, რა ვიცი, უამრავი სახელი შეგიძლია მოიფიქრო.”

“ფინი ნამდვილი შარლატანია.”

ჰარიეტმა თავი გააქნია: “სულაც არ არის შარლატანი. ის ისევე გულწრფელია, როგორც სთოუნი. მართლა სჯერა იმ სიბოროტის, საკუთარი თვალთ ნახა და დარწმუნდა მის არსებობაში.”

“გოდფრიმ კი სიკეთე დაინახა.”

“მართალი ხარ. საქმე მარტივადაა. ფინი ისევე დარწმუნებულია, რომ ადამიანს არაფერი ესაქმება უცხო პლანეტაზე, როგორც სთოუნია დარწმუნებული, რომ კაცობრიობის ხსნა ვარსკვლავებშია.”

“და ორივე ფიშპუკს ებრძვის.”

“გოდფრის უნდა, რომ ფიშპუკის მონოპოლიას ბოლო მოეღოს, თუმცა სტრუქტურის შენარჩუნების წინააღმდეგი არ არის. ფინი კი უფრო შორს მიდის, მის მიზანს პარაკინეტიკის განადგურება წარმოადგენს, ფიშპუკი მისთვის უკვე მეორეხარისხოვანია.”

“და ფინი საკუთარ თავს გოდფრის მტრად მიიჩნევს?”

“ჰო, სულ გზაზე ელოდება, ხელს უშლის. სხვას მაინც ვერაფერს დააკლებს. გოდფრი ძალიან ფრთხილობს, არავის აძლევს თავდასხმის საშუალებას. მაგრამ ფინმა მაინც შეიტყო მისი გეგმების შესახებ, ფიქრობს, რომ გოდფრი ერთადერთია, ვისაც პარაკინეტიკოსების გაერთიანება შეუძლია და ყველანაირად ცდილობს, გზიდან ჩამოიშოროს.”

“შენ, როგორც გატყობ, მაინცდამაინც არ ლელავ.”


“ეს იმიტომ, რომ გოდფრი არ ღელავს და სიმტკიცეს ინარჩუნებს. ფინი მისთვის მხოლოდ მორიგი წინააღმდეგობაა, მეტი არაფერი.”

მათ რესტორანი დატოვეს და ტროტუარს დაუყვნენ ნომრისკენ.

ჩამავალი მზის შუქზე სანაპირო შავ და მენამურ ფერებში ელვარებდა და მდინარის სპილენძში ირეკლებოდა. უკანასკნელი სხივები კლდოვან შვერილებს ეფინებოდა, ხოლო შორს, ლაყვარდოვანი ცის კიდეზე ქორი ვერცხლისფერ კამარას კრავდა.

ნომერს მიუახლოვდნენ, ბლენი კარს მიანვა, ჰარიეტი გაატარა და თვითონაც დააპირა ოთახში შესვლა, მაგრამ ჰარიეტმა უკან გადადგა ნაბიჯი და ბლენს შეეჯახა. სასონარკვეთილი გმინვა აღმოხდა და დაძაბული სხეულით ბლენს მიეკრა.

ბლენმა ჰარიეტის მხარს იქით გადაიხედა და იატაკზე პირქვე დამხობილი სთოუნი დაინახა.



ბლენი დაიხარა და სთოუნს დახედა თუ არა, მაშინვე მიხვდა, რომ მკვდარი იყო. მისი სხეული, ერთი შეხედვით, შევიწროვდა, დაპატარავდა. ერთ დროს სიცოცხლით სავსე სთოუნი ახლა დაჭმუჭნილ ძონძში გახვეულ, შიშისმომგვრელ უძრავ მასად ქცეულიყო.

ჰარიეტმა შემოსასვლელი კარი ჩარაზა. საკეტის ჩხაკუნს მისი ქვითინის ხმა შეერია.

ბლენი უფრო დაბლა დაიხარა და მკრთალ შუქზე უსიცოცხლო სხეული დაათვალიერა. თავზე, იმ ადგილას, საიდანაც სისხლს გამოეჟონა, მუქი ფერის ლაქა შენიშნა.

ჰარიეტმა ბერკეტს მოქაჩა და დარაბები ჭრიალითა და ჭრიჭინით დაეშვა ფანჯრებზე.

"იქნებ შუქი აანთო, — სთხოვა ბლენმა, — ბნელა."

"ახლავე, შეპ."

ჩამრთველმა დაინკაპუნა და ოთახი ჭერიდან ჩამოფრქვეულმა შუქის ნაკადმა გაანათა. კაშკაშა შუქზე ნათლად ჩანდა, რომ სთოუნისთვის ძლიერი დარტყმით თავის ქალა ჩაემსხვრიათ.

პულსის მოსინჯვას და გულისცემის მოსმენას აზრი არ ჰქონდა, ასეთ დარტყმას ვერც ერთი სულიერი ვერ გადაურჩებოდა.

ბლენი ჩაიცუცქა, წამით შეტორტმანდა და ისევ დაიბრუნა წონასწორობა. ამ სისასტიკისგან თავზარდაცემული ფიქრობდა — განა რა მრისხანებას, გინდა სასონარკვეთას, უნდა შეეპყრო ადამიანი, ასეთ რამეზე რომ წასულიყო.

ჰარიეტს შეხედა და თავი გააქნია, როგორ შეეძლო ასე გულგრილად ეყურებინა ამისთვის, მაგრამ გაახსენდა, რომ ჟურნალისტურ პრაქტიკაში ძალადობრივი სიკვდილი არც თუ ისე იშვიათი მოვლენაა, ალბათ მიჩვეულიც იყო.

“ეს ფინის ნამოქმედარია, — წარმოთქვა ჰარიეტმა ჩუმი და ისეთი მშვიდი ხმით, რომ აშკარად იგრძნობოდა გარეგან აულელვებლობაში დამალული ფარული დაძაბულობა, — უშუალოდ ფინის არა, რა თქმა უნდა. მას უამრავი ფანატიკოსი მიმდევარი ჰყავს, რომლებიც ყველაფერზე წავლენ მისი გულისთვის, მისი ნებისმიერი ბრძანების შესასრულებლად.”

ჰარიეტი ბლენთან მივიდა და მის გვერდით ჩაიცუცქა. ტუჩები ერთ სწორ ხაზად შეჰკვროდა, სახე დაძაბულობისგან დასჭიმვოდა და ლოყაზე ერთადერთი ჩამოგორებული ცრემლის ნაკვალევი აჩნდა.

“რა ვქნათ ახლა, — იკითხა ბლენმა, — პოლიციას დავუძახოთ?”

ჰარიეტმა ხელები გაასავსავა.

“არავითარი პოლიცია, არ უნდა გამოვჩნდეთ. ფინი და მისი ბანდაც ალბათ სწორედ ამას მოელის. დაგენაძლევეები, ვილაცამ უკვე დარეკა პოლიციაში.”

“მკვლელს გულისხმობ?”

“რა თქმა უნდა. რატომაც არა, უბრალოდ დარეკავდა, შეატყობინებდა, რომ ამა და ამ ადგილას, ამა და ამ დროს ვილაც მამაკაცი მოკლეს და მალევე დაკიდებდა ყურმილს.”

“ჩვენზე რომ აელოთ ეჭვი?”

“ჩვენზე, ნებისმიერზე, ვინც გოდფრისთან ერთად აღმოჩნდებოდა. შეიძლება იციან კიდევაც, ვინც ვართ. ის ექიმი...”

"შეიძლება, ეგეც ყოფილიყო."

"მისმინე, შეპ, იქიდან გამომდინარე, რაც მოხდა, დარწმუნებული ვარ, რომ ფინი ბელმონტშია."

"ბელმონტში?"

"ბელმონტი ის ქალაქია, სადაც შენ გიპოვნეს."

"აი, თურმე რა ჰქვია იმ ქალაქს."

"რალაც ხდება, აქ რალაც მნიშვნელოვანი ხდება. ჯერ რაილი და მისი ფურგონი, ახლა კი..."

"რა უნდა ვქნათ?"

"არ უნდა დავუშვათ, რომ გოდფრი აქ იპოვნონ."

"იქნებ, მანქანა მოვაყენოთ და უკანა კარიდან გავიყვანოთ."

"არ არის გამორიცხული, რომ ვინმე გვითვალთვალებდეს. მაშინ კი წასული იქნება ჩვენი საქმე."

"ახლა ფინს ასპარეზი მიეცა და რასაც უნდა, იმას გააკეთებს. არ უნდა მივცეთ იმის საშუალება, რომ თამაშიდან გამოგვითხოვს, ყველანაირად უნდა ვცადოთ მისი შეჩერება."

"ჩვენ?"

"მე და შენ. შენ იცი გოდფრის ჩანაფიქრის შესახებ, ახლა შენი ჯერია, შენ უნდა ჩაუდგე სათავეში ამ საქმეს."

"კი მაგრამ, მე..."

ჰარიეტს თვალები სიბრაზისგან აენტო: "შენ ხომ მისი მეგობარი იყავი, მისი ამბავი მოისმინე. თვითონ არ უთხარი, შენს გვერდით მიგულებო?"

"გუთხარი, მაგრამ ყველაფერს თავიდან ვინყებ და ძალიან გამიჭირდება, ამ საქმის შესახებ თითქმის არაფერი ვიცი."

"ფინი უნდა შეაჩერო. გაიგე, რა აქვს ჩაფიქრებული და ხელი შეუშალე, დროის გაყვანის ტაქტიკას მიმართე..."

"შენ და შენი სამხედრო აზროვნება, დროის გაყვანის მეთოდები, უკან დასახევი გზები." (გენერლის მუნდირში გამონყობილი მოხდენილი ქალბატონი უზარმაზარი ჩექმებითა და უამრავი მედლით დამშვენებული მკერდით).

გეყოფა!

სალად მოაზროვნე ყურნალისტი.

“შეუ, გაჩუმდი, როგორ გინდა, ამ დროს სალად იაზროვნო? მე გოდფრი სთოუნის მჯეროდა, მჯეროდა იმ საქმის, რისთვისაც იბრძოდა.”

“მგონი, მეც მჯერა, მაგრამ ყველაფერი ისე მოულოდნელად მოხდა, რომ...”

“ხომ არ აჯობებს, უბრალოდ გავიქცეო და მივიმალო?”

“არა! ახლა რომ გავიქცევით, ამით საკუთარ დანაშაულს დავამტკიცებთ და ძალაუნებურად თამაშს გავეთიშებით.”

“შეუ, აბა რა ვქნათ? სხვა გზა არ არის.”

“უნდა იყოს. აქ ახლომახლო არის ასეთი ქალაქი — ჰამილტონი?”

“კი, მდინარის ქვემოთ, ერთი ორი მილით არის აქედან დაშორებული.”

ბლენინი წამოხტა და ოთახს მზერა მოავლო.

ტელეფონი სანოლებს შორის მდგარ მაგიდაზე იდო.

“რას აპირებ?”

“ერთი მეგობარი მყავს, — აუხსნა ბლენინმა, — გზაში გავიცანი, შეიძლება დაგვეხმაროს. მაშ ამბობ, ერთ ორ მილშია?”

“ჰო, ჰამილტონი, თუ ეს ის ქალაქია, ხომ არ გეშლება...”

“არა, არ მეშლება, ის ქალაქია.”

სწრაფი ნაბიჯით გადაჭრა ოთახი, ტელეფონის ყურმილს დაავლო ხელი და ნომერი აკრიფა.

“შეგიძლიათ, ჰამილტონთან დამაკავშიროთ?”

“ნომერი მითხარით, სერ.”

“276.”

“ახლავე შეგაერთებთ.”

ბლენინმა ჰარიეტს შეხედა: “ლამდება უკვე?”

“დარაბებს რომ ვხურავდი, ჯერ კიდევ მაშინ ლამდებოდა.”

ტელეფონში ზუმერის ხმა ისმოდა.

“კარგია, რომ დაღამდა, სიბნელე სჭირდებათ, დღე ვერ შეიძლებდნენ...”

"ვერ ვხვედი, შეპ, რა ჩაიფიქრე."

"გისმენთ," — გაისმა ვილაცის ხმა ტელეფონში.

"ანიტას სთხოვეთ, თუ შეიძლება."

"ახლავე," — უპასუხა ხმამ. ანიტა, შენ გეძახიან. ვილაც
კაცია.

წარმოუდგენელია, გაიფიქრა გაოგნებულმა ბლეინმა.
შეუძლებელია, ალბათ მეჩვენა.

"დიახ, — უპასუხა ანიტა ენდრიუსმა, — ვინ ბრძანდებით?"

ბლეინი. შეპარდ ბლეინი. გახსოვარ? იმ კაცთან ერთად
ვიყავი, ვერცხლის საფანტით დატენილი თოფი რომ ჰქონდა.

კი, მახსოვხარ.

არ მოჩვენებია, ტელეპათია ტელეფონითაც იყო
შესაძლებელი!

გახსოვს, რომ მითხარი, დახმარება თუ დაგჭირდა,
დამიკავშირდიო?

გითხარი.

ახლა მჭირდება დახმარება (იატაკზე გაშლილი
უსიცოცხლო სხეული, მოახლოებული პოლიციის მანქანა,
ანთებული წითელი შუქები, ჩართული სირენა, სპიდომეტრი,
საათი, აბრა სასტუმროს კედელზე, ოთახის ნომერი კარზე).
გეფიცები, ანიტა, მე არა ვარ მკვლელობაში გარეული. ახლა
ვერაფერს აგიხსნი, მაგრამ დამიჯერე, სიმართლეს გეუბნები.
პოლიციამ გვამი ოთახში არ უნდა ნახოს.

კარგი, მოგაშორებთ.

სიტყვაზე მენდობით?

გენდობით. იმ ღამეს შენ დაგვეხმარე, ახლა ჩვენი ჯერია.

მაშინ იჩქარეთ!

ახლავე გამოვალ, რამდენიმე კაცს წამოვიყვან.

გმადლობ, ანიტა. მაგრამ მას უკვე დაეკიდა ყურმილი.

ბლეინი ერთხანს გაუნძრევლად იდგა, ყურმილი ხელში
ეჭირა და გაოცებული მიშტერებოდა მას, შემდეგ ნელა
დაუშვა და დაკიდა.

“საუბრის რალაც ნაწილი დავიჭირე, — თქვა ჰარიეტმა, — შეუძლებელია.”

“რა თქმა უნდა, არა. ტელეპათიური სატელეფონო კავშირი სავსებით შესაძლებელია.”

ბლენმა სთოუნის სხეულს დახედა: “აი, რას გულისხმობდა, ისეთ შესაძლობებზე როცა ლაპარაკობდა, ფიშპუკს რომ არც დასიზმრებია.”

ჰარიეტს პასუხი არ გაუცია.

“საინტერესოა, კიდევ რა შესაძლებლობები აქვთ,” — ჩაილაპარაკა ბლენმა.

“რა გითხრეს, მალე მოვალთო, რითი მოვლენ?”

მის ხმას ისტერიული ტონი შეჰპარვოდა.

“მოფრინდებიან, — უპასუხა ბლენმა, — ლევიტატორები არიან. კუდიანები.”

მწარედ გაეცინა.

“შენ როგორ...”

“გავიცანი? ერთ ღამეს თავს დაგვესხნენ მე და რაილის. უბრალოდ, ერთობოდნენ, რაილის კი შეეშინდა და სროლა აუტეხა...”

“რაილი!”

“ეს ის კაცია, გახსოვს, პალატაში რომ იწვა? ავარიაში რომ მოყვა, დაიღუპა.”

“შეუ, რაილისთან ერთად იყავი? როგორ მოხვდი მასთან?”

“ეთხოვე, მანქანით მივეყვანე. ისეთი შეშინებული იყო, რომ სიამოვნებით დამთანხმდა, ოღონდ მარტო არ ევლო. მთელი გზა მის დანგრეულ ფურგონს ვენვალეობოდი...”

ჰარიეტი გაოგნებული მიშტერებოდა ბლენს.

“მოიცადე, საავადმყოფოში რალაც მითხარი. მითხარი, რომ...”

“ვეძებდით. რაილი გოდფრიმ დაიქირავა, მაგრამ შეაგვიანდა და...”

“კი, მაგრამ...”

“შეუ, რა მოგივიდა?”

“სიკვდილამდე რამდენიმე წუთის წინ მელაპარაკა, უფრო სწორად, რალაცის თქმას ცდილობდა. უნდოდა, ფინისთვის გადამეცა რალაც. მაშინ პირველად გავიგე ფინის შესახებ.”

“ყველაფერი უკულმა დატრიალდა, — დაიჩივლა ჰარიეტმა, — აბსოლუტურად ყველაფერი. ის ვარსკვლავური მანქანაც...”

ჰარიეტმა სიტყვა განყვიტა და ბლენის მიუახლოვდა: “შენ როგორც გატყობ, არაფერი იცი ამ მანქანის შესახებ.”

ბლენმა თავი გადააქნია: “ისეთივეა, ფიშპუკში რომ გამოიყენებენ ვარკვლავებზე სამოგზაუროდ?”

ჰარიეტმა თავი დაუკრა თანხმობის ნიშნად: “რაილის კოსმოსური მანქანა გადაჰქონდა თავისი ფურგონით. გოდფრიმ დიდი გაჭირვებით იშოვა და უნდოდა, პიერში გადაეტანა. ამიტომაც დაიქირავა რაილი...”

“არალეგალური ვარსკვლავური მანქანა! — წამოიძახა ოდნავ შემკრთალმა ბლენმა, — შენ თუ იცი, რომ ამ მანქანის ფლობა კანონით აკრძალულია ყველა ქვეყანაში? მარტო ფიშპუკს აქვს ამის უფლება.”

“გოდფრიმ ეს მშვენივრად იცოდა, მაგრამ მანქანა ძალიან სჭირდებოდა. მისი აწყობაც კი სცადა, მაგრამ გაუჭირდა. ნახაზები არ ჰქონდა.”

“რა თქმა უნდა, არ ჰქონდა. საიდან უნდა ჰქონოდა?”

“შეპ, რა დაგემართა?”

“არ ვიცი, ალბათ ყველაფერი რიგზეა, უბრალოდ, ცოტა დავიბენი. არ ველოდი, რომ ასე მოულოდნელად გავებმებოდი ასეთ ამბავში.”

“ნებისმიერ დროს შეგიძლია თამაშიდან გამოსვლა, უბრალოდ, გაიქეცი.”

“ჰარიეტ, ჩემზე კარგად იცი, დავილაღე ამდენი სირბილით. გასაქცევიც არსად მაქვს.”

“შეგეძლო, რომელიმე ბიზნეს ჯგუფს მიკედლებოდი. სიამოვნებით მიგიღებდნენ და კარგადაც გადაგიხდიდნენ იმ ინფორმაციისთვის, ფიშპუკზე რომ ფლობ.”

ბლენის შარლინის წვეულება გაახსენდა, სავარძელში მოკალათებული დალტონი, პირში გაჩრილი სიგარითა და აბურძგნილი თმით, ყვავის ბუდეს რომ მიუგავდა. გაახსენდა მისი სიტყვები: "თეორიული თვალსაზრისით, შენი დახმარება შეუფასებელი იქნებოდა."

"შენი რჩევა მართლა ძვირი ეღირება."

"ხომ იცი, არ ვარ მაგის კაცი. გარდა ამისა, სიტყვა მივეცი გოდფრის, რომ მის გვერდით ვიქნებოდი. ძალიან არ მომწონს, რაც ჩემ გარშემო ხდება. არ მომწონს, რომ ვიღაცა ჩამოხრჩობას მიპირებს მხოლოდ იმიტომ, რომ პარაკინეტიკოსი ვარ. და საერთოდ, ძალიან ბევრი რამ ამ ამბავში ჩემთვის მიუღებელია."

"გაბრაზებული ხარ და ძალიან სამართლიანადაც," — აღნიშნა ჰარიეტმა.

"შენ არა?"

"გაბრაზებული არა, უფრო შეშინებული. სულით ხორცამდე შეშინებული."

შენ და შეშინებული! მამაცი ჟურნალისტი რკინის ნერვებით.

ბლენი ჰარიეტისკენ მიბრუნდა, რაღაც გაახსენდა — ადგილი, სადაც მოხუცი ქალი ვარდებს ყიდდა. იმ ღამეს პირველად მოიხსნა ჰარიეტ კვიმბიმ ნილაბი, ახლა მეორედ იხსნიდა.

ჰარიეტის სახე აღარ მალავდა, რომ უშიშარი და მამაცი ჟურნალისტი ზოგჯერ შეიძლება ჩვეულებრივ შეშინებულ ქალად მოგვევლინოს.

ბლენმა ჰარიეტი ჩაიკრა. ჩვეულებრივი ადამიანის სხეული იყო, არა რკინასავით მაგარი და უტეხი, არამედ რბილი და ნაზი.

დამშვიდდი, — უთხრა ბლენმა, — ყველაფერი კარგად იქნება.

და უეცრად სინაზისა და მზრუნველობის მოულოდნელი გრძნობა შემოაწვა საკუთარ მკლავებში მოქცეული ქალის

მიმართ, რაც, ცოტა არ იყოს, გასაკვირი იყო მათი ურთიერთობიდან გამომდინარე.

როგორ? ფურგონი დამტვრეულია, რაილი მკვდარია და ვარსკვლავური მანქანა შეიძლება უკვე პოლიციას ან, უარეს შემთხვევაში, ფინსაც ჰქონდეს. ახლა კიდევ გოდფრის სიკვდილი და კარსმომდგარი პოლიცია...

ყველაფერი კარგად იქნება, — დაამშვიდა ბლეინმა, — ნუ გეშინია.

შორს სირენის ხმა გაისმა, რომელსაც პრერიის ქარის ღმუილი აპობდა.

ჰარიეტი წამოხტა: "შეკ, მოდიან."

"უკანა კარიდან გადი და მდინარისკენ გაიქეცი! ხეობაში დავიმალებით."

ბლეინი კარს მივარდა და საკეტს დაუნყო ძებნა. ამასობაში ვილაცამ დააკაკუნა.

საკეტი გახსნა და კარი გააღო. ოთახიდან წამოსული სინათლის ნაკადში ანიტა ენდრიუსი და მისი მოზარდი მეგობრები აღმართულიყვნენ.

"ზუსტად დროზე მოხვედით," — მიესალმა ბლეინი.

"სად არის ცხედარი?"

"აი იქ."

ოთახში შემოფრინდნენ.

სირენის ხმები ახლოვდებოდა.

"ჩვენი მეგობარი იყო, — აუხსნა დაბნეულმა ჰარიეტმა, — რა საშინელი..."

"ნუ ღელავთ, მის, — დაამშვიდა ანიტამ, — მივხედავთ. როგორც წესია, ისე დავასაფლავებთ."

ჩქარა! — მიმართა ანიტამ მეგობრებს, — დაბლა იფრინეთ. ცის ფონზე თქვენი სილუეტები არ უნდა გამოჩნდეს.

ამის თქმაც არ დაესრულებინა, რომ ოთახი უკვე დაცარიელდა, სთოუნის ცხედარიც სადღაც გამქრალიყო.

ანიტა წამით შეჩერდა, ბლეინსა და ჰარიეტს შეხედა.

ერთ დღეს აუცილებლად ამიხსნი, რაც მოხდა.

აუცილებლად, — შეჰპირდა ბლენინი, — დიდი მადლობა.

არაფრის. ჩვენ ტელეპათები ერთად უნდა ვიყოთ, ერთმანეთს ვეხმარებოდეთ. თუ ასე არ ვიზამთ, გაგვანადგურებენ.

ანიტა ფიქრეულად ბლენინს გადაეხვია, ბლენინმა მისი გონების შეხება იგრძნო, უცბად ბინდში მოციმციმე ციცინათელები შენიშნა და მდინარის რბილ ნისლში მოცურავე იასამნის სურნელი შეიგრძნო.


შემდეგ ანიტა გაქრა და კარი დაიხურა. უცბად, ვილაცამ მთელი ძალით დააბრაახუნა კარზე.

დაჯექი, უბრძანა ჰარიეტს. ეცადე, ბუნებრივად მოიქცე, მშვიდად, აუღელვებლად. ვითომ ვისხედით და უბრალოდ ვლაპარაკობდით. გოდფრი ვითომ ქალაქში ნავიდა. ვილაცამ მოაკითხა და გაჰყვა. ჩვენ არ ვიცით, ვინ იყო. ერთ ორ საათში უნდა დაბრუნებულიყო.

გასაგებია, — უპასუხა ჰარიეტმა.

ის სკამზე ჩამოჯდა და ხელები კალთაში დაიწყო.

ბლენინი კართან მივიდა და ოთახში კანონდამცველებს შემოუძღვა.



22

ბელმონტი ნელ-ნელა ძილისთვის ემზადებოდა. სახლებში, რომლებსაც ჩაუარეს, დიდი ხანია დარაბები დაეკეტათ. ქალაქის ბიზნეს რაიონშიც ერთმანეთის მიყოლებით ქრებოდა შუქები.

ერთი ორი კვარტლის ზემოთ ჯერ კიდევ ანათებდა სასტუმროს აბრები, ხოლო რეკლამა წარწერით “ველური დასავლეთი” იმაზე მეტყველებდა, რომ ბარი ღია იყო გვიანი სტუმრებისთვის.

“გგონია, გავაცურეთ ის პოლიციელები?” — ჰკითხა ბლენის ჰარიეტმა.

“არა გგონია, რომ დაგვიჯერეს, მაგრამ ხომ შევაჩერეთ გარკვეული ხნით. ჩვენ წინააღმდეგ არანაირი სამხილი არა აქვთ.”

“რალაც მომენტში მეგონა, დაგვაკავებდნენ.”

“მეც მასე მეგონა. რა ოსტატურად იგდებდი მასხარად. წარმომიდგენია, როგორია ამის ატანა, ალბათ იდიოტებივით გრძნობდნენ თავს.”

ბლენმა ბარის განათებაზე ანიშნა: “აქედან ხომ არ დაგვეწყო?”

“რატომაც არა, სხვა არჩევანი მაინც არა გვაქვს.”

ბარი ცარიელი იყო. ბარმენი იდაყვით დაყრდნობოდა მაგიდას, ხელში ტილო დაეჭირა და ზანტად ებრძოდა წარმოსახვით ლაქებს.

ბლენი და ჰარიეტი ბარმენის პირდაპირ, მაღალ სკამებზე დასხდნენ.

“რას დაღევთ?” — ჰკითხა ბარმენმა.

უთხრეს, რასაც დაღევდნენ.

ბარმენმა ჭიქები გადმოიღო და ბოთლებს მისწვდა.

“დღეს რაღაც ცოტა ხალხია, — აღნიშნა მან, — ისედაც არაფერ რჩება გარეთ გვიანობამდე. შელამდება თუ არა, ხალხი სახლებისკენ მიეშურება.”

“როგორი ქალაქია?”

“არა უშავს. უბრალოდ, ახლა კომენდანტის საათია გამოცხადებული და ქალაქი პატრულის მანქანებითაა სავსე. ნეტა განახათ, როგორ თვითნებობენ პოლიციელები.”

“შენ როგორ მუშაობ?” — ჰკითხა ჰარიეტმა.

“აქ ყველა მიცნობს. იციან, რომ გვიანობამდე მიწევს მუშაობა. სასტუმროდან ხშირად შემოივლიან ხოლმე თქვენნაირი გვიანი კლიენტები. მერე კიდევ სანამ დავეკეტავ, ხომ უნდა მოვანესრიგო აქაურობა, შუქები ჩავაქრო. მოკლედ, ერთ ორ ზედმეტ წუთს მჩუქნიან.”

“რა საშინელებაა,” — თანაგრძნობით მიუგო ბლენმა.

ბარმენმა თავი გააქნია: “ეს ჩვენივე კეთილდღეობისთვის კეთდება. ხალხი უგნურია, ბევრი რამ არ ესმის. კომენდანტის საათი რომ არ გამოეცხადებინათ, გვანობამდე იხეტიალებდნენ ქუჩაში, ღამით კი, ვინ იცის, რა შეიძლება მოხდეს.”

ბარმენი წუთით შეჩერდა.

“ახლა გამახსენდა. რაღაც ახალი სასმელი მაქვს. ხომ არ გასინჯავდით?”

“რა სასმელია?” — დაინტერესდა ჰარიეტი.

ბარმენმა ბოთლი გადმოიღო და აჩვენა.

“ეს რაღაც ახალი და უცხოა, — გამოაცხადა მან, —

პირდაპირ ფიშპუკიდან. რომელიღაცა უცხო პლანეტიდან ჩამოიტანეს, ხის წვენია თუ რაღაც ამის მაგვარი. ნახშირწყალბადით იქნება გაჯერებული. რამდენიმე ბოთლი წამოვიღე ფაქტორიიდან გასასინჯად. შეიძლება, ვილაცას მოენონოს კიდეც."

ბლენმა თავი გააქნია: "არა, გმადლობ. ღმერთმა იცის, შიგნით რას ურევენ."

"არც მე, გმადლობ," — უარი თქვა ჰარიეტმა.

ბარმენმა იმედგაცრუებულმა დააბრუნა ბოთლი თავის ადგილას.

"წამდვილად არ გამტყუნებთ, — მიმართა ბლენსა და ჰარიეტს და სასმელი მიანოდა, — მე თვითონ მოვსვი ერთი ორი ყლუპი. არა ვსვამ, უბრალოდ, რო გამესინჯა."

"არა, — დაუმატა მან სასწრაფოდ, — იმიტომ კი არა, რომ რაიმე საწინააღმდეგო მაქვს."

"რა თქმა უნდა, არა," — დაამშვიდა ჰარიეტმა.

"ისე, უცნაური გემო კი დაჰკრავდა — შმორის. არც ცუდი და არც კარგი. თავიდან არა, მაგრამ ერთი ორი ყლუპის შემდეგ მოგენონებოდათ."

ბარმენი წუთით გაჩუმდა და ხელები დახლზე დააღაგა.

"იცით, რაზე ვფიქრობ?" — იკითხა მან.

"წარმოდგენა არა გვაქვს," — მიუგო ჰარიეტმა.

"რაზე და ნეტა მთელი ეს ამბავი ფაქტორიაში ხომ არ მოიგონეს, როგორც ბოროტი ხუმრობა?"

"არა მგონია, მაგდენი გაეხედათ."

"შეიძლება მართალიც ხართ, მის. მაგრამ ეს ფაქტორია ძალიან უცნაური რამ არის. სოციალურად ხალხს მათთან მაინცდამაინც მჭიდრო შეხება არა აქვს და მათ მაინც იმაზე მეტი იციან, რაც ხდება ქალაქში, ვიდრე ჩვენ. ალბათ დღე და ღამე დაყურადებული არიან, როგორმე უახლეს ჭორს მოკრან ყური."

"და რაც ყველაზე ცუდია, — განაგრძო ბარმენმა და ხაზი გაუსვა მათ დანაშაულებრივ ქმედებებს, — არც არაფერს

გეუბნებიან, არაფრად გაგდებენ."

"მართალი ხარ," — მიუგო ბლეინმა.

ბარმენი ფიქრს მიეცა.

ბლეინმა ბარის გარეთ გამეფებულ სიბნელეს მოავლო თვალი: "რალაც ხალხმრავლობაა. ხდება რამე?"

ბარმენი მოხერხებულად მოკალათდა და გრძელი საუბრისთვის მოემზადა. მისმა ხმამ კონფიდენციალური ტონი მიიღო.

"თქვენ რა, მართლა არაფერი გაგიგიათ?"

"არაფერი. ქალაქში სულ რამდენიმე საათის წინ შემოვედით."

"მაშინ, მისტერ, გინდ დაიჯერეთ, გინდ არა, მაგრამ ქალაქში ვარსკვლავური მანქანა აღმოაჩინეს, არც მეტი, არც ნაკლები."

"რა?"

"ვარსკვლავური მანქანა, აი ისეთი მონყობილობა, პარაკინეტიკოსები რომ იყენებენ ვარკვლავებზე გასაფრენად."

"პირველად მესმის."

"საიდან უნდა გაგეგოთ. მისი გამოყენება მხოლოდ ფიქსიუკშია ნებადართული."

"გინდა თქვა, რომ ეს მანქანა არალეგალურია?"

"სწორედ რომ არალეგალურია. შტატის პოლიციამ ქალაქის აღმოსავლეთ ნაწილში, ტრასის პირას მდებარე ფარდულში იპოვა. აქ შემოსვლამდე იმ ადგილს უთუოდ გაივლიდით."

"არ მახსოვს."

"მოკლედ, იქ იპოვეს. და რაც ყველაზე მთავარია, დღეს ქალაქში თავად ლამბერტ ფინი გამოჩნდა."

"ცნობილი ლამბერტ ფინი?"

"დიახ. ამჟამად აქ, სასტუმროშია: ხვალ დიდი შეკრების მონყობას აპირებს იმ ფარდულთან. პოლიცია დაითანხმა, მისთვის მანქანა გამოეთრიათ, ხალხმა საკუთარი თვალით

რომ იხილოს სიბოროტის სათავე და ქადაგებამაც უფრო დიდი ნაყოფი გამოიღოს. გარნმუნებთ, მისტერ, არ ინანებთ, მამა ფინს თუ მოუსმენთ. ისეთ ცეცხლს დაარიალებს, ჯერ რომ არ გინახავთ. განსაკუთრებული რისხვა ალბათ პარაკინეტიკოსებს დაატყდებათ. ნაცარტუტად აქცევს მათ. ისეთ დღეს დააყრის, რომ ქალაქში გამოჩენასაც ვეღარ გაბედავენ."

"ასეთ მიყრუებულ ქალაქში ბევრი არც იქნება."

"მართლია, თვითონ ქალაქში ბევრნი არ არიან, — უხალისოდ დაეთანხმა ბარმენი, — მაგრამ ახლომახლო, მდინარის პირას, ერთი ადგილია, სახელად ჰამილტონი. ახალი ქალაქია, ყველა შტატიდან ჩამოსულმა პარაკინეტიკოსებმა დააარსეს. რალაც ჰქვია ასეთ ადგილს, აღარ მახსოვს. რა ერქვა იმ ადგილს, ევროპაში ებრაელები რომ ჰყავდათ გამოკეტილი?"

"გეტო."

ბარმენმა გამეტებით დაჰკრა ხელი დახლს: "როგორ დამავეინყდა. ჰო, ზუსტად ეგ ჰქვია. გეტო. იმ განსხვავებით, რომ ძველ დროში მასეთ ადგილებს ქალაქის ღარიბ ნაწილში აშენებდნენ, ახლა კი ქალაქგარეთ, უკაცრიელ და დაუსახლებელ ადგილას ააგეს. მინა მდინარის პირას არაფრად არ ვარგა, აბა ვის მოუვიდოდა აზრად იქ ქალაქის გაშენება, მაგრამ პარაკინეტიკოსებს მოსწონთ იქაურობა. თავისთვის არიან და თუ არავის ანუხებენ, არც მათ ანუხებს ვინმე. თუ წყნარად არიან, არ ვეხებით, მაგრამ კარგად იციან, რომ ვუთვალთვალეთ და თუ რამე მოხდა, ვიცით, სადაც უნდა ვეძებოთ."

ბარმენმა საათს შეხედა: "თუ სურვილი გაქვთ, ერთი ჭიქის გადაკვრას კიდევ მოასწრებთ."

"არა, გმადლობ, საკმარისია, — მადლობა გადაუხადა ბლენმა და მაგიდაზე რამდენიმე კუპიურა დაუდო, — ხურდა დაიტოვე."

"გმადლობთ, სერ, დიდი მადლობა."

ბლენმა და ჰარიეტმა წამოდგომა რომ დააპირეს, ბარმენი მიუახლოვდა მათ და გააფრთხილა: "თქვენს ადგილას, სახლში დავბრუნდებოდი. პოლიციამ თქვენზე ეჭვი თუ აიღო, კარგი დღე არ დაგადგებათ."

"ასეც მოვიქცევით, — დაეთანხმა ჰარიეტი, — და გმადლობ მასპინძლობისთვის."

"რას ამბობთ, ყოველთვის მზად ვარ, გემსახუროთ."

ბარი დატოვეს და მანქანისკენ გაემართნენ. ბლენმა კარი გაუღო ჰარიეტს, შემდეგ მანქანას შემოუარა და თვითონაც ჩაჯდა.

"მამ, ძველი ფარდული, გზის პირას რომ დგას?"

"შეკ, რა ჩაიფიქრე. შარში გავეხვევით."

"რალაც ღონეს უნდა მივმართოთ. ვერ მივცემ ფინს იმის საშუალებას, რომ მანქანა ქადაგებისთვის გამოიყენოს."

"შენ რა, მის გამოთრევას აპირებ?"

"არა. მეტისმეტად დიდია, ალბათ ვერ მოვერევი. რალაცა უნდა მოვიფიქროთ, ფინს ხელი რომ შევუშალოთ."

"დაცვა ეყოლება."

"არა მგონია, ჰარიეტ. შეიძლება ცხრაკლიტულით იყოს ჩარაზული, მაგრამ დაცვას არ დაუყენებდნენ. ამ ქალაქში ხალხი ისეა დაშინებული, ღამე იქ არავინ გაჩერდებოდა."

"შენც გოდფრისავით ხარ, ორივეს მოგწონთ თავის ყულფში გაყოფა."

"გოდფრი მოგწონდა, არა?"

"ძალიან."

ბლენმა ძრავა ჩართო და მანქანა გზაზე გადაიყვანა.

ჩაბნელებული და მიგდებული ძველი ფარდულის ირგვლივ კაციშვილი არ ჩანდა. რამდენჯერმე ჩაუარეს ნელა და არაფერი შეცვლილა — მიყრუებული ფარდული უცვლელად იდგა თავის ადგილას, როგორც იმ ძველი დროის ცოცხალი რელიქვია, როცა მანქანები ტრასებზე დადიოდნენ და გზების ტექნიკური გამართულობისთვის აუცილებელი იყო ასეთი გარაჟების არსებობა.

ბლეინმა გზიდან გადაუხვია, მანქანა ტირიფნარში შეატურა, მინაზე დასვა და ფარები გამორთო.

გარშემო შემზარავი სიჩუმე ჩამოწვა.

"ჰარიეტ!" — დაუძახა ბლეინმა.

"რა არის, შეპ?"

"აქ დარჩი. ფეხი არ მოიცვალაო. ნავალ, დავხედავ იქაურობას."

"დაგაგვიანდება? მარტოს მაინც არაფერი გამოგივა."


"მალე მოვალ. ფარანი გაქვს?"

"უჯრაში უნდა იყოს."

ჰარიეტმა უჯრა გამოხსნა და პატარა ნათურის შუქზე საგზაო რუკების დასტას, სათვალესა და სხვა წვრილმანს შორის ფარანიც იპოვა და ბლეინს მიაწოდა. ბლეინმა გასინჯა და რომ დარწმუნდა, მუშაობდა, გამორთო და მანქანიდან გადავიდა.

"ჩუმად იჯექი," — გააფრთხილა ჰარიეტი.

"ფრთხილად იყავი," — მიაძახა ჰარიეტმა.



ფარდული იმაზე დიდი აღმოჩნდა, ვიდრე გზიდან ჩანდა. გარს მაღალი გამხმარი ბალახის მესერი შემორტყმოდა, რომელსაც ქარის მცირედ დაბერვაზე შრიალი გაჰქონდა. შენობა გოფირიებული მეტალის ფურცლებისგან იყო აგებული. ასეთი სახის მასალას დაახლოებით სამოცი წლის წინ იყენებდნენ, სანამ აღდებარანიდან სუპერპლასტს შემოიტანდნენ. მეტალის ერთგვაროვან ზედაპირს მხოლოდ გაზეპილი ფანჯრები და მათზე გაბმული მრავალწლიანი აბლაბუდები არღვევდა. უზარმაზარი ჭიშკარი, რომელიც ზემოთ იხსნებოდა, თითქმის მთლიან ფასადს იკავებდა.

აღმოსავლეთით, ამომავალი მთვარის მკრთალი შუქით განათებული ცის ფონზე, მძინარე ქალაქის კონტურები მოჩანდა.

ბლენმა დიდი სიფრთხილით დაარტყა წრე შენობას, ცდილობდა, შესასვლელი ეპოვნა, მაგრამ უშედეგოდ. შესასვლელი კარი ჩაერაზათ. მართალია, ქვემოთ მეტალის რამდენიმე ფურცელი მოშვებულიყო, მაგრამ მეტისმეტად მძიმე მეტალის აწევას და ქვეშ გაძრომას ნამდვილად ვერ შეძლებდა.

შიგნით შეღწევის ერთადერთი გზა არსებობდა.

ბლენი გზასთან ყველაზე ახლოს მდებარე კუთხესთან

მივიდა და მიაყურადა. ბალახის შრიალის გარდა, არაფერი ისმოდა. ამ ტრასაზე, როგორც ჩანს, დიდი ხანია, არავის გაეწვლო და საეჭვოა, რომ ვინმე ოდესმე გაივლიდა. იქაურობა სიბნელეში ჩანთქმულიყო. ისეთი შეგრძნება ჰქონდა, თითქოს ამ ქვეყანაზე მისი და ამ მიყრუებული გარაჟის გარდა, არაფერი არსებობდა.

ბლეინი ერთხანს დაჟინებით იყურებოდა ტრასისკენ, მაგრამ საეჭვო ვერაფერი შენიშნა, ვერავინ მიხვდებოდა, რომ ტირიფნარში მანქანა დაემალათ.

სწრაფად დაიძრა ადგილიდან, კედელს გაუყვა და პირველივე ფანჯარასთან გაჩერდა. დაგლეჯილი ქურთუკი გაიხადა, ხელზე შემოიხვია, მკვეთრი მოძრაობით შუშა ჩატეხა და ჩარჩოში ჩარჩენილი შუშის წვრილი ნატეხები გამოიღო, გადაძრომაში ხელი რომ არ შეეშალა.

ბლეინი კუთხეს დაუბრუნდა და ერთხანს გაუნძრევლად იდგა, მაგრამ ღამის სიჩუმეს კვლავინდებურად არაფერი არღვევდა.

ფანჯარას მიუახლოვდა, ფრთხილად გადაძვრა და სანამ ფეხს დადგამდა, იატაკი მოსინჯა, შემდეგ ჯიბიდან ფარანი ამოიღო, აანთო და სინათლის ზოლი გარაჟის ჩაბნელებულ ინტერიერს მოაველო.

კართან ახლოს ნაცნობი დანჯღრეული ფურგონი იდგა, როგორც იქნა, დაასვენეს საცოდავი. იქვე ვარსკვლავური მანქანაც მოჩანდა.

ბლეინი მანქანასთან უხმაუროდ მივიდა და ფარნის შუქი მიანათა. ამ მანქანას კარგად იცნობდა, ფიშპუკში ყოფნისას დანვრილებით ჰქონდა შესწავლილი. მასში რაღაც ამოუცნობი სილამაზე შეიმჩნეოდა, თითქოს მის ზედაპირზე ყველა ის მისტიკური პლანეტა აირეკლებოდა, სადაც ოდესმე ადამიანი ნაუყვანია.

თუმცა ეს ძველი მოდელი იყო. ასეთები ფიშპუკმა დაახლოებით ათი წლის წინ ამოიღო ხმარებიდან და ახლით შეცვალა. უდავოა, რომ ის ფიშპუკიდან მოდიოდა. იქ,

საწყობში, უამრავი ასეთი მანქანა დგას, ალბათ იმიტომ, რომ მათი დაკონსერვება უფრო იოლია, ვიდრე ნაწილებად დაშლა, უბრალოდ გადაგდება კი გამორიცხულია. ასეთი ნივთი ან ჩაკეტილ-ჩარაზული უნდა ინახებოდეს ან ნაწილებად დაიშალოს. მასში ფიშპუკის მონოპოლიის გასაღები იდო და მისი უცხო ხელში მოხვედრა დაუშვებელი გახლდათ.

მაგრამ იმ მანქანებიდან ერთ-ერთი, როგორც ჩანს, უკვე ჩავარდა უცხო ძალის ხელში და ბოროტი მიზნების განსახორციელებლად გამოიყენებდა. ამ მიტოვებულ ფარდულში დატყვევებული ვარსკვლავური მანქანა ფიშპუკის წინააღმდეგ განხორციელებული ყველაზე სასტიკი ხრიკის უსიტყვო დამადასტურებელი იყო.

ნეტა, როგორ მოახერხა სთოუნმა ამ მანქანის შოვნა. ბლენმა წარმოიდგინა, რა ძალისხმევის ფასად დაუჯდებოდა ეს ამ კაცს და უცბად მის მიმართ მომეტებული პატივისცემის გრძნობით აივსო. ამისთვის, პირველ რიგში, ფული დასჭირდებოდა, ასევე — სანდო აგენტები და ზუსტი და უტყუარი სამოქმედო გეგმა:

საინტერესოა, ჰარიეტი რა მონაწილეობას იღებდა ამაში. ყოველ შემთხვევაში, ფიშპუკიდან გაქცევაში როცა ეხმარებოდა, საკმაოდ მტკიცედ და აუღელვებლად მოქმედებდა. ასეთ რამეს მხოლოდ ჰარიეტისნაირი ქალი თუ მოახერხებდა. თავდაჯერებული და მშვიდი იყო, მშვენივრად იცნობდა ფიშპუკის შიდა სამზარეულოს და, რაც მთავარია, ჰქონდა ტვინი, რომელიც შვეიცარიული საათის სიზუსტით მუშაობდა, მხოლოდ ამ თვისებებით დაჯილდოვებული ქალი თუ მოახერხებდა ვარსკვლავური მანქანის გატაცებას.

სთოუნი მანქანაზე დიდ იმედებს ამყარებდა, მაგრამ ის ცოცხალი აღარ იყო და იმედიც მასთან ერთად გაქრა, მანქანა კი ამ მიგდებულ გარაჟში ეყენა, ნივთიერი დასტური იმისა, რომ სიძულვილითა და ბოროტებით სავსე ადამიანი პარაკინეტიკოსების განადგურებას ცდილობდა.

ფინი ვარსკვლავურ მანქანას ზედმინუნით კარგად

გამოიყენებდა საკუთარი ბოროტი მიზნებისთვის. თუმცა, უნდა ითქვას, რომ ამ დანადგარს მანქანასაც ვერ უწოდებდი, რადგან ადამიანის მიერ საუკუნეების მანძილზე შეთვისებულ მანქანას სულაც არ ჰგავდა. არ ჰქონდა ჩვეულებრივი მანქანისთვის დამახასიათებელი ნაწილები და ფუნქციები, მხოლოდ და მხოლოდ ადამიანურ გონებასა და გრძნობაზე მუშაობდა. სანვავად ზებუნებრივ ენერგიას გამოიყენებდა და არა ჩვეულებრივს. და ყველაფრის მიუხედავად, მაინც მუშაობდა, ისეთივე სასწაულებრივი ეფექტი ჰქონდა, როგორც მორწმუნის მიერ წარმოთქმულ ლოცვას საუკუნეების წინ, მაშინ, როცა პარანორმალური კინეტიკის ხსენებაც არ იყო.

თუ იმედი გაქრა, მაშინ მანქანაც უნდა გამქრალიყო. თუ სხვას ვერაფერს გააკეთებდა, ამით მაინც გადაუხდიდა ნაწილობრივ ვალს სთოუნს.

გამოსავალი ნამდვილად არსებობდა. უბრალოდ, უნდა შეძლოს და უცხო გონების ქაფმოდებული ზღვიდან საჭირო ცოდნა ამოკრიფოს.

ბლეინმა გონებაში მოძებნა და იპოვა კიდევ საჭირო ინფორმაცია, ამასთან ერთად დარწმუნდა, რომ იქ სხვა უამრავი სახის ინფორმაცია და ცოდნაც ინახებოდა, ისე საგულდაგულოდ დანყობილი და კლასიფიცირებული მის გონებრივ არქივში, თითქოს მასზე გამოცდილ არქივარიუსს ემუშავა.

ამ ნესრიგის აღმოჩენამ ბლეინი გააოგნა, წარმოდგენა არ ჰქონდა, რაც ხდებოდა მის გონებაში. ეს წმინდად ადამიანური მიდგომა იყო, ადამიანური ბუნტი იმ მოუწესრიგებელი, ფრაგმენტული ცონდისა და ინფორმაციის მიმართ, რომელიც შორეული პლანეტის არსებას ჩაენერგა მისთვის.

უცხო არსება ან, შეიძლება ითქვას, მისი არსი კვლავ მის ტვინში ცხოვრობდა. ბლეინმა საკუთარი გონებრივი არქივები გადაქექა, მაგრამ ვარდისფერი არსების კვალიც ვერ იპოვა. არსება გამქრალიყო, სამაგიეროდ, რჩებოდა

წინათგრძნობა, რომ რაღაც არ იყო წესრიგში.

შეშინებული ბლენი ამ წინათგრძნობას მიჰყვა და მისი სათავე იპოვა. აღმოჩენამ თავზარი დასცა — ბლენის გონება აღარ იყო მხოლოდ ადამიანური. გაოგნებასთან ერთად გაოცებაც დაეუფლა — ნეტავ, ასეთ მდგომარეობაში საქმის ვითარებას როგორ მიხვდა.

ბლენმა ბრმად გაიწვდინა ხელი, რამეს რომ დაყრდნობოდა, და ვარსკვლავური მანქანის კიდეს მაგრად მოეჭიდა.

ეს აღმოჩენა ერთ მარტივ ფაქტამდე დაიყვანებოდა — გარეგნულად ის ადამიანად რჩებოდა, ხოლო შინაგანად ორი პიროვნების, ორი გონების, ორი განსხვავებული სიცოცხლის ეთიკისა და მამოძრავებელი ძალის ნაზავს წარმოადგენდა. ვარდისფერი არსება არ შეცვლილიყო, ისეთივე მოშვებული და უფორმო მასად რჩებოდა. მასში ადამიანის გონების არავითარი კვალი არ ჩანდა, თუმცა მის შიგნით მაინც იყო რაღაც ადამიანური და, ღმერთმა იცის, კიდევ რამდენი სხვა რამ.

ბლენმა მანქანის კიდეს ხელი გაუშვა და სარკისებურ მეტალის ზედაპირზე მოატარა.

ასე რომ, გამოსავალი არსებობდა, მთავარი იყო — ეს გაეკეთებინა. სათანადო ცონდა ჰქონდა, ახლა ხერხი უნდა მოეძებნა.

"დრო, — უთხრა ვარდისფერმა არსებამ, — დრო ყველაზე მარტივი ფენომენია." მაგრამ დროის მართვა არც ისე ადვილი საქმეა, როგორც ეს იმ არსებამ დაუხატა.

ბლენი იდგა და ფიქრობდა. უცებ მიხვდა, რაც უნდა გაეკეთებინა.

წარსულის გზაზე სიარულს აზრი არ ჰქონდა, მანქანა კი უკვე წარსულის კუთვნილებას წარმოადგენდა და ამ გზაზე გრძელი და ბურუსით მოცული კვალი დაეტოვებინა.

მომავალი კი სულ სხვა ამბავია. თუ შესაძლებელი იქნება მანქანის მომავალში გადატანა, ახლანდელი მომენტები და

აგრეთვე ყველა მომდევნო მომენტი მისთვის წარსულ მოვლენად იქცევა და მისგან მხოლოდ აჩრდილი დარჩება, რაც ადამიანებში სიცილისა და ქილიკის სურვილს გააღვიძებს. ბუნებრივია, ეს მანქანა არ უნდა გახდეს ლამბერტ ფინისნაირი ადამიანის ქადაგების თემა.

გარდა ამისა, — გაუელვა თავში ბლეინს, — ფინს გული გაუსკდება შიშისგან, ამას რომ დაინახავს.

ბლეინმა სცადა, ვარსკვლავური მანქანა საკუთარი გონების მორევში გაეხვია, თუმცა — ამაოდ. გონება ვერ წვდებოდა მთლიან მანქანას, მისი შთანთქმისთვის გასაქანი არ ჰყოფნიდა. შეისვენა და განაგრძო.

მოულოდნელად იქაურობა უცნაური დაძაბულობით აივსო, ყველაფერმა ირგვლივ უცხო ელფერი მიიღო. ჩამსხვრეული ფანჯრების გარეთ გამხმარი ბალახის შრიალი მუქარასავით ისმოდა, მსუსხხავი ჰაერი ისეთი მძაფრი სუნით გაჟღენთილიყო, რომ ბლეინს ჟრუანტელმა დაუარა. უცნაური შეგრძნება ჰქონდა — თითქოს გარე სამყაროს მოსწყდა, თითქოს მასთან უკვე არაფერი აკავშირებდა — არც მინა, რომელზედაც ფეხი ედგა, არც ჰაერი, რომელსაც ჩაისუნთქავდა და არც სხეული, რომელსაც ატარებდა. მისთვის უცბად აქამდე ნაცნობი უცნობი გახდა და ეს უეცარი გადანაცვლება ნაცნობი სამყაროდან აბსოლუტურად უცნობ სამყაროში, რომლის ადგილმდებარეობაც არ იცოდა, წარმოუდგენელ შიშს ჰგვრიდა. მაგრამ ყველაფერი თავის კალაპოტს დაუბრუნდება, თუ მოახერხებს და ამ უცნაურ მანქანას გონებით გადააადგილებს. ამ ამოუცნობ ადგილას ხომ იმიტომ მოხვდა, იმიტომ გამოიხმეს თავისი თბილი, მყუდრო და უსაფრთხო კუნჭულიდან, რომ მასზე დაკისრებული მისია შეესრულებინა, რის შემდეგაც თავისუფლად შეძლებს, თავის ბნელ სამალავს მიაშუროს, ძველ მოგონებებს დაუბრუნდეს და რუდუნებით განაგრძოს ფაქტების შეგროვება, ხარბად დაენაფოს თითოეულ ახალ ინფორმაციას, დაახარისხოს და

თანაბარ და სიმეტრიულ დასტებად დააღაგოს.

ამ ხელოვნური სხეულის აწვევა, მისი უჩვეულო ბუნების მიუხედავად, სულაც არ ყოფილა ძნელი საქმე. ძალიან ღრმადგადგმული ფესვები არ ჰქონდა და კოორდინატების დადგენას დიდი დრო არ წაუროთმევია, ცოტაც და გადაიტანდა კიდევაც, მაგრამ მოთმინება უნდა მოიკრიბოს და მიუხედავად ამ ყველაფრის სწრაფად დასრულების დაუოკებელი სურვილისა, მაინც არ უნდა აჩქარდეს. დაელოდა, სანამ კოორდინატები მკაფიო და ჩამოყალიბებულ სახეს მიიღებდა, შემდეგ ნელა და აუღელვებლად განსაზღვრა სავარაუდო ტემპორალური დატვირთვა და მთელი გონებრივი ძალით ასწია ეს ხელოვნური სხეული, საჭირო კუთხით შემოატრიალა და იმ ადგილას გადაისროლა, სადაც მისი მოთავსება ჰქონდა გადანყვეტილი.

დაასრულა თუ არა ეს მოქმედება, ვარდისფერმა არსებამ თავის ძველ ბნელსა და თბილ სამალავს მიაშურა. ბლეინი ბურუსით მოცული სიცარიელით გარშემორტყმული აღმოჩნდა — საკუთარ ადამიანურ ბუნებას დაბრუნებოდა.

ახლომახლო არაფერი ჩანდა, ბლეინისა და ვარსკვლავური მანქანის გარდა. მან ხელი შეახო მანქანას, მის რეალურობაში რომ დარწმუნებულიყო. როგორც ჩანდა, ის ერთადერთი ხელშესახები საგანი იყო იქ, სადაც ბლეინი აღმოჩნდა.

ნისლსაც რაღაც უცნაური და უჩვეულო სახე მიეღო, თითქოს საკუთარი არსებობის შენიღბვას ცდილობდა.

ბლეინი გაუნძრევლად იდგა. ადგილიდან დაძვრასაც ვერ ბედავდა, იმის შიშით, რომ მცირედ მოძრაობას სამუდამოდ არ გადაეგდო უძირო ჭაში, საიდანაც უკან ვეღარ დაბრუნდებოდა.

აი, თურმე როგორი ყოფილა მომავალი, ადგილი; რომელსაც სივრცისა და დროის არც ერთ ნაცნობი თვისება არ გააჩნდა. ამ ადგილას ჯერ არაფერი მომხდარა, ირგვლივ სრული სიცარიელე სუფევდა. აქ არც სინათლე ჩანდა, არც სიბნელე, მხოლოდ სიცარიელე. ამ ადგილას არც ერთი

სულიერი თუ უსულო სხეული არ აღმოჩენილა და არც უნდა აღმოჩენილიყო ამ კონკრეტულ მომენტამდე, როცა ბლეინი და ვარსკვლავური მანქანა, მას შემდეგ, რაც დროის გარკვეული მონაკვეთი გადალახეს, რაღაც მაგიურმა ძალამ იქ გადაისროლა.

ბლეინმა ნელა ამოისუნთქა და ჩასუნთქვა რომ დააპირა, მიხვდა, რომ სივრცე უჰაერო იყო.

თვალთ დაუბნელდა, საფეთქლები გამეტებით უცემდა, ინსტინქტური თავგანწირვით ცდილობდა, რამეს მოსჭიდებოდა, მაგრამ სიცარიელეში რას მოეჭიდებოდა.

სწორედ ამ დროს ისევ გამოჩნდა ვარდისფერი არსება, შეშინებული და დაბნეული უცხო სხეული, უცნაური სიმბოლოებისა და ციფრების ნაკრები. ამ აგონიაშიც იგრძნო ბლეინმა, როგორ წაღეკა მისი გონება არამინიერი მათემატიკის ნაკადმა.

უცბად სივრცე ჰაერით გაიჟღინთა. ბლეინმა მყარი იატაკი იგრძნო ფეხქვეშ და ჰაერში გარაჟის ნესტისა და შმორის სუნი დატრიალდა.

როგორც იქნა, სახლში დაბრუნდა, მასთან ერთად უცხო გონებაც, რადგან მისი არსებობა აღარ იგრძნობოდა. ბლეინმა მშვენივრად იცოდა, სადაც იყო მისი თბილი და მყუდრო სახლი — მის გონებაში.

გასწორდა და სხეული მოისინჯა, ყველაფერი ადგილზე ჰქონდა. ნელა გაახილა თვალები, რატომღაც — დახუჭული. ფარდულში ბნელოდა, თუმცა ისე ძალიან არა, როგორც ცოტა ხნის წინ, რადგან ჩამსხვრეულ ფანჯარაში ახლამოსული მთვარის შუქი შემოდის. ბლეინს გაახსენდა, რომ ხელში ფარანი ეჭირა.

ანთო და იმ ადგილს მიანათა, სადაც მანქანა იდგა, უფრო სწორად ის, რაც მისგან დარჩენილიყო — მისი აჩრდილი, უცნაური და არარეალური კვალი, რომელიც მომავალში წასულმა ვარსკვლავურმა მანქანამ დატოვა.

ბლეინმა თავისუფალი ხელი ასწია და ქურთუკის

სახელოთი შუბლი მოიწმინდა. როგორც იქნა, დამთავრდა. შეძლო ჩანაფიქრის შესრულება. სთოუნის მაგივრად მიაყენა დარტყმა ფინს, ხელი შეუშალა მას.

ალარ დარჩა ნივთმტკიცებულება, რომელსაც ფინი თვალსაჩინოებისთვის გამოიყენებდა ქადაგების დროს. მაგია, რომელსაც ფინი წლების მანძილზე ებრძოდა, ნიშნის მოგებითა და დაცინვით პასუხობდა.

უკან რალაც შეირხა და ბლეინი ისე მკვეთრად მოტრიალდა, რომ ფარანი ხელიდან გაუსხლტა და იატაკზე დაენარცხა.

სიბნელეში ვილაცის გულითადი ხმა გაისმა.


“შეპ, რა მაგრად გამოგივიდა ყველაფერი.”

უიმედობის მწარე გრძნობით შეპყრობილი ბლეინი ადგილზე გაქეპავდა.

ბლეინი მიხვდა, რომ რბოლა დასრულდა. დისტანცია დაფარა და ეს უკვე ფინიში იყო.

ბლეინმა, რა თქმა უნდა, იცნო ეს გულში ჩამწვდომი ხმა — რა დაავინწყებდა მას.

სიბნელეში მდგომი კაცი მისი დიდი ხნის ნაცნობი — კერბი რენდი იყო.



სიბნელეში რენდის სილუეტი შავ ლაქად მოჩანდა. რამდენიმე ნაბიჯი გადმოდგა, ფარანს დასტაცა ხელი და შემოტრიალდა, რომ მისი შუქი ვარსკვლავური მანქანისთვის მიენათებინა. ფარნის შუქმა მანქანის შუაგულში შეაღწია და მის ფონზე მტერის პატარა ნაწილაკები აცეკვდნენ.

“მშვენიერი ნამუშევარია, ვერაფერს იტყვი, — შეაქო კერბიმ, — წარმოდგენა არა მაქვს, როგორ მოახერხე ან რისთვის დაგჭირდა ამის გაკეთება, მაგრამ მაინც ყოჩაღ, კარგად გამოგივიდა.”

კერბიმ ფარანი გამოართო. ისინი ერთხანს უხმოდ იდგნენ სიბნელეში. მათი სილუეტები გარედან შემოსული მთვარის შუქს აეჭრელებინა.

“ალბათ იცი, ფიშპუკი როგორი მადლიერია შენი ამ საქმისთვის,” — მოახსენა კერბიმ.

“კარგი, გეყოფა, — უხეშად მოუჭრა ბლეინმა, — მშვენივრად იცი, ფიშპუკისთვის არ მინვალაია.”

“და მაინც, გამოდის, რომ ამ კონკრეტულ შემთხვევაში ჩვენი ინტერესები ემთხვევა. ვერც ერთი ჩვენგანი ვერ დაუშვებდა, რომ მანქანა დაკარგულიყო ან, უარეს შემთხვევაში, უღირსთა ხელში მოხვედრილიყო. გესმის, ალბათ, რასაც ვგულისხმობ.”

“მშვენივრად მესმის,” — უპასუხა ბლენმა.

რენდი ამოიოხრა: “მე, სიმართლე გითხრა, სკანდალს ველოდი, ფიშპუკს კი ყველაზე ძალიან სკანდალები არ უყვარს, განსაკუთრებით თუ არეულობა ქალაქგარეთ ხდება.”

“არავითარი არეულობა არ ყოფილა, — დამამშვიდა ბლენმა, — ფიშპუკს გადაეცი, დანყნარდეს. სანერვიულო არაფერია.”

“ძალიან კარგი, მიხარია. როგორ ხარ, შეპ?”

“არა მიშავს.”

“კარგია. ძალიან დამამშვიდე. ახლა, მე მგონი, ჯობია, აქედან წავიდეთ.”

რენდი გატეხილ ფანჯარასთან მივიდა და ბლენს გზა დაუთმო.

“მხოლოდ შენ მერე, — უთხრა მან ბლენს, — უკან მოგყვები, ოღონდ ერთი უმორჩილესი თხოვნა მექნება, გაქცევა არ სცადო.”

“ნუ გეშინია, არც მიფიქრია,” — მშრალად უპასუხა ბლენმა და ფანჯრიდან გადაძვრა.

შეეძლო, რა თქმა უნდა, გაქცეულიყო, მაგრამ თავი შეიკავა ამ უაზრო საქციელისგან. სროლაში განაფული რენდი უთუოდ შეიარაღებული იქნებოდა და, თუ დასჭირდებოდა, ისე ოსტატურად გამოიყენებდა იარაღს; რომ მთვარის მკრთალი შუქიც ვერ შეუშლიდა ხელს. და კიდევ, ჰარიეტი სროლის ხმას რომ გაიგებდა, საშველად გამოვიდოდა და მასაც თუ დაიჭერდნენ, მაშინ კი ნამდვილად დარჩებოდა მეგობრის გარეშე. ღმერთს ეხვეწებოდა, რომ ჰარიეტი ტირიფნარიდან არ გამოსულიყო. როცა ნახავდა, რაც მოხდა, ალბათ რალაცას მოიმოქმედებდა და გამოსავალს უცბად იპოვნიდა. ჰარიეტი ახლა მისი ერთადერთი იმედი იყო.

ბლენი ფანჯრიდან ჩამოხტა და გვერდზე გადავა, რენდისთვის გზა რომ დაეთმო.

რენდი მიწაზე დახტა და სწრაფი, მკვეთრი მოძრაობით

მიუბრუნდა ბლენს, როგორც მონადირე — მსხვერპლს. შემდეგ ცოტათი მოეშვა და ჩაიცინა.

"შესანიშნავი ტრიუკი გამოგივიდა, შეპ, — უთხრა აღფრთოვანებით, — მშვენივრად მოწყობილი. მერე ხომ მომიყვები, როგორ მოახერხე კოსმოსური მანქანის მოპარვა? წარმოუდგენელია."

ბლენს ლამის სუნთქვა შეეკრა მოულოდნელად მოზღვავებული განცვიფრებისგან, თან იმედი ჰქონდა, რომ რენდი მთვარის შუქზე ვერ დაინახავდა მისი სახის გამომეტყველებას.

რენდიმ მეგობრულად ჩასჭიდა ხელი მკლავში.

"მანქანა იქ დგას, გზის პირას," — თან გზისკენ მიუთითა.

ისინი ერთად დაუყვნენ მოშრიალე შამბნარს. იქაურობას განსხვავებული იერი მიეღო. სიბნელე და შიშისმომგრელი შეგრძნება გამქრალიყო და მთვარის შუქს ყველაფერი ჯადოსნური კალმით ნახატი ტილოსთვის დაემსგავსებინა. მარცხნივ ქალაქი იწვა. სახლების ბნელი სილუეტები ყორღანებს უფრო ჰგავდა, ვიდრე სახლებს, მათ შორის, აღმოსავლეთის ცის ფონზე, ბუნდოვნად მოჩანდნენ გაშიშვლებული ხეები, ვერტიკალურად ჩანყობილი მხატვრის გაბურძგნილი ფუნჯების მსგავსად. დასავლეთითა და ჩრდილოეთით ვერცხლისფრად ელვარებდა თვალუნვდენელი და მოსაწყენი პრერია, რომლის არაფრის მთქმელი, ერთფეროვანი პეიზაჟი მხოლოდ და მხოლოდ მის სიდიდეს უსვამდა ხაზს.

გზის ქვემოთ კი ტირიფნარი იწყებოდა.

ბლენმა სწრაფი მზერა ესროლა ბუჩქნარს, მაგრამ ხეების გარდა ვერაფერი შენიშნა. რამდენიმე ნაბიჯი გადადგა, შემდეგ ისევ მოიხედა და დარწმუნდა, რომ ტირიფნარში მანქანა აღარ იდგა. ჰარიეტი წასულიყო.

ყოჩაღ, გაიფიქრა ბლენმა. ჭკვიანური გადაწყვეტილებაა. ალბათ რენდი როგორც კი გამოჩნდა, მაშინვე დაძრა მანქანა.

იფიქრა, ეს ყველაზე მიზანშეწონილი საქციელი იქნებოდა, თან უფრო ნყნარად მოიფიქრებდა, რა უნდა გაეკეთებინა.

“არა მგონია, სადმე გაჩერება მოგესწრო,” — უთხრა რენდიმ ბლენს.

“მართალი ხარ, ვერ მოვასწარი.”

“საშინელი ქალაქია, — შესჩივლა რენდიმ, — ზედმეტად სერიოზულად ეკიდებიან ჯადოქრობას და მისნობას. პოლიციამ დღეს ორჯერ გამაჩერა. გამაფრთხილეს, აუცილებლად სახლში ნავსულიყავი, რომ ეს ყველაფერი ჩემივე ინტერესებისთვის კეთდებოდა.

“დაბნეულები და აღელვებულები არიან, — აუხსნა ბლენმა, — ქალაქში ლამბერტ ფინია ჩამოსული.”

“ა, ჩვენი მეგობარი ფინი?” — დაუდევრად ნამოიძახა რენდიმ.

“რა მეგობარი, არც ვიცნობ.”

“ქარიზმატული ადამიანია.”

“მის შესახებ მხოლოდ ის ვიცი, რაც ჭორად დადის.”

რენდიმ რაღაც ჩაიბურტყუნა.

“იცი რა, მოდი, ეს ღამე ფაქტორიაში გაათენე, — შესთავაზა რენდიმ, — ჩვენი თანამშრომელი დასაწოლად გიღიღას გამოგინახავს. იქნებ, ერთი ბოთლი დასალევიც გვიშოვოს. სიამოვნებით გამოვთვრებოდი.”

“არც მე ვიტყოდი უარს.”

ახლა უარის თქმას, ისევე როგორც გაქცევას, აზრი არ ჰქონდა. ამ ხალხთან შენსას ვერ გაიტანდი, უნდა დაგეცადა, სანამ შესაფერისი მომენტი დადგებოდა. ამასთანავე, ორივემ მშვენივრად იცოდა, რომ ამ, ერთი შეხედვით, უწყინარ თამაშს შეიძლება სასიკვდილო შედეგიც მოჰყოლოდა.

ყველაფრის მიუხედავად, ბლენს უკვირდა, საერთოდ რატომ ნერვიულობდა. რამდენიმე კვირის არყოფნის შემდეგ, იცოდა, რომ ფიშპუკი მიმზიდველ ადგილად მოეჩვენებოდა. კალიფორნიის პანსიონატშიც რომ გაეგზავნათ, იმას მაინც ემჯობინებოდა, მისურის სანაპირო ქალაქში რაც ელოდა.

გზის პირას მდგარ მანქანას მიუახლოვდნენ. ბლენმა რენდის აცალა საჭესთან დაჯდომა, შემდეგ თვითონაც ჩაჯდა.

რენდიმ მანქანა დაქოქა, მაგრამ ფარები არ აუნთია, გზაზე გადაუხვია და ქალაქისკენ გაემართა.

"პოლიცია არაფრის მაქნისია, ხალხის დაპატიმრების გარდა, სხვა არაფერი ეხერხება. აზრი არა აქვს მათთან ურთიერთობას, თავი შორს უნდა დაიჭირო, თუ მოახერხებ, რა თქმა უნდა."

"მართალი ხარ," — დაეთანხმა ბლენი.

რენდი ქალაქის ცენტრს მოერიდა, გარეუბნებით შევიდა, ვინრო ქუჩა გაიარა და მანქანა სადგომზე გააჩერა.

"მოვედით, — გამოაცხადა, — ნამო, დავლიოთ."

მის კაკუნზე კარი გაიღო და ისინი ფაქტორიის უკანა ოთახში აღმოჩნდნენ. ბლენმა შენიშნა, რომ ოთახის უმეტესი ნაწილი სათავსოს მაგივრობას სწევდა, მხოლოდ ერთი პატარა კუთხე გამოიყენებოდა საცხოვრებლად. ოთახში სანოლი, მაგიდა და ღუმელი იდგა. მასიურ ქვის ბუხარში ცეცხლი გიზგიზებდა, მის გარშემო კი მოხერხებული სავარძლები შემოეწყობო.

ფაქტორიის წინა ნაწილში გამავალ კართან უზარმაზარი ყუთი აღმართულიყო. თუმცა ბლენს არასოდეს ენახა ის, მაშინვე მიხვდა, რომ ტრანსო იყო, მანქანა, რომლის მეშვეობითაც მატერიის გადატანა ხდებოდა. ამ მანქანის წყალობით ფაქტორიები მსოფლიოს ყველა ნაწილში დაარსდა და ფიშპუკმა დიდი ეკონომიკური სარგებელი ნახა. ტრანსო-მანქანის მეშვეობით ფაქტორიის ნებისმიერ შეკვეთას მომენტალურად აკმაყოფილებდნენ.

სწორედ ამ მანქანას ახსენებდა დალტონი შარლინის წვეულებაზე, მანქანა, რომელიც მთელ სატრანსპორტო სისტემას გამოუთხრიდა ძირს, თუკი ფიშპუკი დანერგავდა.

რენდიმ ერთ-ერთ სავარძელზე მიუთითა: "მოეწყვე,

როგორც მოგიხერხდება. გრანტი სასმელს დაგვისხამს, არა, გრანტ?"

გრანტს გაელიმა: "რა თქმა უნდა, დაგისხამთ. ასეთ მიყრუებულში სასმლის გარეშე რამ უნდა გააძლებინოს კაცს."

ბლენი ბუხართან მდგარ სავარძელში მოკალათდა, რენდი კი მის გვერდით მოეწყო და ხელები მოიფშენიჭა.

"ბოლოს რომ ვნახეთ ერთმანეთი, მაშინაც ერთად ვსვამდით, — გაიხსენა რენდიმ, — მგონი, ცუდი აზრი არ იქნება, ჩვენი ხელახალი შეხვედრაც სასმლით აღგვენიშნა."

ბლენი დაიძაბა, მახეში გაბმულივით გრძნობდა თავს, მაგრამ არაფერი უთქვამს, მხოლოდ ჩაიციინა.

"შენ იცი, რამდენი წუთი იყო მაშინ ჩემს განკარგულებაში? — ჰკითხა ბლენიმა, — სულ რაღაც საცოდავი რვა წუთი."

"გეშლება, შეპ. ზუსტად ოცი წუთი გქონდა. ბიჭებმა ცოტათი დააგვიანეს ფირის ამოღება."

"ფრედი? ვინ იფიქრებდა, რომ ფრედი შენთან მუშაობდა?"

"ჩემთან ისეთი ხალხი მუშაობს, გაგიკვირდება."

ერთხანს ისხდნენ უხმოდ აგიზგიზებულ ბუხართან და ერთმანეთს აკვირდებოდნენ.

"შეპ, — დაარღვია სიჩუმე რენდიმ, — ამიხსენი რა, თავ-ბოლო ამერია. იქ, პლეადების იქით, რაღაც რომ აღმოაჩინე, როგორ მოახერხე მისი ჩაკეტვა?"

"ჩაკეტვა?"

"ჰო, ჩაკეტე და საკმაოდ ოსტატურადაც. მაშინვე მივხვდით, რომ რაღაც იცოდი და იქ ხალხი გავგზავნეთ. შენი ქმნილება იპოვეს, ზის იქ და ხმას არ იღებს. ცდილობდნენ, აელაპარაკებინათ, მაგრამ უშედეგოდ, ვითომ არაფერი ესმის. როგორ მოახერხე..."

"ძმობა, — აუხსნა ბლენიმა, — ერთმანეთს ძმობა შევფიცეთ. შენ ამას ვერ გაიგებ."

"მე მგონი, გავიგებ. შეპ, ადამიანი ხარ თუ უცხო?"

"შემამონმე და შენ თვითონვე ნახავ."

რენდის შეაკანკალა: "არა, გმადლობ. მთელი გზა შენს კვალს დავდევი, ფრედით დაინყო და რაც უფრო შორს მიდიოდა, მით უფრო იხლართებოდა."

"ახლა რას აპირებ?"

"ჯანდაბა, წარმოდგენა არა მაქვს."

გრანტმა ბოთლი და ორი ჭიქა მოიტანა.

"შენ არ სვამ?" — ჰკითხა რენდომ.

გრანტმა თავი გააქნია უარის ნიშნად: "რალაც მაქვს გადმოსატვირთი, ასე რომ, თქვენის ნებართვით..."

"კი, ბატონო, — ნება დართო რენდომ, — მიხედვე შენს საქმეს. ერთი რამ უნდა გკითხო."

"რა არის, სერ?"

"ხომ შეიძლება, მისტერ ბლეინმა აქ ღამე გაათიოს?"

"როგორ არა, მაგრამ ეს რომ მაინცდამაინც კომფორტული ღამის გასათევი არ არის?"

"არა უშავს," — უპასუხა ბლეინმა.

"ჩემს ლოგინს შემოგთავაზებდით, მაგრამ არც ის არის უკეთესი..."

"არა, გმადლობ."

"საბანს მოგიტანთ და იატაკზე გაგიშლით ლოგინს. დამიჯერეთ, სანოლს ეს სჯობს."

"არა აქვს მნიშვნელობა. დიდი მადლობა."

რენდომ ბოთლი აიღო და გახსნა.

"საბანს ცოტა ხანში მოგიტანთ," — უთხრა გრანტმა, ოთახიდან გავიდა და კარი ფრთხილად გაიხურა.

რენდომ სასმელი ჩამოასხა.

"პრინციპში, — აღნიშნა, — თუ არ გინდა აქ გაჩერება, შეგიძლია, წახვიდე."

"მართლა?"

"მე ფიშპუკში ვბრუნდები. ტრანსოთი. წამოხვალ?"

ბლეინს ხმა არ ამოუღია. რენდომ ჭიქა მიანოდა.

"რას იტყვი?" — ჰკითხა.

ბლეინს გაეცინა: "რა მარტივად უყურებ ყველაფერს."

“შეიძლება,” — დაეთანხმა რენდი.

სასმელი მოსვა და სავარძელზე გადაწვა.

“არამინიერი გონება, მესმის — ამ პროფესიული რისკის წინაშე ნებისმიერი მკვლევარი შეიძლება აღმოჩნდეს, მაგრამ ვარსკვლავური მანქანის ამბავი ვერაფრით გამიგია, რა შუაშია? ალბათ სთოუნთან იყავი შეკრული.”

“სთოუნი მკვდარია, არ იცი?”

“არა, პირველად მესმის,” — თქვა რენდიმ, მაგრამ მისი სიტყვები ნაკლებად დამაჯერებლად ჟღერდა.

და უცბად რენდის ლაპარაკის ტონით თუ ინტუიციით, ბლეინი მიხვდა, რომ მისთვის მნიშვნელობა არ ჰქონდა, სთოუნი მკვდარი იყო თუ ცოცხალი. არც ის ანაღვლებდა, რომ ბოროტი ზრახვებით სავსე ლამბერტ ფინი ქალაქში თავისუფლად დასეირნობდა. ანდა, უფრო მეტიც, შეიძლება რენდი ძალიანაც კმაყოფილი იყო, რომ სთოუნი მოიშორეს. ალბათ ფინის შეხედულებების დიდ ნაწილსაც ეთანხმებოდა, რადგან ფიშპუკის მონოპოლია გამორიცხავდა სხვა პარაკინეტიკოსების არსებობას, ნორმალურ მსოფლიოს ეფუძნებოდა და იმ მილიონობით ადამიანზე იყო დამოკიდებული, რომლებიც ფიშპუკს ვარსკვლავებთან დამაკავშირებელ ერთადერთ ძალად მიიჩნევდნენ და დიდი ალტაცებით ეტანებოდნენ იმ უცხო ნივთებს, ფიშპუკს შორეული პლანეტებიდან რომ ჩამოჰქონდა. ასე რომ, ფიშპუკს და რენდის, — მთელი სიმნარით გაისიგრძეგანა ბლეინმა, — ალბათ, დიდი სურვილიც აქვთ, რომ ფინის ჯვაროსნულმა ლაშქრობამ დასახულ მიზანს მიაღწიოს.

თუ ეს მართლა ასეა, ნუთუ სთოუნის სიკვდილში თავად ფიშპუკს მიუძღვის ბრალი და არა ფინს?

ბლეინი ამ შემზარავი ფიქრის თავიდან მოშორებას შეეცადა, მაგრამ ის ჯიუტად იპყრობდა მის გონებას. მდგომარეობა გაცილებით უფრო შორს მიდიოდა, ვიდრე ფინსა და სთოუნს შორის არსებული უბრალო შუღლი.

ამ შემთხვევაში ყველაზე ჭკვიანური სვლა ვარსკვლავურ

მანქანასთან ყოველგვარი კავშირის უარყოფა იქნებოდა. ალბათ ჯობდა, თავიდანვე ასე მოქცეულიყო, მაშინ, როცა რენდიმ პირველად ახსენა ის ფარდულში. სიმართლე რომ ეთქვა და ელიარებინა, რომ მანქანის არსებობის შესახებ მხოლოდ რამდენიმე საათის წინ შეიტყო, შესაძლო გარიგებისთვის ხელსაყრელ მომენტს ხელიდან გაუშვებდა, ალბათ რენდი არც დაუჯერებდა, რადგან რაილის ფურგონით მგზავრობდა, მას კი მექსიკიდან მოყოლებული მთელი გზა გადაჰქონდა ეს ტვირთი.

"ისე დიდი დრო კი დახარჯე, ჩემამდე რომ მოგეღწია. რა არის, რენდი, მაძებარის ნიჭი დაკარგე, თუ უბრალოდ მეთამაშებოდი?"

"შენი კვალი დავკარგეთ, — დაუბღვირა რენდიმ, — იმ ქალაქში ჩამოგვშორდი, სადაც ჩამოხრჩობას გიპირებდნენ."

"შენ რა, იქ იყავი იმ ღამეს?"

"პირადად მე არა, ხალხი მყავდა იქ."

"და თქვენ უფლებას მისცემდით, ჩამოვეხრჩვე?"

"ამასთან დაკავშირებით აზრები გაიყო, მაგრამ გადანყვეტილების მიღებისგან შენ თვითონვე გაგვათავისუფლე."

"მე რომ არ..."

"ალბათ შენს ჩამოხრჩობას დავანებებდით. რა თქმა უნდა, შეგვეძლო, დაგვეხსენი და შენი მეშვეობით ჩაგვეგდო ხელში ვარსკვლავური მანქანა, მაგრამ იმ მომენტში დარწმუნებული ვიყავით, რომ ჩვენ ზვითონვე ვიპოვნიდით."

რენდიმ ჭიქა მაგიდაზე დაახეთქა: "მაინც რა გიჟური ჩანაფიქრი იყო, — იღრიალა მან, — იმ უანგიანი მანქანით ასეთი აპარატის თრევა, რა ჯანდაბამ..."

"რა არის აქ გაუგებარი? — უპასუხა ბლეინმა, — პასუხი შენც მშვენივრად იცი. არავის მოუვიდოდა აზრად, ვარსკვლავური მანქანა რაილის უანგიან ფურგონში ეძებნა. ასეთ სისულელეს ვინ ჩაიდენდა? ხომ იცი, რაიმე ძვირფას

ნივთს რომ მოიპარავ, მაშინვე უნდა გადამალო და რაც შეიძლება შორს..."

"ეგ ყველამ იცის," — უპასუხა რენდომ.

ბლენის შეხედა და მის სახეზე ღიმილი რომ დაინახა, მასაც გაეღიმა.

"შეპ, მოდი, სიმართლე მითხარი. ჩვენ ხომ კარგი მეგობრები ვიყავით. შეიძლება ახლაც, ყველაფრის მიუხედავად, მეგობრებად ვრჩებით."

"რისი გაგება გინდა?"

"სულ ახლახანს ის მანქანა სადღაც გადაიტანე."

ბლენმა თანხმობის ნიშნად თავი დაუქნია.

"და ალბათ მისი დაბრუნებაც შეგიძლია."

"არა, — უპასუხა ბლენმა, — დარწმუნებული ვარ, ეს შეუძლებელია. ერთი ადამიანის გასამწარებლად გავაკეთე."

"ეს ადამიანი მე ვარ?"

"შენ არა, ლამბერტ ფინი"

"როგორც გატყობ, ფინი მაინცდამაინც გულზე არ გეხატება."

"ფინს არც ვიცნობ."

რენდომ ბოთლი აიღო და ჭიქები შეავსო, შემდეგ ნახევარი ჭიქა გამოცალა და წამოდგა.

"ჩემი წასვლის დროა, — თქვა მან და თან საათზე დაიხედა, — მალე შარლინის წვეულება იწყება, ვერაფრით ვერ გამოვტოვებ. დარწმუნებული ხარ, რომ არ გინდა წამოსვლა? შარლინს გაუხარდება შენი ნახვა."

"არა, გმადლობ. აქ დავრჩები. ფრედი მომიკითხე."

"ფრედი ჩვენთან აღარ მუშაობს."

ბლენი წამოდგა და რენდისთან ერთად ტრანსოს მიუახლოვდა. რენდომ კარი გააღო. ტრანსოს შიდა ნაწილი სატვირთო ლიფტს ჰგავდა.

"რა სამწუხაროა, რომ კოსმოსში ამის გამოყენება არ შეგიძლია. ეს რამდენი მუშახელის ეკონომიას გავვიკეთებდა."

“ალბათ ამაზე, უკვე კარგა ხანია, მუშაობთ.”

შეა უნდა, ახლა მთავარია, მართვის სისტემა შევიმუშაოთ.”

რენდიმ ბლეინს ხელი გაუწოდა; “კარგად, შეპ. შეხვედრამდე.”

“კარგად, კერბი, — დაემშვიდობა ბლეინი, — იმედია, აღარ შეხვედებით.”

რენდიმ ჩაიციხა, აპარატში ჩაჯდა და კარი მიიხურა. შუქები არ ანთებულა, არც ძრავას დაუწყია გუგუნნი. ნეტა რაზე მუშაობდა ეს აპარატი?

და მიუხედავად ამისა, კერბი რენდი უკვე ფიშპუკში იყო.

ბლეინი ტრანსო-მანქანას მოსცილდა და ბუხრის პირას თავის ადგილს დაუბრუნდა.

კარი ფართოდ გაიღო და ოთახში გრანტი შემოვიდა. ხელზე ზოლიანი მოსასხამი ჰქონდა გადაკიდებული.

“ეს გამოგადგებათ, — შესთავაზა ბლეინს, — სულ დამავინცდა, რომ მქონდა.”

მოსასხამი გაშალა და დაფერთხა.

“ხომ ლამაზია?” — იკითხა აღფრთოვანებით.

მართლა ლამაზი იყო. რაღაც უჩვეულო ბენვისგან შეკერილი მოსასხამი ცეცხლის შუქზე ისე ბზინავდა, თითქოს ვინმეს ოქროს ქვიშა გაებნია ზედ. მუქი ყვითელი ფერის იყო, შავი დიაგონალური ზოლებით, უფრო აბრეშუმს ნააგავდა, ვიდრე ბენვს.

“რამდენი წელია, აქ გდია, — ამცნო გრანტმა, — ეს ერთმა კაცმა შეუკვთა. მდინარის პირას ჰქონდა კარავი გაშლილი. ფიშპუკს ცოტა გაუჭირდა ამის მაშინვე შოვნა, მაგრამ, როგორც მოგეხსენება, ფიშპუკისთვის შეუძლებელი არაფერია.”

“ჰო, ვიცი,” — დაეთანხმა ბლეინი.

“ის კაცი მას მერე აღარ გამოჩენილა. მოსასხამი ისე მომეწონა, უკან აღარ გამიგზავნია. როგორც საქონელი, ისე ვინახავ, თითქოს გასაყიდად, მაგრამ სინამდვილეში, რა თქმა

უნდა, არ გავყიდი. მოსასხამის ყიდვის მსურველი ამ გადავალტყავებულ ქალაქში, სიმართლე გითხრა, არც მეგულება."

"რა არის ეს?"

"ეს არის მსოფლიოში ყველაზე თბილი, ყველაზე მსუბუქი და რბილი ბენვი. საძილე ტომარას მაინც სჯობს."

"ამას ვერ დავიფარებ. უბრალო საბანი მომიტანეთ..."

"გამომართვით, ძალიან გთხოვთ. ისედაც უხერხულად ვგრძნობ თავს, ასეთ პირობებში რომ გამასპინძლობთ. მაგრამ თუ მეცოდინება, რომ ეს მდიდრული ბენვი გახურავთ..."

ბლენმა გაიცინა და ხელი გაუნოდა.

"კარგი, გამოგართმევ. დიდი მადლობა."

გრანტმა ბლენს ბუმბულივით მსუბუქი მოსასხამი მიაწოდა.

"ახლა უნდა დაგტოვოთ, თქვენის ნებართვით, — მოუბოდიშა გრანტმა, — სადაც მოგიხერხდებათ, იქ მოენყვეთ."

"როგორც გინდათ. ამ ჭიქას დალევ და დავიძინებ. ხომ არ შემომიერთდებით?"

"მოგვიანებით, — მიუგო გრანტმა, — ძილის წინ ერთ ჭიქას ყოველთვის ვსვამ ხოლმე."

"მაშინ ბოთლს დაგიტოვებთ."

"ღამე მშვიდობისა, სერ. ხვალამდე."

ბლენი ბუხარს დაუბრუნდა და სავარძელში ჩაჯდა, მოსასხამი კალთაში დაიდო. ხელი გადაუსვა, რბილი და თბილი ბენვი ცოცხალის შთაბეჭდილებას ტოვებდა.

ბლენი ვისკის წრუპავდა და თან რენდიზე ფიქრობდა.

სთოუნი ცდებოდა, ყველაზე საშიშ პიროვნებად ფინი რომ მიაჩნდა. რენდიზე საშიში მაინც ვერ იქნებოდა. მას მტაცებელი ცხოველის, მეძებარი ძაღლის ყნოსვა ჰქონდა და ფიშპუკის პოლიტიკას საღვთო რჯულივით ატარებდა. ის, ვისაც ფიშპუკი მტრად გამოაცხადებდა, რენდის რისხვას ვერ გადაურჩებოდა.

და მაინც, საინტერესოა, რატომ არ მოსთხოვა ბლეინს მასთან ერთად წასვლა. ისე, სხვათა შორის და ზერელედ დაპატიჟა, თითქოს ეს მიპატიჟება მხოლოდ სოციალურ ხასიოს ატარებდა და ბლეინის უარს არავითარი წყენა და გაბრაზება არ მოჰყვებოდა. რენდის არც ძალის გამოყენება უცდია, რაც, ბლეინის აზრით, იმით იყო გამოწვეული, რომ მას საქმის ვითარება ბოლომდე ვერ გაერკვია. ბლეინის კვალს რომ მიჰყვებოდა, უდავოა, გზადაგზა ისეთ რამეებს გადაწყვეტებოდა, ბლეინის ფარულ შესაძლებლობებში დაარწმუნებდა.

ასე რომ, როგორც ჩანს, აუჩქარებელი და ფრთხილი ტაქტიკა აირჩია და ცდილობდა, დაინტერესება არ შეემჩნია. ბლეინმა მშვენივრად იცოდა, რომ რენდი სულაც არ ჰგავდა ისეთ კაცს, ადვილად რომ დანებდებოდა.

ეჭვი არ ეპარებოდა, რომ რენდის რაღაც ჰქონდა ჩაფიქრებული, მაგრამ რა, არ იცოდა.

ერთი რამ ცხადია — მახე მისთვის უკვე დაეგოთ.

ბლეინი სავარძელში იჯდა და უხმოდ სვამდა ვისკის, ჭიქაში რომ ესხა.

შეიძლება, შეცდომასაც უშვებს, ფაქტორიაში რომ რჩება. უკეთესი ხომ არ იქნებოდა, ამდგარიყო და ახლავე დაეტოვებინა აქაურობა? იქნებ, რენდიც ზუსტად ასეთ საქციელს მოელის და მახე ოთახში კი არა, სადმე გარეთ არის დაგებული, შეიძლება ეს ოთახი ამჟამად ყველაზე უსაფრთხო ადგილია მისთვის ღამის გასათევად.

ბლეინს თავშესაფარი სჭირდებოდა, ძილით მაინცდამაინც არ ეძინებოდა. რა მოხდებოდა, აქ რომ დარჩენილიყო და არ დაეძინა, უბრალოდ, იატაკზე დანვებოდა მოსასხამში გახვეული, გრანტს მძინარედ მოაჩვენებდა თავს და თვალს არ მოაშორებდა, რადგან ამ ოთახში მახეს, გრანტის გარდა, ვერავინ დააგებდა.

ჭიქა დაცალა და მაგიდაზე დადო რენდის ჭიქის გვერდით, სადაც ისევ ესხა სასმელი. შემდეგ ჭიქებს ბოთლი მიუდგა და

ორი ჭიქისა და ერთი ბოთლისგან შემდგარი კომპლექტი გამოვიდა. ბლენმა მოსასხამი ხელზე გადაიკიდა და ბუხრისკენ დაიძრა. საჩხრეკი მოძებნა და შეშის ნაჭრები ერთად მიანყო, ცეცხლი რომ გაელვოვებინა.

გადანყვიტა, ბუხრის წინ გაეშალა ლოგინი, ასე ცეცხლის შუქი მას კი არ დაეცემოდა, არამედ ოთახს გაანათებდა.

ბლენმა მოსასხამი გულდასმით გაშალა იატაკზე, ქურთუკი გაიხადა, დაკეცა და თავქვეშ დაიგო, შემდეგ ფეხსაცმელები გაიხადა და ქვეშაგებზე მიწვა. მოსასხამი ლეიბივით რბილი და ფაფუკი აღმოჩნდა, მიუხედავად იმისა, რომ სისქე აკლდა. მისი მეორე ბოლო გადმოიხურა და საძილე ტომარასავით შემოისხა. ასეთი მყუდრო და ტკბილი ლოგინი ბავშვობის მერე არ ჰქონია, როცა თავის ოთახში ზამთრის ყინვიან საღამოს რბილ საბანში გაეხვეოდა ხოლმე.

ბლენი იწვა და საწყობში გამეფებულ სიბნელეს მიშტერებოდა, ბუნდოვნად მოჩანდა კასრების, ტომრებისა და ყუთების კონტურები. ოთახში სიჩუმე გამეფებულიყო, რომელსაც დროდადრო ცეცხლის ტკაცატკუცი არღვევდა. მოულოდნელად ბლენმა სუსტი არომატი შეიგრძნო, რომელიც მთელ ოთახს მოსდებოდა. ასეთი ამოუცნობი სურნელი მხოლოდ არაამქვეყნიურ საგნებს ახასიათებს. ის არ იყო არც მძაფრი, არც ეგზოტიკური, არც გამომწვევი, მაგრამ მაინც ასეთ სურნელს დედამიწაზე ვერ შეხვდებით, უცხო პლანეტაზე წარმოქმნილი სუნელების, ქსოვილების, ხისა და საკვების ნაზავ სურნელს წარმოადგენდა. აქ, ფაქტორიაში, ამ პროდუქციის ალბათ მცირე მარაგი თუ მოიძებნებოდა, იმდენი, რამდენიც ამ ერთ პატარა ფაქტორიას ეყოფოდა, მაგრამ მის უკან ფიშპუკის გრანდიოზული საწყობები და რეზერვუარები იდგა, საიდანაც ტრანსო-მანქანის მეშვეობით ყოველ წუთს შეიძლებოდა ნებისმიერი რაოდენობის ტვირთის გადმოტანა.

მაგრამ ეს ვარსკვლავებიდან ჩამოტანილი ნივთები მხოლოდ უმნიშვნელო ნაწილს წარმოადგენდა, ნაწილს იმისა, რისი ყიდვა, რისი ფლობაც შეეძლოთ.

ამ პროდუქციის მიღმა ფიშპუკის ნადვილი საიდუმლო, მისი ყველაზე ნაკლებად რეალიზებული შესაძლებლობები იმალებოდა. სინამდვილეში, ფიშპუკის მთავარ ფუნქციას კოსმოსური სიღრმეებიდან მიღებული ცოდნისა და იდეების შეგროვება და შენახვა წარმოადგენდა. ამ იდეებს ფიშპუკის უნივერსიტეტებში მსოფლიოს ყველა კუთხის მეცნიერები სწავლობდნენ, ცდილობდნენ აქ თავმოყრილი ცოდნის დახარისხებას, ერთმანეთთან დაკავშირებასა და, ზოგიერთ შემთხვევაში, მის გამოყენებასაც. მომავალში სწორედ ამ კედლებში მიღებული და დამუშავებული ცოდნა და იდეები განსაზღვრავდა კაცობრიობის ბედსა და მისი განვითარების კურსს.

მაგრამ ამ ყველაფრის მიღმა კიდევ ერთი რამ იმალებოდა. ხალხისთვის ხელმისაწვდომი ინფორმაციისა და ცოდნის გარდა, არსებობდა კიდევ საიდუმლო ფაილები, რომლებიც ამ კვლევის ზოგიერთ შედეგს მოიცავდნენ. ეს დოკუმენტაცია ცეცხლგამძლე სეიფებში, ცხრაკლიტულში ჩაეკეტათ ან, უკეთეს შემთხვევაში, მხოლოდ ნდობით აღჭურვილ ჯგუფებსა და გარკვეულ პირებს ჰქონდათ მათი ნახვის უფლება.

ფიშპუკი ვერ დაუშვებდა, საკუთარი და საკაცობრიო ინტერესებიდან გამომდინარე, რომ ამ ინფორმაციის თუნდაც მცირედი ნაწილი გარეშე პირთათვის გამხდარიყო ცნობილი.

წარმოიშვა ახალი მეთოდები, პრინციპები, იდეები, როგორც გინდათ, ისე უწოდეთ მათ. ზოგიერთი, სავსებით მისაღები თავისი სოციალური სტრუქტურით, ადამიანის ცნობიერებასა და წარმოსახვაში ვერ ჯდებოდა, ის ვერ გაიზიარებდა მათ. ზოგიერთს, სავსებით პრაქტიკულსა და გამოყენებადს, შესაძლებელია, ისეთი გვერდითი ეფექტები ჰქონოდა, რომლებიც უარყოფითად იმოქმედებდნენ ადამიანის აზროვნებაზე. ამიტომ, სანამ საზოგადოების კულტურულ ცხოვრებაში დანერგავდნენ, აუცილებლად

დეტალურად უნდა შეესწავლათ და გამოეცადათ. და ბოლოს არსებობდა პროგრესული, რევოლუციური და სავსებით მისაღები იდეები, რომელთა დანერგვა მომდევნო ასი წლის მანძილზე არ შეიძლებოდა, იმდენად წინ უსწრებდა კაცობრიობის განვითარებას. ადამიანს მთელი საუკუნე სჭირდებოდა, მას რომ დასწეოდა.

ალბათ ესეც სთოუნის მიერ წამოწყებული ჯვაროსნული ლაშქრობის ერთ-ერთი მიზეზი გახლდათ. მის 'იზანს კი იმ პარანორმალური ადამიანების ფიშპუკის მონოპოლიისგან გათავისუფლება წარმოადგენდა, რომლებიც ფიშპუკის მიღმა დარჩნენ და რომელთაც სთოუნი იმ მიღწევების ძირითად მემკვიდრეებად მიიჩნევდა. სწორედ მათი განსაკუთრებული უნარების წყალობით მიაღწია ფიშპუკმა ჩვეულებრივი გონებისათვის მიუწვდომელ წარმატებას.

ამ შემთხვევაში ბლეინი სთოუნის აზრს იზიარებდა, პარანორმალური კინეტიკის ყველა მიღწევას არ უნდა აკონტროლებდეს მხოლოდ და მხოლოდ ერთი მონოპოლია, რომელსაც საუკუნოვანი არსებობის განმავლობაში თავისი პირვანდელი ფუნქცია დაეკარგა და არნახული კომერციული სარგებლის ქარცეცხლში გახვეულიყო.

პარაკინეტიკა კაცობრიობის მიღწევას წარმოადგენდა. ის ხალხს ეკუთვნოდა და არა რომელიმე კონკრეტულ დაჯგუფებას ან კორპორაციას, ანდა მის დამაარსებელსა და შთამომავალს. მისი ჩამოყალიბება და რეალიზაცია ვერ ჩაითვლებოდა მხოლოდ ერთი პიროვნების ან დაჯგუფების მიღწევად, ის ხალხის საკუთრება, სახალხო ფენომენი გახლდათ. პარაკინეტიკა ისეთ ბუნებრივ რესურსებს ჰგავდა, როგორიცაა წყალი, ტყე, ჰაერი, რომლებიც მთელ კაცობრიობას ეკუთვნის.

ბუხარში შეშა ჩაინვა და ტკაცანით დაიშალა ნაკვერჩხლებად. ბლეინი ბუხრისკენ მიბრუნდა, ცეცხლისთვის რომ შეეხედა — უფრო სწორად, ეცადა. მიბრუნებულიყო.

მაგრამ თავის განძრევაც ვერ შეძლო.

მოსასხამი ისე მჭიდროდ შემოხვეოდა, რომ ადგილიდან ვერ იძვროდა.

ბლეინმა ხელების გათავისუფლება და მოსასხამის მოშვება სცადა, მაგრამ ვერც ერთი მოახერხა და ვერც მეორე.

გრძნობდა, რომ მოსასხამი უფრო მჭიდროდ ეკვროდა.

გაოგნებული ბლეინი სხეულის დაძვრასა და წამოდგომას ცდილობდა, მაგრამ — უშედეგოდ.

მოსასხამი მას ნაზად, მაგრამ ჯიუტად ჩასჭიდებოდა.

ნებისმიერ თოკზე უფრო მაგრად აბამდა. უცბად მოსასხამი გიჟის პერანგად იქცა, რომელმაც თავისი მარნუხები შემოახვია და იატაკზე მიაკრა.


ბლეინი ზურგზე იწვა გაუნძრევლად, შიშის სიცივეს შეეპყრო და გრძნობდა, როგორ ჩამოელვარა ოფლი შუბლიდან თვალებში.

აი სად ყოფილა ხაფანგი დაგებული.

ბლეინმა იცოდა ამის შესახებ.

ცდილობდა, ფხიზლად ყოფილიყო.

მაგრამ მაინც საკუთარი ხელით შემოიხვია მახე, ისე, რომ აზრზეც ვერ მოვიდა.



სანამ ტრანსოში ჩაჯდებოდა, რენდიმ ხელი ჩამოართვა ბლენის და მხიარულად და თავდაჯერებულად დაემშვიდობა. ჰქონდა კიდევაც ამის საბაბი, — სინანულით გაიფიქრა ბლენმა, — რადგან რენდიმ მისი ყველა სავარაუდო ნაბიჯი თავიდანვე დეტალურად გათვალა. ყველაფერი იდეალურად დაგეგმილი სცენარის მიხედვით მიდიოდა. ამაზე უკეთეს ხერხს ვერც მოიფიქრებდა მოულოდნელობით აღსავსე ადამიანის დასაკავებლად, რომელსაც შიშნარევი ეჭვით უყურებდა.

ბლენი გაუნძრევლად იწვა იატაკზე, გარს მარნუხებივით შემოჭერილ მოსასხამის კალთებს იატაკზე მიეჯაჭვა და ამოსუნთქვის საშუალებას არ აძლევდა. სინამდვილეში ამას მოსასხამსაც ვერ დაარქმევდით — ეს ფიშპუკის ერთ-ერთი გამოგონება გახლდათ, რომელსაც ის, საკუთარი მიზნებიდან გამომდინარე, განსაკუთრებული შემთხვევისთვის ინახავდა საიდუმლოდ, დარწმუნებული იმაში, რომ ასეთი შემთხვევა ადრე თუ გვიან მაინც მოხდება.

გონება დაძაბა, მაგრამ ამ ქმნილების მსგავსი ვერაფერი იპოვა. ის ალბათ უფრო რომელიღაც პარაზიტს ჰგავდა, მთელი საუკუნე მშვიდად და აუღელვებლად ნოლა რომ

შეეძლო და როგორც კი ცოცხალი არსების თბილ შეხებას იგრძნობდა, მაშინვე გამოფხიზლდებოდა.

ამჟამად მისი მსხვერპლი თავად ბლეინი იყო და სულ მალე ეს ბენვის მოსასხამი მის შთანთქმას ან სხვა რაიმე მეთოდით ათვისებას დაიწყებდა. წინააღმდეგობის განევას, იცოდა, აზრი არ ჰქონდა, იმიტომ, რომ სხეულის თითოეულ მოძრაობაზე მოსასხამი უფრო და უფრო მჭიდროდ ეკეროდა.

კიდევ ერთხელ ჩაიხედა საკუთარი გონების სიღრმეებში და მოულოდნელად აღმოაჩინა ის, რასაც ეძებდა — ბნელი, უღიმღამო, ხშირი და ერთმანეთში გადახლართული მცენარეული საფარით მოცული, გაურკვეველი ჯიშის მცოცავი, მხოხავი და მოფარფატე ბინადრებით დასახლებული ქაოტური პლანეტა, მეხსიერების ბურუსით მოცული სიღრმეებიდან მომზირალი საზარელი ადგილი. მაგრამ ყველაზე მეტად ის ფაქტი აოცებდა, რომ მაშინაც კი, როდესაც ამ შორეულ მოგონებებს უხმობდა გონებრივი არქივებიდან, სრულიად დარწმუნებული იყო, რომ ისინი მის საკუთრებას არ წარმოადგენდნენ. ბლეინი არც არასდროს ყოფილა იმ პლანეტაზე და არც არავის დასცდენია სიტყვა მის შესახებ. შეიძლება ეს რომელიმე დიმენსიონს მეშვეობით გადაიტანა და გონებაში ღრმად ჩაფლული განცდა მხოლოდ ახლა ამოტივტივდა.

ბუნდოვანი სურათი თანდათან მკაფიო გამოსახულებას იძენდა, თითქოს ვიღაც უხილავი ფოტოგრაფი მის გონებაში ობიექტივს ასწორებდა და ბლეინი წარმოუდგენელი სიცხადით ხედავდა ამ ქაოტური ჯუნგლების ბინადართა ცხოვრების თითოეულ გამოგნებელ და შემზარავ დეტალს. ეს ამაზრზენი, მხოხავი არსებები უგუნური და ბნელით მოცული ადამიანისთვის დამახასიათებელი შემაშფოთებელი სისასტიკით გამოირჩეოდნენ და მხოლოდ სიძულვილი და პირველყოფილი შიმშილის გრძნობა ამოძრავებდათ.

ბლეინი ამ ახალაღმოჩენილი პლანეტის კოშმარს გაექვავებინა. ეგონა, თითქოს მისი ერთი ნაწილი ოთახში

ბუხრის პირას იწვა, ხოლო მეორე საზარელ ჯუნგლებში იდგა და იქ გამეფებულ საშინელებას მთელი არსებით ებრძოდა.

მოულოდნელად მას, უფრო სწორად, უცხო პლანეტაზე მყოფ მის მეორე ნაწილს შრიალი შემოესმა, ზევით აიხედა და უცნაური მოყვანილობის, მახინჯი და ეკლიანი ხე შენიშნა. მის ერთ-ერთ ტოტზე ალმასის მტვრით მოსილი ბენვის მოსასხამი ჩამოზრდილიყო, რომელიც ეს-ესაა ტოტს მოსწყდებოდა და თავზე დაეცემოდა.

ბლეინმა იყვირა ან მოეჩვენა, რომ იყვირა და მოულოდნელად ეს ამაზრზენი პლანეტა, თავისი ბინადრებითურთ, აორთქლდა, თითქოს უხილავმა ხელმა პროექტორის ობიექტივი ფოკუსიდან გადაიტანა.

კიდევ ერთხელ დაბრუნებოდა საკუთარ სამყაროს, ფაქტორიას, ბუხრის პირს. კუთხეში ტრანსო-მანქანა მოჩანდა. უცებ კარი გაიღო და ოთახში გრანტი შემოვიდა.

გრანტმა ფრთხილად დახურა კარი, თავისი ზორბა და მასიური ტანი მოაბრუნდა და ბუხრის პირას მწოლიარე კაცს მიაშტერდა.

"მისტერ ბლეინ, — ჩუმად დაუძახა, — მისტერ ბლეინ, გლვიძავთ?"

ბლეინს ხმა არ გაუცია.

"თვალეები რატომ გაქვთ გახელილი? მოხდა რამე?"

"არაფერი არ მომხდარა, — უპასუხა ბლეინმა, — ვწევარ ჩემთვის და ვფიქრობ."

"კარგ რამეზე ფიქრობთ?"

"ნამდვილად."

გრანტი ფრთხილი და ნელი ნაბიჯით, თითქოს კატასავით ეპარებო, მაგიდას მიუახლოვდა, ბოთლს დასწვდა, პირთან მიიტანა და მოიყუდა.

ბოთლი მაგიდაზე დადო და ბლეინს მიუბრუნდა: "მისტერ ბლეინ, ხომ არ ადგებოდით? ცოტას დავლევდით, დავილაპარაკებდით. ისე იშვიათად ველაპარაკები ხალხს, ლამის გავგიჟდე. კლიენტები კი შემოდიან, მაგრამ იმათთან

საუბარს ვერ გააბამ, იმაზე მეტს არაფერს ამბობენ, ვიდრე საჭიროა."

"არა, გმადლობ, მირჩევია, ვინვე."

გრანტი მაგიდას მოსცილდა და ბუხართან მდგარ სკამზე ჩამოჯდა.

"რა სამწუხაროა, მისტერ რენდის რომ არ გაყევით ფიშპუკში. საოცარი ადგილია."

"მართალი ხართ," — ავტომატურად უპასუხა ბლეინმა, ისე, რომ ყურადღებაც არ მიუქცევია მისთვის.

ახლა მიხვდა, საიდანაც გაჩნდა იმ უცხო პლანეტის გონებრივი სურათები და მოგონებები. ისინი ვარდისფერი არსებისგან მიღებული ცოდნის სისტემატიზირებული არქივებიდან მოდიოდა. რა თქმა უნდა, ბლეინი თავად არ ყოფილა იქ, სამაგიეროდ, ვარდისფერმა არსებამ იხილა ყველაფერი საკუთარი თვალით და ნანახი ბლეინს გაუზიარა.

არქივში პლანეტის ფოტოგრაფიულ მასალასთან ერთად მთელი მონაცემები ინახებოდა მათი წარმოშობისა და განვითარების შესახებ. მაგრამ დაუმუშავებელი და დაუხარისხებელი ინფორმაციის სახე ჰქონდა და მისი გამოყენება ძალიან ჭირდა.

გრანტი საზურგეს მიანვა და კმაყოფილმა ჩაიცინა.

გადახარა, ხელი მოსასხამს მოავლო და თითები დაარტყა. მოსასხამმა დოლის დახშული ხმა გამოსცა.

"როგორ მოგწონთ, მისტერ ბლეინ?" — ჰკითხა მან.

"დაგანახებ, როგორც მომწონს, ხელებს როცა გავითავისუფლებ," — დაემუქრა ბლეინი.

გრანტი წამოდგა და მაგიდას დაუბრუნდა, თან დამცინავად შორიდან შემოურა იატაკზე გაშოტილ ბლეინს, თითქოს, მისგან თავის დაცვას ცდილობდა. ბოთლი აიღო და მოსვა.

"იმის იმედი არ გქონდეთ, რომ ხელებს გაითავისუფლებთ, იმიტომ, რომ ერთ-ორ წუთში ამ ტრანსოში ჩაგსვამთ და ფიშპუკში გაგამგზავრებთ."

კიდევ ერთხელ მოსვა და ბოთლი მაგიდაზე დადგა.

“არ ვიცი, რა ჩაიდინეთ, ან რაში დასჭირდათ თქვენი დაჭერა, მაგრამ მკაცრად მაქვს ნაბრძანები.”

გრანტიმა ისევ აიღო ბოთლი, მაგრამ გადაიფიქრა და მაგიდის შუაში დადგა, შემდეგ ბლენთან მივიდა და თავზე დაადგა.

ბლენის გონებაში ახალი მოგონება ამოტივტივდა: კიდევ ერთი პლანეტა, ბილიკზე დაუდგენელი და გაურკვეველი ჯიშის არსება მოძრაობდა, მისი მსგავსი ბლენს არსად ენახა. ის მოძრავ კაქტუსს ჰგავდა, თუმცა ვერც კაქტუსს და ვერც რომელიმე სხვა ცოცხალ ბოსტნეულს დაარქმევდით. მაგრამ გზასაც და ამ არსებასაც მეორეხარისხოვანი დატვირთვა ჰქონდა, მთავარი კი ამ არსების ფეხდაფეხ ტლანქად მოკუნტრუშე მოსასხამთა რიგი გახლდათ.

მონადირე ძაღლები, — გაიფიქრა ბლენმა. კაქტუსი მონადირე ანდა დამჭერი იყო, მოსასხამები კი — მისი ძაღლები ანდა მახეები. ეს მოსასხამები, სავარაუდოდ, რომელიმე მოხეტიალე მოგზაურმა, რომელმაც რაღაც მანქანებით კოსმოსურ რადიაციას გაუძლო, ჯუნგლების პლანეტიდან ჩამოიტანა და მისთვის უფრო ღირებულ რამეზე გაცვალა.

შეიძლება, — გაუელვა ბლენს თავში, — ეს მოსასხამიც, მას რომ შემოხვეოდა, სწორედ ამ პლანეტიდან ჩამოიტანეს ფიშპუკში.

ტვინში კიდევ ერთი რამ ურტყამდა — რაღაც აბსოლუტურად უცხო და არაამქვეყნური, შეიძლება კაქტუსისებრი არსების ენაზე ნათქვამი ფრაზა, იმდენად დახლართული და არაფრისმთქმელი, რომ მისი წარმოთქმისას ენას მოიმტვრევდი. როცა გრანტი დაიხარა და მის წამოსანევად ხელები გაშალა, ბლენმა მთელი ძალით მიახალა ეს ფრაზა. წარმოთქვა თუ არა, მოსასხამმა თავისი მარწუხები მოუშვა. ბლენი ადგილს მოსწყდა და მისკენ დახრილ გრანტს ფეხებში ეცა.

გრანტმა სიმწრისგან დაიღრიალა და სახით იატაკზე დაენარცხა. ბლენი წამოხტა და მაგიდას ამოეფარა.

გრანტი ნელა წამოდგა. გატეხილი ცხვირიდან სისხლი წასკდა, გადატყავებული მტევნის სახსრებიდანაც სისხლი წვეთავდა.

ნაბიჯი სწრაფად გადადგა, სახე ორმაგი შიშით დაემანჭა — იმ კაცის შიშით, რომელსაც შეეძლო მოსასხამის რკინის კლანჭებისგან თავის გათავისუფლება და ფიშპუკის შიშით, ვერშესრულებული სამუშაოს გამო.

გრანტმა თავი დახარა და გაშლილი ხელებითა და თითებით პირდაპირ ბლენისკენ გამოემართა. სასონარკვეთას მისთვის ძალა გაეორმაგებინა და უფრო საშიშ და ულმობელ ადამიანად ექცია. თავს არ დაზოგავდა, ოღონდ ბლენი ხელთ ეგდო.

ბლენი გვერდზე გადაიხარა, მისი შემოტევა რომ მოეგერიებინა, მაგრამ მანძილი კარგად ვერ გათვალა. გრანტის უშველებელი ტორი მხარზე მოხვდა, მისი თითები გაშმაგებით ჩაებლაუჭა ბლენის პერანგს. ბლენმა წამით წონასწორობა შეინარჩუნა, მაგრამ ქსოვილმა ველარ გაუძლო და პერანგი ფხრინინით გაირღვა.

გრანტმა ნაიბორძიკა, შემდეგ გასწორდა და ღმუილით კიდევ ერთხელ შეუტია. ბლენმა მთელი ძალა მოიკრიფა და ისე ძლიერად დაარტყა, რომ გრანტის ყბამ გაიჭახუნა. ზორბა სხეული ტკივილისგან აუკანკალდა და გრანტი წაბარბაცდა.

ბლენი გაუჩერებლად და შეუბრალებლად ურტყამდა, სანამ ტკივილისგან ხელი არ გაუბუჟდა. დარტყმებისგან გაბრუებული გრანტი ნელ-ნელა უკან იხევდა.

მიუხედავად იმისა, რომ მრისხანებას მოეცვა, ბლენს არც შიში ამოძრავებდა, არც რისხვა და არც თავდაჯერებულობა. მარტივი ჩანაფიქრი ჰქონდა, იცოდა, რომ მისი თავისუფლება გრანტის დამარცხებაზე იყო დამოკიდებული. მიზნის მისაღწევად ყოველი ღონე უნდა ეხმარა.

რადგან პირველი დარტყმა წარმატებული აღმოჩნდა,

ბლენი ალარ უნდა გაჩერებულყო, მონინააღმდეგისთვის გონს მოსვლის საშუალება არ უნდა მიეცა, თორემ გრანტის ერთი ძლიერი ხელის მოქნევაც საკმარისი იქნებოდა მის დასამარცხებლად.

ძლიერი დარტყმისგან ელდანაცემი გრანტი შეტორტმანდა და გაშმაგებული მოძრაობით ვარდნისგან თავის შეკავებას შეეცადა. შემდეგი დარტყმა ბლენმა თავის არეში მიაყენა. გრანტი მოცელილივით დაეშვა იატაკზე. მისმა სხეულმა უცებ ფორმა დაკარგა, თითქოს ვიღაცას ძვლებისა და კუნთებისგან გაეთავისუფლებინოს. იგი იატაკზე ჩაიკეცა და ნაჭრის თოჯინასავით მოეშვა, რომელსაც ნახერხის შიგთავსი გამოაცალეს.

ბლენმა ხელები დაუშვა და მაშინვე იგრძნო, როგორ დაუარა ყრუ ტკივილმა გადაღლილ კუნთებსა და დასისხლიანებული მუშტებში.

საკუთარ მიღწევას გაეოცებინა. როგორ შეძლო შიშველი ხელებით ამხელა გოლიათის დამარცხება?

პირველ დარტყმაში უბრალოდ გაუმართლა, მეტი არაფერი. მაგრამ მოსასხამის გამხსნელი გასაღები რომ იპოვა, ისიც დამთხვევა იყო?

ეს დამთხვევა ნამდვილად არ ყოფილა. მან, უბრალოდ, დროულად მიიღო საჭირო ინფორმაცია იმ არქივიდან, რომელიც ტვინში იმ უცხო არსებამ ჩაუნერგა, ხუთი ათასი სინათლის წლის მიღმა გონება რომ გაუცვალა. ეს ფრაზა ერთგვარი შელოცვა გახლდათ — ნებისმიერ რამეს ათავისუფლებდა მოსასხამის სასიკვდილო მარწმუნებისგან. ვარდისფერ არსებას, რომელმაც ეს ამაზრზენი პლანეტა მოინახულა, აურაცხელი ინფორმაცია შეეგროვებინა კაქტუსისებრი რასის შესახებ და ამ დანანევრებული და დაუხარისხებელი ფაქტებიდან ადამიანის გამჭრიახმა გონებამ ამოარჩია ერთადერთი გაუგებარი ფრაზა, რომელიც, საბოლოო ჯამში, სასიცოცხლო მნიშვნელობის აღმოჩნდა.

ბლეინი იდგა და იატაკზე გაუნძრევლად მწოლიარე გრანტს თვალს არ აშორებდა.

ახლა რა უნდა გაეკეთებინა?

პირველ რიგში, აქაურობას უნდა გასცლოდა. მალე ფიშპუკის რომელიმე თანამშრომელი გადმოაბიჯებდა ტრანსო-მანქანიდან, რომ გაერკვია, რატომ დააგვიანა გრანტმა გაკოჭილი ბლეინის გადაყვანა.

გაქცევა ისევ ერთადერთი გამოსავალია ჩემთვის, — სიმწრით გაიფიქრა ბლეინმა. ყველაზე კარგად ეს გამოსდიოდა. რამდენიმე კვირაა, რაც გარბის და რაც ყველაზე ცუდია, ამას ბოლო არ უჩანს.

იცოდა, რომ, ადრე თუ გვიან, ამ გაუთავებელი სირბილისა და მალვის შეწყვეტა მოუწევდა. ხომ უნდა ეპოვნა ისეთი ადგილი, სადაც გაჩერდებოდა, თუმცა იმიტომ, რომ საკუთარი თავის პატივისცემა შეენარჩუნებინა.

თუმცა ეს დრო ჯერ არ დამდგარა. ისევ უნდა გაქცეულიყო, მაგრამ ამჯერად ამ ყველაფერს მიზანი ჰქონდა, დღევანდელი გაქცევა მას კონკრეტულ შედეგს მოუტანდა.

ბლეინი მაგიდისკენ მიტრიალდა ბოთლის ასაღებად და უცბად იატაკზე დაგდებულ მოსასხამს გადააწყდა. გაშმაგებულმა კრა ფეხი და ბუხრისკენ გადაისროლა. მოსასხამი უფორმო გუნდად დაეცა იატაკზე.

ბოთლს დასტაცა ხელი და სანყობის სექციისკენ გაემართა, სადაც გროვად დაწყობილი საქონელი ეგულებოდა.

ერთ-ერთ დასტას სტაცა ხელი და როცა დარწმუნდა, რომ შიგ მშრალი და რბილი შიგთავსი იყო, სასმელი გადაასხა და ცარიელი ბოთლი შუა ოთახში მოისროლა. შემდეგ ბუხართან მივიდა, ბადე მოხსნა, აქანდაზით გავარვარებული ნაკვერჩხლები გადმოიღო და ვისკით გაქლენთილ ტომრებს დააყარა.

ტომრებს ცეცხლის ლურჯი ენები მოედო. მალე ცეცხლი

გაღვივდა, ტკაცანით გაიშალა და იქაურობა შთანთქა.


ხუთ წუთში ცეცხლი მთელ სანყოფს ჯოჯოხეთის ალად მოედებოდა და მას ველარაფერი შეაჩერებდა. ტრანსოც ვერ გაუძლებდა ცეცხლის მხურვალებას, დადნებოდა და ფიშჭუკისაკენ გამავალი საიდუმლო კარიც დაიკეტებოდა.

ბლენი გრანტს საყელოში დასწვდა და კარისკენ გაათრია. კარი გააღო, გარეთ გამოიყვანა და ეზოში შენობიდან ოცდაათიოდე ფუტის მანძილზე დატოვა. გრანტმა დაიკვნესა და წამოდგომა სცადა, მაგრამ ვერ შეძლო და მიწაზე დაენარცხა. ბლენმა კიდევ ათი ფუტით გადაათრია და დაუშვა. გრანტმა რაღაც ჩაიბურტყუნა და ხელ-ფეხი ამოძრავა, მაგრამ ისე იყო ნაცემი, მოძრაობის თავიც არ ჰქონდა.

ბლენი გზაზე გავიდა, შეჩერდა და იქიდან ადევნედა თვალს ცეცხლმოკიდებულ შენობას. ფაქტორიის კედლები წითლად ბრიალებდა.

შემდეგ შეტრიალდა და გზას დაუყვა.

ფინთან სტუმრად მისვლისთვის ამაზე უკეთეს მომენტს ვერ შეარჩევდა. მალე ხანძრის ამბავი ქალაქს მოედებოდა, ხალხს პანიკა მოიცავდა და მთელი პოლიცია ფეხზე დადგებოდა. კომენდანტის საათი რომც დაერღვია, მაინც არავინ მიაქცევდა ყურადღებას.



სასტუმროს საფეხურზე ხალხი შეგროვილიყო და სულ ორიოდვე კვარტალში მდგარ ცეცხლმოდებულ ფაქტორიას უყურებდა. ბლენისთვის ყურადღება არავის მიუქცევია. არც პოლიცია ჩანდა.

"გორილების" ნამოქმედარი იქნება, — წამოიძახა ვილაცამ.

"ამ ხალხის ვერაფერი გამიგია, — მხარი აუბა ერთმა, — დღისით სავაჭროდ მიდიან, ღამე კი შემოძვრებიან ხოლმე და ხანძარს აჩალებენ."

"ნეტა ფიშჭუკი როგორ ეგუება ამას? — ცხარობდა ვილაცამ, — არ შეიძლება, ასე შორიდან ადევნო თვალი ყველაფერს და არ ჩაერიო."

"ფიშჭუკს არც ადარდებს, აქ რა ხდება, — უპასუხა მეორემ, — დამიჯერე, ხუთი წელი გავატარე ფიშჭუკში და ვერაფრით გავერკვიე იქაურ ადათ-წესებში. საერთოდ, ამაზე უცნაური ადგილი არ მინახავს."

რეპორტიორი, — გაიფიქრა ბლენმა. ქალაქში უამრავი ჟურნალისტი ჩამოსულიყო ფინის ქადაგების გასაშუქებლად. ბლენმა იმ ტიპს შეხედა, ხუთი წელი რომ გაეტარებინა ფიშჭუკში, მაგრამ ვერ იცნო.

კიბეს აუყვა და ცარიელ ფოიეში აღმოჩნდა. ხელები ქურთუკის ჯიბეებში ჩაიყო, დალურჯებულ და

ჩასისხლიანებულ მუშტებს ცნობისმოყვარე ხალხის ყურადღება რომ არ მიექცია.

ძველი სასტუმროს შენობის ფოიეში ავეჯი ალბათ ნლების განმავლობაში არ გამოცვლილა. და საერთოდ, სასტუმრო ძველი ყაიდის, უღიმღამო, მის ჭერქვეშ დაბინავებული ხალხის უამრავი პლეადის მომჟავო სუნით გაჟღენთილი დანესებულების შთაბეჭდილებას ტოვებდა.

ფოიეში რამდენიმე კაცი ჩამომჯდარიყო სავარძლებში, ზოგი გაზეთს კითხულობდა, ზოგიც — უბრალოდ მოწყენილი და მოლოდინით სავსე სახით გაჰყურებდა ბნელ სივრცეს.

ბლენმა ადმინისტრატორის მაგიდაზე მდგარ საათს დახედა. თორმეტის ნახევარი იყო.

მაგიდას გაუარა და ლიფტისკენ გაემართა.

“შეე!”

ბლენი მკვეთრად მიბრუნდა.

უზარმაზარი სავარძლიდან ვიღაც კაცი წამოდგა და ფოიეს გავლით მისკენ წამოვიდა.

ბლენი ელოდა, როდის მიუახლოვდებოდა, თან ტანში ჟრუანტელი უვლიდა.

კაცმა ხელი გაუნოდა.

ბლენმა ჯიბიდან ამოიღო მარჯვენა ხელი და უჩვენა.

“სიბნელეში ფეხი გამისხლტა და დავეცი,” — აუხსნა მან.

კაცმა ხელზე დახედა: “ჭრილობა უნდა ჩამოიბანო,” — ურჩია მან.

“სწორედ მაგას ვაპირებ.”

“მე ვერ მცნობ? — შეახსენა თავი კაცმა, — ბობ კოლინზი ვარ. გახსოვს, რამდენჯერმე შევხვდით ფიშპუკში, ბარში “ნითელი აჩრდილი”?”

“რა თქმა უნდა, მახსოვს, — შეცბუნებულმა უპასუხა ბლენმა, — ვიცოდი, რომ სადღაც მყავდი ნანახი, მაგრამ ვერ გავიხსენე, სად. როგორ ხარ?”

“არა მიშავს. მართალია, ფიშპუკზე გამწარეული ვარ, ვერ მომინელებია, იქიდან რომ გამომაძევეს. მაგრამ

ფურნალისტი ყველანაირი სიბინძურისთვის მზად უნდა იყოს."

"ფინზე წერ რამეს?"

კოლინზმა თავი დაუკრა თანხმობის ნიშნად: "შენ?"

"მე არა. უბრალოდ, მის ნახვას ვაპირებ."

"მასთან თუ მიაღწიე, ჩათვალე, რომ მაგრად გაგიმართლა. 210-ე ოთახშია. კართან ვილაც მუტრუკი ზის და ყარაულობს."

"მგონი, მივალწევ."

კოლინზმა გვერდზე დახარა თავი: "გავიგე, ფიშპუკიდან გაქცეულხარ. მთელი ქალაქი მაგაზე ლაპარაკობს."

"მართალია," — დაუდასტურა ბლენმა.

"რალაც არ მომწონხარ, ცუდად გამოიყურები, — უთხრა კოლინზმა, — არ იუხერხულო, მაგრამ, თუ გჭირდება, შემიძლია ცოტა ფული..."

ბლენს გაეცინა.

"მაშინ დავლიოთ."

"არა, მეჩქარება. ფინი უნდა ვნახო."

"ერთად ხართ?"

"ერთად არა..."

"მისმინე, შეპ. ჩვენ ხომ კარგ ნაცნობებად ვითვლებოდით ფიშპუკში. მითხარი, რა იცი. ნებისმიერი რამ. გამიწიე სამსახური. ერთი რეპორტაჟი მაინც რომ მომამზადებინა, ფიშპუკში დამაბრუნებდნენ. ამაზე მეტად არაფერი მინდა."

ბლენმა თავი გააქნია.

"შეპ, აქ უამრავი ჭორი დადის. ამბობენ, რომ მდინარის პირას ერთი ფურგონი გადავარდა გზიდან, რომლითაც ფინისთვის დიდი მნიშვნელობის მქონე ტვირთი გადაჰქონდათ. პრესას გაუმხილა, რომ ხვალ სენსაციურ განცხადებას გააკეთებს. თქვა, რომ ხალხისთვის რალაცის ჩვენებას აპირებს. ამბობენ, ეს კოსმოსური მანქანა იქნება. მითხარი შეპ, შესაძლებელია, რომ ეს მართლა კოსმოსური მანქანა იყოს?"

“წარმოდგენა არ მაქვს.”

კოლინზი ახლოს მივიდა ბლეინთან, ხმას დაუნია და ჩახლენილი ჩურჩულით განაგრძო: “საქმე სერიოზულად არის, შეპ. ფინმა ისეთი რამ ჩაიგდო ხელში, რომ დარწმუნებულია, მისი მეშვეობით პარაკინეტიკოსების განადგურებას შეძლებს, ყველასი სათითაოდ. და საერთოდ, მთლიანად პარანორმალური კინეტიკის მცნებასაც აღგვის პირისაგან მიწისა. ხომ იცი, წლებია, ამაზე მუშაობს. ყველაფერს აკეთებს იმისთვის, რომ თავის მდაბალ მიზანს მიაღწიოს. ნამდვილი პროვოკატორია, ქვეყანას უვლის და სიძულვილსა და ბოროტებას სთესავს. წარმატების მისაღწევად ეს ერთადერთი რამ სჭირდება, ამას რომ მიიღებს, მთელი მსოფლიო ტაშის კვრით მიესალმება, ცოტა კიდევ რომ დააცადონ, სამყარო ფეხქვეშ გაეგება და პარაკინეტიკოსებს ცოცხლად დაუნყებენ ტყავის გაძრობასა და შეჭმას.”

“ნუ გავიწყდება, რომ მეც პარაკინეტიკოსი ვარ.”

“ფინიც პარაკინეტიკოსი იყო ერთ დროს.”

“ეს ქვეყანა სიძულვილის მორევშია გახვეული, — დაღლილი ხმით წარმოთქვა ბლეინმა, — ვინ მოთვლის, რამდენი შეურაცხმყოფელი იარლიყი გავრცელდა. რეფორმისტები პარანორმალურ ადამიანებს პარაფსიქებს ეძახიან, პარაკინეტიკოსები კი მათ „გორილებს“ უწოდებენ. შენნაირებს ეს სულაც არ ანადვლებთ. შენთვის სულ ერთია. მართალია, შენ თვითონ არ დაიწყებ ადამიანებზე ნადირობას, სამაგიეროდ, ამაზე დაწერ და გაზეთის გვერდებს სისხლით მონამავ. შენთვის არა აქვს მნიშვნელობა, ვისი სისხლი იქნება ეს, მთავარია, სისხლი იყოს.”

“ღვთის გულისთვის, შეპ...”

“ერთ რამეს გეტყვი. შეგიძლია, დაწერო, რომ ფინს არც საჩვენებელი აქვს რამე და არც სათქმელი. დაწერე, რომ ფინი კურდღელივით არის შეშინებული, რომ კოვზი ნაცარში ჩაუვარდა...”

"შეუ, შენ რა, მასულელებ?"

"ვერ გაბედავს ვერაფრის ჩვენებას."

"რა აქვს საჩვენებელი?"

"რალაც, რაც ფინს ნამდვილ იდიოტად აქცევს, თუ გამოაჩენს. გარნმუნებ, ვერ გაბედავს ამას. ხვალ დილით ქალაქი ყველაზე დამფრთხალ ადამიანს იხილავს მსოფლიოში."

"შეუ, ხომ იცი, ამას ვერ დავნერ."

"ხვალ შუადღით, — განაგრძო ბლეინმა, — ამაზე ყველა დანერს. თუ ახლავე დაიწყებ, დილის ბოლო გამოცემას მიუხსნრებ. შენ პირველი იქნები, თუ გამბედაობა გეყოფა."

"შეუ, მართალს ამბობ? შენ..."

"გადანყვიტე დროზე. მე სიმართლე გითხარი, ახლა შენზეა, რასაც იზამ. უნდა ნავიდე."

კოლინზი ნამით შეყოვნდა: "გმადლობ, შეუ, დიდი მადლობა."

ბლეინმა ლიფტს აუარა და კიბისკენ გაემართა.

მეორე სართულზე ავიდა და დერეფნის ბოლოში მარცხენა მხარეს დაცვა შენიშნა, რომელსაც სკამი გადაეხარა და კედელს მიყრდნობოდა.

ბლეინი მტკიცე ნაბიჯებით დაუყვა დერეფანს. დაცვის ბიჭი მის დანახვაზე ფეხზე წამოდგა და ბლეინს გზა გადაუღობა.

"სად მიდიხართ, მისტერ?"

"სასწრაფო საქმე მაქვს ფინთან."

"შიგნით ვერ შეგიშვებთ."

"მაშინ გადაეცით."

"ახლა ვერაფერს ვერ გადავცემ."

"უთხარით, რომ სთოუნისგან ვარ."

"კი, მაგრამ სთოუნი ხომ..."

"უბრალოდ გადაეცით, რომ სთოუნისგან ვარ."

დაცვას ნამით ვერ გადაეწყვიტა, რა ექნა, შემდეგ ხელი დაუშვა.

“მოიცადეთ აქ. შევალ და ვკითხავ. ფოკუსების გარეშე, თუ შეიძლება.”

“კარგი, მოვიცდი.”

ბლენი იდგა და ფიქრობდა, სწორად იქცეოდა თუ არა. ჩაბნელებული, მოჟამული კორიდორის ფონზე მასში კვლავ ძველი ეჭვის გრძნობა ამოტივტივდა, — ხომ არ აჯობებდა, მოტრიალებულიყო და გზას დასდგომოდა, სანამ გვიანი არ იყო.

ამასობაში დაცვაც გამოჩნდა.

“არ გაინძრეთ, — უბრძანა მან, — უნდა გაგჩხრიკოთ.”

ამ საქმეში გამოცდილი დაცვის ხელები ბლენის სხეულს დაუყვა იარაღის ან დანის ძებნაში.

დაცვამ კმაყოფილმა დაუკრა თავი: “ყველაფერი რიგზეა. შეგიძლიათ, შეხვიდეთ. მე კართან ვიქნები.”

“გასაგებია,” — მიუგო ბლენმა.

კარი გაუღო და ბლენი შიგნით შევიდა.

მისაღები ოთახის უკან საძინებელი მოჩანდა.

ოთახის კუთხეში მაგიდა იდგა, რომლის უკან შავებში ჩაცმული მაღალი კაცი აღმართულიყო, თეთრშარფშემოხვეული. მის გრძელ და გამხდარ სახეს რკინის ხასიათი და ურყევი ნებისყოფა დატყობოდა.

ბლენი მტკიცე ნაბიჯით გაემართა მაგიდისკენ.

“მაშ, შენ ხარ ფინი?”

“ლამბერტ ფინი,” — შეუსწორა ფინმა ჭეშმარიტი ორატორისთვის დამახასიათებელი დაბალი ხმით, რომელიც ორატორობას დასვენების დროსაც ვერ ეშვება.

ბლენმა ხელები ჯიბეებიდან ამოიღო და მაგიდაზე დააწყო. ფინმა მის ხელებს შემხმარ სისხლს და ტალახს შეხედა.

“შენ კი შეპარდ ბლენი ხარ. შენ შესახებ ყველაფერი ვიცი.”

“მაშინ ისიც გეცოდინება, რომ შენს მოკვლას ვაპირებ.”

“ესეც ვიცი, უფრო სწორად, ეჭვი მაქვს.”

"დღეს არა, იმიტომ, რომ ერთი სული მაქვს, ხვალ ქადაგებისას შენი სახე ვნახო. ნეტა როგორ გადაყლაპავ ამ ყველაფერს."

"იმიტომ მოხვედი, ეგ რომ გეთქვა?"

"უცნაურია, მაგრამ სხვა მიზეზს ახლა მართლა ვერ დაგისახელებ. ფაქტობრივად, ვერც აგიხსნი, რისთვის შევიწუხე თავი აქ მოსვლით."

"გარიგებაზე ხომ არ გინდა ნასვლა?"

"ეს არც მომსვლია თავში. შენ რაზე უნდა გაგირიგდე?"

"შეიძლება მართალიც იყო, სამაგიეროდ, ისეთი რამ მაქვს, რაც მე ძალიან მჭირდება და რისთვისაც მზად ვარ, სოლიდური თანხა გადაგიხადო."

ბლენი უხმოდ შეჰყურებდა ფინს.

"კოსმოსური მანქანის გატაცებაში მონაწილეობდი. მინდა, მითხრა, რა მიზნები და მოტივები გამოძრავებდა. შენი ამბავი შეიძლება კარგ მტკიცებულებადაც გამოდგეს და გაფანტული მოზაიკის ცალკეული ნაწილებიდან აზრის გამოტანაში დამეხმაროს."

ბლენს ჩაეცინა: "ერთ დროს შენს ხელში ვიყავი, მაგრამ ხელიდან გამიშვი."

"ეს იმ იდიოტი ექიმის ბრალია, — მრისხანედ წარმოთქვა ფინმა, — მარტო იმაზე დარდობდა, რომ ამას შეიძლება არეულობა მოყოლოდა და მის ჰოსპიტალზე ცუდი ხმები გავრცელებულიყო."

"ხალხის შერჩევა უნდა ისწავლოთ."

"პასუხი არ გაგიცია," — შეუღრინა ფინმა.

"გარიგებაზე ამბობ? ძვირი დაგიჯდება, ძალიან ძვირი."

"გადავიხდი. შენ კიდევ ფული გჭირდება. ჯიბეში ერთი ცენტრიც არ გიდევეს, თანაც მთელი ფიშპუკი შენს კვალს დასდევს."

"სულ რაღაც ნახევარი საათის წინ ფიშპუკს გაკოჭილი ვყავდი და მოკვლას მიპირებდა."

"და გაქცევა მოახერხე? შეიძლება ახლა გაგიმართლოს და

სხვა დროსაც გაიქცე, მაგრამ შენი მდგომარეობა უიმედოა, იმიტომ, რომ ფიშპუკი არ მოგეშვება და ადრე თუ გვიან მისი მსხვერპლი გახდები.”

“მარტო ჩემზე ამბობ, თუ საერთოდ ყველაზე? შენ რისი იმედი გაქვს?”

“მე შენზე ვამბობ. ჰარიეტ კუიმბის იცნობ?”

“საკმაოდ კარგად.”

“ჰარიეტი ფიშპუკის აგენცია.”

“გაგიჟდი?” — ილრიალა ბლენმა.

“დამშვიდდი და დაფიქრდი ამაზე. მე მგონი, დამეთანხმები, რომ მართალს გეუბნები.”

ისინი უხმოდ აკვირდებოდნენ ერთმანეთს. მათ შორის ცოცხალი სიჩუმე ჩამონვა და ორივე გრძნობდა მის არსებობას.

უცბად ბლენს ერთმა აზრმა გაუელვა: რა იქნება, ახლა რომ მოეკლა?

ასეთი ადამიანის მოკვლა ძნელი არ იქნებოდა. ფინზე საძულველი ადამიანი ჯერ არ შეხვედრია, არა მარტო პრინციპულად, არამედ პიროვნულადაც.

ამ საქციელისკენ ქვეყანაში გამეფებული სიძულვილი გიბიძგებდა, მხოლოდ თვალები უნდა დაგეხუჭა და ხის ტოტზე ჩამოკონწიალებული ფოთლებით დაფარული სხეული, ცისკენ მიმართული საკვამური მიღები, მიტოვებული ბანაკი წარმოგედგინა, სადაც ლოგინის ნაცვლად საბანი ჰქონდათ დაგებული და სადილად ტაფაზე შემწვარ თევზს შეექცეოდნენ.


ბლენმა მაგიდიდან ხელები აიღო, მაგრამ გადაიფიქრა და ისევ დაუშვა.

და უცბად, თავისდაუნებურად, დაუფიქრებლად და გაუთვითცნობიერებლად ისეთი რამ გააკეთა, რასაც არ გააკეთებდა არც შეგნებულად და არც ქვეცნობიერად. მაშინვე მიხვდა, რომ ეს მის გონებაში მიმალული არსების ნამოქნედარი გახლდათ და თავად მას არავითარი

მონანილეობა არ მიუღია ამაში.

ვერც იფიქრებდა, მიელო მონანილეობა. ეს კაციშვილს არ მოუვიდოდა აზრად.

ბლენმა მშვიდად და აუღელვებლად მიუგო ფინს: "მე შენ ჩემს გონებას გიცვლი."



მთვარე მალლა, ცაზე, ციცაბო კლდეების თავზე დაცურავდა, ჯარასავით რომ შემოვლებოდნენ გარს მდინარის ნაპირს. სანაპიროდან ბუს განწირული კივილი მოდიოდა, რომელსაც პერიოდულად ხითხითის ხმა ცვლიდა. კივილი ღამის სუსხიან ჰაერში მკაფიოდ ისმოდა და ყინვის მოახლოებას მოასწავებდა.

ბლენი კედრის ტყის პირას შეჩერდა და დაძაბული უგდებდა ყურს ხმებს. დაგვაჯული და ერთმანეთში გადახლართული ხეები მთელი ძალით ჩაბლაუჭებოდნენ ფესვებით მიწას და წელში მოხრილ ბებერ გნომებს დამსგავსებოდნენ. ირგვლივ სიჩუმე იდგა, რომელსაც მხოლოდ ბუს ხითხითი და ჯიუტი ფოთლების შრიალის ხმა თუ არღვევდა, გორაკის ქვემოთ ჩამწკრივებულ არყის ხეების რიგს რომ შერჩენოდა. კიდევ ისმოდა ერთი სუსტი, ოდნავ გასაგონი ხმა, როგორც ფერიის შორეული ჩურჩული, რაც სინამდვილეში მრისხანე მდინარის ხმას წარმოადგენდა, მთვარის შუქით განათებულ კლდოვან ნაპირებზე რომ მიექანებოდა.

ბლენი მიწაზე ჩამოჯდა და გარშემორტყმული კედრების ბნელს შეეფარა, თან ცდილობდა, საკუთარი თავი

დაერწმუნებინა, რომ საფრთხე არ ემუქრებოდა, რომ არ უთვალთვალედნენ და მეძებარივით მის კვალს არავინ დაყვებოდა. ფიშპუკი ვერ დაედევნებოდა, რადგან ფაქტორიის დანვით მისკენ მიმავალი კარი დაიხურა, ვერც ლამბერტ ფინი დააკლებდა რამეს, მის მდგომარეობაში მყოფი ადამიანი ამას ნამდვილად ვერ შეძლებდა.

ბლენი იჯდა და ყოველგვარი სინანულის გარეშე იხსენებდა ფინის სახეს, როცა მას გონებას უცვლიდა — გაყინული, შეძრწუნებული და ბლენის წარმოუდგენელი თავხედობით აღშფოთებული ადამიანის მზერა, დიდებული მქადაგებლისა და ძლევამოსილი წინასწარმეტყველის კეთილი სახელის შებლავით გამოწვეული, რომელსაც სიძულვილის გრძნობა რელიგიის, ან იმის, რასაც ის რელიგიად ასალებდა, მანტიით შეემოსა.

“ეს რა ჰქენი! — შეჰყვირა თავზარდაცემულმა ფინმა, — ეს რა ჩაიდინე!”

ახლა ფინი მთელი სიცხადით გრძნობდა უცხო გონების მსუსხავ სიცივეს, მის წარმოუდგენელ არაადამიანურობასა და ბლენისგან მომავალ სიძულვილს.

“მორჩა! — გამოუცხადა ბლენმა, — ამიერიდან შენ ადამიანი კი აღარ ხარ, არამედ ჩემი და იმ არსების ნაწილი, ხუთი ათასი სინათლის წლის მიღმა რომ ვიხილე. დიდი იმედი მაქვს, რომ ამით ბოლო მოელება შენს პარპაშს.”

ფინმა გაოცებისგან პირი დაალო, შემდეგ ხაფანგივით დახურა.

“ახლა აქედან გავალთ, — უბრძანა ბლენმა, — გაუგებრობა თავიდანვე რომ ავიცილოთ, შენ გარეთ გამიძღვები, მხარზე ხელს გადამხვევ, როგორც დიდი ხნის უნახავ ძმას და გზაზე უსაყვარლესი და უერთგულესი მეგობარივით დამიწყებ ლაპარაკს და თუ ასე არ მოიქცევი, საქვეყნოდ გამოვაცხადებ, ვინც ხარ.”

ფინი ყოყმაობდა.

“ყველას ვეტყვი, რომ უცხოდ იქეცი, — განაგრძობდა

ბლენი, — და გარეთ შეკრებილი რეპორტიორები რუდუნებით ჩაინერენ ჩემს სიტყვებს.”

ეს საბაბი საკმარისი აღმოჩნდა ფინისთვის, რომელიც სასტიკი, შეუპოვარი და პედანტი რეფორმისტების რიგს მიეკუთვნებოდა, იმათ, რომლებიც საკუთარ თავს მთელი კაცობრიობის მორალური ღირებულებების დამცველად მიიჩნევენ და გამორიცხავენ, რომ მათ სახელს ოდესმე ჩირქი მოეცხოს ან თუნდაც ვინმემ მცირედი ეჭვი შეიტანოს მათში.

ორივე ერთად ჩაუყვა დერეფანს, კიბეს და ფოიეს, ხელი ხელში ჰქონდათ გაყრილი და მხიარულად საუბრობდნენ. რეპორტიორები გაკვირვებული ადევნებდნენ თვალს მათ მოძრაობებს.

ისინი ქუჩაში გავიდნენ და ტროტუარს ჩაუყვნენ, თითქოს ერთმანეთს ემშვიდობებოდნენ. ცეცხლი ისევ წითლად ეღვარებდა ცაზე.

შესახვევს რომ მიუახლოვდნენ, ბლენმა გაუხვია და აღმოსავლეთ სანაპიროსკენ გაიქცა.

და აი ისევ გარბოდა, ახლაც, როგორც ყოველთვის, ყოველგვარი გეგმისა და სტრატეგიის გარეშე. თუმცა ჰქონდა ისეთი მომენტებიც, როცა შეჩერდებოდა ხოლმე და სულს მოითქვამდა. მიუხედავად ყველაფრისა, მაინც შეძლო რამდენიმე წარმატებული სვლის გაკეთება — ფინს შეუშალა ხელი მზაკვრული მიზნების განხორციელებაში, თვალსაჩინოების ნიმუში ააცალა თვალწინ, რომლის გამოყენებასაც ფინი ქადაგების დროს აპირებდა, რათა ხალხი პარაკინეტიკის ბოროტებასა და საფრთხეში დაერწმუნებინა, ფინის გონებას ახალი, უცხო ცნობიერება შეურია, ამიერიდან ის აღარ იქნება ისეთი ეგოცენტრული მანიაკი, როგორც ადრე.

ბლენი ჩაცუცქულიყო და ირგვლივ გამეფებულ სიჩუმეს უსმენდა, რომელსაც მხოლოდ მდინარის ჩხრიალი, ბუს კივილი და ფოთლების შრიალი არღვევდა.

ნელა წამოდგა ფეხზე და უცებ რომელიღაც მტაცებლის

შემზარავი ყმუილისა და ეშვების კრაჭუნის ხმა შემოესმა. ბლენი შიშისგან გაქვავდა. ამ ხმამ მასში პირველყოფილი, ველური შიშის გრძნობა გააღვიძა, რომელიც ადამიანთა მოდგმას საუკუნეების მანძილზე, გამოქვაბულის ხანიდან მოყოლებული დღემდე, მოსვენებას არ აძლევდა.

ეს ალბათ ძალია, სხვა რა უნდა იყოს, — ფიქრობდა ის, — ანდა კოიოტი. მაქცია ხომ არ იქნებოდა. მაქციები არ არსებობდნენ.

და მაინც დაუძლეველი ინსტინქტი მოუნოდებდა, უკანმოუხედავად, დაუფიქრებლად გაქცეულიყო და სადმე თავშესაფარი ეძებნა, რათა მთვარის შუქზე ჩასაფრებული საფრთხისგან ეხსნა თავი.

ბლენი დაძაბული იდგა და ელოდა, როდის განმეორდებოდა ეს ხმა, მაგრამ სიჩუმე აღარაფერს დაურღვევია. გაქვავებული კუნთები და დაჭიმული ნერვები მოუშვა და ჩვეულ მდგომარეობას დაუბრუნდა.

მაქციების არსებობის მცირედი რწმენა მაინც რომ ჰქონოდა, გაიქცეოდა. რა შეიძლება იყოს ამაზე ადვილი — ჯერ იწამო და შემდეგ გაიქცე. აი რატომ არიან ფინისნაირი ადამიანები ასეთი საშიში, ისინი ზედაპირზე, ზედ კანქვეშ მობინადრე ადამიანური შიშისა და სიძულვილის ინსტინქტით ზემოქმედებდნენ.

ბლენმა ტირიფების ტყე გამოიარა და მდინარის კლდოვან ნაპირს დაუყვა. ძალიან ჭირდა მთვარის შუქზე ციცაბო ზედაპირზე გადაადგილება. ხან თითქმის უჩინარ ლოდს წამოკრავდა ფეხს და ხან კლდოვან ორმოებს გადააწყდებოდა ხოლმე, სადაც სულ თავისუფლად შეიძლებოდა კისრის მომტვრევა.

კიდევ ერთხელ ჩაუფიქრდა იმ საკითს, ფინთან ლაპარაკის შემდეგ მოსვენებას რომ არ აძლევდა.

ფინმა უთხრა, რომ ჰარიეტი კუიმი ფიშჭუკის აგენტია.

არა, შეუძლებელია. ჰარიეტი ფიშჭუკის აგენტი რომ იყოს, გაქცევაში არ დაეხმარებოდა.

და მაინც, საკვირველია, მაგრამ ჰარიეტი არ მოსცილება მას. ყველა მნიშვნელოვანმა შემთხვევამ ჰარიეტის თვალწინ ჩაიარა — იმ ქალაქის ისტორიამ, სადაც ბლენი ძლივს გადაურჩა ჩამოხრჩობას, სთოუნის საზარელმა მკვლელობამ, გზისპირა ფარდულში მომხდარმა ამბავმა.

ბლენი ცდილობდა, ეს მოუსვენარი ფიქრები გონების ქვეცნობიერ ნაწილში მიემწყვდია, მაგრამ უშედეგოდ, ისინი მაინც არღვევდნენ ქვეცნობიერის საზღვრებს და წინ მოინევენ.

სისულელეა — ჰარიეტი და აგენტი. ჰარიეტი კარგი ჟურნალისტი, ერთგული მეგობარი, ჭკვიანი, მიზანმიმართული და მტკიცე ხასიათის ადამიანი გახლდათ. რომ მოენდომებინა, მშვენიერი აგენტიც გამოვიდოდა მისგან, — გამოუტყდა ბლენი საკუთარ თავს, — მაგრამ ეს მის ბუნებას არ შეესაბამებოდა, რადგან მას აგენტისათვის საჭირო თვისებები — ვერაგობა და გაუტანლობა — აკლდა.

სანაპიროს ციცაბო ხრამი კვეთდა, რომელიც ქვემოთ მდინარისკენ მიიკლანებოდა. ხრამის კიდეზე რამდენიმე დაგრეხილი ხე იზრდებოდა.

ბლენმა ხეებს ქვემოდან შემოუარა და მიწაზე ჩამოჯდა.

ქვემოთ მდინარე მიექანებოდა. მის შავ დინებას ვერცხლისფერი შერეოდა, ხოლო ორივე მხარეს კუზიანი აჩრდილებივით ჩამწკრივებულიყვნენ ნაცრისფერი კლდეები.

ბუს ხმა გაეკმინდა, სამაგიეროდ, მდინარის ჩუხჩუხი გაძლიერდა და თუ გულისყურით მოუსმენდით, გაიგონებდით, როგორ რეცხავდა წყალი ქვიშიან ნაპირებს და მდინარისკენ გადახრილ ხეებს ფესვებში უვლიდა. ხეები იმდენად მკვეთრად გადახრილიყვნენ, რომ თავები მდინარეში ჩაერგოთ და ჯიუტი ფესვებით ეჭიდებოდნენ მიწას.

აქ ლამის გათევა ცუდი აზრი არ იქნება, — გაიფიქრა ბლენმა. მართლია, საბანი არ ჰქონდა, მაგრამ ხეები

დაფარავდა და სიცოვისგანაც დაიფარავდა. ეს ყველზე უსაფრთხო ადგილი იყო, რაც კი დღის განმავლობაში შეხვდა.

ბლეინი ხშირ ბუჩქნარში შეძვრა და ღამის გასათევად მზადება დაიწყო. რამდენიმე ქვის გადაადგილება მოუხდა, შემდეგ დამტვრეული ტოტი მოაშორა იქაურობას და გამხმარი ფოთლები რომ მოხვეტა, სწორედ მაშინ გაახსენდა, რომ აქ შეიძლება ჩხრიალა გველები ყოფილიყვნენ, თუმცა, თავი დაიმშვიდა, ჩხრიალა გველებისთვის უკვე საკმაოდ ციოდა.

ბლეინი ფოთლების გროვაში მყუდროდ მოკალათდა. სასთუმალი ისეთი მოხერხებული არ იყო, როგორც ეგონა, მაგრამ სულ არქონას მაინც ჯობდა, თანაც აქ დიდი ხნით გაჩერება არ მოუწევდა, მალე მზე ამოვიდოდა და ისიც გზას გააგრძელებდა.

ბლეინი ჩუმად იწვა სიბნელეში, გონებაში კი გასული დღის მოვლენები კადრებივით ენაცვლებოდნენ ერთმანეთს, მისი ცნობიერება ამ მოვლენების შეჯამებას, საბოლოო დასკვნის გამოტანას ცდილობდა. ბლეინის ძალისხმევა, ეს ნაკადი შეეჩერებინა, ამოა აღმოჩნდა.

გონებრივ ეკრანზე მონაცვლეობით ჩნდებოდა მოვლენებით აღსავსე დღის ცალკეული ნაგლეჯები და შთაბეჭდილებები. მოგონებათა ფირს ბოლო არ უჩანდა. ნელ-ნელა ეს მოვლენები რეალურ სახეს კარგავდნენ და აჩრდილებად იქცეოდნენ.

ნეტა როგორმე შეეჩერებინა ფიქრის ეს ნაკადი, — ნატრობდა ბლეინი. ნეტა ყურადღების სხვა რამეზე გადატანა შეიძლებოდა.

და უცბად მიხვდა, რაც იყო ის სხვა რამ, რაზეც შეეძლო ფიქრი გადაეტანა — ლამბერტ ფინის გონება.

ბლეინმა ფრთხილად ჩაიხედა ფინის გონებაში და იქ ნანახმა თავზარი დასცა — შიშის, სიძულვილისა და ვერაგობის გრძნობებს ხორცი შეესხათ და მატლებივით ფუსფუსებდნენ. ამ ამაზრზენი მასის ცენტრში კი იმ უცხო

პლანეტის ენითაუნერელი საშინელება ტრიალებდა, რომელმაც ფინს ჭკუა დააკარგვინა. მანქანიდან გადმოსული არაადამიანური ხმით ყვიროდა, თითები დაეკრუნჩხა და დუჟმორეული გიჟივით ატრიალებდა თვალებს.

ეს ავისმომასწავებელი, საზარელი და შავბნელი პლანეტა იყო. იქ ისეთი რამ დაინახა, რაც თავისი არსით ყველანაირ ადამიანურ პრინციპს ეწინააღმდეგებოდა. ამ არსების გაურკვეველ, არანორმალურ ღმუილსა და ჭყვილში აზრის ნატამალიც არ შეინიშნებოდა, მის თვალებში კი უკიდევანო და უძირო უკეთურებას დაესადგურებინა. არსება ჩონჩხივით თავით ბლენისკენ მოიწევდა, საზარელი, ათასობით კბილი სახის წინ ღრჭიალებდა, მკვდარივით თეთრი და გადაბრუნებული თვალები კი უიმედობის გრძნობას აღძრავდა მასში.

ბლენის გონებაში სასონარკვეთილმა და გამაყრუებელმა კივილმა იფეთქა და მის თვალწინ გაშლილი საშინელი სურათი მთლიანად გადაფარა.

მაგრამ იმავე დროს ყოვლად უადგილო და წამიერმა ფიქრმა გაუელვა თავში და გაქრა...

ყველა წმინდანთა დღე მოაგონდა.

ბლენი მთელი ძალით ჩაებლაუჭა ამ ფიქრს და თავგამოდებით ცდილობდა, მოგონებათა უსასრულო მწკრივი უცხო პლანეტის კომპარისგან გაეცალკეებინა.

ყველა წმინდანთა დღე — ოქტომბრის რბილი, სასიამოვნო საღამო, ქუჩები ლამპიონებითა და მთვარის შუქით განათებულიყო. ვეებერთელა სავსე მთვარე გაშიშვლებული ხის კენწეროზე ეკიდა, თითქოს დედამიწაზე განგებ ჩამოსულიყო, ამ თავშესაქცევი სანახაობისთვის უკეთ რომ ედევნებინა თვალი და არაფერი გამოჰპარვოდა. ცეცხლმოკიდებული ფოთლების კვამლში გახვეულ ქუჩებში ბავშვების მხიარული ჟრიამულისა და პატარა ფეხების ბაკუნის ხმა ისმოდა, თითქოს აღტაცებული გობლინები ფერხულში ჩაბმულიყვნენ და ომახიანი ყიჟინით

ეხმიანებოდნენ ერთმანეთს. შესასვლელ კართან შუქი მუდმივად ენთო და სხვადასხვა კოსტიუმებში გადაცმულ ბავშვებს გულთბილად ეპატიჟებოდა შიგნით. მოსასხამებში გახვეული ფიგურები შედიოდნენ და გამოდიოდნენ, მათი ტომრები კი ნელ-ნელა ივსებოდა და მძიმდებოდა უამრავი სახის ნუგბარით.


მოგონება იმდენად მკაფიო და ნათელ სახეს იძენდა, რომ ბლეინმა საკუთარი ბედნიერი ბავშვობის თითოეული დეტალი გაიხსენა, თითქოს გუშინ მომხდარიყოს. გაახსენდა, როგორ დაქროდა ქალაქში მხიარული შეძახილებით. მოგონებამ მხოლოდ წამიერად გაუელვა, სინამდვილეში მშვენივრად იცოდა, რომ ეს დიდი ხნის წინათ ჩაბარდა წარსულს.

ამ უდარდელი ხანისთვის უცხო იყო შიში და პანიკა, რომლებიც ჯერ კიდევ არ მოსდებოდნენ ქალაქს შავ მანტიასავით, ხოლო მაგია მხიარულ და ღიმილისმომგვრელ ცნებას წარმოადგენდა. ყველა წმინდანთა დღესაც მეტი ხალისი და ემხი ჰქონდა და არც მშობლებს ეშინოდათ ბავშვების ქუჩაში გვიანობამდე გაშვება.

დღესდღეობით უკვე გამორიცხული და წარმოუდგენელია ყველა წმინდანთა დღის აღნიშვნა. ამ დღეს ყველა სახლის კარები ორმაგი საკეტი ირაზება, დარაბები საგულდაგულოდ იხურება, საკვამურები საიმედოდ იხშობა და ფანჯრებზე ყველაზე ძლიერმოქმედ შელოცვებს კიდებენ.

რა სამწუხაროა, — გაიფიქრა ბლეინმა, — და ის დღე გაახსენდა, ის და ჩარლი ჯონსი ბებერი ჩენდლერის ფანჯარას რომ მიადგნენ და ბრახუნი აუტყხეს. მოჩვენებითი რისხვით გაფითრებულმა მიხუცმა თოფს დასტაცა ხელი და ღრიალით გამოენთო აივანზე. გაახსენდა, ისე თავქუდმოგლეჯილებმა მოკურცხლეს, რომ ლუისის სახლის უკან გათხრილ არხში ჩაცვივდნენ

და კიდევ ერთი შემთხვევა მოაგონდა და მთელი გონებით ჩაეჭიდა ამ მოგონებას.



ბლეინი სიცივემ და სხეულის დაბუყებამ გამოაღვიძა. გაოცებული აკვირდებოდა იქაურობას, ხედავდა, რომ გარს ხშირი ტევრი შემოხვეოდა და ვერ გაეხსენებინა, სად იყო და იქ როგორ აღმოჩნდა. სხეული მაგარ და უხეშ ნიადაგზე წოლისა და სიცივისგან გაქვავებოდა. თვალი მის თავთან გადანულ ხის ტოტებს გაუსწორა და ნელ-ნელა გაიხსენა საკუთარი ვინაობა.

საიდან აღმოჩნდა აქ.

ყველა წმინდანთა დღეც გაახსენდა.

ბლეინი მკვეთრი მოძრაობით წამოიწია და თავი მის ზემოთ გადახლართულ ტოტებს მიარტყა.

ყველა წმინდანის დღე შემთხვევითი ფიქრის გაელვება არ გახლდათ.

ამ დღეს ფინის ხალხს შეთქმულება დაეგეგმათ!

ბლეინი გაყინული და გაქვავებული იჯდა, მისი გონება აღშფოთებასა და რისხვას მოეცვა.

ასეთი მარტივი და ამავედროულად ვერაგი ჩანაფიქრი ლამბერტ ფინისნაირ ნაძირალას თუ მოუვიდოდა აზრად.

ამის დაშვება არ შეიძლებოდა — წინააღმდეგ შემთხვევაში ძალადობისა და მტრობის ახალი ტალღა აგორდებოდა და როცა ეს მწვავე რეაქცია ჩაცხრებოდა, პოლიცია უფლებების

შემზღუდავ ახალ კანონებს შემოიღებდა. თუმცა არ არის გამორიცხული, რომ ამ კანონების მიღება ზედმეტიც აღმოჩენილიყო, რადგან ამ დარბევას შეიძლება მსოფლიოში არნახულ მასშტაბებისთვის მიეღწია. ეს ხოცვა-ჟლეტა ათასობით პარაკინეტიკოსის დაღუპვით დამთავრდებოდა.

ერთადერთი გამოსავალი ახლა პარაკინეტიკოსებით დასახლებულ, ყველაზე ახლოს მდებარე სოფელში — ჰამილტონში ჩასვლა იყო დახმარების სათხოვნელად. ბლეინს ეჭვი არ ეპარებოდა, რომ იქ უსათუოდ გაუწოდებდნენ დახმარების ხელს. თუ ამ ოპერაციას ჩაატარებდნენ, ჰამილტონს პირველ რიგში ემუქრებოდა საფრთხე.

თუ დღეები არ აერია, ყველა წმინდანთა დღე ზეგ უნდა ყოფილიყო. თუმცა არა, ხვალინდელი დღე უკვე დადგა, ასე რომ, სამოქმედოდ ორ დღეზე ნაკლები რჩებოდა.

ბლეინი ბუჩქნარიდან გამოძვრა. მზე აღმოსავლეთ გორაკებიდან ამოიწვერა, ისე ახლოს, გეგონებოდა, ხელით მისწვდებოდი. დილის ჰაერში მოახლოებული ზამთრის სუსხი იგრძნობოდა. გამხმარი ბალახით დაფარული დამრეცი ფერდობი რუხი მდინარის ნაპირას ეშვებოდა. სიცივისგან აკანკალებულმა ბლეინმა ხელები შემოკრა ერთმანეთს, ცოტა რომ გამთბარიყო.

ჰამილტონი, თუ სწორად აიღო გეზი, მდინარის ჩრდილოეთით უნდა ყოფილიყო, რადგან ის სასტუმრო, სადაც ის ჰარიეტთან და სთოუნთან ერთად გაჩერდა, ბელმონტიდან ჩრდილოეთით მიმავალ გზაზე მდებარეობდა, იქიდან კი ჰამილტონი ორიოდე მილით იყო დაშორებული.

ბლეინი ფერდობს დაუყვა და ამ მოძრაობაში სხეული გაუთბა, ამომავალმა მზემაც ცოტა ძალა მოიკრიბა და უფრო მეტ სითბოს აფრქვევდა.

მდინარის ნაპირთან ქვიშიანი მეჩეჩი გამოშვერილიყო, თიხანარევი ქვიშიანი წყალი მრისხანე ჩხრიალით ევლებოდა თავს. ბლეინი ნაპირთან მივიდა, დაიცუცქა, პეშვით წყალი აიღო და მოსვა. წყალს ქვიშისგან ყავისფერი მიეღო და

დალექილი თიხისა და წყლმცენარეების გემო დაჰკრავდა. პირი რომ დახურა, კბილებში ქვიშამ დაიწყო ხრაშუნი.

მაგრამ ახლა ამას არ ჰქონდა მნიშვნელობა, მთავარია, წყალი იყო და ისმებოდა. დიდი გაჭირვებით აილო კიდეც ერთი პეშვი. თითები კი მჭიდროდ მიეცყუებინა ერთმანეთისთვის, მაგრამ თითებს შორის წყალი მაინც ეპარებოდა და პირამდე თითქმის აღარაფერი აღწევდა.

ბლენი იჯდა და ირგვლივ გამეფებული სინყნართა და სიმშვიდით ტკბებოდა. ალბათ ასეთი იყო სამყარო შექმნის პირველ დღეს, სპეტაკი და ხელუხლებელი, როცა ის ჯერ კიდეც არ მოენამლა სიხარბეს, უკეთურებასა და სხვა მრავალ მანკიერებას, რომელიც საუკუნეების მანძილზე ღრღნიდა ადამიანთა მოდგმას.

მოულოდნელად სიჩუმე წყლის ჩქაფუნმა დაარღვია. ბლენი ფეხზე წამოხტა. არც ნაპირზე, არც თვითონ მდინარეზე და არც მეჩერის იქით მდებარე ტირიფნარის კუნძულზე არაფერი მოჩანდა. რაღაც ცხოველი იქნებოდა, — გაიფიქრა ბლენმა, — ან იქნებ, თახვიც ყოფილიყო, ან ნავი, ან ონდატრა, ან ნაულა ან სულაც თევზი.

ხმა განმეორდა და მდინარეში ნავი გამოჩნდა, შემოუხვია და ნაპირისკენ გამოემართა. კიჩოზე ლაბადაში გამოწყობილი კაცი იჯდა და ისე ტლანქად უსვამდა ნიჩბებს, გული შეგინუხდებოდა. ნავის ცხვირი წყლიდან ამოშვერილიყო, რადგან მენიჩბისა და კიჩოზე მიმაგრებული ძრავის სიმძიმეს გადაეწონა.

ნავი გრუხუნით მოუახლოვდა ნაპირს და ბლენმა თვალი მოკრა მენიჩბეს. კაცს ნაცნობი სახე ჰქონდა, ადრე შეხვედროდა. სადღაც და როგორღაც მათი გზები უეჭველად გადაიკვეთა.

ბლენი წყალში შევიდა, ნავი ქიმით დაიჭირა და ქვიშიან ნაპირზე შეაცურა.

“ღმერთმა დაგლოცოს, — შესძახა ნავში მჯდომმა, — რა მშვენიერო დილაა.”

“მამა ფლენეგან!” — შეჰყვირა ბლეინმა.

მღვდელმა გასხივოსნებული სახით გაუღიმა.

“სახლიდან შორს წამოსულხართ,” — აღნიშნა ბლეინმა.

“მე იქით მივდივარ, საითაც მამაზეცხიერი მიბრძანებს წასვლას,” — განუმარტა ფლენეგანმა.

მღვდელმა დასაჯდომ ადგილს დაჰკრა ხელი:

“ხომ არ ჩამოჯდებოდი ცოტა ხანს. ღმერთო, მაპატიე, მაგრამ გვარიანად დავიღალე.”

ბლეინმა ნავი კიდევ ოდნავ შეაცურა ქვიშიან ნაპირზე, შიგ ჩახტა, ჩამოჯდა მღვდლის მიერ მითითებულ ადგილას და ხელი გაუწოდა მას. მამა ფლენეგანმა ნაზად მოუჭირა მას თავისი ართრიტისგან დაკრუნჩხული ხელები.

“მიხარია თქვენი ნახვა, მამაო.”

“მე კიდევ, ცოტა არ იყოს, გაოგნებული ვარ, — გამოუტყდა მამაო, — სიმართლე გითხრა, შენ გითვალთვალებდი.”

“უცნაურია, — აღნიშნა ბლეინმა ოდნავ გაკვირვებულმა და ამავედროულად შეშინებულმა, — მაგრამ თქვენნაირ ადამიანს უსათუოდ უფრო მნიშვნელოვანი საქმეები ექნება.”

ფლენეგანმა ბლეინს ხელი გაუშვა.

“ცდები, შვილო ჩემო, — შეუსწორა ფლენეგანმა, — განა რა შეიძლება იყოს ჩემთვის იმაზე მნიშვნელოვანი, ვიდრე შენს კვალზე სიარული?”

“უკაცრავად, მამაო. არ მესმის თქვენი.”

მამა ფლენეგანი დაკრუნჩხული ხელებით მუხლებს დაეყრდნო და წინ გადაიხარა.

“აუცილებლად უნდა მომისმინო და გაიგო, — აუხსნა ფლენეგანმა, — შემპირდი, რომ არ გამიბრაზდები და არ შემანყვეტინებ.”

“გპირდებით,” — აღუთქვა ბლეინმა.

“ალბათ გსმენია, რასაც ამბობენ დედა ეკლესიაზე, — დაინყო მან, — რომ ის მოუქნელი და სასტიკია, რომ

დრომოჭმულ ტრადიციებსა და დოგმებს ეპოტინება და მთელი ძალით ეწინააღმდეგება ცვლილებებს..."

"დიახ, გამიგია."

"მაშ, მინდა გითხრა, რომ სიცრუეა ეს ყველაფერი. ეკლესია დროს უწყობს ნაბიჯს და მასთან ერთად იცვლება, წინააღმდეგ შემთხვევაში, საკუთარ თავს ვერ შემოინახავდა მთელი თავისი დიდებულებითა და ბრწყინვალეებით. ის არად აგდებს ადამიანის შეხედულებებისა და ზნე-ჩვეულებების ცვალებადობას და ადვილად ეგუება ცვლილებებს, მაგრამ ეს ნელი პროცესია. ეკლესია გადანყვეტილებას ვერ მიიღებს, სანამ მის სისწორეში არ დარწმუნდება. ეკლესიას შეცდომის უფლება არ აქვს."

"მამაო, რისი თქმა გინდათ?"

"გახსოვს, მაშინ რომ გკითხე, ჯადოქარი იყავი თუ არა. შენ ამ კითხვამ ძალზე გაგამხიარულა."

"მართლაც რომ გამამხიარულა."

"ეს მთავარი შეკითხვა გახლდათ, ერთი შეხედვით მარტივი, მაგრამ განგებ დაესვი ასე მარტივად, იმიტომ, რომ პასუხიც ასევე მარტივად გაგეცა, ან ჰო, ან არა."

"ჰოდა გპასუხობთ. არავითარი ჯადოქარი არა ვარ."

მღვდელმა ამოიხრა. "შენ, როგორც გატყობ, — ნყენით წარმოთქვა მან, — გინდა, მთელი თხრობა გამირთულო."

"კარგით, მამაო. განაგრძეთ. ვეცდები, აღარ შეგანყვეტინოთ," — შეჰპირდა ბლენი.

"ეკლესიამ უნდა იცოდეს, რა არის პარაკინეტიკა, ადამიანის ბუნებრივი შესაძლებლობა თუ მაგია. ერთ დღეს, ალბათ მრავალი წლის შემდეგ, მას საკუთარი გადანყვეტილების მიღება მოუწევს. ეკლესიას საკუთარი პოზიცია უნდა ჰქონდეს ადამიანის ყველა მორალური ღირებულების მიმართ. ეს მისი ისტორიული დანიშნულებაა. ალბათ გეცოდინება, რომ თეოლოგთა სპეციალური კომიტეტი დაინიშნა, რომელიც სწორედ ამ საკითხზე მუშაობს..."

“და თქვენ?”

“მე გამოკვლევა და გამოძიება მაქვს დავალებული. ჩვენ მხოლოდ გარკვეულ ფაქტებსა და ინფორმაციას ვაგროვებთ, რომლებსაც, თავის დროზე, თეოლოგთა ჯგუფს გადაეცემთ განსახილველად.”

“მე ერთ-ერთი სამხილი ვარ, ალბათ.”

მამა ფლენგანმა დასტურის ნიშნად თავი დაუკრა.

“ერთი რამ ვერ გამიგია, მამაო. ნუთუ თქვენს რწმენას წყალი შეუდგა. მიკვირს, რომ ეჭვი შეგაქვთ. თქვენ უამრავი ბიბლიურად დასაბუთებული სასწაული იცით. მითხარით, რა არის სასწაული, თუ არა პარანორმალური კინეტიკის ერთგვარი გამოვლინება? სადღაც ხომ უნდა მოხდეს ადამიანური და ზეციური ძალების თანხვედრა? თქვენ შეგიძლიათ, მათი დამაკავშირებელი ხიდის როლიც კი შეასრულოთ.”

“შენ მართლა გჯერა ამის?”

“მე არ ვარ რელიგიური...”

“ვიცი, რომ არ ხარ. ეს ერთხელ უკვე მითხარი. მაგრამ მაინც მიპასუხე, შენ გჯერა ამის?”

“ეჭვი არ მეპარება.”

“ვერ დაგეთანხმები, — შეენინაალმდეგა მღვდელი, — ეს ყველაფერი ძალიან ჰგავს მკრეხელობას. მაგრამ მე სულ სხვა რაღაც მინდა გითხრა. შენ სხვებს არ ჰგავხარ. რაღაც არის შენში უცნაური, სხვებისგან განმასხვავებელი.”

“მე ნახევრად უცხო ვარ, — სიმწრით აღიარა ბლენმა, — ასე აშკარა სახელი ჯერ არავისთვის დაურქმევიათ. ახლა თქვენ არა მარტო მე, არამედ უცხო არსებასაც ესაუბრებით, რომელიც არანაირად არ ჰგავს ადამიანს და რომელიც შორეულ პლანეტაზე ბინადრობს ხუთი ათასი სინათლის წლის მიღმა. უკვე მილიონი წელია, რაც იქ ცხოვრობს და, სავარაუდოდ, კიდევ მილიონს იცხოვრებს. საკუთარ გონებას შორეულ პლანეტებზე სამოგზაუროდ უშვებს, მაგრამ, ამ მოგზაურობების მიუხედავად, მაინც ძალიან მარტოსულად

გრძნობს თავს. დრო მისთვის აღარ წარმოადგენს საიდუმლოს, არ ვიცი, არსებობს კი მისთვის რაიმე ამოუხსნელი? ყველაფერი ის, რაც მან იცის, მეც ვიცი. მე შემიძლია ეს ცოდნა უფრო ნაყოფიერად გამოვიყენო, ვიდრე მან. როცა დრო მექნება, თუ მექნება, რა თქმა უნდა, ყველა ამ ინფორმაციას მოვუხმობ, დავახარისხებ და გონების თაროებზე სათუთად დავალაგებ."

მღვდელმა ღრმად ჩაისუნთქა: "რალაც მაგდაგვარს ვფიქრობდი."

"თუ გნებავთ, საქმეს ახლავე შეუდექით, — მოუნოდა ბლენმა, — სად არის ნაკურთხი წყალი? შემაპკურეთ და ჭუჭყიან კვამლში გავუჩინარდები."

"შენ, როგორც გატყობ, ვერ ჩანვდი ჩემს მიზანს და დამოკიდებულებას ამ ყველაფრის მიმართ. თუ ის ძალა, რომელმაც შორეულ ვარსკვლავებზე სამოგზაუროდ გაგიშვა, ეშმაკიდან არ მოდის, მაშინ, თუ იქ რაიმე ეშმაკისეულს გადააწყდები, ამას მხოლოდ შემთხვევითი ხასიათი ექნება."

მისი მოკუნტული თითები ისეთი ძალით ჩაეჭიდა ბლენის მკლავს, რომ ვერც იფიქრებდით, ამ სუსტ ხელებში ამხელა ძალა თუ იმალებოდა.

"შენ დიდი ძალით დაგაჯილდოვა განგებამ. ღრმა ცოდნას ეზიარე და ვალდებული ხარ, ის ღმერთის სადიდებლად და კაცობრიობის საკეთილდღეოდ გამოიყენო. მე, ერთი უმწეო ადამიანი, ამ ტვირთსა და ვალდებულებას გაკისრებ. იშვიათად თუ დაანვება ხოლმე ერთ ადამიანს ამხელა ვალდებულება. ნუ გაფლანგავ ამ ნიჭს, ფართო გასაქანი მიეცი და, რაც მთავარია, უკეთური მიზნებისთვის არ გამოიყენო. ეს ნიჭი შენ გადმოგეცა, შეიძლება ამის მიღმა ღვთიური ჩანაფიქრია, რაც ჩვენთვის, მოკვდავთათვის მიუწვდომელია. ამგვარი რამ, დამიჯერე, შემთხვევით არ ხდება."

"ღვთის ხელი," — წამოსცდა ბლენს, მაგრამ მაშინვე ინანა, როგორც კი ეს სიტყვები წარმოთქვა.

“ღვთიური ხელი, რომელიც შენზე მიუთითებს.”

“მე არ მითხოვია ეს ნიჭი. ვინმეს რომ ეკითხა ჩემთვის, მინდოდა თუ არა, მე უარს ვეტყობდი.”


“მომიყვები ყველაფერი, გთხოვ, — შეეხვეწა ფლენეგანი, — სულ თავიდან მომიყვები.”

“იმ შემთხვევაში, თუ თქვენც მომიყვებით.”

“რა უნდა მოგიყვე?”

“თქვენ თქვით, რომ ჩემს კვალს მისდევდით. როგორ მოახერხეთ ეს?”

“ღმერთო ჩემო. მეგონა, უკვე დიდი ხანია, მიხვდი. მეც თქვენნაირი ვარ. საკმაოდ კარგი პარაკინეტიკური ყნოსვა მაქვს.”



მდინარის პირას მთვლემარე ჰამილტონი გამოჩნდა. ამ ახალაშენებულ ქალაქს მაინც ახასიათებდა ძველი სანაპირო ქალაქებისთვის ჩვეული მსუბუქი ნისლიანობა. მის თავზე მოყვითალო-მოყავისფრო მთები აღმართულიყვნენ, მთების ძირას კი ჭადრაკის დაფასავით დაყოფილი მინდვრები ქალაქის ნაპირამდე გაშლილიყო. საკვამურებიდან დილის ზანტი კვამლი ამოდიოდა, ხოლო თითოეული ღობის ძირას ვარდისფერი ბუჩქი ყვაოდა.

“წყნარი ადგილი ჩანს, — აღნიშნა მამა ფლენეგანმა, — იმედია, იცი, რასაც აკეთებ?”

ბლენმა თავი დაუკრა: “თქვენ, მამაო, თქვენ რას აპირებთ?”

“ქვემოთ მდინარის პირას ერთი სააბატოა, სადაც სიამოვნებით მიმიღებენ.”

“კიდევ შევხვდებით?”

“აღბათ. ჩემს სასაზღვრო ქალაქს დავუბრუნდები და ფიშპუკის საზღვარზე მარტოხელა მოპიკეტის პოსტს დავიკაავებ.”

“დაელოდებით, როცა ვინმე საზღვრის გადმოჭრას გადანყვეტს?”

მღვდელმა თავი დაუქნია, ძრავა გამორთო და ნავი ნაპირისკენ მიმართა. მისი ფსკერი ქვიშასა და კენჭებს ხრაშუნით მოედო. ბლეინი ნავიდან გადმოხტა.

მამა ფლენეგანმა დასავლეთის ცას შეხედა და ჰაერი დაყნოსა, როგორც მეძებარი ყნოსავს ხოლმე გაციებულ კვალს. "ამინდი იცვლება, — გამოაცხადა მან, — მოსალოდნელ ცვლილებას ჰაერში ვგრძნობ ხოლმე."

"გმაღლობთ, რომ მომიყვანეთ. ფეხით სიარული გამიჭირდებოდა და ვინ იცის, კიდევ რამდენი დრო დამჭირდებოდა."

"ნახვამდის, შვილო. ღმერთი გფარავდეს."

ბლეინმა ნავს ხელი ჰკრა და ნყალში შეაცურა. მღვდელმა ძრავა ჩართო, ნავი მოაბრუნა, ნაპირს მოშორდა და მდინარეს დაუყვა დინების მიმართულებით. დამშვიდობებისას ბლეინს ხელი დაუქნია, მანაც ხელის ქნევით უპასუხა.

ბლეინი ნაპირზე გავიდა და ქალაქისკენ მიმავალ ბილიკს დაადგა.

მალე ქალაქის ქუჩაში აღმოჩნდა და ისეთი შეგრძნება ჰქონდა, თითქოს სახლში დაბრუნდა.

ეს არ ჰგავდა მის მშობლიურ ქალაქს, არც უოცნებია მასზე, მაგრამ როგორც კი ფეხი შემოადგა, მაშინვე მიხვდა, რომ აქ ნებისმიერი ადამიანი სიამოვნებით იცხოვრებდა. თავს მყუდროდ და საიმედოდ გრძნობდი, შეგეძლო დღევანდელი დღით უზრუნველად გეცხოვრა, დღეები უშფოთველად გაგეტარებინა და მომავალზე არ გეფიქრა. ირგვლივ სულიერი სიმშვიდე სუფევდა. ამაზე უკეთეს ადგილს ვერ იპოვნიდი დასასახლებლად.

მიუხედავად იმისა, რომ კოხტა და სუფთა სახლების გასწვრივ მიმავალ ქუჩაში არავინ ჩანდა, ბლეინი მაინც გრძნობდა თითოეული სახლის ფანჯრიდან მისკენ მომართულ ფარულ მზერას. კი არ უთვალთვალებდნენ, არამედ უბრალო ცნობისმოყვარეობით ათვალიერებდნენ.

ერთ-ერთი ეზოდან ნაღვლიანი გამომეტყველების მქონე,

ლამაზი მეძებარი გამოლასლასდა და ძველი მეგობარივით აუწყო ნაბიჯი.

ბლენი გზაჯვარედინს მიუახლოვდა და მარცხნივ რამდენიმე საქმიანი დანიშნულების შენობა შენიშნა, სავარაუდოდ — სავაჭრო ცენტრი, რომლის შესასვლელთან რამდენიმე კაცი შეკრებილიყო.

ქუჩას აუყვა და შენობასთან შეკრებილი ჯგუფისკენ გაემართა, მეძებარიც თან მისდევდა.

“დილა მშვიდობისა, — მიესალმა ბლენი ხალხს, — ხომ ვერ მეტყვი, სად შეიძლება ენდრიუსის ნახვა?”

წამიერი სიჩუმის შემდეგ ერთ-ერთმა მათგანმა წამოიძახა: “მე ვარ ენდრიუსი.”

“უნდა დაგელაპარაკოთ.”

“დაბრძანდი და ყველას გასაგონად ილაპარაკე,” — მიუგო ენდრიუსმა.

“შეპარდ ბლენი ვარ.”

“ვიცი, ვინც ხარ, — შეაწყვეტინა ენდრიუსმა, — ნავი რომ ნაპირს მოაყენეთ, ჯერ კიდევ მაშინ გავიგეთ.”

“ჰო, რა თქმა უნდა, როგორ ვერ მიეხვდი.”

“ეს თომას ჯექსონია, ეს ჯონსტონ კარტერი, ის კი ერნი ელისია,” — გააცნო ხალხი ენდრიუსმა.

“სასიამოვნოა თქვენი გაცნობა.”

ჯექსონი მიიწია, ადგილი რომ დაეთმო. ბლენი მასსა და ენდრიუსს შორის ჩამოჯდა.

“საიდან დავიწყო? ალბათ, პირველ რიგში იქიდან, რომ ფიშპუკიდან გავიქეცი.”

“შენ შესახებ ცოტა რამ ვიცი. ჩემმა შვილმა რამდენიმე ღამის წინ გაგიცნო, ვილაც რაილისთან ერთად იყავი. გასულ ღამეს კი აქ თქვენი მეგობრის ცხედარი მოასვენეს...”

“გორაკზე დავასაფლავეთ, — მოახსენა ჯექსონმა, — ცოტა ნაჩქარევად კი ჩატარდა ცერემონიალი, მაგრამ მაინც დავკრძალეთ. მასაც შორიდან ვიცნობდით.”

“გმადლობთ,” — მიუგო ბლენმა.

"გუშინ ღამე კი ბელმონტში რაღაც არეულობა დაიწყო," — განაგრძობდა ჯექსონი.

"მაინცდამაინც არ მოგვწონს, რაც ჩვენ გარშემო ხდება, — შეაწყვეტინა კარტერმა, — განსაკუთრებით ის, რომ სწორედ ჩვენ აღმოვჩნდებით ხოლმე მსგავს უსიამოვნებაში გარეული."

"ძალიან ვნუხვარ, თუ მასეა, — მოუბოდიშა ბლეინმა, — მე ალბათ თქვენთვის კიდევ უფრო მეტი უსიამოვნება მომაქვს. ფინს თუ იცნობთ?"

მათ თავი დაუკრეს.

"გუშინ ველაპარაკე და ისეთი რამ დავტყუე, რასაც საკუთარი ნებით ალბათ არასოდეს მეტყოდა."

ისინი სულმოუთქმელად ელოდნენ, რას იტყოდა ბლეინი.

"გეგმის მიხედვით, ყველაფერი ხვალ, ყველა წმინდანთა დღეს უნდა მოხდეს," — აცნობა ბლეინმა.

ბლეინმა ხალხს დაძაბულობა შეამჩნია და სწრაფად განაგრძო თხრობა: "ფინმა, რაღაც მანქანებით, პარანორმალური ადამიანებისგან გარკვეული სახის იატაკქვეშეთი ჩამოაყალიბა. მათ, რა თქმა უნდა, წარმოდგენაც არა აქვთ, ვინ იმალება ამის უკან. მათთვის ეს ფსევდოპატრიოტული მოძრაობაა, კულტურული პროტესტის გამოხატვის ერთგვარი სახე. მართალია, მოძრაობა მაინცდამაინც დიდი წარმატებით არ სარგებლობს და ჯერ მასობრივი ხასიათი არ მიუღია, მაგრამ არც არის საჭირო მისი მასშტაბურობა. მთავარია, რამდენიმე ინციდენტი წინასწარ დაწერილი სცენარის მიხედვით მოეწყოს, რაც საზოგადოებისთვის საშინელი მაგალითის როლს შეასრულებს და მის აღშფოთებას გამოიწვევს."

"და ეს იატაკქვეშეთი, რომელიც, ძირითადად, მოზარდი პარანორმალურებისგან არის დაკომპლექტებული, ყველა წმინდანთა დღისთვის თავისი პარაკინეტიკური უნარების დემონსტრირებას აპირებს. მათ არწმუნებენ, რომ ეს შესანიშნავი შესაძლებლობა იქნება მათი პარაკინეტიკური

ძალების გამოსავლენად და ძველი ანგარიშების გასასწორებლად. ღმერთმა იცის, მთელი ამ ხნის მანძილზე რამხელა ბოღმა დაგროვდებოდა ამ ადამიანებში."

ბლენმა ლაპარაკი შეწყვიტა და გაქეპვებულ სახეებს შეხედა: "წარმოგიდგენიათ, რა ზემოქმედებას მოახდენს ეს რამდენიმე დემონსტრაცია მსოფლიოს ნორმალური მოსახლეობის წარმოსახვაზე, თუკი ფინი მათ ისეთი წარმატებით განახორციელებს, როგორც ჩაფიქრებული აქვს?"

"დემონსტრაციამ ფართო მასშტაბი თუ მიიღო, მცირე ხანში ის მთელ მსოფლიოს მოედება და რამდენიმე დღეში ჩვენი კვალიც კი აღიგვება პირისაგან მიწისა."

კარტერი ბლენისკენ გადაიხარა და ალელვებულმა ჰკითხა: "როგორ შეიტყუე ამის შესახებ? ფინი არავითარ შემთხვევაში არ გაანდობდა ამას გარეშე პირს."

"გონება გავუცვალე, — გამოუტყდა ბლენი, — ეს მეთოდი ვარსკვლავებზე მოგზაურობისას ავითვისე. საკუთარი გონების ნიმუში გადავუნერგე და, სამაგიეროდ, მისი გონების დუბლიკატი ავიღე. ეს პირგადასაღები ქალღმერთით მუშაობის მსგავსი პროცესია. თეორიულად ცოტათი ძნელია ამის ახსნა, მაგრამ დამიჯერეთ, ეს სავსებით შესაძლებელია."

"არა მგონია, ფინი მადლიერი დაგირჩეს ამ გაცვლისთვის, — აღნიშნა ენდრიუსმა, — შენნაირი არეული ჭტნება, ცოტა არ იყოს, მძიმე შენაძენია."

"ჰო, ფინი ნამდვილად გულნატკენი დამირჩა," — დაეთანხმა ბლენი.

"ეს ბავშვები კუდიანებივით მოედებიან არემარეს, — დაამატა კარტერმა, — დაკეტილ კარებში შევარდებიან, მანქანებს ერთი ადგილიდან მეორეზე გადაიტანენ, პატარა შენობებს მიწასთან გაასწორებენ და იქაურობას გამაყრუებელი ღრიალით აიკლებენ."

"სწორედ ეგ არის ამ დემონსტრაციების მიზანი, —

დაეთანხმა ბლენი, — ეს, ერთი შეხედვით, ძველებური, ტრადიციული ყველა წმინდანის დღე დაზარალებულებისთვის უბოროტო სიცელქე კი აღარ იქნება, არამედ შეგნებული და მიზანმიმართული უკეთურება, თითქოს ქვესკნელის ყველა ბოროტი ძალა იალალზე გამოუშვეს და ისიც ხალისით მოედო დედამიწის ზურგს. მათ ყველგან გობლინები, მოჩვენებები და მაქციები მოელანდებათ და ისედაც არასასიამოვნო სანახაობა დამფრთხალი ხალხის თვალში ზედმეტად დამახინჯებულ პროპორციებს შეიძენს. დილით ყველა ღობეზე გადახლართული ნაწლავების, ყელგამოჭრილი ადამიანებისა და გატაცებული გოგოების შესახებ ილაპარაკებს, თუმცა ეს ამბები არასოდეს მოხდება იქ, სადაც ამაზე მოყვებიან, არამედ სადმე სხვაგან. ხალხიც დაიჯერებს, ის ხომ ყველანაირ სისულელეს იჯერებს.”

“მიუხედავად ამისა, მაინც ძალიან მკაცრად არ უნდა განვიკითხოთ ეს უგნური ბავშვები, თუ ასეთ სისულელეს გააკეთებენ, — აღნიშნა ჯექსონმა, — თქვენ ვერც კი წარმოიდგენთ, რისი გადატანა მოუხდათ. ჯერ ცხოვრების ასპარეზზეც არ გასულან და უკვე რამდენი წინააღმდეგობის გადალახვა მოუწიათ. მათ სდევნიან და აბუჩად იგდებენ. ყოველი ფეხის ნაბიჯზე წინ აღმართული კედელი და მუქარით მოღერებული მუშტი ხვდებათ...”

“ვიცი, — შეანყვეტინა ბლენმა, — მაგრამ მაინც უნდა შევაჩეროთ. ხომ არსებობს რაღაც გზა მათ შესაჩერებლად. ტელეპათიის გამოყენება შეგიძლიათ ტელეფონით, ან სხვა რაიმე...”

“სატელეფონო ტელეპათია ორიოდ წლის წინ გამოიგონეს, — აღნიშნა ენდრიუსმა, — მარტივი, მაგრამ ამავდროულად გენიალური აღმოჩენაა.”

“ჰოდა, გამოიყენეთ, — არ ეშვებოდა ბლენი, — დაურეკეთ ყველა ნაცნობს და გააფრთხილეთ მოსალოდნელი საფრთხის შესახებ, სთხოვეთ, რომ სხვებს გადასცენ. ისინი

კი, თავის მხრივ, სხვებს დაუკავშირდებიან და ერთგვარი საკომუნიკაციო ჯაჭვი შეიქმნება."

ენდრიუსმა თავი გააქნია: "ყველას ვერ მივწვდებით."

"ცდას რალა უდგას წინ?" — იყვირა ბლეინმა.

"შევეცდებით, რა თქმა უნდა, — დააიმედა ენდრიუსმა, — ყველაფერს ვიღონებთ, რაც შეგვიძლია. უმადურობაში კი ნუ ჩამოგვართმევთ, პირიქით, ძალიან მადლიერი ვართ შენი, არ ვიცით, როგორ გადაგიხადოთ ეს სიკეთე, მაგრამ..."

"მაგრამ რა?"

"აქ ვერ გაჩერდები, — გააფრთხილა ენდრიუსმა, — ფინი გექნება, და შეიძლება მთელი ფიშპუკი შენს კვალს დასდევს. ერთხელაც გაიგებენ, რომ აქ იმალები და კარგი დღე არ დაგვადგება."

"ღმერთო ჩემო," — შეყვირა ბლეინმა, — "აქ იმისთვის მოვედი, რომ..."

"ძალიან ვწუხვართ. გვესმის, რასაც გრძნობ. კი შეგვიძლია, რომ დაგმალოთ, მაგრამ თუ გიპოვნეს..."

"კარგი, რა გაენყობა. მანქანა მაინც მიშოვნეთ."

ენდრიუსმა თავი გააქნია: "ძალიან სახიფათოა. ფინი ალბათ გზებსაც აკონტროლებს და ნომრებით ადვილად გაარკვევს, საიდანაც მოდიხარ..."

"მაშ რა ექნა? მთებს შევეხიზნო?"


ენდრიუსმა თავი დაუკრა.

"ცოტა საჭმელს ხომ არ გამატანთ?"

ჯექსონი წამოდგა: "წავალ, რამეს გამოვიტან."

— როცა მდგომარეობა დანყნარდება, შეგიძლია, მოხვიდე, — მიიპატიჟა ენდრიუსმა, — სიამოვნებით მიგიღებთ."

"გმადლობთ."



ბლენი ერთ-ერთი ყველაზე მაღალი მთის მომცრო კალთაზე მარტოხელა ხის ძირას იჯდა და მდინარეს გაჰყურებდა. მთებიდან მდელოზე გარეული იხვების გუნდი დაეშვა, მათი ფრთები ცაზე შავ კონტურებს ხაზავდა.

წელიწადის ამ დროს, — გაიფიქრა ბლენმა, — ცას ჩრდილოთიდან ჩამოფრენილი ფრინველების გუნდი აბნელებდა ხოლმე, რომლებიც კარს მომდგარი ზამთრის ყინვისა და ქარბუქისგან ცდილობდნენ თავის დაღწევას. დღეს ცოტასლა თუ შეხვდებით — მათი ნაწილი მონადირეების ტყვიას შეენირა, უმრავლესობა კი შიმშილით დაიხოცა, რადგან ადგილები, სადაც ისინი ბინარობდნენ, გვალვისაგან გადამხმარიყო.

ერთ დროს ეს ადგილები ბიზონებით იყო სავსე, თითქმის ყველა ნაკადულში შეგეძლოთ თახვი დაგეჭირათ. ახლა ბიზონები საერთოდ გადაშენდნენ, ხოლო თახვებს თითო ოროლას თუ შეხვდებით.

ადამიანმა ბოლო მოუღო გარეულ ფრინველსაც, ბიზონსაც და თახვსაც. მაგრამ ეს მხოლოდ არასრული სია იყო.

ადამიანი ყოველგვარი ცოცხალი არსების განადგურების გასაოცარი უნართა და ნიჭით გამოირჩეოდა. ზოგჯერ ამის

მიზეზი სიბოროტე და შიში გახლდათ, ზოგჯერ კი ამას უბრალოდ გართობის მიზნით სჩადიოდა.

თუ ფინის გეგმას ხორცი შეესხა, იგივე განმეორდება, ოღონდ სამიზნეები ამჯერად არა ფრინველი ან ცხოველი, არამედ პარანორმალური ადამიანები გახდებიან. ჰამილტონში, რა თქმა უნდა, ყველა შესაძლო ზომას მიიღებდნენ, მაგრამ იქნებოდა კი ეს საკმარისი? მათ მხოლოდ ოცდაექვსი საათი დარჩენოდათ გაფრთხილების გასავრცელებლად. ასე შეიძლება მოსალოდნელი შემთხვევების რიცხვი შემცირდეს, მაგრამ შეძლებენ კი ამ ძალადობის ტალღის მთლიანად შეჩერებას? გამორიცხული იყო.

თუმცა მას რაღა ანალვლებდა? რატომ უნდა ედარდა იმ ხალხზე, რომელმაც უარი თქვა მასზე. ბლეინი მათ მოძმეებად მიიჩნევდა და ამ ქალაქში, როგორც საკუთარ სახლში, ისე იგრძნო თავი, მათ კი გამოაძევეს.

ბლეინი გადაიხარა და შესაკრავი გადაუჭირა ზურგჩანთას, სადაც ჯექსონს საჭმელი და ყავით სავსე მათარა ჩაედო. ზურჩანთა გაასწორა და ახლოს დაიდგა.

შორს, სამხრეთით, ჯერ კიდევ მოჩანდა ჰამილტონის საკვამურებიდან ამომავალი კვამლი. გამოძევებით გამოწვეული ბრაზის მიუხედავად, ბლეინს მაინც არ ტოვებდა სიმშვიდის ის უცნაური გრძნობა, ქალაქის ქუჩებში სეირნობისას რომ დაეუფლა, თითქოს სახლში დაბრუნებულყოფიყოს. ასეთი ქალაქები ალბათ მრავლად იქნებოდა გაშენებული მსოფლიოს სხვადასხვა კუთხეში — თანამედროვე გეტოები, სადაც პარანორმალური ადამიანები წყნარად და შეუმჩნეველად ცხოვრობდნენ. ისინი დედამიწის ყველაზე მიუწვდომელ კუნჭულებში იმალებოდნენ და იმ დღის იმედით საზრდოობდნენ, როცა მათი შვილები და შვილიშვილები თავისუფლად ისეირნებდნენ ქუჩაში, ისევე, როგორც ყველა ნორმალური ადამიანი.

ვინ იცის, რამხელა ნიჭი და გენია იმალებოდა ასეთ სოფლებში, მაგრამ ეს შესაძლებლობები ტყუილად ცდებოდა,

რადგან მსოფლიო ვერასდროს შეიტყობდა მათ შესახებ ამ უსუსური ხალხის წინააღმდეგ მიმართული სიძულვილისა და შეუწყნარებლობის გამო. არადა, რამხელა სარგებელს მოუტანდა მსოფლიოს ეს უდიდესი პოტენციალი.

ყველაზე სამწუხარო კი ის იყო, რომ ასეთ სიძულვილსა და შეუწყნარებლობას სწორედ ფინისნაირი მდაბალი სულის პედანტები და ეგოისტები თესავდნენ, მისნაირი სასტიკი პურიტანელები, პატარა ადამიანები, რომლებიც მთელი ძალით მიისწრაფვოდნენ ძალაუფლებისკენ, საკუთარი უსუსურობის შესანიღბავად.

კაცობრიობის ისტორიისთვის უკიდურესობებია დამახასიათებელი, მისთვის უცხოა ოქროს შუალედები.

მაგალითად, მეცნიერება ავილოთ. მან ვარსკვლავების მოყვარულთა იმედები ვერ გაამართლა და ზურგი შეაქცევს. მეცნიერთა ჯგუფი კი ისევ განაგრძობდა მუშაობას კაცობრიობის საკეთილდღეოდ. მეცნიერებას სიკვდილი არ უწერია. ის იმდენ ხანს იარსებებს, რამდენ ხანსაც იქნება ადამიანი. ფიშპუკში მეცნიერთა მთელი არმია მუშაობდა, რომელიც გალაქტიკიდან წარმოშობილ პრობლემებს იკვლევდა, თუმცა საზოგადოების ფართო მასისთვის ის მაინც წარსულის მოვლენად რჩებოდა და უკვე ხელისშემშლელ ფაქტორს წარმოადგენდა.

დრო ცოტა ჰქონდა, უნდა ეჩქარა. აქ დარჩენა და დროის გაყვანა უაზრობა იყო, გზა უნდა გაეგრძლებინა. სხვა გამოსავალი არც დარჩენოდა. ჰამილტონი, რაც მთავარია, გაფრთხილებული ჰყავდა. მართალია, დახმარებაზე უარი უთხრეს, მაგრამ იქნებ მაინც მოემოქმედათ რამე.

პიერში წავიდოდა და ჰარიეტს იკითხავდა იმ ძველ კაფეში, რომლის შესასვლელთან ლოსის რქები ეკიდა. იქნებ სთოუნის ხალხსაც შეხვედროდა და მისთვის ღამის გასათევო გამოენახათ.

ბლენი წამოდგა, ზურგჩანთა მხარზე გადაიკიდა და ხეს მოსცილდა.

მოულოდნელად მის უკან შრიალის ხმა გაისმა და ბლენი მთელი ძალით, მკვეთრად შეტრიალდა.

ბალახზე გოგო დაეშვა, ჩიტივით გრაციოზული და დილასავით მშვენიერი.

მისი სილამაზით მოჯადოებულმა ბლენმა თვალი ვერ მოსწყვიტა მას. აქამდე, ფაქტობრივად, არც ენახა. ერთხელ რაილის მანქანის ფარების მკრთალ შუქზე იხილა და მეორედ გასულ ღამეს, სულ რაღაც ორიოდ ნუთით და ისიც სასტუმროს ოთახის ბინდებუნდში.

გოგო მიწაზე დაეშვა და ბლენს მიუახლოვდა.

“ახლახანს გავიგე, — მოახსენა მან, — რა სამარცხვინო საქციელია მათი მხრიდან. შენ ხომ ჩვენს დასახმარებლად მოხვედი...”

“არა უშავს, — დაამშვიდა ბლენმა, — მართალია, გული მტკივა, მაგრამ მესმის მათი.”

“მთელი ცხოვრება მხოლოდ იმაზე ფიქრობენ, როგორმე ნორმალური, ადამიანური პირობები შეგვიქმნან, ცდილობენ, სახალხო ყურადღებისგან ჩვენს დაცვას. ამიტომაც ვერ წავიდოდნენ რისკზე.”

“ვიცი, — დაეთანხმა ბლენი, — თუმცა ისეთებსაც ვიცნობ, რომლებიც რისკზე უკან არ იხევენ.”

“ახალგაზრდები სერიოზულ პრობლემებს ვუქმნით. ალბათ ყველა წმინდანთა დღის აღნიშნა მაინცდამაინც ჭკვიანური აზრი არ არის, მაგრამ რა ვქნათ, რაღაცით ხომ უნდა გავერთოთ, ისედაც მთელი დღეები სახლში ვსხედვართ. თანაც დღესასწაულები ყოველდღე ხომ არ ტარდება.”

“ძალიან დავალებული ვარ, — მიუგო ბლენმა, — შენ რომ არა, პოლიცია სთოუნის ცხედარს აღმოაჩენდა და მე და ჰარიეტს კარგი დღე არ გაგვითენდებოდა.”

“რაც შეგვეძლო, ყველაფერი გავაკეთეთ. დრო ცოტა გვქონდა, ამიტომ ცერემონიალი სრულად ვერ ჩავატარეთ.”

სამაგიეროდ, ბევრი ხალხი შეიკრიბა. გორაკზე დავასაფლავეთ."

"ვიცი, მითხრა მამაშენმა."

"წარწერა და ქვა ვერ დავდეთ. უბრალოდ, მიწა ამოვჭყერით და რომ დავასაფლავეთ, ისევ დავაფინეთ ზემოდან, ამობურცულ საფლავს ვერ დავტოვებდით. ვერავინ გაიგებს, რომ იქ ვინმეა დაკრძალული, მაგრამ ჩვენ ყველას ღრმად გვაქვს გონებაში ჩაბეჭდილი."

"მე და სთოუნი დიდი ხნის მეგობრები ვიყავით."

"ფიშპუკში?"

ბლენმა თავი დაუქნია.

"მომიყევი რამე ფიშპუკზე, მისტერ ბლენ."

"შეპი მქვია."

"კარგი, შეპ. მომიყევი."

"ფიშპუკი დიდი ქალაქია, მომალლო ადგილას მდებარეობს (გორაკზე აღმართული კოშკები, მოედნები, ტროტუარები, ხეებისა და მასიური შენობების რიგები, დახლები, მალაზიები, დუქნები, ხალხი...).

შეპ, ჩვენ რატომ არ გვიშვებენ იქ?

არ გვიშვებენ?

ზოგიერთმა მივწერეთ კიდევ. მათ საპასუხოდ რაღაც ბლანკები გამოგვიგზავნეს შესავსებად, ჩვენც შევავსეთ და გავუგზავეთ. მას მერე აღარ გამოგვხმაურებიათ.

ფიშპუკში მოხვედრას ათასობით ადამიანი ცდილობს.

მერე რა, რატომ არ გვიშვებენ? ფიშპუკი რაღაც ნაკრძალივით გახდებოდა ჩვენთვის, სადაც დევნილი და შეშინებული ხალხი, როგორც იქნა, შვებას იგრძნობს:

ბლენს ხმა არ ამოუღია. მისი გონება ანიტასთვის უკვე დახურული იყო.

შეპ! შეპ, რა მოხდა? ჩემმა ნათქვამმა ხომ არ გაგაბრაზა?

მისმინე, ანიტა, ფიშპუკს თქვენ არ სჭირდებით. ფიშპუკი შეიცვალა, ისეთი სანუკვარი ადგილი აღარაა, როგორც უნინ, ნამდვილ კორპორაციად იქცა.

კი, მაგრამ ჩვენ ხომ ყოველთვის...

ვიცი, ვიცი, ვიცი. ფიშპუკი წლების მანძილზე ალთქმულ ქვეყანასავით წარმოგედგინათ, ერთადერთი იმედი და სასოება, იდეალური უტოპია. მაგრამ ახლა სულ სხვაგვარად არის საქმე. ფიშპუკი ნამდვილ ბულალტერიად იქცა, სადაც სარგებელსა და ზარალს ითვლიან. მას უეჭვლად წინსვლა და პროგრესი მოაქვს კაცობრიობისთვის. თეორიულად და პრაქტიკულადაც ფიშპუკი ერთ-ერთ ყველაზე გრანდიოზულ პროექტად ითვლება, მაგრამ ის ჰუმანურობას, ადამიანურობას არის მოკლებული. ამ ქალაქისთვის უცხოა მისი სხვა პარანორმალური თანამემამულეებისადმი თანადგომისა და მზრუნველობის გრძნობა. თუ ჩვენ ალთქმულ ქვეყანაში ცხოვრება გვინდა, ჩვენივე ძალებით უნდა ავაგოთ ის. უპირველესი ამოცანა კი ფინისა და მისი ავბედითი ოპერაციის შეჩერებაა...

სწორედ იმისთვის მოვედი, რომ გითხრა, აზრი არა აქვს, არაფერი არ გამოგვივა.

ტელეფონით სცადეთ?

ვცადეთ. ორ ქალაქში გავედით, როგორც იქნა, დეტროიტსა და ჩიკაგოში. შემდეგ ნიუ-იორკი ვცადეთ, მაგრამ ოპერატორმა ვერ დაგვაკავშირა. წარმოგიდგენია, ნიუ-იორკში ვერ დავრეკეთ. დენვერიც ვცადეთ, მაგრამ ხაზი დაზიანებულია. ჰოდა, ჩვენც შეგვეშინდა და ფარ-ხმალი დავეარეთ...

დაყარეთ? ახლა არ შეიძლება ფარ-ხმალის დაყრა!

ჩვენ რამდენიმე ტელეპათი გვყავს, ვისაც შორ მანძილებზე შეუძლიათ კავშირის დამყარება. მათი მეშვეობით ვცდილობთ, სხვებს დავუკავშირდეთ და გავაფრთხილოთ, თუმცა, უნდა ითქვას, რომ ისინი ბევრნი არ არიან და ყველასთან კავშირის დამყარება ჭირს. ამჟამად შორეული ტელეპათია პრაქტიკულად იშვიათად გამოიყენება, ის თითქმის აღარავის სჭირდება.

ბლენი ყურებს არ უჯერებდა.

ნიუ-იორკს ვერ დაუკავშირდნენ! დენვერი გათიშულია!
ნუთუ ფინი ყველაფერს სრულად აკონტროლებს?
წარმოუდგენელია.

არა მგონია, სრულად აკონტროლებდეს, — ჩაერთო ანიტა,
— მას ალბათ ხალხი ჰყავს განლაგებული სტრატეგიულ
ადგილებში. არ არის გამორიცხული, რომ საინფორმაციო
ქსელის პარალიზება მოახდინოს. მისი ხალხი გამუდმებით
უთვალთვალებს და აკონტროლებს ჰამილტონის მაგვარ
დასახლებებს. ჩვენ თვეში ერთ საერთაშორისო ზარზე მეტს
არ ვაკეთებთ და უცბად თხუთმეტ წუთში ზედიზედ სამჯერ
ვრეკავთ. ცხადია, ფინის ხალხმა რაღაც იეჭვა და მაშინვე
დაგვბლოკა.

ბლენიმა მხრებიდან ზურგჩანთა და მათარა მოიხსნა და
ძირს დააწყო.

"მე უკან ვბრუნდები," — გამოაცხადა ბლენიმა.

"აზრი არა აქვს, — არწმუნებდა ანიტა, — ჩვენ ყველაფერს
ვაკეთებთ, რაც შეგვიძლია."

"კი, რა თქმა უნდა, ალბათ მასეც არის, მაგრამ კიდევ ერთი
შანსი არსებობს. პიერში უნდა ჩავიდეთ, თუ ხელი არაფერმა
შემიშალა."

"პიერი ის ქალაქია, სადაც სთოუნი ცხოვრობდა?"

"შენ რა, სთოუნს იცნობდი?"

"მხოლოდ მსმენია მასზე. ამბობენ, რომ ის
პარანორმალური ადამიანებისთვის რობინ ჰუდის მსგავსი
გმირი იყო. სთოუნი ჩვენთვის იბრძოდა."

"თუ შევძელი და მის ორგანიზაციას დავუკავშირდი და
მგონი შევძლებ..."

"ის ქალიც იქ ცხოვრობს?"

"ჰარიეტს გულისხმობ? მხოლოდ მას შეუძლია, სთოუნის
ჯგუფთან დამაკავშიროს. შეიძლება პიერში სულაც არ
აღმოჩნდეს. არც ვიცი, სად ვეძებო."

"თუ სალამომდე დაიცდი, ჩვენ წაგიყვანთ, უფრო სწორად,
ჰაერით გადაგიყვანთ. დღისით ეს ძალიან სახიფათოა.


უამრავი ვინმე გვითვალთვალეს."

"ოცდაათიოდე მილია, ფეხითაც კი მივალ."

"მდინარით უფრო გაგიადვილდება. კანოეს მართვა შეგიძლია?"

"ერთ დროს შემეძლო. იმედია, არ დამვინყებია."

"ასე უფრო უსაფრთხოა. მდინარეზე თითქმის არ მოძრაობენ. ჩემს ბიძაშვილს კანოე ჰყავს, ქალაქის შორიახლოს, მდინარის ზემოთ ცხოვრობს. აგისხნი, როგორ უნდა მიაგნო."



ამინდი მოულოდნელად გაუარესდა. მის ასეთ უეცარ ცვალებადობაზე არაფერი მიუთითებდა, გარდა ნაცრისფერი ღრუბლებისა, რომლებიც ნელ-ნელა ფარავდნენ ცას. შუადღისთვის ღრუბლები ჯერ კიდევ ზანტად მიიზღაზნებოდნენ, მაგრამ მალე მოლონიერდნენ და ჯერ მზე შთანთქეს, შემდეგ კი მთლიანად მოედვნენ ცას.

ბლეინმა თავგამეტებით მოუსვა ნიჩბებს, ცდილობდა, დარჩენილი მიწები რაც შეიძლება სწრაფად გაეღია. რამდენი წელია, რაც ნიჩაბი არ მოესვა, ასეთი ფიზიკური დატვირთვა დიდი ხანია არ ჰქონია. დაღლილობისგან გაქვავებულმა მკლავებმა შეგრძნება დაკარგეს, მხრები გაუშეშდა და ზურგში რკინის ჭვალი გაუჯდა, რომელიც თითოეულ მოსმაზე უფრო მჭიდროდ უჭერდა თავის კლანჭებს. მისი ხელები ერთ დიდ წყლულად იქცა.

მიუხედავად დაღლილობისა, ბლეინს ტემპი არ შეუჩერებია, რადგან იცოდა, რომ არც ერთი წუთი არ უნდა დაეკარგა. პიერში რომ მივიდოდა, პირველ რიგში იმ პარაკინეტიკოსების ჯგუფი უნდა მოეძებნა, სთოუნთან რომ თანამშრომლობდნენ. მაშინვე რომც იპოვოს, შეიძლება დახმარებაზე უარიც უთხრან. ალბათ ეჭვის თვალით

შეხედავენ და მისი ვინაობის დადგენას შეეცდებიან, შეიძლება ფინის აგენტობაც კი დააბრალონ. ჰარიეტი თუ იქ დახვდება, ალბათ გამოესარჩლება, ერთ-ორ სიტყვას მაინც შეაწევს. თუმცა რა იცოდა, ჰარიეტს რა ადგილი ეჭირა პიერის მაცხოვრებლებში ან მის სიტყვას რა წონა ჰქონდა. და საერთოდ, იყო კი იქ ჰარიეტი?

მაგრამ ეს მისი ერთადერთი და უკანასნელი შანსი გახლდათ და მისი ხელიდან გაშვება არ შეიძლებოდა. აუცილებლად უნდა ჩასულიყო პიერში, მოეძებნა ის ხალხი და დაერწმუნებინა საკუთარი სიტყვების სიმართლეში.

ჰამილტონისა და ასობით ჰამილტონისნაირი ქალაქის ბედი ბლეინის წარმატებაზე იყო დამოკიდებული. მისი მარცხი იმ პარანორმალური ადამიანებისთვისაც იქნებოდა საბედისწერო, რომლებიც ჰამილტონის საზღვრებს გარეთ ცხოვრობდნენ იმ ხალხის გარემოცვაში, საკუთარ თავს ნორმალურად რომ თვლიდნენ, და მათი სისასტიკით დაშინებულები ზედმეტი ნაბიჯის გადადგმასაც ვერ ბედავდნენ.

რა თქმა უნდა, ყველა არ დაილუპება, ამ სიტყვის პირდაპირი მნიშვნელობით, მაგრამ თითქმის ყველა გამოუვალ მდგომარეობაში აღმოჩნდება, ქარის მიერ ატაცებული ფოთოლივით გაიფანტება და იძულებული შეიქნება, ნებისმიერ კუთხე-კუნჭულს შეაფაროს თავი. პარაკინეტიკოსები იმ მცირედ, სუსტ კავშირსაც დაკარგავენ თავიანთ ნორმალურ მეზობლებთან, რასაც მრავალი წლის მცდელობის შედეგად მიაღწიეს და ჩატეხილი ხიდის აღდგენას, ამ მოზღვავეებული მძვინვარების ჩაქრობასა და მომავალ თაობაში შემწყნარებლობის გრძნობის გაღვივებას ალბათ კიდევ ორმოცდათი წელი დასჭირდება.

მის წინ უღიმღამო და თითქმის უიმედო პანორამა იშლებოდა. დახმარებას ან თანაგრძნობას ბლეინი ნამდვილად არ მოელოდა. ფიშპუკს ყველაზე დიდი დახმარების აღმოჩენა შეეძლო, მაგრამ მის გარშემო ატეხილი

ამბები მას არც ადარდებდა. ამაში კერბი რენდისთან საუბრისას დარწმუნდა.

ამ ფიქრმა სიმწრის შეგრძნება დაუტოვა, ჩაიარა და მისი ერთადერთი ნუგეშიც წაიღო — იმ ფიშპუკის დროინდელი საამური მოგონება. ბლენის უყვარდა ფიშპუკი და არ უნდოდა იქიდან წამოსვლა. ბოლო მომენტამდე თავს ებრძოდა და ცდილობდა, დარჩენის მიზეზი მოეძებნა. ზოგჯერ ნანობდა კიდევ გაპარვას, ვერ გაეგო, სწორი გადაწყვეტილება მიიღო თუ არა, იქიდან რომ გაიქცა. მაგრამ ახლა საბოლოოდ დარწმუნდა, რომ არ შეცდა. ალბათ ცოტა ადრეც უნდა წამოსულიყო ან შეიძლება საერთოდაც არ დაეჭირა მათთან არავითარი კავშირი. მისი ადგილი აქ, ყველასგან მიტოვებულ პარაკინეტიკოსებს შორის იყო. ახლა ეს ხალხი ერთადერთ იმედს წარმოადგენდა, მხოლოდ მათი მეშვეობით შეძლებდა პარანორმალური კინეტიკა ფრთების გაშლას.

ისინი ხელმოცარული, გარიყული ადამიანები იყვნენ, რადგან საყოველთაოდ მიღებულ ნორმებიდან გადაუხვიეს და კაცობრიობის მიერ დაწესებულ წესებსა და კანონებს არ დაემორჩილნენ. მიუხედავად ამისა, სწორედ ამ პარანორმალური თვისებების გამო, ისინი კაცობრიობის განვითარების ერთადერთ იმედს წარმოადგენდნენ, რადგან ჩვეულებრივ ადამიანებს, რომლებმაც ქვეყნიერება აქამდე მოიყვანეს, უკვე აღარ შესწევდათ ძალა, მათზე დაკისრებული მისიის შესრულება ისეთივე წარმატებით გაეგრძელებინათ. მათ საკუთარი შესაძლებლობები ყველა სფეროში ამოწურეს. ადამიანთა მოდგმა მუდმივ ევოლუციას განიცდის. თანამედროვე ეპოქაში მან ახალი შესაძლებლობები შეიძინა. ამ შესაძლებლობებმაც ისეთივე ევოლუცია განიცადეს, როგორიც დედამიწის ზურგზე მობინადრე არსებებმა. ყველაფერი იქიდან დაიწყო, როდესაც, ქიმიური რეაქციების წყალობით, ქაოტურ პლანეტაზე სიცოცხლის პირველი ნიშანწყალი გაჩნდა.

ჩვეულებრივი ადამიანები მათ შერეკილებს, ჯადოქრებსა და ბნელეთის მოციქულებს ეძახდნენ. ვერავინ უარყოფს იმ ფაქტს, რომ ნებისმიერი ერი თითოეულ თაობას გარკვეულ ნორმებსა და სტანდარტებს უწესებს. ეს ნორმები საყოველთაო წესებსა და უნივერსალურ საზომებს კი არ ეფუძნება, არამედ — საზოგადოებრივ აზრს, რომელიც, თავის მხრივ ცრურწმენას, შეუწყნარებლობას, გაუკუღმართებულ აზროვნებასა და ადამიანის გონებისთვის დამახასიათებელ მერყევ ლოგიკას ემყარება.

თუმცა სხვაზე რას იტყოდა, განა თვითონ კი ჯდებოდა საყოველთაოდ დანესებულ ნორმებში, განა თვითონ ყველაზე მეტად არ ჰქონდა ტვინი გადაბრუნებული? ის ხომ ბოლომდე ადამიანიც არ იყო.

ბლენის ჰამილტონი და ანიტა ენდრიუსი გაახსენდა და განუზომელი ტკივილი იგრძნო. ჰქონდა კი უფლება, ვინმესგან ან რამისგან მოეთხოვა, რომ ის საკუთარი ნაწილივით მიეღო, მნიშვნელობა არა აქვს, ქალი იქნებოდა ეს თუ ქალაქი.

ბლენმა მთელი ძალით მოუსვა ნიჩბებს. ცდილობდა, ამით მის თავს მოწოლილი ფიქრებისა და კითხვების კორიანტელი გაეფანტა, მოსვენებას რომ არ აძლევდნენ.

სუსტმა ნიავმა მალე ჩრდილოეთით გადაინაცვლა, ძალა მოიკრიბა და ძლიერ ქარად გადაიქცა, წყლის ზედაპირს გადაუარა და აალივლივა. შორიდან ქაფმოდებული ზვირთები წამოიშალა და მდინარის მშვიდი ზედაპირი ააფორიაქა.

ნაცრისფერი ბინდით გადაკრული ცა დედამიწაზე ჩამოწვა, მზე მიჩრდილა და ბნელი სურადასავით გადაეფარა მდინარეს. უეცარი შემოღამებით აღელვებული ჩიტები ნერვიული ფლურტულით უვლიდნენ ტირიფნარს.

ბლენს გაახსენდა, როგორ ყნოსავდა ჰაერს მოხუცი მღვდელ^წ და ავდრის მოახლოებას ამცნობდა. "ამინდი ფუჭდება," — გააფრთხილა მან.

მაგრამ ვერც ამინდი და სხვა რამ მას ვერ შეაჩერებდა, — ფიქრობდა ბლენი და ნიჩბებით გამეტებით აპობდა წყალს. ვერანაირი ძალა დედამინის ზურგზე ვერ შეუშლიდა ხელს.

ბლენს სახეზე პირველი თოვლის ფანტელები დაადნა. მდინარეს უშველებელი ნაცრისფერი ფარდა ჩამოეფარა, რომელიც ნელ-ნელა მისკენ მოიწევდა. თოვლის ფიფქები შრიალით ედებოდა წყლის ზედაპირს, მის ზურგს უკან კი მძვინვარე ქარი ნადირს დადევნებული, დამშეული მტაცებელივით ღმუოდა, რომელსაც, ეს-ესაა, მსხვერპლი უნდა დაუსხლტეს და მოსალოდნელი მარცხით გაშმაგებული გამეტებით მისდევს მას.

ნაპირი ასიოდე იარღში მოჩანდა. ბლენმა გადაწყვიტა, დარჩენილი გზა ფეხით გაეგრძელებინა. მართალია, დრო არ ითმენდა და თითოეული წუთი ძვირფასი იყო, მაგრამ მდინარეზე გადაადგილება აღარ შეიძლებოდა.

მკვეთრი მოძრაობით ნავი ნაპირისკენ მიმართა. უცბად ქარბუქმა მომეტებული ძალით შემოუტია და ბლენს თოვლის ნაკადი შემოაყარა. ირგვლივ არაფერი მოჩანდა. ქარი ზუზუნით ატრიალებდა თოვლის ფანტელებს და გაშმაგებით ათამაშებდა ტალღების გიჟურ რიტმს აყოლილ ნავს. უკვე არც ნაპირი მოჩანდა, არც მისი კლდოვანი შვერილები. იქაურობა წყალს, ქარბუქსა და თოვლს შთაენტქა.

უცბად ნავი ნაბორძიკდა და მკვეთრად შემოტრიალდა. ბლენმა მიმართულების შეგრძნება დაკარგა, ნამიც და ის მდინარის მორევში აღმოჩნდა, წარმოდგენა არ ჰქონდა, სად შეიძლებოდა გამქრალიყო ნაპირი. მიხვდა, რომ ნიჩბების მოსმას არ ჰქონდა აზრი. ნიჩბები ნავის კიდეზე შემოაწყო და მთელი ძალით შეეცადა, მოზღვავებული ტალღებისთვის წინააღმდეგობა გაენია და წონასწორობა შეენარჩუნებინა.

ჰაერში სუსხმა და სიცივემ იმატა და ქარი ყინულის დანასავით ატანდა ბლენის გაოფლილ სხეულში. თოვლი მის

წარბებსა და თმაში გროვდებოდა, დნებოდა და წვეთებად ჩამოსდიოდა სახეზე.

ნავი თავგამოდებით ირწეოდა ტალღების მორევში. ამ შეტევისგან გაოგნებული და დაბნეული ბლენი ნავის ქიმზე იჯდა და არ იცოდა, რა ექნა.

უცბად მის წინ ოციოდე მეტრში გაშლილ ნაცრისფერ ნისლში თოვლით დაბურული ტირიფნარი ამოტივტიდა. ნავი პირდაპირ მისკენ მიემართებოდა.

ბლენს მხოლოდ იმის დრო დარჩა, რომ შეჯახებისთვის მომზადებულიყო, სხეული დაეძაბა და ხელები მაგრად ჩაეჭიდა ნავის კიდეებისთვის.

ნავი ჭრივით შეიჭრა ტირიფნარში. მის ხმას ქარი ახშობდა და შორს გადაჰქონდა. ნავი ბუჩქნარს შეეჯახა, წამოიწია, გვერდზე გადაიხარა და გადაბრუნდა. ბლენი წყალში აღმოჩნდა.

მოულოდნელობისგან გაოგნებულ ბლენს ნერვიული ქოშინი აუტყდა, ფეხი რბილ, სლიპინა ზედაპირზე გაასწორა და ტირიფის ტოტებს ჩაეჭიდა, წონასწორობა რომ აღედგინა.

ნავის იმედი, როგორც ჩანდა, ველარ ექნებოდა, რადგან წყალში რალაცა მოსდებოდა მის ფსკერს და სიგრძეზე გადაესერა. ნავი წყლით ივსებოდა და ნელ-ნელა იძირებოდა.

ბლენმა ბორძიკით გაიკვლია გზა ბუჩქნარში და, როგორც იქნა, მყარ ნიადაგზე დადგა ფეხი, მაგრამ წყლიდან რომ ამოვიდა, მხოლოდ მაშინ იგრძნო, რომ წყალი თბილი იყო. ყინულივით ცივმა ქარმა მის სველ ტანსცმელში შეაღწია და ნემსებივით დაუარა სხეულში.

აკანკალებული იდგა და უყურებდა, როგორ დრეკდა წელში ერთმანეთში გადახლართულ ტირიფებს ქარი.

დახურული ადგილი უნდა მოეძებნა, სადაც ცეცხლს გააჩაღებდა, თუ არა და ამ ღამეს ვერ გაატანდა. ხელი თვალებთან მიიტანა, და საათს დახედა. საათი მხოლოდ ოთხს აჩვენებდა.

აღბათ ერთ საათში ღამე ჩამოწვებოდა. მანამდე ისეთი ადგილი უნდა ეპოვნა, ქარიშხლისა და სიცივისგან რომ დაიცავდა.

ბლეინი ნაპირს დაუყვა. მოულოდნელად გაქვავდა, გაახსენდა, რომ ასანთი არ ჰქონდა და ცეცხლს ვერ დაანთებდა. რომც ჰქონოდა, ისე იქნებოდა წყლით გაჟღენთილი, ვერაფერში გამოიყენებდა. თუმცა მათი გაშრობა შეიძლებოდა. ბლეინი შეჩერდა და გაშმაგებით მოსინჯა სველი ჯიბეები, მაგრამ ასანთი ვერ იპოვა.

გზა გააგრძელა. თუ საიმედო თავშესაფარს მოძებნიდა, ცეცხლის გარეშეც გაიტანდა თავს. რომელიმე ნაქცეული ხის ფესვქვეშ მიმალული ორმოც გამოდგებოდა ან ხის ფულურო, ან სხვა რაიმე დახურული სივრცე, სადაც შეძვრებოდა და ქარბუქისგან დაიცავდა თავს. იქნებ სხეულის სითბომ ნანილობრივ მაინც გაუშროს წყლით გაჟღენთილი ტანსაცმელი და გაყინვის საშუალება არ მისცეს.

მაგრამ ასეთი ხე ვერსად იპოვნა. ირგვლივ მარტო უსასრულო ტირიფები მოჩანდნენ, ქარის თითოეულ დაბერვაზე რკალებივით რომ იხრებოდნენ.

ბლეინი გაჭირვებით მიიკვლევდა გზას ტირიფნარში. ფეხი უცურავდა, მოქცევის შედეგად ნაპირზე მოყრილ მორებს აწყდებოდა და მიწაზე ენარცხებოდა. ტანსაცმელი ლაფში ამოეგანგლა და ყინვისგან გაქვავდა, მაგრამ ბლეინი მაინც განაგრძობდა გზას. არ უნდა გაჩერებულიყო, სასწრაფოდ თავშესაფარი უნდა მოეძებნა. მოძრაობა რომ შეეჩერებინა, გაიყინებოდა.

ისევ ნაბორძიკდა და მუხლებზე დაეცა. უცბად იქვე ნაპირას, ტირიფების ტოტებში გახერგილი ნავი შენიშნა, რომელიც ნახევრად ჩაძირულიყო და ქარიშხლისგან აგორებულ ტალღებზე მძიმედ ტორტმანებდა.

ნავი!

სახე ტალახიანი ხელებით მოინმინდა, უკეთესად რომ შეეხედა.

ეს მისი ნავი იყო. სხვა ვერც იქნებოდა!
სწორედ ეს ნავი დატოვა, ნაპირზე რომ გაეგრძელებინა
გზა.

და სწორედ ამ ნავს დაუბრუნდა!

ბლენიმა თავისი დაქანცული გონება დაძაბა, შესაძლო
პასუხი რომ მოეძებნა. პასუხი ერთადერთი შეიძლება
ყოფილიყო.

ტირიფნარით გარშემორტყმულ, პატარა კუნძულზე
აღმოჩნდა გამომწყვდეული.

ამ კუნძულზე მხოლოდ ტირიფები ხარობდა. ვერც
ნაქცეულ ხეს ნახავდით სადმე და ვერც ფულუროს. ასანთი არ
ჰქონდა, რომც ჰქონოდა, ცეცხლს მაინც ვერ გააჩაღებდა,
ახლომახლო ორიოდ ფიჩხის გარდა, არანაირი შეშა არ
მოჩანდა.

შარვალი ფიცარივით გაუშეშდა და ფეხის ყოველი
მოხერისას ტკაცატკუცი გაჰქონდა. ეგონა, რომ
ტემპერატურა ყოველ წუთში ეცემოდა, თუმცა სხეული ისე
გაყინვოდა, ვეღარ აზროვნებდა.

ბლენი ნელ-ნელა წამოდგა ფეხზე, გასწორდა და გამჭოლ
ქარს შეუშვირა შუბლი. თოვლი შრიალით ედებოდა
ტირიფნარს, ხოლო ქარიშხლისგან აფორიაქებული მდინარე
გამძვინვარებული ღმუოდა. სიბნელე წვებოდა. მის გონებაში
კიდევ ერთი, ჯერ კიდევ გაუხმოვანებელი, კითხვის პასუხი
ისმოდა.

ამ ღამეს კუნძულზე ვერ გადაიტანდა, მისგან თავის
დაღწევა კი გამორიცხული იყო. ნაპირი, იცოდა, სულ რაღაც
ასიოდე მეტრში მდებარეობდა, მაგრამ იქამდე რომც
მიეღწია, შეღავათს მაინც არ მოუტანდა. იქაც ისეთივე
გაუსაძლის ყოფაში ჩავარდებოდა, როგორც აქ, კუნძულზე.

და მაინც აქედან გაღწევაზე უნდა ეფიქრა, სხვა
გამოსავალი არ ჰქონდა. ამ გაუბედურებულ მიწის
ნაგლეჯზე, ერთი ბენო კუნძულზე ნამდვილად ვერ დაღევდა
სულს. იმიტომ კი არა, რომ მისი სიცოცხლე ძალიან ძვირად

ფასობდა, უბრალოდ იმიტომ, რომ მის გარდა ახლა ვერავინ შეატყობინებდა პიერს კარსმომდგარი საფრთხის შესახებ.

ბედის ირონიაც სწორედ ამაში მდგომარეობდა. ეჭვიც არ ეპარებოდა, რომ ამ კუნძულს ვერ მოშორდებოდა და პიერში ვერასოდეს ჩააღწევდა. ვინ იცის, რამდენი ხანი მოუწევდა ასე ყოფნა, შეიძლება ვერც ვერასოდეს ეპოვნათ.

გაზაფხულის წყალდიდობა რომ დადგებოდა, წყალი მოსწყვეტდა მის სხეულს ნაპირს და ხის ნამტვრევებთან და სხვა ნაგავთან ერთად დინების მიმართულებით გაიტაცებდა.

ბლენი შემოტრიალდა და წყლის კიდეც მოშორდა. ხშირ ტირიფნარში ისეთი მოფარებული ადგილი მოძებნა, რომელიც ნაწილობრივ მაინც დაიცავდა ქარისგან, ფრთხილად ჩამოჯდა და ფეხები გაშალა. მექანიკური მოძრაობით ქურთუკის საყელო ასწია, მაგრამ უშედეგოდ. შემდეგ ხელები გულზე დაინყო, გათოშილი თითები თბილ ილღიებში ოდნავ შეშალა და თვალი გარსჩამოწოლილ სიბნელეს გაუსწორა.

მაგრამ ასე არ უნდა მოქცეულიყო. როცა ადამიანი მსგავს მდგომარეობაში ჩავარდება, აუცილებლად უნდა იმოძრაოს, ძილი უნდა დააფრთხოს, არ მისცეს სისხლს ძარღვებში გაყინვის საშუალება, ხელ-ფეხი უნდა ამოძრაოს და ნებისმიერი ხერხით იბრძოლოს სიცოცხლის შესანარჩუნებლად.

თუმცა რა აზრი ჰქონდა ამ ყველაფერს. შეიძლება, მთელი თავგანწირვით ებრძოლო სიკვდილს და საბოლოო ჯამში მაინც დამარცხებული გამოხვიდე.

მიუხედავად ამისა, მაინც უნდა მოეძებნა გამოსავალი.

თუ კაცს ჭკუა უჭრის, რაღაცას უსათუოდ მოიფიქრებს.

მთავარია, — გაიფიქრა ბლენმა და ეცადა საკუთარი თავი გაემიჯნა ამ სიტუაციისგან და უფრო ობიექტურად შეეფასებინა ის, — საკუთარი თავის, სხეულის ამ კუნძულიდან სხვა, უფრო უსაფრთხო ადგილზე გადატანა.

მაგრამ სად უნდა ეძებნა უსაფრთხო ადგილი?

თუმცა, რად უნდოდა ძებნა?

იცოდა ერთი ადგილი. შეეძლო ცისფერ ოთახში დაბრუნებულიყო, სადაც ვარდისფერი არსება ბინადრობდა.

მაგრამ არა! ასე თუ მოიქცეოდა, ცისფერ ოთახში მხოლოდ მისი გონება გადაინაცვლებდა, სხეული კი ისევ ამ მიუსაფარ კუნძულზე, ყინვაში დარჩებოდა და უკან დაბრუნებულს სიცოცხლის ნიშანწყალიც არ დაეტყობოდა.

აი გონებასთან ერთად სხეულის გადატანაც რომ შეეძლოს, ყველაფერი კარგად იქნებოდა.

მაგრამ ამას ვერ გააკეთებდა.

არც იქნებოდა გონივრული და შეიძლება დამლუპველი შედეგიც გამოენვია.

გონება დაძაბა და ეცადა, იმ შორეულ პლანეტაზე საჭირო ინფორმაცია მოეძია, თითქოს იპოვნა კიდეც რაღაც, მაგრამ მალე დაუსხლტა. ბლეინი არ დანებდა, ძებნა განაგრძო და, როგორც იქნა, საკუთარი გონების ყველაზე ღრმა და შორეულ კუნჭულებში ჩამარხული მონაცემები იპოვნა. თვალი გადაავლო მას და ელდა ეცა.

იქ საკუთარი სხეულით ერთი წუთიც ვერ გაძლებდა!

ვარდისფერი პლანეტა ადამიანისთვის სასიკვდილო იყო.

წუთუ სხვა პლანეტები არ არსებობდა, სადაც ის არა მარტო გონებით, არამედ სხეულითაც შეძლებდა გამგზავრებას?

სიცვიისა და სისველისგან მოკრუნჩხული ბლეინი უკვე ველარ გრძნობდა ვერც სიცვიეს და ვერც სისველეს.

ვარდისფერი არსების გამოხმობა სცადა, მაგრამ — უშედეგოდ. ის არ გამოხმაურებია.

ბლეინმა ისევ დაუძახა. არც ამჯერად გაუცია ვარდისფერ არსებას ხმა. საკუთარ გონებას ჩხრეკდა, სინჯავდა, მაგრამ მისი ნაკვალევიც კი ვერსად შენიშნა. მიუხედავად იმისა, რომ ძებნას განაგრძობდა, მაინც დარწმუნებული იყო, თითქოს შინაგანმა ხმამ ამცნო, რომ ძებნასა და ძახილს აზრი არ ჰქონდა, მაინც ვერ გააგონებდა. ვარდისფერ არსებას უკვე

ველარ იხილავდა, რადგან ის ცალკე აღარ არსებობდა, ბლეინის ნაწილად იქცა. მათი გონება ერთმანეთს შეერწყა და ვარდისფერი არსება და ადამიანი ახლა უკვე მათ უცნაურ ნაზავს შეეცვალა.

ვარდისფერი არსების ძებნა საკუთარი თავის ძებნის ტოლფასი იყო.

რაც არ უნდა მომხდრიყო, ამჯერად მხოლოდ საკუთარი შესაძლებლობებით უნდა ეხსნა თავი და ზებუნებრივი ძალის იმედი არ ჰქონოდა.

მის ტვინში ინახებოდა უამრავი სახის ინფორმაცია, იდეა, ცოდნა, ამ ცოდნის რეალიზაციის ხერხები და მეთოდები. აქვე დაგროვილიყო აგრეთვე ის ჭუჭყი, რასაც ლამბერტ ფინი ერქვა.

ბლეინი საკუთარ გონებას ჩაულრმავდა, გონებრივი არქივის ყველა თარო და განყოფილება გადაქეჯა, არ გამოუტოვებია არც ერთი ყუთი, არც ერთი რეზერვუარი, სადაც წარმოუდგენელი მოცულობის, ჯერ კიდევ დაულაგებელი, დაუხარისხებელი მონაცემები ინახებოდა — ვარდისფერი პლანეტის დაბნეული და უთავბოლო არსების მიერ წლების მანძილზე დაგროვილი ინფორმაციის ქაოტური გროვა.

საკუთარი გონების ლაბირინთებში აღმოჩენილმა ზღვა ინფორმაციამ განსხვავებული, ურთიერთსაწინააღმდეგო ემოციები აღუძრა. იყო ისეთი რამ, რაც აღშფოთებასა და ზიზღს იწვევდა მასში, ზოგიერთი რამ აღტაცებას გვრიდა, მაგრამ ამ კონკრეტული შემთხვევისთვის არც ერთი მათგანი არ გამოდგებოდა.

და მთელი ამ ხნის მანძილზე ლამბერტ ფინის გონება არ შორდებოდა მას, ფეხებში ედებოდა, მოსვენებას არ აძლევდა. ბლეინის ტვინს ვერ მოეხერხებინა ფინის გონების შთანთქმა და როგორც ჩანდა, ვერც ვერასდროს მოახერხებდა. ფინის აწრდილი ყოველთვის კუთხეში მიმალული იქნებოდა და

პირველივე შესაძლებლობაზე შეეცდებოდა, ხელი შეეშალა მისთვის, გზა გადაეღობა.

ბლენმა გონება დაძაბა, ერთი ძლიერი მოსმით ჩამოიშორა გზიდან ეს არეული ინფორმაცია, შორეულ კუთხეში გადაისროლა და ძებნა განაგრძო, მაგრამ ფინის გაუკუღმართებული, საშინელი პლანეტის კომმარისგან წარმოშობილი ბინძური აზრები და შეხედულებები ჯიუტად მიიკვლევდნენ გზას მისი ცნობიერების ზედაპირისკენ.

და როცა, სულ მცირე, მეასედ მაინც მოისროლა ეს ჭუჭყი, როგორც იქნა, იმის მცირედი ნაწილი იპოვა, რასაც ეძებდა, ძალა მოიკრიბა და დაედევნა. ფინის გონებაში დაბუდებულ სიბინძურესა და ნუმპეში გადაადგილება ძალიან ჭირდა. ის, რაც აღმოაჩინა, ვარდისფერი არსების მიერ დანატოვარ ცოდნის რეზერვუარში კი არ იყო, არამედ ჭუჭყის იმ გროვაში, რომელიც ფინისგან ერგო საჩუქრად.

ამ არამინიერი, დამახინჯებული და საზარელი ცოდნის სათავეს იმ კომმარულ პლანეტამდე მიჰყავდა, საიდანაც ფინი შეშლილი დაბრუნდა. ბლენმა ამ ცოდნას გონებრივად შეავლო ხელი და თვალნათლივ დაინახა მისი მუშაობის პრინციპი, დარწმუნდა მოქმედების სიმარტივეში, აითვისა ცნებების ლოგიკა და ნაწილობრივ ჩასწვდა იმ შიშისა და დანაშაულის გრძნობას, რომელმაც ფინს სიძულვილითა და ბოროტებით აღსავსე საქმეებისკენ უბიძგა.

ეს ცოდნა ყველა ვარსკვლავისკენ ხსნიდა გზას, ფიზიკურად უღებდა კარს მთელი სამყაროს ყველა ცოცხალ ორგანიზმს. ფინი ამ ცოდნას ეზიარა და მისმა მერყევმა ფსიქიკამ ერთი დასკვნა გამოიტანა — თუ ეს მართლა ასეა, გამოდის, რომ დედამინაც ხელმისაწვდომია და განსაკუთრებით იმ პლანეტისთვის, რომელიც ამ ცოდნას ფლობს. ეს ცოდნა მისთვის მხოლოდ და მხოლოდ დამაკავშირებელ ხიდს წარმოადგენდა ახალაღმოჩენილ პლანეტასა და მის მშობლიურ პლანეტას შორის, არც უფიქრია იმ უდიდეს შესაძლებლობებზე, რომელსაც ეს

ცოდნა კაცობრიობას უქმიდა, ვერ გაეგო, თუ რა დიდი სარგებლის პოვნა შეეძლო ადამიანს მისი მეშვეობით. ამიერიდან მთელი თავისი არსებით იბრძოლებდა იმისთვის, რომ მისი პლანეტა ძველ, სანუკვარ ყოფას დაბრუნებოდა და ერთხელ და სამუდამოდ გაენყვიტა ყველანაირი კავშირი გარე სამყაროსთან. ფიშპუკს და პარაკინეტიკოსებს შეურიგებელი ბრძოლა გამოუცხადა, ძალას არ იშურებდა მათ გასანადგურებლად, რადგან თვლიდა, რომ სწორედ ისინი იქნებოდნენ მომავალში ფიშპუკის მამოძრავებელი ძალა.

ფინის აზრით, თუ დედამინა პატარა, წყნარ პლანეტად დარჩებოდა და ზედმეტ ყურადღებას არ მიიქცევდა, მაშინ ეს დამანგრეველი ცვლილებები მას გვერდს აუვლიდნენ და მის მშობლიური პლანეტის კეთილდღეობას საფრთხე არ შეექმნებოდა.

ამიერიდან ბლეინს უნდა გამოეყენებინა იქაური ცოდნა და საკუთარი ძალებით ეხსნა თავი ამ გასაჭირისგან.

ყველაფერს რომ თავი დავანებოთ, მის გონებაში ყველანაირი ინფორმაცია ინახებოდა ვარსკვლავებზე საკუთარი სხეულით მოგზაურობის შესახებ. სწორედ ეს ინფორმაცია იყო ახლა მისი გადარჩენის ერთადერთი შანსი.

ახლა უსაფრთხო, სასურველი პლანეტა უნდა მოეძებნა, რომელზეც მისი ორგანიზმი არსებობას შეძლებდა.

ბლეინი ისევ ჩაულრმავდა საკუთარ გონებას და მის თაროებზე ინფორმაციის ქაოსიდან ამოკრეფილი და კატალოგებად დაწყობილი მონაცემები აღმოაჩინა ათასობით პლანეტაზე, რომლებიც ვარდისფერ არსებას მოენახულებინა.

ამ პლანეტების უმრავლესობა ადამიანის სუსტი ორგანიზმისთვის არ გამოდგებოდა. ბლეინი შიშმა მოიცვა, ნუთუ ახლა, როცა ყველანაირი ინფორმაცია ჰქონდა, უმოკლეს დროში უსაფრთხო პლანეტის პოვნას ვერ შეძლებდა?

მძვინვარე ქარიშხლის ღმუილმა მისი ფიქრების ნაკადი

გაარღვია. ბლენმა მთელი სიცხადით შეიგრძნო ყინვის შემოტევა. ფეხის ამოდრავება სცადა, მაგრამ უშედეგოდ, ადგილიდანაც ვერ დაძრა. ქარმა დამცინავი ზუზუნით ჩაუქროლა და მდინარის ზედაპირზე გადაირბინა. სანამ ქარიშხალი ისევ შეუტევდა, ჰაერში სიჩუმე ჩამოვარდა და ბლენს ესმოდა, როგორ ეცემოდა შრიალით თოვლის გუნდები ტირიფნარს.

ქარიშხლის ღმუილს, ყინვასა და თოვლს განერიდა და მოულოდნელად სწორედ იმ პლანეტას გადააწყდა, რომელსაც ასეთი სასოებით ეძებდა.


მან ორჯერ გადაამოწმა მონაცემები, ორივეჯერ დადებითი შედეგები მიიღო. ბლენმა კოორდინატები გამოიანგარიშა, გონებაში პლანეტის სურათი წარმოსახა, შემდეგ გონების მთელი ძალების დაძაბვით ერთი ძლიერი, შორი ნახტომი გააკეთა და უეცრად მზის მოულოდნელი სიმხურვალე იგრძნო.

ტირიფნარში აღარ ისმოდა ქარიშხლის ღმუილისა და გრიალის ხმა. ბლენი პირქვე იწვა ბალახით მოფენილ მდელოზე და მიწისა და ბალახის სუნს შეიგრძნობდა.

ზურგზე გადმობრუნდა და წამოდგა.

აღტაცებისგან სუნთქვა შეეკრა.

წამდვილ სამოთხეში აღმოჩნდა!



32

მზე შუადღეს გადასულიყო და დასავლეთის ცისკენ იხრებოდა. ბლენი კლდოვან შვერილებს ჩაუყვავა ჰამილტონის მიმართულებით. შემოდგომის პირველ ქარიშხალს მინა წვიმით გაეჟღინთა.

როგორც იქნა, მოაღწია — როგორც ყოველთვის, ცოტათი დააგვიანდა, ცოტა ადრეც მოსულიყო, კარგი იქნებოდა, რადგან მზე როცა მიეფარებოდა ჰორიზონტს, ყველა წმინდანთა დღეც დადგებოდა.

ნეტა რამდენი პარანორმალური ქალაქის გაფრთხილება მოასწრეს ჰამილტონში? შეიძლება იმაზე მეტის გაკეთება მოახერხეს, ვიდრე ბლენი წარმოიდგენდა, შეიძლება ბედმაც გაუღიმოს და ყველაფერი კარგად დამთავრდეს.

და უცბად მოხუცი მღვდლის სიტყვები გაახსენდა: უზენაესის ხელი შენკენ არის მომართულიო.

დადგება დრო, როცა მსოფლიო თვალს გადაავლებს წარსულ მოვლენებს და დანაშაულის გრძნობა შეიპყრობს დღევანდელი სიგიჟის, სიბრმავის, უგუნურობისა და შეუწყნარებლობის გამო. დადგება დრო, როცა პარაკინეტიკოსების წინააღმდეგ წარმოთქმული ყველა ბრალდება გაბათილდება და ხალხიც მეტ კეთილგონიერებას გამოიჩენს. ერთ დღესაც ეკლესია აღიარებს პარანორმალურ

შესაძლებლობებს და მას კაცობრიობის განვითარების ბუნებრივ პირობად მიიჩნევს. აღარ იარსებებს სოციალური და ეკონომიკური ბარიერი პარანორმალურ და ნორმალურ ხალხს შორის, თუ, რა თქმა უნდა, იმ დროისთვის კიდეც იარსებებენ ნორმალური ადამიანები. დადგება დრო, როცა ფიშპუკი დაკარგავს აქტუალობას და მისი ფუნქციონირების საჭიროებაც აღარ იქნება, შეიძლება ერთ მშვენიერ დღეს დედამინაც ზედმეტი აღმოჩნდეს.

რადგანაც ბლენმა პასუხს მიაკვლია. მართალია, პიერამდე ვერ მიალნია, მაგრამ გამოსავალი მაინც იპოვა. იძულებული გახდა (აღბათ ღვთის ნებით), ეპოვა.

ეს იმ გამოსავალს სჯობდა, სთოუნს რომ მოეფიქრებინა. ამ მეთოდს ვერ შეედრებოდა ფიშპუკში მანამდე გამოყენებული ვერც ერთი მეთოდი. ის ბოლომდე გამორიცხავდა მანქანების გამოყენებას და მთლიანად ადამიანურ ძალას ემყარებოდა, ადამიანის გონებრივ და ფიზიკურ შესაძლებლობებს სრულ გასაქანს აძლევდა და ფართოდ უხსნიდა სამყაროს კარებს. ვარსკვლავები უკვე ძალიან ახლოს იყვნენ, ერთი ხელის განვლომაზე.

ბლენი კლდოვან ნაპირს დაუყვა და ჰამილტონისკენ მიმავალ ბილიკს გადააწყდა. ცაზე ისევ დაცურავდნენ ღრუბლების ნაგლეჯები — ქარიშხლის არიერგარდი, ველს რომ გადაურბინა. ტროტუარებზე დამდნარი თოვლის გუბეები იდგა, ხოლო დასავლეთის ქარი, მცხუნვარე მზის მიუხედავად, მაინც ისუსხებოდა.

ბლენი ქალაქის ცენტრისკენ მიმავალ ქუჩას მიუყვებოდა. ორიოდ ბლოკის იქით ხალხი შენიშნა. ჰამილტონის მკვიდრნი მოედანზე მალაზიასთან შეკრებილიყვნენ და მას ელოდებოდნენ, პატარა ჯგუფი კი არა, როგორც მაშინ, არამედ მთელი მასა. აქ, როგორც ჩანდა, ჰამილტონის მოსახლეობის უმრავლესობას მოეყარა თავი.

მოედანი გადაჭრა და იქ შეკრებილ ხალხს დააკვირდა, იმ იმედით, რომ ანიტას მოკრავდა თვალს, მაგრამ არსად ჩანდა.

მალაზიის კიბეზე რამდენიმე კაცი ჩამომჯდარიყო, ზუსტად ის ოთხეული, ადრე რომ შეეგება.

ბლეინი მიუახლოვდა მათ და შეჩერდა.

“გამარჯობათ,” — მიესალმა.

“გავიგეთ, დაბრუნება გადაწყვიტე,” — მიუგო ენდრიუსმა.

“პიერამდე ვერ მივალწიე, — მოახსენა ბლეინმა, — მინდოდა, იქ დახმარება მეთხოვა, მაგრამ მდინარეზე ქარიშხალმა მინია.”

“სატელეფონო ხაზი დაგვიბლოკეს, — შესჩივლა ჯექსონმა, — მაგრამ ჩვენ შორი მანძილის ტელეპათია გამოვიყენეთ. რამდენიმე ჯგუფს დავუკავშირდით და ისინი შეგვპირდნენ, რომ ხმას გაავრცელებდნენ, ოღონდ ვერ გეტყვი, რამდენად შორს.”

“არც ის ვიცით, რამდენად ზუსტად გადასცემენ ინფორმაციას,” — დაამატა ენდრიუსმა.

“თქვენს ტელეპათებს კიდევ აქვთ კავშირი ამ ჯგუფებთან?” — იკითხა ბლეინმა.

ენდრიუსმა თავი დაუკრა.

“ფინის ხალხი არც გამოჩენილა, — განაგრძო ჯექსონმა, — ეს ძალიან გვაფიქრებს. ალბათ ფინს რალაც შეემთხვა.”

“აუცილებლად უნდა გამოჩენილიყვნენ, — დაეთანხმა ენდრიუსი, — რალაცას რომ არ შეეშალა ხელი, აქაურობას თავდაყირა დააყენებდნენ შენს ძებნაში.”

“იქნებ მე არც მეძებენ.”

“იქნებ შენ სულაც არა ხარ ის, ვის როლსაც თამაშობ,” — ცივად მიუგო ჯექსონმა.

ბლეინი სიმწრისგან აენტო. “ემმაქსაც წაუღიხართ, — იღრიალა მან, — თქვენი გულისთვის კინაღამ დავიღუპე. ამიერიდან თქვენ თვითონ იზრუნეთ საკუთარ თავებზე.”

ბრაზმორეული ბლეინი მკვეთრად შემოტრიალდა და გაეცალა.

ეს მისთვის უცხო ბრძოლა იყო, ისევე, როგორც აქ შეკრებილი ხალხისთვის. მაგრამ მან ეს ბრძოლა გაითავისა

და სთოუნის გამო ჩაება მასში, ჰარიეტის გამო, რენდის გამო, მამა ფლენგანის გამო, რომელმაც ნახევარი კონტინენტი შემოიარა მის დევნაში. კიდევ რამდენიმე მიზეზი არსებობდა, რის გამოც თვალი გაუსწორა ამ გამონკვევას, ეს რალაც გამოუცნობი, მისთვის გაუგებარი და აქამდე უცნობი ფენომენი იყო — რალაც იდიოტური იდეალიზმი, მასში ღრმად გამჯდარი სამართლიანობის გრძნობა, მოძალადეების, პედანტებისა და რეფორმისტების მიმართ განცდილი ძლიერი ანტიპათია.

ბლეინი ამ ქალაქში ზებუნებრივი ნიჭით დაჯილდოებული მოვიდა და უნდოდა, ეს ნიჭი მათთვის გაეზიარებინა. მათ კიდევ მადლიერების ნაცვლად ეჭვის შეიტანეს მის პატიოსნებასა და კეთილ განზრახვაში.

ემშაკსაც წაუღია, — თქვა მან თავისთვის.

ისედაც ბევრი რამ გააკეთა, იმაზე მეტიც, რაც უნდა გაეკეთებინა. მეტს აღარ შეინუხებდა თავს.

ერთადერთი საქმე დარჩა გასაკეთებელი, რომელიც აუცილებლად უნდა მიეყვენა ბოლომდე. იმას რომ მოამთავრებდა, მერე ყველაფრისგან დაისვენებდა და გულთან ახლოს აღარაფერს მიიტანდა.

“შეკ!”

ბლეინი არ შეჩერებულა.

“შეკ!”

შეჩერდა და მიტრიალდა.

ხალხის მასას ანიტა გამოეყო და მისკენ წამოვიდა.

“არა,” — უთხრა ბლეინმა.

“იმათ გარდა, აქ უამრავი ადამიანია, ვინც სიამოვნებით მოგისმენს. მაგალითად — ჩვენ,” — დააიშვია ანიტამ.

ანიტა მართალს ამბობდა.

ისინი მართლაც ბევრნი იყვნენ.

ანიტა და ქალაქის მოსახლეობის ის ნაწილი — ქალები, ბავშვები და კაცები, რომლებსაც ძალაუფლება არ ჰქონდათ, რადგანაც სწორედ ის უღვივებს ადამიანს ეჭვისა და

უნდობლობის გრძნობას. ძალაუფლება და პასუხისმგებლობის ტვირთი ხელს უშლის მას რეალიზაციაში, აიძულებს, დაივიწყოს საკუთარი თავი და პიროვნებიდან რალაც კორპორატიულ მანქანად გადაიქცეს.

ამ მხრივ პარანორმალური ადამიანი და პარანორმალური საზოგადოება არაფრით განსხვავდებოდა ჩვეულებრივი ადამიანებისგან. პარანორმალური თვისებები, საბოლოო ჯამში, კი არ ცვლის ადამიანს, არამედ საკუთარი თავის სრულყოფის შესაძლებლობას აძლევს.

"მართალია, მიზანს ვერ მიაღწიე, — მოახსენა ანიტამ, — სიმართლე გითხრა, წარმატების დიდი იმედი არც გვექონდა, მაგრამ ხომ სცადე. განა ეს საკმარისი არ არის?"

ბლენი ერთი ნაბიჯით მიუახლოვდა მას.

"არა ხარ მართალი. მიზანს როგორ არ მივალწიე," — ამტკიცებდა ბლენი.

უცბად მოედანზე შეკრებილი ხალხის მასა, რომელსაც ანიტა ენდრიუსი მოუძღვოდა, მისკენ წელი და უხმო ნაბიჯებით გამოემართა.

ანიტა ბლენის მიუახლოვდა, გაჩერდა და თვალებში ჩახედა.

"სად იყავი, — ჰკითხა მან და ეცადა, ხმისთვის არ აენია, — ჩვენები მდინარეზე გეძებდნენ და ნავის გარდა, ვერაფერი იპოვნეს."

ბლენმა ხელი წამოიღო, ანიტას მკლავზე მოავლო და მაგრად მიიკრა გვერდზე.

"ყველაფერს მოგიყვები, — შეჰპირდა, — ოღონდ მოგვიანებით. რა უნდა ამ ხალხს?"

"ეს ხალხი ისეა დაშინებული, რომ ნებისმიერ, თუნდაც მცირედ, იმედსაც სიამოვნებით მოეჭიდება," — აუხსნა ანიტამ.

ხალხი მიუახლოვდა და ათიოდე ნაბიჯში გაჩერდა მისგან. "ფიშპუკიდან ხარ, არა?" — იკითხა კაცმა წინა რიგიდან.

ბლენმა თავი დაუქნია: "დიახ, უფრო სწორად, ვიყავი. ახლა მათთან არანაირი კავშირი აღარ მაქვს."

"ისევე, როგორც ფინს?"

"დიახ," — დაეთანხმა ბლენი.

"და ისევე, როგორც სთოუნს, — დაუმატა ანიტამ, — სთოუნსიც ფიშპუკიდან იყო."

"თქვენ ჩემი გეშინიათ, გეშინიათ ფინის და საერთოდ მთელი მსოფლიოს წინაშე თრთით. მაგრამ მე გეტყვით, რომ ისეთი ადგილი ვიპოვნე, სადაც შიში აღარ შეგანუხებთ, უბრალოდ დაივიწყებთ, რა არის შიში. მე თქვენთვის ახალი სამყარო აღმოვაჩინე და ის თქვენი გახდება, თუ ამას მოინდომებთ."

"რა სამყარო, მისტერ? უცხო პლანეტა?"

"ეს პლანეტა დედამინის საუკეთესო კუთხეებს არ ჩამოუვარდება სილამაზით, — არნაშენებდა ბლენი, — სწორედ იქიდან მოვდივარ..."

"კი, მაგრამ შენ ხომ კლდოვან შვერილებს მოუყვებოდი, ჩვენი თვალთ გნახეთ."

"გაჩუმდით, იდიოტებო, — დაუყვირა ანიტამ, — დააცადეთ, დაამთავროს სათქმელი."

"მე ვიპოვნე, თუ მოვიტაცე, როგორც გინდათ, ისე უწოდეთ, კოსმოსში სხეულითა და გონებით მოგზაურობის მეთოდი. გუშინ სწორედ იმ პლანეტაზე ვიყავი და დილით დავბრუნდი. ამისთვის მანქანა სულაც არ არის საჭირო. საჭიროა, მხოლოდ მის არსს ჩასწვდე."

"მაგრამ როგორ გავიგოთ, რომ..."

"მაგას ვერ გაიგებთ, — გაანყვეტინა ბლენმა, — ჩემი სიტყვის უნდა დაიჯეროთ."

"ფიშპუკიც კი არ..."

"ამიერიდან ფიშპუკი წარსულს ჩაბარდა, აღარ არის საჭირო, — მშვიდად წარმოთქვა ბლენმა, — ჩვენ ნებისმიერ ადგილას მოვხვდებით, სადაც მოვისურვებთ და ამისთვის სულაც არ გვჭირდება სპეციალური მანქანა. სწორედ ეს არის

პარანორმალური კვლევების მიზანი. მანქანები ყოველთვის ყავარჯნის მოვალეობას ასრულებდა, რომელსაც კოჭლი გონება ეყრდნობოდა. ახლა თავისუფლად შეგვიძლია, ეს ყავარჯენი მოვიშოროთ, ამის აუცილებლობა აღარ არსებობს.”

ხალხის მასას გამხდარი სახის ქალი გამოეყო.

“გვეყოფა რა ეს მიკიბულ-მოკიბული ლაპარაკი, — გამოაცხადა, — შენ ამბობ, რომ პლანეტა იპოვე?”

“დიახ, ვიპოვე.”

“შეგიძლია, ნაგვიყვანო იქ?”

“სულაც არ გჭირდებათ, რომ მე ნაგვიყვანოთ. თქვენითაც თავისუფლად შეძლებთ იქ მოხვედრას.”

“შენ ჩვენიანი ხარ, ახალგაზრდავ. სანდომიანი სახე გაქვს, იმედია, არ მოგვატყუებ.”

ბლენს გაეცინა: “არ მოგატყუებთ.”

“მაშინ გვითხარი, როგორ მოვხვდეთ იქ.”

ვილაცამ იყვირა: “რისი წამოღება შეიძლება?”

ბლენმა თავი გააქნია: “ბევრი არაფრის. დედებს შეუძლიათ, ჩვილი ბავშვები წამოიყვანონ, შეგიძლიათ, ასევე, ზურგჩანთა გადაიკიდოთ, ან მხარზე ჩანთა გადაიგდოთ, წამოიღოთ სამითია, ნაჯახი ან კიდევ სხვა რამე იარაღი.”

ხალხის რიგებიდან კაცი გამოვიდა და წარმოთქვა: “თუ წასვლას ვაპირებთ, ვირჩეაროთ. უნდა გადავწყვიტოთ, რა წავიღოთ თან. პროდუქტები აუცილებლად დაგვჭირდება, ასევე მცენარეების თესლები, ტანსაცმელი და იარაღები...”

“თუ რამე დაგრჩებათ, თავისუფლად შეგიძლიათ, დაბრუნდეთ და მოგვიანებით წაიღოთ,” — დააიმედა ბლენმა.

“კარგი, — თქვა გრძელსახიანმა ქალმა, — აქ რაღატომ ვდგავართ, რატომ ვკარგავთ დროს? პირდაპირ საქმეზე გადავიდეთ. მოგვიყევი, სერ.”

“ერთი რამ მინდა გკითხოთ. თქვენ შორის არიან შორი მანძილის ტელეპათები?”

“არიან, — დაუდასტურა ქალმა, — მე, მაგალითად, მარტლი და ჯიმი, აი იმ რიგში.”

“თქვენ სხვებსაც უნდა შეატყობინოთ და რაც შეიძლება მეტს, ხოლო იმ სხვებმა, თავის მხრივ კიდევ სხვებს გააგებინონ. კარი რაც შეიძლება მეტ ადამიანს უნდა გავუღოთ.”

“კარგი, — დაეთანხმა ქალი, — აგვიხსენი.”

ხალხში ჩოჩქოლი ატყდა და მათ ნელი ნაბიჯით მჭიდრო წრე შეკრეს ბლენისა და ანიტას გარშემო.

“მზად ხართ? — იკითხა ბლენმა, — მაშინ მიყურეთ.”

ბლენმა იგრძნო, როგორ აყვა ხალხი, ცდილობდნენ, მისი გონება წაეკითხათ და მასთან ერთად ერთ მთლიან გონებად ქცეულიყვნენ.

აქ, ამ წრეში უამრავი გონება გაერთიანდა და სითბოთი, ადამიანურობითა და სიკეთით სავსე ერთ ვეებერთელა გონებად იქცა. მასში გაზაფხულის იასამნის არომატი, მდინარის ღამისეული ნისლის სურნელი, დილაადრიან რომ ეპარება დედამიწას და მენამულ ფერად შეღებილი მდელოების შემოდგომის ელფერი იგრძნობოდა. ბუხარში მხიარულად გიზგიზებდა ცეცხლი, ბუხრის წინ ძალღი ნებივრობდა, ხოლო გარეთ კარნიზებზე მქროლავი ქარის ზუზუნი ისმოდა. აქ სახლის ტკბილი შეგრძნება სუფევდა, თითქოს აქაურობა მეგობრების თავშეყრის ადგილად ქცეულიყო, თითქოს ოჯახის წევრები დილა მშვიდობისას და ღამე მშვიდობისას უსურვებდნენ ერთმანეთს, გზის იქით მეზობლის სილუეტი მოჩანდა, ხოლო შორიდან ეკლესიის ზარების რეკვა ისმოდა.

ბლენი სინანულით მოსცილდა ამ სანუკვარ ადგილს და ხალხს მიუბრუნდა.

ახლა იმ პლანეტის კოორდინატები ჩაინერეთ, სადაც გაემგზავრებით, — მოახსენა მათ.

კოორდინატები გადასცა, თან მეორეჯერ გაიმეორა, რაიმე შეცდომა რომ აეცილებინა თავიდან.

აი ასე უნდა გააკეთოთ.

ბლეინმა უცხო პლანეტის საზარელი, არამიწიერი სურათი გამოიხმო და მათ დასანახად გამოფინა, რომ შეჩვეოდნენ, შემდეგ თანდათანობით გააცნო მისი პრინციპი და ლოგიკა, თუმცა ამის საჭიროებას ვერ ხედავდა, რადგან ამ ცოდნის არსის გასაგებად თვალის შეველებაც საკმარისი იყო, რომ პრინციპი და ლოგიკა ნათელი გამხდარიყო.

შემდეგ კიდევ ერთხელ გაიმეორა, გაუგებრობა რომ არ მომხდარიყო.

ხალხი იმდენად შეძრა იქ ნახახმა, რომ უკან დაიხია, მხოლოდ ანიტა დარჩა მის გვერდით.

გაოგნებულები მიშტერებოდნენ ბლეინს.

რა მოხდა? — ჰკითხა ანიტას.

ანიტამ მხრები აიჩიჩა, — რა საშინელებაა.

ბუნებრივია, საშინელებაა. ამაზე უარესიც მინახავს.

რა თქმა უნდა, სწორედ იმაში იყო საქმე, რომ მას უარესიც უნახავს, ამ ხალხს კი მთელი ცხოვრება დედამიწაზე აქვს გატარებული და დედამიწის გარდა, სხვაგან არც ყოფილა. ისინი არასოდეს გადაყრიან არამიწიერ ცნებებს. ის სამყარო, რომელიც მათ ბლეინმა გადაუშალა, მათთვის უცხო იყო, თუმცა არც თუ ისე საზარელი. უცხო პლანეტებზე იმდენი ამაზრზენი რამე არსებობდა, რომ თმა ყალყზე დაგიდგებოდათ. ეს ცნებები დედამიწისთვის იყო მიუღებელი, იმ პლანეტისთვის კი, სადაც ისინი არსებობდნენ, სავსებით ნორმალური და ბუნებრივი ჩანდა.

გამოიყენებენ ამ ცოდნას? — იკითხა ბლეინმა.

გავიგე თქვენი ლაპარაკი, — ჩაერთო გრძელსახიანი ქალი, — მართალია, ამაზრზენია, მაგრამ მაინც გამოვიყენებთ. სხვა გზა მაინც არ გვაქვს.

შეგიძლიათ აქ დარჩეთ.

გამოვიყენებთ, — გაიმეორა ქალმა.

და სხვასაც გადასცემთ ამ ცოდნას?

ყველანაირად ვეცდებით.

ხალხი იშლებოდა. ისინი დაბნეულები და შეძრწუნებულები იქვნენ, თითქოს ვიღაცის მიერ მოყოლილი ბინძური ანეკდოტი მოისმინეს საეკლესიო შეკრებაზე.

შენ რას იტყვი? — ჰკითხა ანიტას.

ანიტა ნელა მოტრიალდა, მისთვის თვალი რომ გაესწორებინა: სწორად მოიქეცი, შეპ. სხვანაირად ვერც მოიქცოდი. რა იცოდი, როგორ მიიღებდნენ ამას?

მართალია, არ ვიცოდი. იმდენი ხანია, უცხო სამყაროებს ვეკონტაქტები, რომ მეც უცხოდ ვიქეცი. მე ნახევრად ადამიანი ვარ...

ჩუმად, — გააჩუმა ანიტამ, — ვიცი, ვინც ხარ.

დარწმუნებული ხარ, რომ იცი, ანიტა?

აბსოლუტურად, — უპასუხა მან.

ბლენმა ნუთით მაგრად ჩაიხუტა ანიტა, შემდეგ ხელი გაუშვა და თვალეში ჩახედა. მისი ღიმილის უკან ცრემლები იმალებოდა.

"უნდა ნავიდე, — უთხრა მან, — კიდევ ერთი რამ დამრჩა გასაკეთებელი."

"ლამბერტ ფინი?"

ბლენმა თავი დაუქნია.

"არა, — იყვირა ანიტამ, — არ გინდა!"

"იმას არ ვაპირებ, შენ რაც გაიფიქრე, — დაამშვიდა ბლენმა, — თუმცა, ღმერთია მოწამე, სიამოვნებით გავაკეთებდი ამას. სიამოვნებით მოვუღებდი ბოლოს. ამ ბოლო ნუთამდე სწორედ მაგის გაკეთებას ვაპირებდი."

"ძალიან სახიფათოა იქ დაბრუნება."

"არ ვიცი, ვნახოთ. შევეცდები, ცოტა დრო მოვიგო. ჩემ გარდა ამას ვერავინ შეძლებს. ფინს ეშინია ჩემი."

"მანქანა არ დაგჭირდება?"

"თუ მიშოვნი, კარგს იზამ."

"ჩვენ ალბათ შეღამებისას გავალთ. მობრუნდები მანამდე?"

"არ ვიცი," — უპასუხა ბლენმა.


“ხომ წამოხვალ ჩვენთან ერთად? ხომ გაგვიძღვები?”

“არ ვიცი, ანიტა, ვერ შეგპირდები. ნუ მაიძულებ, რომ შეგპირდე.”

“წასული რომ დაგვხვდე, ხომ გამოგვედევნები?”

ბლენს პასუხი არ გაუცია, მხოლოდ თავი გააქნია.

არ იცოდა, რა ეპასუხა.



სასტუმროს ფოიე თითქმის ცარიელი იყო, ირგვლივ სიჩუმე სუფევდა. ერთი კაცი სავარძელში იჯდა და თვლემდა, მეორე გაზეთს კითხულობდა. დახლის უკან კლერკი იდგა, მონყენილი სახით იყურებოდა ფანჯარაში და დაბნეული ატკაცუნებდა თითებს.

ბლეინმა ფოიე გაიარა და ვინრო დერეფანს დაუყვა კიბისკენ. ლიფტის ოპერატორი ღია კართან იდგა.

"ლიფტი, სერ?" — თავაზიანად შესთავაზა კაცმა.

"არა, გმადლობთ, — უპასუხა ბლეინმა, — ერთი სართული მაქვს ასავლელი."

ბლეინმა ლიფტს აუარა გვერდი და კიბეს აუყვა. გრძნობდა, როგორ ეძაბებოდა ძარღვები და ნერვიული ჟრუანტელი უვლიდა მთელ ტანში. ვინ იცის, შეიძლება აქედან ცოცხალიც ვერ გასულიყო.

მაგრამ მაინც უნდა გაერისკა.

კიბეზე დაგებული ხალიჩა მის ფეხის ხმას ახშობდა. ბლეინმა უხმაუროდ აიარა კიბე. სიჩუმეს მხოლოდ ნერვიული სტვენა არღვევდა, მის სუნთქვას რომ მოჰყვებოდა.

მეორე სართულზე არაფერი შეეცვალათ. დაცვა ისევ სავარძელში იჯდა და საზურგეთი კედელს მიყრდნობოდა.

მისკენ მიმავალი ბლენი რომ შენიშნა, წინ წამოიწია და სკამი გაასწორა, ისე, რომ არ ამდგარა.

"ახლა ვერ შეგიშვებ, — გადაეღობა ბლენის დაცვა, — ყველა დაითხოვა. ასე თქვა, უნდა დავისვენოო."

ბლენმა თანაგრძნობით დაუკრა თავი.

"ჰო, მძიმე დღეები აქვს."

"სიმართლე გითხრა, ჯერ არ მინახავს ასეთი სასონარკვეთილი ადამიანი, — კონფიდენციალურად გაანდო დაცვამ, — როგორ გგონია, ვისი ნამოქმედარია?"

"ისევ ის წყუული მაგია იქნებოდა."

დაცვამ მრავლისმეტყველად დაუქნია თავი: "მართალია, სანამ ეს მოხდებოდა, მანამდეც უცნაურად გამოიყურებოდა. შენს მოსვლამდე ყველაფერი კარგად მიდიოდა, რომ წახვედი, რაღაც შეიცვალა, თითქოს ფინი გამოცვალესო, სულ სხვა ადამიანად იქცა."

"მე ვერანაირი ცვლილება ვერ შევამჩნიე."

"ხომ გითხარი, შენ რომ ნახე, კარგად იყო. ოთახიდან რომ გამოვიდა, მაშინაც ჩვეულებრივად გრძნობდა თავს. დაახლოებით ერთ საათში შევიხედე და რას ვხედავ, ზის სავარძელში და უაზროდ მიშტერებია კარს, თითქოს ძლიერ შინაგან ტკივილს შეეპყრო. ვერც გაიგო, როგორ შევედი. სანამ არ დაველაპარაკე, ვერ მიხვდა, რომ იქ ვიყავი."

"ალბათ რაღაცაზე ფიქრობდა."

"შეიძლება. გუშინდელი დღე განსაკუთრებით საშინელი იყო. ქვეყნის ხალხი შეიკრიბა მისი ქადაგების მოსასმენად, მათ შორის რეპორტიორებიც. ყველანი იმ სადგომისკენ გაემართნენ, სადაც ვარსკვლავური მანქანა ინახებოდა..."

"აქ არ ვიყავი მაგ დროს, მაგრამ გავიგე, რაც მოხდა, — შეანყვეტინა ბლენმა, — ალბათ მისთვის დარტყმა იქნებოდა."

"მე მეგონა, ადგილზევე დაეცემოდა უსულოდ, — თქვა დაცვამ, — სახე სულ აუჭარხლდა..."

"მოდით, რა ვქნათ, იცი? — შესთავაზა ბლენმა, —

შევიხედავ, თუ სძინავს, აღარ შევანუხებ, თუ არა და ერთ ორ სიტყვას ვეტყვი და მალევე წავალ. ძალიან მნიშვნელოვანი საქმე მაქვს."

"კარგი, შეიძლება დათმობაზეც წასვლა, რადგან მეგობრები ხართ."

ეს ალბათ ამ ფანტასტიკური ამბის მეტად უეცარი შემობრუნება გახლდათ. ფინს სიტყვაც არ დაუძრავს მის შესახებ, მისი სახელის ხსენებაც ვერ გაებედა. ყველას ისე მოაჩვენა თავი, თითქოს ბლენინი მისი ძველი მეგობარი იყო. ეს, პირველ რიგში, ფინს ანყობდა. აი თურმე რატომ არ გამოცხადდა მასზე დევნა. ახლა მიხვდა, რატომაც გადაურჩა ჰამილტონი ჩხრეკასა და რეიდებს.

ეს სასიამოვნო სიურპრიზია თუ ხაფანგი, კაცმა არ იცის. ბლენინს მოულოდნელად კუნთები დაეძაბა, მაგრამ საკუთარი თავი აიძულა, დამშვიდებულიყო.

დაცვა სკამიდან წამოდგა და გასაღებებს დაუნყო ძებნა. "მოიცა, — შეაჩერა ბლენინმა, — ჩემი გაჩხრეკა დაგავიწყდა."

დაცვას ჩაეცინა: "არ არის საჭირო. ხომ გაიარე უკვე ჩხრეკა, სუფთა იყავი. შენ და ფინი იმ დღეს აქედან ხელიხელჩაკიდებულები გახვედით. ფინმა მითხრა, რომ მისი დიდი ხნის უნახავი მეგობარი იყავი."

გასაღები იპოვა და კარი გააღო. "ჯერ მე შევალ, — თქვა მან, — ვნახავ, სძინავს თუ არა." კაცმა ფრთხილად გააღო კარი და ზღურბლს გადააბიჯა. ბლენინი უკან მიჰყვებოდა.

ისე მოულოდნელად გაჩერდა, რომ ბლენინი კინლამ შეასკდა.

დაცვა მეტად უცნაურ და გაურკვეველ ხმებს გამოსცემდა. ბლენინმა ხელის მოსმით უხეშად მოიშორა გზიდან.

ფინი იატაკზე იწვა. უცნაური პოზა ჰქონდა მიღებული. არაბუნებრივად მოკაკული სხეული თითქოს რაღაც

არაადამიანურ ძალას გადაეგრიხა. იატაკზე დამხობილი ფინის სახეზე იმ ადამიანის გამომეტყველება აღბეჭდილიყო, რომელსაც ჯოჯოხეთის ქარცეცხლი გამოეარა და მარადიულ კუპრში მოთუხთუხე ცოდვილების მყრალი სუნი შეეგრძნო. მისი შავი სამოსი არასასიამოვნოდ ლაპლაპებდა სხეულთან ახლოს მდგარი მაგიდის ლამპის შუქზე. ხალიჩაზე მის თავსა და მკერდთან ახლოს მუქი ლაქა მოჩანდა. ფინს ყელი ჰქონდა გამოჭრილი. ამ საშინელმა სანახაობამ თავზარი დასცა ბლეინსა და მცველს.

დაცვას სუნთქვა შეეკრა. ის ისევ ზღურბლთან იდგა გაშეშებული და ადგილიდან ვერ დაძრულიყო.

ბლეინი ფინს მიუახლოვდა და მის გაშლილ ხელში სიკვდილის გამომწვევი იარაღი შენიშნა — ძველებური, ბასრი სამართებელი, რომლისთვის მუზეუმის თაროზე უნდა მიეჩინათ ადგილი და არა სახლში.

მორჩა, ეს უკანასკნელი იმედიც გადაეწურა. ფინი ცოცხალი აღარ იყო და, ცხადია, ველარავის მოელაპარაკებოდა.

ფინი ცხოვრების ბოლომდე სასტიკი და უდრეკი ადამიანის როლს ასრულებდა, რომელმაც საკუთარი თავიც არ დაინდო და სიცოცხლის ხელყოფის მეტად საშინელი გზა აირჩია.

და მაინც, — ფიქრობდა საზარელი წითელი ჭრილის შემხედვარე ბლეინი, — რა ძალამ აიძულა, ასეთი სისასტიკით დაესვა სამართებელი საკუთარ სხეულზე.

ამას მხოლოდ სიძულვილით დაბრმავებული და ზიზლით შეპყრობილი ადამიანი შეძლებდა, ადამიანი, რომელსაც სძულდა საკუთარი სახეშეცვლილი თავი.

მისმა სტერილურმა და რაფინირებულმა გონებამ ვერ აიტანა უცხო პლანეტის გონი და საკუთარი სიცოცხლის ხელყოფისკენ უბიძგა. იდეალური სამყაროს შექმნის იდეით შეპყრობილმა, სასტიკი წესრიგის მოყვარულმა ფანატისკოსმა ვერ მიიღო უცხო გონების ამოუხსნელი და იდუმალი ფენომენი.

ბლენი შემობრუნდა და ოთახიდან გავიდა. დერეფნის კუთხეში გადაყუდებულ დაცვას გული ერეოდა.

“შენ აქ დარჩი, — ურჩია ბლენიმა, — მე წავალ, პოლიციას გამოვიძახებ.”

დაცვამ ნიკაპი მოინმინდა და შიშით აღსავსე თვალები მიაპყრო ბლენის.

“ღმერთო ჩემო, — აღმოხდა მას, — ცხოვრებაში მსგავსი საშინელება არ მინახავს.”

“აქ იჯექი, — უბრძანა ბლენიმა, — დამშვიდდი. მალე დავბრუნდები.”

რა თქმა უნდა, აღარ დაბრუნდებოდა. სწორედ ახლა ჰქონდა გაქცევის შანსი. ცოტა დრო სჭირდებოდა და ეს დროც ჰქონდა. შეძრწუნებული დაცვა კარგა ხანს გონს ვერ მოეგებოდა.”

მაგრამ, როგორც კი მომხდარის შესახებ ხმა გავრცელდებოდა, მაშინვე ერთი ამბავი ატყდებოდა.

ამ ღამეს თუ ვინმე პარაკინეტიკოსი ჩაუვარდებოდათ ხელში, კარგ დღეს ნამდვილად არ დააყრიდნენ.

ბლენიმა სწრაფად ჩაიარა კორიდორი და კიბე ჩაირბინა. ფოიე გაიარა და გასასვლელს ისე მიაღწია, არავინ შეხვედრია.

სახელურისთვის უნდა მოეწლო ხელი, რომ უცბად კარი გაიღო და ვიღაცა სწრაფი ნაბიჯით გამოემართა მისკენ.

იატაკზე ქალის ხელჩანთა დავარდა და ბლენიმა ხელის მკვეთრი მოძრაობით შეაჩერა შემოსული ქალი.

*ჰარიეტი! გაეცალე აქაურობას! მოშორდი!
ჩემი ჩანთა!*

ბლენი დაიხარა, ჩანთა რომ აეღო. უცბად შესაკრავი გაიხსნა და რაღაც შავი ფერის მძიმე საგანი დაეცა იატაკზე. ხელი მოავლო მას და მუშტში დამალა.

ჰარიეტი შეტრიალდა და კარიდან გასვლა დააპირა. ბლენი დაედევნა, ხელი მკლავზე წაავლო და თავისი მანქანისკენ წაიყვანა.

მანქანას რომ მიუახლოვდა, დაიხარა, კარი გააღო, ჰარიეტს ხელი უბიძგა და მანქანაში ჩასვა.

შეუ, ჩემი მანქანა აქვეა კუთხეში გაჩერებული...

მაგის დრო არ არის. აქაურობას უნდა მოვშორდეთ.

ბლენმა მანქანას შემოუარა და საჭესთან დაჯდა. მანქანა დაძრა, ტროტუარიდან გზაზე გადაიყვანა, კვარტალი ჩაიარა და გზაჯვარედინიდან მაგისტრალზე გადაუხვია. ცდილობდა, სიჩქარისთვის მოემატებინა, მაგრამ მაინც იმაზე უფრო ნელა მოძრაობდა, ვიდრე უნდოდა.

მათ წინ დამწვარი ფაქტორიის კარკასი იდგა.

ჩანთა ისევ ბლენს ედო კალთაში.

"რად გინდოდა იარაღი?" — ჰკითხა მან ჰარიეტს და ჩანთა მიანოდა.

"ფინის მოკვლა მინდოდა, — იყვირა ჰარიეტმა, — მინდოდა, მისთვის შუბლი გამეხვრიტა."

"ალარ არის საჭირო. უკვე მკვდარია."

ჰარიეტი სწრაფად მიბრუნდა მისკენ.

"შენ მოკალი?"

"შეიძლება ითქვას, რომ მე მოვკალი."

"როგორ? შენ მოკალი თუ არა?"

"კარგი, მე მოვკალი."

ეს სრული სიმართლე გახლდათ. არა აქვს მნიშვნელობა, უშუალოდ ვისი ხელით მოკვდა ფინი, მისი სიკვდილის მიზეზი შეპარდ ბლენი იყო.

"მე მქონდა მისი მოკვლის მიზეზი. შენ?"

"ფინმა გოდფრი მოკლა. განა ეს საკმარისი მიზეზი არ არის?"

"გოდფრი გიყვარდა, არა?"

"ალბათ კი. არ იცი, რა კარგი ადამიანი იყო, შეუ."

"მშვენივრად ვიცი, რომ კარგი კაცი იყო. ფიშპუკში საუკეთესო მეგობრები ვიყავით."

"ცუდად ვარ, შეუ. იცი, როგორ მწყდება გული?"

"იმ ღამეს..."

"მაშინ არ იყო ცრემლების ღვრის დრო. სიმართლე გითხრა, ცრემლებისთვის არასდროს მრჩება დრო."

"შენ იცოდი ამის შესახებ."

"დიდი ხანია, ყველაფერი ვიცი. ეს ჩემი საქმეა — ყველაფერი ვიცოდე."

ბლენი ტრასაზე გავიდა და ჰამილტონისკენ გაუხვია. მზე უკვე ჩასულიყო. დედამინას ბინდი გადაკვროდა, ცაზე, დასავლეთით, პრერიის თავზე ერთადერთი ვარსკვლავი კრთოდა.

"ახლა რას აპირებ?" — ჰკითხა ბლენმა.

"ახლა თითქმის მთელი მასალა მაქვს შეგროვებული."

"გინდა, დანერო ამის შესახებ? დაგიბეჭდავენ?"

"არ ვიცი, — უპასუხა ჰარიეტმა, — მაგრამ აუცილებლად უნდა დავნერო. შენ ხომ იცი, რომ სხვანაირად არ შემიძლია. ნიუ-იორკში ვარ წასასვლელი."

"ნიუ-იორკში კი არა, ფიშპუკში მიდიხარ, ოლონდ მანქანით არა, თვითმფრინავით, უახლოესი აეროპორტიდან..."

"შეპ..."

"აქ ძალიან სახიფათოა დარჩენა, — გააფრთხილა ბლენმა, — საფრთხისგან მცირედი, ჩვეულებრივი პარანორმალური შესაძლებლობებით დაჯილდოებული ადამიანებიც არ არიან დაცული."

"შეპ, არ შემიძლია..."

"მისმინე, ჰარიეტ. ფინი ყველა ნმინდანთა დღეს პარანორმალურების მასობრივ გამოსვლებს გეგმავდა. ეს კონტრდაზვერვის ერთგვარი მანევრია. დანარჩენმა პარანორმალურებმა, ეს განზრახვა რომ შეიტყვეს, მათი შეჩერება სცადეს. რალაც ნაწილი შეაჩერეს, მაგრამ არავინ იცის, რამხელა ნაწილი. დღეს ალბათ სერიოზული არეულობა მოხდება. ფინი ამ ამბოხებას ადამიანთა შორის შეუწყნარებლობის გასაღვივებლად და მკაცრი საკანონმდებლო სისტემის შემოსაღებად გამოიყენებდა. რა თქმა უნდა, ამ გამოსვლებს შეიძლება მსხვერპლიც

მოჰყოლოდა, მაგრამ ეს ფინის უშუალო გეგმებში არ შედიოდა. ახლა, როცა ფინი მკვდარია..."

ჰარიეტმა ღრმად ჩაისუნთქა: "გაგვანადგურებენ."


"ყველანაირად ეცდებიან, მაგრამ გამოსავალი არის..." — დაამშვიდა ბლეინმა.

"იცოდი და მაინც მოკალი ფინი!"

"მისმინე, ჰარიეტ, ამას მკვლელობას ვერ დაარქმევ. ფინთან მოლაპარაკება მინდოდა. ერთი მეთოდი აღმოვაჩინე, რომელიც დედამიწიდან პარანორმალურების გაყვანაში დამეხმარებოდა. მინდოდა, მასთან პირობა დამედო, რომ ყველა პარანორმალურს გზიდან ჩამოვაცილებდი, თუ ერთი ორი კვირით მაინც დააკავებდა თავის გამძვინვარებულ მხეცებს..."

"შენ ხომ თქვი, რომ მოკალი."

"შეიძლება ასეც ითქვას. მე მგონი ჯობია, ყველაფერი დანვრილებით ავიხსნა. საგაზეთო სტატიისთვის გამოგადგება."



ჰამილტონი სიჩუმისა და სიცარიელის ბურუსში გახვეულიყო.

ბლენმა მოედანზე შემოუხვია, მანქანა გააჩერა და გადმოვიდა.

ჩაბნელებულ ქალაქში შორიდან მდინარის საამური ხმა მოდიოდა.

“ნასულან,” — თქვა ჰარიეტმა, მანქანიდან გადმოვიდა და ბლენს მიუახლოვდა.

“აბა, შენ იცი, მეგობარო, — შეუძახა მან, — გზას დაადექი.”

ბლენმა თავი გააქნია.

“უნდა ნახვიდე, აუცილებლად უნდა გაჰყვე მათ. შენი ადგილი იქაა, პარანორმალურებთან.”

“შეიძლება, ერთ მშვენიერ დღეს კიდევ წავიდე, მაგრამ ახლა — არა. აქ, დედამიწაზე, ბევრი რამ დამრჩა გასაკეთებელი. უამრავი პარანორმალური ადამიანია, რომელიც შიშით კრთის და სამალაგებიდან გამოსვლას ვერ ბედავს. უნდა მოვძებნო და გადავარჩინო, რამდენადაც მოვახერხებ.”

“აქ თუ დარჩი, მოგკლავენ. დამიჯერე, ვერაფრის გაკეთებას ვერ მოასწრებ. ფინის ხალხი არ მოისვენებს, შენ მათთვის განსაკუთრებული სამიზნე გახდები...”

“თუ ძალიან შემავინროვეს, წავალ, აბა რას ვიზამ. გმირი კი არა, სინამდვილეში მაგარი მშიშარა ვარ.”

“მპირდები?”

“გპირდები, რა თქმა უნდა. შენ კიდევ ფიშპუკში უნდა დაბრუნდე, იქ უსაფრთხოდ იქნები. აქედან პირდაპირ პიერის აეროპორტში წადი.”

ჰარიეტი მანქანისკენ მიბრუნდა, ჩასაჯდომად მოემზადა, მაგრამ გადაიფიქრა და ბლენის მიუბრუნდა.

“ალბათ მანქანა დაგჭირდება.”

ბლენს ჩაეცინა: “ქალაქი სავსეა მანქანებით. თუ დამჭირდა, ნებისმიერს წავიყვან.”

ჰარიეტი საჭესთან დაჯდა და მობრუნდა, ბლენს რომ დამშვიდობებოდა.

“რა უნდა გკითხო, — მიმართა ბლენმა, — მითხარი, რა მოხდა მაშინ, სანამ მე ფარდულში ვიყავი, სად დაიკარგე?”

ჰარიეტმა გაეცინა: “რენდი რომ გამოჩნდა, გადავწყვიტე, იქაურობას გავცლოდი და ვინმესთვის დახმარება მეთხოვა. პიერში ვაპირებდი დარეკვას, იქ ერთი ორი კაცი მეგულეობდა, ვინც ჩვენს დახმარებას შეძლებდა.”

“მერე?”

“გზაში პოლიციამ დამაკავა. მთელი ღამე განყოფილებაში მაყურყუტეს, დილით გამომიშვეს.”

“ყოჩალი გოგო ხარ,” — შეაქო ბლენმა და უცბად სუსტი გუგუნის ხმა შემოესმა, რომელიც შორიდან მოდიოდა.

ბლენმა სმენა დაძაბა. ხმა თანდათან ძლიერდებოდა. ეს მოახლოებული მანქანების ხმას ჰგავდა.

“იჩქარე, — შესძახა მან, — ფარები არ აანთო, მთას დაუყვი და ჩრდილოეთით ტრასაზე გახვალ.”

“რა დაგემართა, შეკ?”

“მანქანების ხმა მესმის. ალბათ პოლიციაა. ფინის სიკვდილის ამბავი გავრცელდებოდა.”

“შეპ, შენ რას იზამ?”

“ჩემზე ნუ დარდობ. წადი.”

ჰარიეტმა ძრავა ჩართო.

“შევხედებით,” — უთხრა ჰარიეტმა.

“დროს ნუ კარგავ, ჰარიეტ! იჩქარე! დიდი მადლობა ყველაფრისთვის. შარლინი მომიკითხე.”

“კარგად იყავი, შეპ,” — დაემშვიდობა ჰარიეტი და მანქანა მთებში მიმავალი ქუჩისკენ მიატრიალა.

ყველაფერი კარგად იქნება, — გაიფიქრა ბლეინმა — ქალი, რომელმაც ფიშპუკის ციცაბო კლდეებს დააღწია თავი, ამ მთებსაც ადვილად გაართმევს თავს.

“კარგად იყავი, ჰარიეტ, და შარლინი მომიკითხე.”

ნეტა რატომ უთხრა ეს? ალბათ იმიტომ, რომ წარსულთან დამშვიდობება, ხელის ჩამორთმევა უნდოდა. თუმცა ფიშპუკისთვის წარსული არ არსებობდა. შარლინი ძველებურად გააგრძელებდა საღამოების მოწყობას, სადაც ისევ უცნაური ხალხი მოიყრიდა თავს დაუპატიჟებლად. ფიშპუკი უკვე წარსულის აჩრდილად იქცა და ეს ყველაფერი ისე უცბად მოხდა, რომ თავადაც აზრზე ვერ მოსულიყო, თუმცა ძველებური ბრწყინვალეობა და ელფერი მაინც არ დაეკარგა. დასანანია, რომ ფიშპუკი წარსულს ჩაბარდა, ის კაცობრიობის ისტორიაში ერთ-ერთი ყველაზე საინტერესო და მნიშვნელოვანი მოვლენა გახლდათ.

ბლეინი მოედანზე იდგა და მოახლოებული მანქანების გრუხუნს უგდებდა ყურს. შორს, დასავლეთით, მათი მრგვალი ფარების შუქი გამოჩნდა. მდინარიდან გრილი ნიავი წამოიშალა და შარვლის ტოტებსა და სახელოებზე გადაეკრა.

ყველგან ასე იქნება, — გაიფიქრა ბლეინმა. დღეს საღამოს მანქანების გუგუნე არ შეწყდება, ქალაქს გამძვინვარებული ბრბოს ღმუილი გააყრუებს, ხალხი თავქუდმოგლეჯილი მიაშურებს სამალავებს.

ბლეინმა პიჯაკის ჯიბეში ჩაიყო ხელი და რევოლვერი მოსინჯა, ჰარიეტს რომ გადმოუვარდა ჩანთიდან. ხელი ტარს ჩასჭიდა მაგრად, თუმცა იცოდა, რომ ძალადობით მათთან ვერაფერს გახდებოდა.

ამ ხალხის იზოლირება მათ წინააღმდეგ ბრძოლის უფრო ეფექტურ მეთოდს წარმოაგენდა, ვიდრე ძალის გამოყენება. დაე, იზეიმოს უნიჭობამ და უგუნურობამ, მიიღონ ის, რაც უნდათ — აბსოლუტურად ნორმალური ადამიანებისგან შემდგარი პლანეტა, სადაც ხალხი უაზრო, პრიმიტიული ცხოვრებით იცხოვრებს, ვერასოდეს ეზიარება სხვა პლანეტებს, ვერასოდეს ეწვევა უცხო ვარსკვლავებს და მთელ თავის ცხოვრებას სავარძელს მიჭაჯვული გაატარებს და წარმოდგენაც არ ექნება, რომ მისი პლანეტის გარდა არსებობენ სხვა, უფრო მრავალფეროვანი, სამყაროები.

სულ რაღაც ას წელიწადში, კადრების ნაკლებობისა და გარე რეზერვის არარსებობის გამო, ფიშპუკის პოზიციები სერიოზულად შეირყეოდა, მეორე ას წელიწადში კი მთლიანად გასწორდებოდა მიწასთან.

თუმცა ასი წლის შემდეგ ამას უკვე არავითარი მნიშვნელობა აღარ ექნება, რადგან იმ დროისთვის ადამიანთა მოდგმა სხვა პლანეტებზე გადასახლდება და ისეთი ცხოვრებისა და ცივილიზაციის შენებას დაიწყებს, რომელიც დედამიწაზე არ დასცალდა.

ბლეინმა მოედანი გადაჭრა და მთებისკენ გაემართა. ქალაქი მანამ უნდა დაეტოვებინა, სანამ მანქანები იქ აღმოჩნდებოდნენ.

ბლეინი ისევ მარტო იდგა ცხოვრების გზაზე, მაგრამ ისე მარტოსულად აღარ გრძნობდა თავს, როგორც უნინ, ახლა მას უკვე მიზანი ჰქონდა. მიზანი, — გაიფიქრა ბლეინმა და სიამაყით აივსო, — რომელიც თვითონვე დაუსახა საკუთარ თავს.

მხრები გამართა და, გამჭოლი ქარის მიუხედავად, ნაბიჯს

აუჩქარა. ერთი წამიც არ უნდა დაეკარგა. კიდევ ბევრი რამ რჩებოდა გასაკეთებელი.

მარცხნივ, ხეების ჩრდილში, რალაცამ გაიფაჩუნა და ბლენინი, როგორც კი რალაც მოძრაობა შენიშნა, მკვეთრად მიტრიალდა.

მას ვილაც უახლოვდებოდა, ნელი და გაუბედავი ნაბიჯებით.

“შეკ?”

“ანიტა! — შესძახა ბლენინმა, — ჩემი სულელი გოგო, ანიტა!”

ანიტა სიბნელიდან გამოიჭრა და წამში მის მკლავებში აღმოჩნდა.

“შენ გარეშე ვერ წავიდოდი. ვიცოდი, რომ აუცილებლად დაბრუნდებოდი.”

ბლენინმა მთელი ძალით მოხვია ხელი, დაიხარა და აკოცა. არ არსებობდა არავითარი ძალა დედამიწის ზურგზე, რომელსაც მათი დაცილება შეეძლო. წამით ყველაფერი შეჩერდა, ყველაფერი გაქრა, არაფერი ისმოდა, გარდა მათი სისხლის ჩქროლვისა და მთებიდან წამოსული ნიავის შრიალისა, არაფერი იგრძნობოდა, იასამნის ნაზი სურნელებისა და ვარსკვლავების ციმციმის გარდა. იყვნენ მხოლოდ ისინი.

და კიდევ შორიდან მოახლოებული მანქანების გრუხუნი ისმოდა.

ბლენინმა ანიტას მკლავებს დააღწია თავი და შესძახა: “გავიქცეთ, ანიტა! სწრაფად!”

“ქარივით,” — გამოეხმაურა ანიტა.

და ისინი ქარის უსწრაფესად გაიქცნენ.

“მთებისკენ წავიდეთ, — ურჩია ანიტამ, — იქ მანქანა მყავს გადამალული. როგორც კი შებნელდა, მაშინვე ავიყვანე.”

ნახევარი გზა რომ განვლეს, შეჩერდნენ და უკან მოიხედეს. ბნელი ქალაქი ცეცხლის პირველ ალს მოეცვა და დაბლობიდან უძლური მძვინვარების კივილი ისმოდა.

ცეცხლსასროლი იარაღის ყრუ ხმას ქარი აპობდა.

"ჩრდილებს ესვრიან, — თქვა ანიტამ, — იქ აღარავინ არის, კატები და ძაღლებიც აღარ დარჩნენ, ბავშვებმა თან წაიყვანეს."

ბლენს ეჭვი არ ეპარებოდა, რომ ბევრ სხვა ქალაქში ჩრდილებზე უფრო კონკრეტულ სამიზნეებს მონახავდნენ. ცეცხლის ალი ავარდებოდა და დენტის სუნი დატრიალდებოდა, ხეებზე თოკის ყულფები ჩამოეკონწიალებოდა და ჰაერში გასისხლიანებული დანები გაიფრებოდა. არემარეს მთებიდან წამოსული შემადრწუნებელი ყმუილისა და სწრაფი ნაბიჯების ხმა გააყრუებდა, განათებულ ცას შავი სილუეტები გადაურბენდა.

"ანიტა, მითხარი, მაქციები ნადვილად არსებობენ?"

"როგორ არ არსებობენ, ვერ ხედავ, დაბლობი მაქციებით არის სავსე?"

ეს სრული სიმართლე გახლდათ. ისინი მართლაც რომ ამ ქვეყნის მაქციები იყვნენ, შავბნელი გონებითა და დაბინდული აზროვნებით დაჯილდოებული, მდაბალი მიზნებით შეპყრობილი ურჩხულები.

ანიტამ და ბლენმა ქალაქს ზურგი შეაქციეს და გზა განაგრძეს.

უკან სიძულვილისა და ბიზროტების მძვინვარე ტალღა ჩამოიტოვეს და სიკეთისა და იმედის ვარსკვლავით გასხივოსნებული მომავლისკენ გასწიეს.